

Валентин РАСПУТИН

ОМОН БҮЛСАНГ, УНУТМА

1

Үрушнинг сўнгги йили — қирқ бешинчи йилнинг қиши бу томонларда юмшоқроқ келса ҳам, аммо бари бир, чилла совуғи, одатдагидек, ҳақини қўймади, қирқ дара жадан ошиб кетди. Даражат шохларида бир ҳафтадан бери ёпишиб ётган булдуруқ эриди-ю, ўрмон батамом карахт бўлиб қолди, ердаги қор гозини йўқотиб, салга гарчиллар, уқаланиб кетар, эрталаблари чирсиллаб турган совуқ ҳавода нафас олиш қийин бўларди. Кейин ҳаво бир оз шаштидан қайтди, шундан сўнг яна бир марта юмшади, натижада сайхонликлардаги қор бети юиқа муз бойлаб, эрта қотиб қолди.

Шу совуқ кунларда Гусъковларнинг Ангара ёқасига туаш томорқаси этагидаги мўрчадан нарса йўқолди: Михеичнинг қулинг ўргилсин қадимий, дурадгорликка ишлатадиган болтаси гойиб бўлди. Одатда бирон нарсанни бегона кўздан яшириб қўйиш лозим бўлса, мўрча тоши ёнидаги қоқилмаган пол тахтаси тагига тиқиб қўйишарди, кекса Гусъков куни кечаки тамаки туя туриб, болтани ўша ерга тиқиб қўйганини аниқ эсларди. Эртасига бориб қарасаки, болта йўқ, қидирмаган жойи қолмади — ерга кирдими, осмонга учдими, хуллас, болта гойиб бўлганди. Шу баҳонада Михеич мўрчани остин-устин қилиб, болтадан бошқа нарсалар ҳам йўқолганини пайқади: кимдир бу ерни билганича титиб, токчага босиб қўйилган қўлбола тамакининг ярмини, даҳлиздаги эски чангини ҳам ола кетибди. Шундан кейин кекса Гусъков ўгри бу ерлик эмаслигини, болтасини қайтиб кўрмаслигини тушуниб етди. Чунки ўгри ўз қишлоғидан бўлганда, ҳеч қачон чангини олиб кетмасди.

Настена мўрчадан буюм йўқолганини кечқурун, ишдан қайтиб келганидан кейингина билди. Михеич кун бўйи ўзини қўярга жой тополмай юрди: уруш пайти бунақа болтани топиб бўларканми? Йўқ, сираям тополмайди энди. Аттанг, ўзиям енгилгина, ўткир, худди ўйинчоқдек болта эди-да, шундоққина қўлга тушарди-қўярди. Настена қайнотасининг оҳ-воҳини эшитаркан, ҳорғинлик билан аллақандай бир парча темир деб шунчалик ку-йиб-пишишнинг нима ҳожати бор, ахир бусиз ҳам дунё анчадан бери алғов-далғов бўлиб ётибди-ку, деб ўйлади. Фақатгина Настена ўринда аъзои бадани хиёл сирқираб ётаркан, миясига лоп этиб бир фикр келди-ю, юраги ҳаприқиб кетди: ҳа-я, пол остига қарашибегона одамнинг эсига қаёқдан келиб қолдийкин? Ногаҳон миясига келган бу фикрдан Настенанинг нафаси бўғилиб, уйқуси ўчиб кетди ва қоронгиликда узоқ вақт мижжа қоқмай ётди. У даҳшатли гумонини битта-яримта сезиб қолишидан ҳадиксирагандай, қимиirlашга ҳам қўрқар ва бу фикрни гоҳ ўзидан нари ҳайдар, гоҳ унга маҳкам ёпишб олар эди.

Шу кечада Настена тунни бедор ўтказди, эрталаб эса, тонг ёришар-ёришмас ўрнидан турди-да, ўзи бориб мўрчани кўрмоқчи бўлди. У қори топталган бузоқхона орқали эмас, балки ҳамма юрадиган йўлдан Ангара ёқасига тушди-да, ўнгга бурилди. Бу ердан баланд тик жар лабидаги тўсиқ ортидан мўрча томи кўриниб туарди. Настена пастда бир оз тўхтаб қолди, кейин зинанинг музлаган пиллапояларидан аста юқорига кўтарилди-да, эшикни ғижирлатмаслик маҳсадида тўсиқни ошиб ўтди, ичкари киришга юраги бетламай, мўрча ёнида пича тараддувланиб турди, сўнг пастаккина эшикча тутқичини оҳиста тортиди. Аммо эшикча нам тортиб, музлаб қолганими, очилмади, шунинг учун Настена уни бор кучи билан силтаб тортиди. Йўқ, демак, ичкарида ҳеч ким йўқ, бўлиши ҳам мумкин эмас. Мўрча ичи қоп-қоронги эди. Ангарага, гарбга қараган дарчадан эндигина бўзариб келаётган тонгнинг гира-шира ёруғи тушиб туарди. Настена дарча остидаги скамейкага ўтирди ва янги, гайритабиий, лекин бир вақтлари ўзига таниш бўлган ҳидни сезишга уриниб, мўрча ичини диққат билан исказ бошлади. Бироқ димогига музлаган чириндининг ўткир, ачимсиқ саессигидан бошқа ҳид урилмади. «Мен тентак, қандай хаёлларга бориб юрибман-а», — Настена ўзига-ўзи таъна қилди ва бу ерга нима маҳсадда келганини ҳам, бу ерда нима топмоқчи бўлганини ҳам тушуна олмай ўрнидан турди.

Кундузи Настена кирмандан колхоз саройнга похол ташиди ва ҳар сафар тепаликдан тушаётганды, худди сөхрлангандай, мүрчага қараб-қараб қўярди. У ўзини койир, хуноби ошар эди-ю, лекин бари бир қорайиб кўриниб турган ўша бесёнақай мүрчага қайта-қайта нигоҳ ташларди. Похолни қор тагидан темир паншаха билан кавлаб олиб, чанага тутам-тутам қилиб ташлашга тўғри келди ва шу боисдан ҳар қандай оғир ишни кўрдим демайдиган Настена уч марта қатнаганидаёқ шу қадар ҳолдан тойники, пул деса йиқилгудай бўлиб қолди. Бунинг устига кечаси ухламагани таъсир қилди шекилли, кечқурун Настена нари-бери тамадди қилди-ю, ўзини таппа ўринга ташлади. У ухлаб қолиб, кечаси тушига кириб чиққаниданми ёки ухлаб мияси тиниққаниданми, бунчалигини айтольмайди, ҳарқалай эрталаб уйғонганидан бундан бу ёғига нима иш қилишини у аниқ биларди. У қазноқдан катта бир думалоқ нонни олиб, тоза бўзга ўрадида, ҳеч кимга сездирмай, мўрчанинг бериги бурчагидаги скамейкага элтиб қўйди. У эсим жойидами-йўқми, дея бир оз ўйлаб ўтирида, афсун ўқиётгандай қандайдир сирли хўрсиниб, эшикчани ёпиб, чиқиб кетди.

Шундан кейин Настена икки кунгача эрталаб бориб мўрчани текшириди, аммо нонга ҳеч ким тегмади. Сўнгра у нонни янги ёпилган нон билан алмаштириб, буни ҳам яна ўша аввалги, кўринарли жойга қўйиб қўйди. Энди у ҳеч нимадан умид қилмай қўйганди, аммо юрагини босган қандайдир ваҳм сира тинчлик бермай, болта ўғирланишининг оқибати нима билан тугашини билишга уни мажбур этарди. Ахир, гўла остида қазноқ борлигини бегона одам билмайди-ку,— мана ўша гўла, бошқа гўлалар билан бир қаторда зилдай бўлиб ётибди, устида ўйин тушсанг ҳам қимир этмайди. Ёки битта-яримта сезганмикин? Фақат нон, ҳа, нонгина ўша кимса кимлигини аниқлаб бериши мумкин. Инсон зоти нонни кўрса чида бтуролмайди.

Яна икки кундан кейин нон гойиб бўлди. Ноннинг жойида йўқлигини кўриб, Настена қўрқиб кетди. У ҳолсизланиб, инграганича скамейкага ўтириб қолди ва бошини чайқади: йўқ, мумкин эмас. Бундай бўлиши мумкин эмас! Эҳтимол, қайнотасими ёки қайнонасими киргану бу ерда нон кўриб, уйга олиб кетгандир. Ҳа, шунақа. Настена чўккалади, полда нон ушоқлар ётарди. Йўқ, бу ерга қайнотаси ҳам, қайнонаси ҳам эмас, бошқа бирор кирган. Настена мўрча пецидаги совуқ кулни титкилаб, папирос қолдигини топди.

Шу дақиқадан эътиборан Настена гүё ўзини бешкапа бир оламда кўраётгандай эди: энди бу ёги нима бўларкин? У рўзгор юмушларини бажаар, колхоз ишига чиқар, одамлар ичидаги ўзини аввал қандай тутган бўлса, шундай тутарди-ю, тиқ этган товушдан чўчиб тушиб, чор атрофга аланг-жаланг қарап эди. Бирон нимани кутсангу, аммо нимани кутаётганингни ўзинг дурустгина билмасанг, юрагинг сиқилиб, тоқатинг тоқ бўлиб кетади. Шунинг учун Настена шанба куни мўрчани ёқди. Семёновна ҳаво совуқ-ку, нима қиласан, деб уни ратъидан қайтармоқчи бўлди, лекин Настена ўзим сув ташйман, ўзим иситаман, сизлар фақат чўмиласизлар, холос, деб гапида туриб олди.

Настена мўрчани бирпасда иситиши мумкин эди, бу қийин эмас, лекин у атайлаб шошилмади. У қарағай, секин-аста ёнадиган қайнин ўтиларни ёрди, мўрча тошига одатдагидан кечроқ олов ёқди. Қиши эндингина шаштидан туша бошлаган бўлса ҳам, ҳали кун совуқ, аммо ҳаво очиқ ва осойишта эди. Настена Ангарадан сув олиб, тепага кўтарилилар экан, ҳар сафар мўридан чиқаётган тутунга беихтиёр нигоҳ ташларди: қайнининг ҳол-қора тутуни эпкинсиз ҳавода худди адл симёғочдай осмонга тик кўтарилилар ва олис-олислардан ҳам кўзга ташланиб турар эди. Настена керагидан ортиқча бир тогора сув иситиб, пол ва токчаларни ювив-артди, трубани беркитди ва қош қорайганда чол билан кампирни айтгани борди, уларга чироққа керосин ола келинглар деб тайинлашни ҳам унутмади.

Настена гүё уйқусида юрган одамдай пайпаслаб юрар, куни билан қийналганини, чарчаганини сезмасди, аммо ҳамма ишни ўзи ўйлаб қўйганидек пухта бажаарди. Настена чол-кампирнинг ювиниб келишини кутди, улар келгач, кийим-кечагини йигди ва Семёновна ювинишга ким билан борасан, деб сўраганида, Надъка билан бораман деб ёлгон жавоб берди. Одатда Настена мўрчага тушадиган бўлса, қўшни аёллардан битта-яримтасини чақираварди: у ўзининг сўлиб бораётган баданига қараб туриб эзиларди, ўкинарди, кўзларига ёш оларди. Лекин у бугун бир ўзи ювимоқчи эди. Настена мўрчага қоронги тушиб қолганда, зим-зиё тун қора чодирини ёйиб кўрайдин бошланмаган пайтда борди, дарчани ичидан латта билан тўёди ва тезгина ювиниб олмоқчи бўлиб, апил-тапил ечинди, чунки унинг ўйлаган нарсасига, наздида, ҳали вақт бор эди.

Настена ювиниб бўлгач, уйга қайтиб келди, чироқ

ўруғида ойнага қараб, сочини таради ва кейин чол-кампирга мұрчага бирга түшган Надъканикига бориб, бирпас үтириб келаман деди. Чиндан ҳам Настена Надъканикига борди, лекин у ерга йўлига, унинг кўзига кўриниб қўйиш учун борди. Шунинг учун бирпас үтирган бўлди-ю, яна мўрчага юргургилаб қолди. У кечикмаган бўлсам гўргайди, деган кавотирда ўринча қадам ташлаб, аста эшик тагига келди-да, ҳеч ким йўқмикин, дея секин ичкарига қулоқ солди, кейин рехтиёткорлик билан мўрчага кирди. Мўрча ҳали илиқ эди, Настена терлаб кетмаслик учун остона ёнига ўтириди. Борди-ю, битта-яримта келиб қолган тақдирда ём у дик этиб ўрнидан туриб, ўзини бир четга олишга улгуради, ҳозирча эса, кутиши керак, холос.

Қишлоқдан турли овозлар, итларнинг акиллаши өмис-омис келиб турарди, ниҳоят булар ҳам тинниб, ҳаммаёқ жимжит бўлиб қолди. Ҳар замонда Ангарадан музнинг бўғиқ чирсиллаши қулоққа чалинарди, гўрча ҳам буглана-буглана совий бошлади. Настена замистонда ўтираккан, мўрча дарчасини аранг кўрарди, у ўзини шу аҳволда эсанкираб қолган noctor оҳудек ҳис этарди. У ўзини овутиш учун бирон нимани ўйлашга ёки бирон нимани хотирлашга уриниб кўрди, лекин бўлмади; одамлар орасида юрганда ҳаммаси жўнгина туюлиб, ўзини бемалол тутган бўлса, бу сарда калласига ҳеч нима келмаяпти.

Орадан хийла вақт ўтди, эшикдан гўриллаб совуқ кира бошлагандан кейин у скамейкага ўтиб ўтириди.

Настенанинг кўзи илинди, қадам товушларини ѡшитмай қолди. Ногаҳон эшик очилди, уни бир нима туртиб ўтиб, мўрчага кирди. Настена сакраб ўрнидан турди.

— Вой худо! Бу ким, ким бу?!— қўрқувдан тош қотиб қичқирди у.

Қоп-қора, баҳайбат жусса эшик олдида бир лаҳза туриб қолди-да, кейин Настенага ташланди:

— Овозингни чиқарма, Настена. Бу мен, жим.

Қишлоқда итлар ҳам акиллай-акиллай тинчиб қолди.

Ангаранинг ўнг соҳилига жойлашган Атамановка бор-йўғи ўттиз ҳовлидан иборат бўлиб, уни қишлоқ өмас, овул деса бўларди. Қишлоқ ўзининг жарангдор

номига қарамай, бу атрофда бир ўзи мунгайиб ётар эди, устига устак, урушдан олдинроқ секин-аста, киши билмас файзи кета бошлаганди: бирваракайига беш уй — унақа-бунақа әмас, данғиллама уйлардан бештасининг ҳувиллаб қолганига, деразаларига тахта қоқиб ташлаганига ҳам анча вақт бўлиб қолган. Уруш вақтида-ку, қишлоқларда одамларнинг сийраклашиб қолганини изоҳлаб ўтирмаса ҳам бўлади, бу энди маълум, аммо Атамановкадан одамлар, айниқса рўзгор ташвиши бошига тушмаган ёшлар анча олдинроқ кета бошлаганди. Уларни гавжум, сершовқин, келажакда обод бўлиб кетадиган жойлар қизиқтиради, Атамановканинг эса истиқболи бунақа әмасди. Қишлоқ қачонлардир бир чеккада бунёдга келганди: Атамановка билан қишлоқ совети жойлашган энг яқин Қарда қишлоғи орасидаги масофа йигирма чақиридан ортиқ әди. Тўғри, Ангаранинг нариги бетидаги Рибная қишлоғи унга анча яқин әди, лекин Рибнайдагилар борди-келдини қўйи оқимдаги қўшнилари билан қилишарди, чунки қишлоқ совети ҳам, магазинлар ҳам, бошлиқлар ҳам, борингки район маркази ҳам ўша ёқда әди. Ҳар қандай зарурат бўлса, ўша ёққа боришарди. Атамановкага эса дарёни кесиб, аҳён-аҳёндагина қадам ранжида қилишарди. Атамановка ёнидан сувни шалоплатиб пароходлар қатнар, ахборотлар ташир әди, аммо соҳилда нохуш сўппайиб турган қишлоқ бу ахборотлардан бехабар қолаверарди. Ҳатто уруш бошлангани тўғрисидаги хабар ҳам бу ерга эртасига етиб келганди.

Аммо шуни ҳам айтиш керакки, қишлоқ ҳамиша ҳам шу хилда аҳамиятсиз, назардан қолиб келган әмас. Қишлоқ Атамановка деб аталганига қадар бундан ҳам даҳшатлироқ Разбойниково (Қароқчи қишлоқ) номи билан довруги кетган. Эски замонларда бу ердаги эркаклар машақкатсиз фойдали ҳунардан — Ленадан олтин олиб келаётган тилла қидирудиларни тўнашдан ор қилмаганлар. Тоғ тиазаси Ангара дарёсига деярли тақалиб келганидан ва қишлоқни четлаб ўтишнинг сира иложи йўқлигидан қишлоқ йўлтўсарлик қилиш учун жуда қулагай әди, истасанг-истамасанг шу ердан ўтишинг керак әди. Дарё биқинидаги қишлоқ шоввозлари пойлаб туришарди-да, дуч келган Лена олтин изловчиларини тўнашарди. Бора-бора қишлоқ шу ном билан шуҳрат қозонди. Оғизда юрган «Разбойниково» номи қоғозга ҳам кўчди, аммо совет ҳокимияти ўрнатилмасидан олдинроқ бўлисдагилардан қайси бирининг назаридан бу ном хунукдай

туюлади, шунинг учун маъноси ҳам деярли ўшайдай эшитилар, эшитган қулоққа ҳам яхши, дея уни Атамановка деб ўзгартиришди. Дарвоҷе, маҳаллий халқ ўзгартирилган номга негадир кўнгли бўлмади, орадан шуича йиллар ўтган бўлишига қарамай, кардалик, рибнаялик ва бошқа қишлоқлардаги қариялар, худди тил бириктиргандай нуқул бир гапни такрорлагани-такрорлаган:

— Бутун қишлоқ қароқчилик билан шуғулланарди-ю, булар бўлса ҳамма айбни қандайдир бир атаманинг бўйнига ағдармоқчи бўлишяпти, э, йўқ, бунақа фирромлик кетмайди.

Настена тақдир тақозоси билан Атамановкага юқориј Ангарадан келиб қолганди. Үн олти яшар Настена ўттиз учинчи йилдаги очарчиликда волидаи неъматини Иркутск яқинидаги киндик қони тўкилган қишлоғига дафи этиб, ўлимдан омон қолиш учун саккиз яшар сингилласи Катьканни етаклади-да, дарёнинг қуи оқими томон бош олиб кетди. Ривоятларга қараганда, у ёқларда одамлар унчалик камбағал яшашмас экан. Настенанинг отасини илгари, колхозлар энди тузилаётган йили ўлдирив кетишган, айтишларича, душман бошқа кишини нишонга олиб, тасодифан унинг отасини отиб қўйган экан, аммо қотилни топишолмабди. Шундай қилиб, қизлар кимсасиз етим бўлиб қолишади. Бутун ёз бўйи Настена билан Катька қишлоқма-қишлоқ дайдиб, тоғ дастёрчилик билан, баъзи жойларда эса жажжи ва ширингина Катькага берилган хайр-садақалар билан кунларини ўтказиб юришади. Агар Катька бўлмаганда Настенанинг ҳолига маймуналар йиғлаган бўлармиди. Унинг ўзи новча, озғин, қўллари, оёқлари ўқлоғидай узун-узун, боши чўзинчоқ, юзи чиллаширдай бужмайган, таъбир жоиз бўлса, худди оч арвоҳнинг ўзгинаси эди. У Катькага она ўрнида она бўлиб қолганди. Фақат Катька туфайлигина Настена қимирлашга, бирорларнинг эшигига бориб, чўрилилкка олинг, деб ялинишга, бир бурда ион сўраб гадойчилик қилишига мажбур бўларди.

Кузга бориб опа-сингиллар бир амаллаб Настена эс-эс биладиган аммаларининг қишлоғи Рютинага етиб келишиди. Аммаси вайсаб-вайсаб бўлса ҳам қизларни бағрига олди. Настена сал ўзига келгандан кейин колхозга ишга чиқди. Катькани эса мактабга берди. Бу пайтга келиб аҳвол анча яхши бўлиб қолган, полизларнинг ҳосили етилган, буғдойлар ҳам пишиб қолганди. Егулик бўлган жойда очлик ҳам чекинаркан, шунинг учун қишига бориб Настена ўзини анча тутиб олди. Келгуси йили ҳам

ҳосил шундай битдики, энди очлик ҳақида оғиз очишнинг ўзи уят бўлиб қолди. Настенанинг чеҳрасига әрта тушган ажинлар йўқола борди, бадани тўлишди, ёноқлари нақш олмадай қизариб, кўзларида шодлик ўйнай бошлади. Яқингинада чўпдай бўлиб юрган Настена энди лобар қиз бўлиб қолганди. Икки йил ўтгандан кейин Настенанинг худди мана шу Рютина, қишлоқдан сал наридаги цистернадан ёнилги олиб, солда ташиб юрадиган бир бегона, аммо эпчил, чақон ва танти йигит Андрей Гуськов учратиб қолади. Улар дарров тил топишади, аммасиникида чўри бўлиб ишлаб, қаддини доғ қилиб юриш ҳам Настенанинг обдон жонига текканди. Андрей ёнилги солнитан бочкаларни МСГа олиб келди-да, иммилаб ўтирумасдан, пароҳода орқасига қайтди ва Настенанинг ўз қишлоғи Атамановкага олиб кетди.

Настенанинг турмушга чиқиши худди томдан тара-
раша тушгандай бўлди, ҳеч нимани ортиқча мулоҳаза
қилиб ўтирумади: бари бир эрга тегиси керак, камдан-ҳам
одам бу дунёдан ёлгиз ўтади, шундай бўлгандан кейин
чўзиб нима қиласди? Шунинг учун у янги оиласда, бегона
қишлоқда ҳоли нима кечишини яхши тасаввур қила
олмасди. Оқибатда шундай бўлиб чиқдики, қордан қуту-
либ, ёмғирга тутилди, яъни чўриликдан чўриликка бор-
ди. Фарқи шуки, рўзгор катта, талаби ҳам қаттиқроқ
бошқа хонадонга ўтди. Гуськовларнинг икки сигири,
қўй, чўчқалари, товуқлари бор эди, катта бир уйда уч
киши истиқомат қиласди, Настена тўртинчи бўлиб келди.
Шунинг учун барча рўзгор юмуши Настенанинг гарда-
нига тушди. Семёновна кўпдан бери келин келса-ю, зора
юким сингиллашса, деб орзу қилиб юради, мана келин
ҳам келди, аммо ўзининг тоби қочди-ю, оёқлари шишиб,
юрганда худди ўрдакка ўхшаб лапанглаб, у ёнидан бу
ёнига ташлаб юрадиган бўлиб қолди. Бари бир у рўзгор-
да бош-қош эди, Семёновна умр бўйи рўзгорни тебратиб
келди, мана энди унинг ўрнига рўзгорни бошқа қўллар
тебратяпти-ю, лекин ўзиники бўлмагани учун бу қўллар
назаридан ношуддай, эринчоқдай туюларди. Семёновна
табиатан инжиқ хотин эди: гоҳо бирор раъйини қайтар-
са ёки ўзини оқлашга тушса, фифони фалакка чиқарди-
да, чакаги тинмай вайсарди, гоҳо жаҳли чиқиб, тумша-
йиб оларди-да, бирорга бир оғиз ҳам гапирмасди, у билан
жанжаллашмаслик, уришиб кетмаслик учун Настена
қаби сабр-тоқатли ва тоғдай вазмин одам бўлиш керак
эди. Настена қайнонасининг инжиқликларига одатда
мурқ этмасди, у бунга Катька билан Ангара қишлоқла-

рида тиланчилик қилиб юрган, эринмеган бандалар уни бекордан-бекор уришиб сўккан ёз фаслида ўрганиб қолган эди. Албатта, у тубдан атамановкалик бўлиб, бу ерда бирон гап бўлгундай бўлса, дарров Настенанинг ёнини оладиган, уни хафа қилдириб қўймайдиган қариндош уруглари бўлса-ку, унда Настена кимсасиз етим, қаёқдан келиб қолгани ҳам номаълум, бор-йўқ сепи эгинидаги биттагина бўз кўйлак эди. Ҳатто сонга киритиш учун кийим-кечакни шу ерда тикитириб, эгнига илишга тўғри келгач—индаб кўрсин-чи, Семёновнанинг миясига ўрнашиб қолган фикрлар ана шундай эди, бу фикрлар, айниқса ҳаво айнигана пайтларда унинг оловига мой қуярди.

Дарвоқе, йиллар ўтиши билан Семёновна Настенага кўнишиб қолди, у энди борган сари камроқ вайсар, роийиш, қўл-оёқли келинга йўлиқдим, деб кўнглидан ўтказиб қўя бошлади. Настена колхоз ишига ҳам бориб-келар, рўзгор юмушларини ҳам деярли бир ўзи бажараф эди. Эркаклар қишига ўтин, пичан ғамлашни билишарди, холос. Ҳа, айтгандай, бўрди-ю, уйнинг томи тушиб кетса, уни ҳам эркаклар кўтаришарди, аммо Ангарадан сув ташиб келиш ёки оғилни тозалаш эркакка ярашмайдиган, уят иш ҳисобланарди. Семёновна шишиб кетган дардчил оёқлари билан узоққа бориб-келолмасди, ҳамма ерда Настена гирдикапалак эди. У бўлмаса, кампирнинг ҳолигавой эди, бу эса ноилож қайнонанинг попугини пасайтириб, ён беришга мажбур қиласди. Кампир бир нарсани — Настенанинг боласи йўқлигини асло кечира олмасди. Кампир таъна қилишга-ку қилмасди-я, у бу ҳар қандай хотиннинг ҳам иззат-нафсига тегишини яхши биларди, лекин кўнглининг бир чеккаси хира эди. Бунинг устига Андрей чол-кампирнинг уч бола ўринига қолган ёлғиз фарзанди эди, чунки Андрейдан олдин дунёга келган икки қизлари турмаганди.

Боласизлик Настенани ҳамма хўрликларга чидашга мажбур этарди. У болалик чоғидаёқ фарзандсиз хотин хбтин эмас, қуруқ жасад, деб эшитганди. Шунинг учун Настена ўзида шундай нуқсон борлигини хәёлига ҳам келтирмади ва аёл қисматини олдиндан билгани учун индамай эрга тегиб кетаверди, ҳатто ўз ҳаётида катта ўзгариш бўлаётганидан қувонди, лекин кейинроқ, одатда бўладигандек, эсизгина, қизалигимда яна пича ўйнаб-кулиб олмадим-да, деб сал ачиниб қўйди. Андрей бўлса уни эркалатор, ардэқлар, жонимнинг малҳами дер эди,

Улар дастлабки пайтларда бола тўғрисида ўйлашмади ҳам, шунчаки айшларини суреб, бир-бирининг атрофида парвона бўлиб юравериши. Бола гўё уларнинг бу баҳтига ҳатто завол бўлиши мумкиндан туяларди. Аммо кейин, турмушда одат бўлиб қолган азалий тартиб-қоидаларга путур етиши, оила бузилиши хавфи пайдо бўла бошлиши билан қандайдир секин-аста зимдан ташвиш ҳам туғилди; илгари чўчиб, сақланишга ҳаракат қилиб юрган нарсаларини энди бўлармикин, бўлмасмикин, деб бўри қулоги овда дегандай пойлашга тушиши. Ойлар ўтиб борарди, лекин ҳеч қандай ўзгаришдан дарак бўлмади, шундан кейин илҳақлик ўрники сабрсизлик, кейин эса ваҳима эгаллади. Бир йил ичида Андрейнинг Настенага нисбатан муносабати бутунлай ўзгариб кетди, инжиклик қиласар, жеркар, ҳеч нарсадан ҳеч нарса йўқ сўка бошларди, кейин эса тутиб олиб дўп послайдиган одат чиқарди. Настена ҳаммасига чидади: рус аёлларининг таомилига кўра, турмуш бир марта қурилади, шунинг учун бошга тушганини кўз кўрар, деган ақидага амал қиласарди. Ундан ташқари Настена бу кўргиликка ўзини айборд деб ҳисобларди. Фақат бир марта, Андрей таъна қилиб, унинг ҳамиятига тегадиган қандайдир оғир бир гап айтганида, Настена алам қилганидан айб қайси биримизда — сендами ёки мендами, бу маълум әмас, чунки мен бошқа әркакларни ҳали синаб кўрганимча йўқ, деб жавоб қайтарди-ю, балога қолди. Андрей уни ўласи қилиб савалади.

Тўғри, урушдан олдинги йил улар анча тотув яшашди, гўё бир-бирига бошқатдан кўнигаётгандай, бир-бирининг феъл-атворини тушунаётгандай бўлиши. Энди улар қарс икки қўлдан чиқишини яхши билишар, қўшганинг билан қўша қари, деган эски нақлга амал қилишарди. Андрей Настенани илгаригидек ортиқ ардоқламасди, лекин ўзи анча тийилиб қолганди. Настена ҳали ёшмиз, бора-бора ҳеч нарса кўрмагандай бўлиб кетармиз, деб шунисига ҳам шукур қиласарди. Ҳа, агар уруш бошланманганда-ку, балки ҳеч нима кўрмагандай бўлиб кетишармиди, аммо уруш бошланди-ю, не-не орзу-умидлар чил-чил бўлмади.

Урушнинг дастлабки кунларидаёқ Андрейни олиб кетиши. Настена уввос тортиб ийғлади, хўп куйиб-пишди, охири тақдирга тан берди. Ахир, бир у әмас, норасида гўдаклари билан қолган хотинларнинг ҳоли бунивидан беш баттар эди; чамаси, у эрга текканидан бери боласи йўқлигига биринчи марта суюниб, шукур қилди. У бекорга

қисматидан хафа бўлиб юрибди, қайтанга толеи баланд әкан, ҳозир одамлар бошига тушган кулфатни анча узоқдан кўриб-билиб турган худо бунинг бошига ҳам шундай кун тушганида довдираб қолмасин, деб қўллаб юрган әкан-ку. Кейин, тинчлик-омонлик бўлса, бола ҳам кўрар, ҳали кеч эмас, ишқилиб, Андрей қайтиб келса бас. Уруш кетаётганда у ана шу орзу-умид билан яшади, эртага нима бўлишини ҳеч ким билмайдиган даҳшатли кунларда ана шу орзу-умид билан нафас олди.

Андрей узоқ вақтгача бинойидек жанг қилиб юрди, лекин қирқ тўртинчи йил ёзида тўсатдан дом-дараксиз бўлиб кетди. Фақат икки ойдан сўнг Новосибирскдан, госпиталдан ярадор бўлдим, тузалганимдан кейин уйга боришга бир неча кунга жавоб беришади, деб хат келди. Настена аввалига эрининг олдига бормоқчи ҳам бўлди, лекин Андрейнинг ваъдаси уни Новосибирска бориш фикридан қайтарди. Агар жавоб беришса, уйда дийдор кўришгани маъқул — улар шуни мўлжаллашганди. Лекин Андрей янгилишди, кеч қузда у хафа бўлиб қисқагина хат ёзди, хатида: йўқ, бўлмади, госпиталдан жавоб беришяпти-ю, лекин уйга эмас, қайта фронтга жўнатишияти, деб ёзганди.

Андрей яна дом-дараксиз бўлиб кетди.

Рождестводан олдин Атамановкага Карда қишлоқ советининг раиси Коновалов билан чўтири, орқаваротдан одамлар Бардак¹ деб аташадиган участка милиционери Бурдак кириб келди. Улар Ангарадан ўтишгандан кейин отнинг бошини тўппа-тўғри Гуськовларнинг уйига қараб буришди. Настена уйда йўқ эди.

— Үглингиздан қанақа хат-хабар бор? — деб сўради Бурдак Михеичдан худди сўроқ қилаётгандай жиддий оҳангда.

Унга Андрейнинг охирги хатларини кўрсатиши. Бурдак хатларни ўқиди-да, Коноваловга узатди, у ҳам ўқиб чиққач, хатни чўнтағига солиб қўйди.

— Ундан бошқа ҳеч нарса маълум қилмадими?

— Йўқ, — гангид қолган Михеич, ниҳоят, ўзига келди. — Унга бирон гап бўлибдими? Қаерда экан?

— Биз ҳам унинг қаерда эканлигини аниқламоқчи бўлиб юрибмиз-да. Үглингиз Андрей Гуськов гойиб бўлибди. Хат-хабар келса, бизга билдиринг. Тушундингизми?

— Тушундим.

¹ Бардак — бу ерда: бузғунчи маъносида.

Михеич ҳеч нимага тушунмади. Нима гап бўлганига на ўзининг, на Семёновнанинг, на Настенанинг ақли бовар қиласарди.

Қаҳратон қиши кунларининг бирида эса, Гусъковларнинг мўрчаси поли остидан болта ғойиб бўлганди.

3

— Овозингни чиқарма, Настена. Бу мен. Жим.

Бақувват, чайир қўллар уни елкасидан ушлаб, скамейкага босди. Оғриқ ва қўрқувдан Настена инграб юборди. Овоз хирқироқ, бўгиқ бўлса ҳам, аммо равиши бояги-боягидай эди, шунинг учун Настена уни дарров таниди.

— Андрей, сенимисан? Вой худойим! Қаёқдан келиб қолдинг!

— Анави ёқдан. Жим бўл. Менинг бу ердалигимни бирорвга айтганинг йўқми?

— Йўқ. Узим ҳам билмасдим-да.

Настена қоронгиликда унинг юзини тузуккина кўра олмади, дарча парласининг бир чети сал кўтариб қўйилгани учун ундан тушиб тургаи гира-шира ёруғликда қандайдир ҳайбатли паҳмоқ бир шарпа кўз олдида қорайиб турарди. У худди қаттиқ югуриб келган одамдай кўкрагини кериб пишиллар ва тез-тез нафас олар эди. Настена ҳам нафаси қисаётганини сезди, у қанчалик гумонсираб юрган бўлмасин, бу учрашув, худди томдан тараша тушгандек, дастлабки дақиқа ва сўздан бошлабоқ ўгринча ва ваҳимали бўлиб, ўтакани ёриб юборди.

Ниҳоят, Андрей қўлини олиб, сал орқасига тисарилди. У ҳамон энтикаркан, титраган овозда сўради:

— Мени қидиришдими?

— Яқинда милиционер келган экан, у билан Кардан Коновалов ҳам келибди. Отам билан гаплашишибди.

— Отам билан ойим мени пайқашгани йўқми?

— Йўқ. Отам болтани бошқа бирор олган, деб юрибди.

— Хўш, сен-чи, сен пайқабсан-да, а?

Настена жавоб беришга улгурмади.

— Ноини сен қўювдингми?

— Ҳа.

Андрей жим бўлиб қолди.

— Мана, дийдор ҳам кўришдик, Настена. Кўришдик, дейпман сенга,— деди у яна жаҳл билан, гўё Андрей Настенанинг бирон нима дейишини кутгану, аммо ундан садо чиқмагандай.— Ўз хотиним билан ёнма-ён турганинга сира ишонгим келмаяпти. Бу ерларда бирорвнинг

Андрей Гуськов тақдир уни боши берк күчага олиб кирганини, энди бу күчадан чиқиб кетишінинг сира ило-жи ийүқлигини яхши биларди. Қаршисида яна қандайдир бир йўл бор, бу йўл шунчалик қисқаки, сал югурсанг, бўшинг дўқ этиб деворга тегади, орқага қайтиш эса, энди асло мумкин эмас... Энди фойдаси йўқ. Орқага қайтишнинг илложи ийүқлиги уни ортиқча ўй-хаёллардан халос этганди. Энди нима бўлса бўлар, таваккал деб яшашдан ўзга чораси қолмаганди.

Ўз юртига келиб яшай бошласан дастлабки куиларда бундан учирим йил бурун худди шу ердан фронтига жўнагани эсига тушавериб, уни жонидан безор қилиб юборди. Уруш ҳақида дастлабки хабар келганидан бошлаб то дивненя тузилётган Иркутскка этиб боргунинг қадар ўтсан деирли икки ҳафта ичида юз берган барча воқеалар гўё худди куни кечак бўлиб ўтгандай кўз ўнгидан яққол гавдаланиб турганидан алланечук бўлиб кетарди. Ҳатто кечирган ҳис-туйғулари ҳам эспиди сақланиб қолганди, чамаси, у бу туйғуларни яна бошидан кечираётгандек эди: йўлга чиқишдан олдин қандай аҳволда бўлса, ҳозир ҳам шундай гаранг, бундан буёғи нима бўлишини ўйлаб кўришга қодир эмас, ўшанда қандай умидсизликка тушган бўлса, ҳозир ҳам ўшандай аламзада, ёлиз, газабнок эди, юрагини ўша-ўша совуқ, мудхиш, бир дақиқа ҳам тарқ этмайдиган қўрқув қамраб олган, ҳамма нарса, ҳатто ўткинчи кайфиятлар ҳам ҳамон ўшандай; фақат катта бир фарқи бор эди: гўё буларнинг бари аввал ичида бўлгану эндиликда сиртига тепиб, кўз ўнгидан юз бераётганга ўхшарди, буни ҳозирги шароити ҳам тасдиқларди. Мана у яна яшаган ва сафарга жўнаган ерида, аммо энди Ангаранинг ўнг соҳилида эмас, чап соҳилида турибди, ўша пайтда ёз эди, энди бўлса қаҳратон қиши. Ўша вақтда у урушга кетаётганди, энди бўлса қайтиб келди, ўшанда бир талай одам билан бирга жўнаганди, энди эса бир ўзи алоҳида йўл билан орқага қайтди. Тақдир уни юз кўйга солиб, яна ўзининг эски жойига бошлаб келди, аммо ўлим аввалгидек, ўша вақтдагидек бор бўйи билаш унга соя солиб турар, аммо бу сафар ўлим, чап бериб кетмасин, ишонччилоқ бўлсин, деб тагин унинг орқасидан келганди. Умуман, ҳозир у қадамини қаёққа босишини билмай, аросатда қолган бўлиб, омонат ҳаёт кечирарди. Шу алпозда яшагач, хотира қолади дейсизми.

Биринчи чақирувда атамановкалик йигитлардан етти кишини армияга олишди, Гуськов ҳам шулар ичиде эди. Қишлоқдан бешта аравачада кетиши, фронтовиклар қанча бўлса, кузатувчилар ҳам деярли шунча йигилган эди. Лекин Андрей ота-онаси, хотини билан уйда хайрлашиб қўя қолди: уларнинг кўз ёшлини оқиздириб, йиғлатиб-сиқтатишнинг нима ҳожати бор? Бунинг устига ўзининг ҳам юраги бекорга эзилиб кетади. Бир ишни қилиш керак бўлса, уни шартта қилиш лозим-да. Андрей ҳатто ажали етиб ўладиган бўлса, (бу ҳам энди яқинлашиб қолди шекилли) худди шу кўйи хом хаёлларга берилмасдан омонатини топшириб қўя қолишига умид боғлаганди. У дарвоза олдиди онаси, отаси ва Настена билан қучоқлашиб хайрлашди, сакраб аравачага ўтирида, отни чуҳлади, йўлга тушгандан кейин орқасига қарамасликка ҳаракат қилди, Атамановка яйлов ортида кўринмай қолгач, у жиловини тортди ва бир карвон бўлиб кетиш учун бошқаларни кутди.

Кардага боргач, улар мўлжалланган вактдаги пароходга тушиб район марказига бориши, бир кундан кейин эса, шу пароход орқага қайтишида районда тўпланган бутун командани олиб, Иркутскка жўнади. Пароход эрталаб барвақт Атамановка ёнидан ўтди. Атамановкага интиқ бўлиб ухламаган йигитлар анча олисданоқ бири олиб, бири қўйиб бақира бошлашди. Лекин улар нима деб бақиришаётганларини ҳам, энг муҳими, нимага бақиришларини ҳам ўзлари тушунмасдилар, лекин Андрей ғамгин ҳолда, индамай қишлоққа тикилар ва негадир қишлоқни ташлаб кетишга мажбур бўлгани учун айбни урушга әмас, балки қишлоққа қўйиси келарди. Бари бир йигитларнинг кўнглидаги бўлди: соҳилга бир тўда одамлар югуриб чиқди ва буларга жавобан улар ҳам бир нималар деб қичқиришиб, рўмолларини, фуражкаларини силкита бошлашди, аммо пароход қирғоқдан анча нарижетаётганидан улардан битта-яримтасини таниб ёки нима деганини англаб ҳам бўлмади. Андрей одамлар ичиде Настенани кўргандай бўлди: у ўша аёл Настена эканига аниқ ишонч ҳосил қилмади, лекин жаҳли чиқди: ахир бунаقا майнавозчиликнинг нима ҳожати бор? Хайр-хўшлашгандан кейин тамом, бир-бирингга айтадиган гапингни айтдинг, бўлди-да, бундай қилган билан урушни қайтариб бўлармиди энди. Агар Настена деб гумон қилган ўша кимса чиндан ҳам Настена эканлигини билганида эди, у анча енгил тортган бўларди. Унинг ғазаби журуж қилиб келаётгандигининг сабаби ҳам Настена

әканлигини аниқ билмаганида эди, албатта. Андрей ўрнида қолаётган барча нарсалардан, нималардан ажralиб қолаётганидан ва нималарни деб энди жанг қилишга мажбур бўлаётганидан беижтиёр ранжиди-ю, бу алам узоқ вақт кўнглидан кетмади, ана шу ранж, ана шу алам шунча йиллар мобайнида унутмаган ва эндиликда бегаразлик билан устидан чиққан ўша вавъдасини эсига туширди. У фақат ўша вавъда дебгина қайтиб келгани йўқ, асло, лекин аввал бошданоқ муқаррар бўлиб туюлган, ҳозир эса ушалган ўша орзу замираida Гусъков қисматини белгилашга ёрдам берувчи қандайдир жозибали, ишончли куч бордек эди.

Пароход оқимга қарши уч кун сузди, йигитлар тўпла нишиб кайф-сафо қилишар, ўлганларининг кунидан тиржайиб, ҳазил-хузул қилишарди, чунки бу кунлар сўнгги эркин, ҳавф-хатарсиз кунлар эканини улар яхши тушишарди. Андрей ароқ ичишга одатланмаганидан уларга қўшилмади. У бортда қоққан қозиқдай узоқ-узоқ қақ-қайиб турар ва сира тўғридан кўз узмасди. Авжи ёз эди, осмонда қуёш чарақларди, шўх Ангаранинг шовиллаган овози ҳавони тўлдирган, таниш соҳиллар, қишлоқлар, ороллар Андрейнинг олдидан сузиб ўтар ва ортда қолиб, кўздан гойиб бўлар эди. Гусъков буларни балки охирги марта кўришимдир, деб ўйлаганида юраги орқасига тортиб кетарди. Пастга тушиб, шерикларига қўшилиб олса,— ахир юраги эзилётган бир бу эмас-ку, ёки қопини боши остига қўйиб, то команда бериб уйғотгуналарича тош қотиб ухласа, барини унугса, яхши бўларди-я, лекин у бортдан нари кетмасди, руҳи эзилар, ич-этини ер ва ўзига ўзи ачиниб кетарди, яна шу азоблар ичра хаёл сурниб, олдинга қараб тураверарди. У қанчалик кўп тикилса, Ангара унга заррача эътибор бермай, шунчалик бема лол оқаётганини, ўз умрини ўтказган мана шу қалғи туташ соҳиллар унга сира ҳам назар-писанд қилмаган дай, сирганиб ўтиб бораётганини кўриб, юз ўқинса ҳам муддаоси ҳосил бўлмаслигини яққол ҳис этарди. Ҳа, со ҳиллар энди бошқа ҳаётга, унинг ўрнига қоладиган бош қа кимсалар томон сирғаниб боряпти. Унинг дили ран жиди: намунча тез? Ҳали жўнашга улгурмасдан, ўз ери дан оёғи узилмасдан бари — унинг борлиғи ҳам, орзу умидлари ҳам — унутилса, қора ерга кўмилса: демак энди кетавер, ўлсанг ўлавер, биз учун тамом бўлгай одамсан, дейиш экан-да. Наҳотки, чиндан ҳам энди бари тугаган бўлса? У бутун вужудидан жўш уриб келган биъ ёвуз қайсалик билан ҳайқириб юборди:

— Ёлғон, мен ўлмайман. Мени эрта күмбезизлар. Мана күрасиэлар: ўлмайман. Сизларга бўлса-ку, жинҳам урмайди — ўшанда салом бераман.

Фронтда у бу умидларини нари суриб қўйди. Дастрлабки жанглардаёқ у яраланди, аммо баҳтига, сингил яраланди, ўқ чап оёғининг болдирини тешиб ўтиб кетди, у бир ойдан кейин оқсоқланиб, яна қисмига қайтиб келди. Ўша вақтларда тирик қолишини ўйлашнинг ўзи бир бемаъниликдай туюларди. Бундай хаёл одамларнинг эсидан бутунлай чиқиб кетган, ҳамма ўлимни бўйнига олиб қўйган эди ва жонини ҳовучлаб турарди. Андрей ҳам худди шундай — у ён-верида тутдай тўкилаётган одамларни кўравериб, дийдаси қотиб кетди. Бугун бўлмаса — эртага бўлмаса — индинга менга ҳам навбат келади, ҳолим шу-да, дея тақдирига тан бериб қўйган эди.

Бу ерда, урушда тинчгина кун кечириш кимнинг чекига тушган бўлса, бу нарса, унинг назарида, абадийдек туюларди, бунинг дараҳтлар ёки тошларники сингари йил кетидан йил келиб, бир неча ўн йилларга чўзилиб кетишини ўйлаш ғалати кўринарди: вақтнинг бу ерда ўзгача ўлчови бор эди.

Андрей Гуськов пешонаси ярақлаган йигит экан, анчагача бир туки ҳам бежо бўлмай юрди, фақат бир марта, фронтдан жўнашдан олдин у эҳтиётсизлик қилиб бомбардимонда қолди ва қаттиқ контузияга учради. Портлаш садоси унинг қулогини чиппа битириб қўйди, деярли бир ҳафтагача ҳеч нимани эшитмади, кейин қулоги сескин-аста эшита бошлади. Контузиядан у ҳам кулгили, ҳам аламли ҳолга тушиб қолди: лазаретда, қулоги эшитмай юрган кезларда, иштаҳаси оч бўриникидай хаккаласк отиб юборди, овқат егиси келарди, овқат қидириб, турли кўнгилсиз воқеаларга ҳам дучор бўлди. У ўзи эшитмагани учун бошқаларни ҳам кар деб ўйларди, шунинг учун биренг стулик қидириб, ошхонага биқиниб кирганида қўлга тушиб қоларди. У берганига қаноат қилмай яна овқат сўраганида, ошпазлар тузалиб келаётган беморларга эрмак бўлсин учун оғизларига келганини қайтармасдилар. Андрей бўлса, уларга кўзи жовдираб қараб тураверарди.

Гуськов уч йил ичида чангичилар батальонида ҳам, разведкачиilar ротасида ҳам, гаубица тўплари батареясида ҳам жанг қилишга улгурди. Бу даврда унинг бошдан нималар кечмади дейсиз. Танклэр ҳужумини ҳам кўрди, немис пулемётларига ҳам ташланди, кечалари

чанғида рейдга ҳам чиқди, узоқ вақт силласи қуриб «тил» тутиш пайида юрди. Гуськов урушга кўника олмади, кўника олмасди ҳам, унинг худди ишга кетаётган-дек, хотиржам, бемалол жангга кириб кетаётган одамларга ҳаваси келарди, лекин у ҳам қўлидан келганича урушнинг ҳадисини олди, чунки бошқа чораси ҳам йўқ эди-да. У бошқалардан ўзиб кетмади, аммо бироннинг панасиға ҳам бекинмади — солдат шеригинг кўриб қолади-ю, дарров адабингни беради. Беш-олти кишидан иборат «тил» тутувчи группа немисларнинг ҳандақларига ташланганларида, умуман, муғамбирликка ўрин қолмайди — ё донғони чиқади, ё чангинг, борди-ю, имилласанг, ё жонингни асанг, ўзинг ҳам ҳалок бўласан, бошқаларни ҳам ҳалок қиласан. Разведкачилар ичидаги Гуськов анча ишончли ҳисобланарди, жуда азамат йигитлар ҳам ўзларини эҳтиёт қилиш учун уни бирга шерик қилиб олиб кетишарди. У кўп қатори жанг қилди — жуда яхши ҳам эмас, жуда ёмон ҳам эмас. Солдатлар унинг кучига тан беришарди, у калтабақай, чайир, бақувват эди, ҳушдан кетгэн ёки гапиришни истамаган «тил»ни даст слкасига ўнгарарди-да, бир дам олмай ўз окопларига кўтариб келарди.

Гуськов Москва остоналарида чанғичилар батальонида хизмат қилди, кўкламда Смоленск тупроғида разведкачилар ротасига тушиб қолди, батареяга эса, уни Сталінградда, контузия бўлгандан кейин юбориши. Бу ерда узоққа отадиган артиллерияда хизмат қила бошлади. Энди ҳужумга ўтган пайтларда унга анча енгил бўлди.

Қирқ учинчи йил қишида урушнинг охири аниқравшан кўрина бошлади. Урушнинг кети яқинлашган сарни унда тирик қолиш умиди ҳам шунчалик кучаяверди — бу энди қадимгида пинҳона умид бўлмай, балки ошкора ва безовта қиласидиган бир умид эди. Урушнинг дастлабки кунидан бошлаб жангга кирган кишилар шунчалиқ машаққатларга, азоб-уқубатларга бардош бериб, шу ергача етиб кёлибдими, демак, қисмат ҳам уларни нима биландир тақдирлаши керак-да. Шунча замонлар ўлимга чал бериб келишган экан, ниҳоят ўлим ҳам улардан чекиниши лозим-да, ахир, дегинг келарди. Шу боисдан бу ерда, урушда ҳам қандайдир тирик қолиш муддати бордай туюларди: омон қолдингми, қандингни ур, яшайвер. Баъзан сал тинчиди, кўнгил жойига тушган дақиқаларда Гуськов энди менга жин ҳам урмайди, худди ҳозиргидек шошилмасдан, ҳовлиқмасдан, ўзини ўтга-чўққа урмасдан азоб-уқубат билан ўтказилган, ўн баробар ҳис-

саси чиқарып олинган фурсаллар тамом бўлиб, ғалаба қозонилганини эълон қилишгач, уйга олиб кетишадиган ўша кунга етиб бораман, деган ишончдан кўнгли ёришиб кетарди. Лекин мана шу қувончли дақиқалар бир лаҳзада ўтиб кетарди-ю, аста-секин юрагини ваҳима боса бошлиларди: ахир худди мана шу умид билан нафас олиб келаётган минг-минглаб кишилар кўзи олдида ҳар куни ҳалок бўляпти, ҳа, урушнинг сўнгги дақиқаларигача ҳам шундай бўлишини у жуда яхши тушунади. Агар тирикларни — уни ва унга ўхшаганларни жангга солишмаса, одамни қаёқдан олишади? Шундай бўлгач, нимадан ҳам умид қиласан? Шу боисдан ваҳимага түшиб қолган Гусъков бундан буёғига иши ўнгидан келишига кўзи етмай, зимдан ярадор бўлиш пайига тушшиб қолди — албатта, кор жойидан эмас, енгилгина жароҳатланса етарли, — вақт ўтса бўлди-да.

Аммо қирқ тўртингчи йил ёзида, батарея бошқа жойга кўчишга шайланиб, тўплар ғилофланиб қўйилган бир пайтда нақ бурунлари остидан немис танклари чиқиб қолди-ю, Гусъков яхшигина ярадор бўлди. У деярли бир кечакундуз ўзига келмади. У кўзини очиб, тирик қолишига ишонгач, кўнгли жойига тушди: мана, жанг ҳам қилиб бўлди. Энди бошқалар жанг қилсин. Уники етарли, у ўзига тегишилсини дўндириб қўйди. У ҳали-бери тузалмайди, оёққа тургандан кейин эса, уйига жавоб беришлари керак. Тамом — яхшими, ёмонми, ишқилиб, жони омон қолди.

Андрей Гусъков роппа-роса уч ой Новосибирск госпиталида ётди. Унинг кўкрагидан икки марта осколька олишди, лекин жароҳати анчагача тузалиб, битиб кетмади. Уйдан далда бўлсин деб икки марта посилка юборишиди. Настена борайми деб сўраганида. Андрей шундан-шунга сарсон бўлиб, бунинг устига бекорга харж қилиб нима қиласди, ҳадемай ўзим бориб қоламан-ку, деб ўйлади-да, келишига унамади. Палатада ётган шериклари ҳам унинг гапини маъқуллашди. Госпиталга аввалроқ тушганлар қандай ярадорнинг уйига бутунлай кетишини, кимнинг бир бориб келишини, ким фронтга қайтиши кераклигини яхши билар эдилар. «Камида ўн кунга жавоб беришади», деди улар Гусъковга. Ана, энди кутинглар. Кутгил, Настена! У энди арзимаган майдачудаларни баҳона қилиб бир вақтлари Настенани хафа қилганларига сира ишонгиси келмасди: бу ёруғ оламда унинг учун Настенадан яхши хотин йўқ-ку, ахир. Қайтиб борсин, улар шундай яшашадики, у ёгини асти қўя-

верасиз! Урушдан кейин дунё бошқача бўлади. Ҳамманинг, ҳа, ҳамманинг ҳаёти бутунлай ўзгача кечади, буларники эса, айниқса. Улар урушгача ҳеч нимани тушунишмас экан, бир-бирларининг қадрларига етмай, бир-бирларини севмай яшашган экан — шунақаям яшарканми киши??!

Аммо ноябрда, госпиталдан жавоб берадиган кунетиб келганида, у шу кунни деб ўз жароҳатини ялаб-юлқашига сал қолган, сабрсизлик билан кутиб юрган фурсат етганида миясига бир туширгандай бўлишди: қисмга борасан, дейишди. Уйга эмас, қисмга. У уйига кетишига шунчалик қаттиқ ишонгандан қандайдир англашилмовчилик бўлган бўлса керак, деб ўйлади-да, анчагача ҳеч нимага ақли етмай қолди, кейин врачларга чопди, исботлашга тушди, қизиши, дағдага қилди. Унинг гапига ҳеч кимнинг қулоқ солгиси келмади. Жанг қилишга яроқлисан — тамом, вассалом. Унинг кийимларини кийдиришди, қўлига солдатлик дафтарчаси ва озиқовқат варақасини тутқазишида-да, госпиталдан чиқарип юбориши. Қани, туёғингни шиқиллат, Андрей Гуськов, ўз батареянгга этиб ол, уруш ҳали тугагани йўқ.

Ҳали уруш кетаётганди.

У фронтта боришдан қўрқарди, аммо қўрқишидан кўра кўпроқ уйига бориб келишга қўймай, уни орқасига, урушга қайтараётган барча нарсалардан хафа бўларди, жаҳли чиқарди. У бутун вужуди билан, бор ўй-хаёли билан ўз жигаргўшалари — отаси, онаси, Настенани кўришга ошиққанди, шу ўй-хаёл билан яшаган, шу ўй-хаёл билан соғайганди, нафас олганди, у фақат шунигина биларди. Ахир жон борича югуриб кетаётиб, бирданига орқага бурилолмайсан-ку, чунки бир ерингга шикаст этиши мумкин-да. Ахир ўз устингдан ўзинг сакраб ўтольмайсан-ку. Ўз юртингда, Сибирда, уйинг шундоқ қўл чўйса етгулик жойда туриб, қандай қилиб орқага қайтиб, яна ўзингни ўққа, ўлимга урасан? Ахир шу тўғрими, шу адолатданми? Жилла қурса бир кунгина уйига бориб, кўнгли таскин топса майлийди, кейин нима деса ҳаммасига тайёр эди-ку.

Аҳмоқ бўлмаса, Настена тайёр ўзи бориб кўраман деганда йўқ дейдими? Шундай бўлишини илгарироқ билганида-ку, жўнайдиган кунлари чақиради, кўтарди, енгил тортарди. Настена уни кузатиб ҳам қўярди, бирор кузатиб қўйса, киши хотиржамроқ бўлади: одамнинг қисматида кўзнинг ўрни бўлакча — сафар олдидан сенинг қайтиб келишингга мунтазир бўлиб қолувчи кишингни

у жуда яхши эслаб қолади. Ҳаммаси, жүрттага қилгандай, чаппасига кетди. Агар бундан бу ёғи ҳам шундай кетаверса, бу оламда жонингдан умидинг қолмайди-ку, биринчи жангдаёт ер тишлатишади.

У госпиталь бошлиқлари түғрисида бу бир худонинг балоси экан, яшинни қайтариб ёки дўлни тұхтатиб бўлмагани каби буни ҳам бандаси йўлга сололмайди, деб ўйларди. Биттаси, ўша энг каттаси, ҳеч нимани суриштирмай, масалани бир ўзи ҳал қилди-қўйди, бошқалари унинг гапига қўшилишди. Лекин у тирик инсон-ку, нега у билан ҳисоблашишмади? Тўғри, ҳеч ким унга ҳеч нима ваъда қилгани йўқ, у ўзини ўзи алдади. Аммо бошқаларга уйларига бориб-келгани жавоб беришди-ку, жавоб беришди. Жавоб беришганини ўз кўзи билчи кўрди, билади — шундай бўлгач, бу ҳам умидвор бўлади-да!

Наҳотки, чиндан ҳам фронтта қайтиб кетса? Ахир қишлоғи шундоқ ёнида, қўлинини чўзса етади-я. Ҳаммасига қўл силтаб, шартта жўнайвериш керак. Узинг учун — ўл етим. Ҳа, ўзбошимчалик қилганларни ҳам эшитгани бор, лекин бари тўғри бўлиб кетган. Нега энди бунга қолганда тўғри келмас экан? Тўғри келмаса, ундан нарига, шартта жўнаб қолади. Ахир у темир эмас-ку. Уч йилдан ортиқ жанг қилди, урушда юриш ҳам шунчаликда!

У станцияга келиб бир составни, кейин иккинчи составни ўтказиб юборди... Гуськовнинг ўй-хаёллари аралаш-қуралаш бўлиб кетганди, нима қилишини билмасди. У бирор қарорга келолмасдан беҳуда вақт ўтказаётганига баттар жаҳли чиқарди. У озиқ-овқат варақасига паёгини олаётib, навбатда турган бир пакана, хушчақчақ, қўлтиқтәёқли танкчи билан гаплашиб қолди, танкчининг бозида шлём бўлиб, эгилган ўнг оёғи қалин қилиб ўралганди. Танкчи шарққа, Читага кетаётганди.

— Сен қаёққа кетяпсан? — деб сўраб қолди у Гуськовдан.

— Иркутскка, — деб жавоб берди Гуськов дабдурустдан.

— Бирга кетарканмиз, — деб суюнди танкчи.

Шундай қилиб, Гуськов сўнгги дақиқаларда янги ўртоғини шарққа кетаётган поездга чиқарди-да, кетидан ўзи ҳам сакраб чиқиб олди. Бўлганича бўлар. Борди-ю, ушлаб олишса, Красноярскка, кейин Иркутскка иккичу кунга бориб келмоқчиман, деб айтади, қўрқинчли ери йўқ, бир йўлини қилиб қутулиб кетади. Баъзан Гуськов ўз қилмишини ўйлар экан, тутиб олиб қайтариб юбориш-

са ҳам майли эди, деб кўнглидан кечиради. Аммо бундай пайтларда кишининг иши ўнгидан келади: уни ҳеч ким тўхтатмади? Поездлар илгаригидек тирбанд эдики, йўловчиларнинг аксарияти ҳеч нимадан тап тортмайдиган ҳарбийлар бўлиб, уларга яқин йўлаш осон эмасди.

Аммо Гуськов уч кундан ортиқроқ йўл босиб, Иркутскка етиб келди-ю, капалаги учиб кетди. У ёғига борадиган бўлса, бир кунда ҳам етолмайди, икки кун ҳам камлик қиласди — қиши, ахир. Ярим йўлдан қайтиб кётсинмикин, унда манави ножӯя ишга қадам қўйишнинг, хуноб бўлиб, таваккалига иш тутиб, юзсизлик қилиб, бирорвларга исботлашга уриниб юришнинг нима кераги бор эди? Иннайкейин, қайтиб боришга ҳам вақт ўтмадимикан? Гуськов разведка ротасига эндиғина келган қирқ иккинчи йил баҳорида ибратли отишни кўрган эди, у шуни эслади. Ўшанда ўрмон ичидағи кенг майдонга ўхшаган ялангликда полкни саф қилишиб-да, икки кишини олдинга олиб чиқишиди: бири қирқ ёшлиар чамасидаги боғланган қўлини бўйнига осган мужик бўлиб, у ўзини ўзи отган экан, иккинчиси бўлса — ёш бола. Бу бола, айтишларича, эллик чақиримча наридаги қишлоғига, уйига бирров бориб келмоқчи бўлган экан. Бор-йўғи эллик чақирим-а. Бу бўлса, эҳ-ҳе, қаёқдан қочиб келяпти-ю. Йўқ, кечиришмайди, ҳатто уни штраф батальонига ҳам жўнатишмайди. У ёш бола эмас, қандай ишга қўл урганини тушуниши керак.

У ўшанда солдатлар ўзини ўзи отган кишига қанчалик жирканиб, нафрат билан қараб турганларини ҳам эслади. Болага ачинишид-ю, мужикка ачинишмади. «Аблаҳ! — деганди ўшанда одамлар.— Вой аблак-эй! Ҳаммамизни лақиллатмоқчи бўлибсан-да».

Хўш, у, Гуськов-чи, бошқалардан ортиқ ери борми? Одамлар, нега бошқалар жанг қилиши керак экан-у, бу у ёқдан-бу ёққа бориб-келиб юраверар экан, деб ўйлайди, унга ана шунаقا айб қўяди. Урушда кишининг инон-ихтиёри ўзида эмас, у бўлса, ўзига ўзи хўжайнинлик қилди, энди, турган гапки, бу иш учун унинг бошини силлашмайди.

У Иркутскда, вокзалда хаёли қочиб айланиб юраркан, кўзлари ола, учар хотинга дуч келиб қолди, хотин тунашига розилик бериб, уни шаҳардан анча олисадаги уйига олиб келди. Солдат ўзини қаёққа уришини билмаётганини шундоқ ҳам фаҳмлаған хотин эрталаб уни Таня деган ўрта ёшлардаги покизагина, силлиққина гунг хотинниги бошлаб борди. У Таняникида шартта

ўрнимдан туриб, бирон ёқقا жүнаб қолсаммикин, деб кечгача эсанқираб, юраги пўкиллаб ўтиради, эртасига ҳам шу ўй-хаёл билан ўтираверди, кейин эса уйдагилар ҳам, фронтдагилар ҳам то бутунлай умидларини узгунлари-ча кутиш керак, деган андиша билан туриб қолди.

Гунг хотиннинг қишлоқ четида ўз уйи бор эди. Тания госпиталда фаррош бўлиб ишларди, кунига икки марта—тоинг билан ва кечқурун бораарди, у ердан латтага ўраб қолдиқ нон, шиша банкада эса сарқит бўтқа ёки шўрва олиб келарди. Яхциямки, унга бирон нимани тушунтиришнинг ҳожати йўқ эди, умуман, гаплашмаса бўлаверарди. Уни қарангки, худди буюриб қўйилгандай, унга худо тилдан жудо қилган хотин ўнғайгина, осонгина йўлиқиб қолса-я. Ахир Гусъковнинг ўзига айтадиган гапи йўқ эди-ю. Баъзан у хаёлга ботиб ўтиаркан, бу ерга қандай келиб қолганини, уни бу ерга нима бошлаб келганини ўзи ҳам тушуна олмасди, кейин бирдан поезд томонга ташланган ҳар бир қадами, поездда ўтган ҳар бир соати шундоққина кўз олдига келиб, равshan кўриниб кетарди, ичидан қиринди ўта бошларди. У рўй берган воқеадан ҳали ҳам ўзига келолмаганди, шунинг учун гоҳо анчагача қимирамай бир нуқтага маъносиз тикилиб ўтирас, гоҳо дик этиб ўрнидан турарди-да, дард-ала-мини босиш учун одимлашга тушарди; унинг вазмин одимларидан ёғоч уй титраб кетарди, у эса уйнинг у бурчагидан бу бурчагига мокидай бориб-келарди-ю, лекин заррача таскин тополмасди. Энди ўзи тушиб қолган шу аҳволда ташвишлардан қутула олмаслигига кўзи етиб бирданига хуноби ошиб, ўзидан нафратланиб кетди.

Бу туйғудан, тўғрироғи, кайфиятдан, ўзининг ярамаслигидан, ношудлигидан узоқ вақтгача эзилиб юрди.

Тания жуда меҳрибон, жонкуяр аёл эди. У ўзининг гунглигидан заррача изтироб чекмасди, жаҳли чиқмасди, одамлардан ўзини олиб қочмасди: Гусъков қанча турган бўлса, шу вақт ичидан бирон марта унинг қовоғи солинганини ёки бирон нимадан хафа бўлганини кўрмади. Унинг чеҳраси қувноқ бўлмаса ҳам, аммо хотиржам, мулойим бўлиб, ҳар бир дақиқада жилмайишга мойил әди. Гўё гунгликни унга худо жазо тариқасида эмас, балки гуноҳлардан фориг ящаши учун ато қилган эди. Аввал бошданоқ Гусъков Тания мени мишимдан-сиримгача билади, билади-ю, аммо менга ачинади, деган туйғудан ҳалос бўла олмади. Шунингдек, у назарида, гўё Таниянига ўз ихтиёри билан келмаган-у, балки кимдир раҳна-

молик қилиб, шу ёқни күрсатган ва бошлаб келгандай эди. Аммо нимага — ёрдам беришгами ёки оҳиста, секинаста жонини олишгами?

Таня ишдан қайтиб келгач, банкачаси ва тугунчасидаги нарсаларни олиб, Гуськовнинг олдига қўярди-да, рўпарасига ўтириб, унинг қандай овқатланишини ҳарислик, синчковлик ва мамнунлик билан кузатарди. Овқатланиб бўлгач, Гуськов худди мужикнинг елкасига қоққандай, миннатдорона оҳиста унинг елкасига уриб қўярди. Унинг шу қўполроқ суюшидан севиниб, ийиб кетган Таня Гуськовнинг қўлини ушлаб олиб юзига босарди, кейин қандайдир имо-ишоралар қиласади, аммо Андрей тушунмасди. Таня қизишиб, бармоқларини тез-тез, шоша-пиша букиб-ёзар, кўрсатар эди. Гуськов эса бошини чайқаб, тескари қаради. Шундан кейин Таня уни тинчлантириш учун имо-ишораларини йигиштириб қўярди-да, гуноҳкорларча унга қўлини узатарди.

Вақт ўтиши билан Таня ўзининг кўпгина имо-ишораларини ҳар қалай Гуськовга уқдира олди. Болани қай тариқа меҳр, сабр-тоқат билан гапга ўргатилса, Таня ҳам ўз имо-ишораларини унга ана шу йўсинда уқдиради. Аммо бу имо-ишоралардан Гуськовнинг кўнгли кетарди, шунинг учун у иложи борича ўзини ундан олиб қочарди. Гуськовнинг бу ерда узоқ қолиш нияти йўқ эди. Кечалари Таня унга суйканганида Гуськов унинг заиф, киши ҳирсини қўзғатувчи пичирлашини — бундай пайтда барча хотинлар оғзидан чиқадиган ўша сўзларни эшитгандай бўларди-да, капалаги учиб кетарди. У синаб, қимир этмай ётар ва янгилишганига ишонч ҳосил қиласади, шундай бўлса ҳам, у Таня ўзини бирорга ўхшатяпти-ю, аслида ундан эмас, деган нохуш туйгудан ҳар қалай қутула олмасди.

Аммо сирасини айтганда ўзининг ҳам энди кимлиги номаълум эди. Унинг бутун ўйлаганлари аралаш-қуралаш бўлди-ю, чаппасига кетиб муаллақ осилди қолди. Учтўрт кунга келди-ю, бутунлай қолиб кетди. Настенани ўйлади-ю, Таняникига келиб қолди. Бошқа ишлар тўғрисида фикр юритишининг ўзи даҳшатли эди. Ўзинг пиширган ош — айланиб ҳам ич, ўргилиб ҳам, энди юз пушаймон қилганинг билан фойдаси йўқ.

Бир ойдан кейин Андрей сира чираб туролмади. Ўлса ҳам бирон ёққа кетиши керак. Алламаҳалда, Таня госпитални супуриб-сидириб юрганда, у уйдан чиқиб, жўнаб қолди. Орқага қайтиш учун энди унга йўл йўқ эди, фақат биргина йўл — уйга қайтиш қолди.

У Иркутскдан иложи борича эхтиёт бўлиб йўлга тушди. Кундузи қишлоқларда қорасини кўрсатмасликка ҳаракат қилди: битта-яримта кўриб қолса нима бўлади? У харобаларда, қишлоқларда, пичан гарамларида беркиниб ўтираф, атрофга аланглар, ҳар бир шарпадан бир чўчиб тушиб, секингина сўкинар, совқотиб, ўзини лаънатларди, кечаси, ҳаммаёқ тинчигандан кейин оёгини қўлига олиб югуради. Хайриятки, кунлар қисқа, бир тутам эди.

Нихоят, у совуқ қирчиллатиб турган тунларнинг бирида Атамановкага етиб келди, қишлоқнинг юқори честида тўхтади ва икки тарафга чўзилиб кетган уйларининг оппоқ томларига қор толиқтирган кўзлари билан назар ташлади. У ўз қишлоғини кўрганда юраги лоақал булк этмади, булк этишга ҳоли ҳам йўқ эди. У бирпас қараб турди-да, кейин Ангарага тушди ва муздан юриб, жағрлиъдан қишлоқни ҳам кўрмай, судралиб ўз мўрchasига кетди. У ерда, мўрчага кириб, аранг эшикни ёпди-ю, ерига юстубан чўзилди ва анчэгача худди ўлиқдай ҳимирлемай ётди.

Тонга яқин у зўрга оёгини судраб, Ангаранинг нариги томонига жўнади. У елкасига чангини ташлаб олган, белига қистириғлиқ болта эса ликилларди.

Андрей Гуськов Андреевскдан, дарё ёнидаги эски қишлоғидан бошпана топди. У кўпдан бери қўл теккизилмаган печкани ёқди, манеркасида чой қайнатди ва ит кунини кўриб юрган шунча вақтдан бери биринчи марта ичига иссиқ кирди. Ярим соатдан кейин у ё кўпдан бери иссиқ нималигини билмаган вужуди бирданига шунчалик қизиб кетганиданми, ё бўлмаса асаблари тараплашиб, ҳар лаҳза кўзини йириб-йиртиб қарамасдан, қулогини динг қилмасдан,nihоят, яйраб дам оладиган шу онларни талай вақт орзиқиб кутганданми, дағ-дағ титрай бошлади, қўл ва оёқларига қараб туриб, нари бориб-бери келаётганини сезди.

У Иркутскда юрганидаёқ Атамановка атрофида қаерга бош суқишини чамалаб, худди мана шу қишлоғини танлаган эди. Бу ер айни муддао эди, қишлоғ тог ортига бурилиб кетган чуқур жарликда бўлиб, кечасию кундузи ёққанинг билан тутун сира кўтарилмайди. Бундан ташқари, икки қадам нарида сой бор, ер музлаган пайтларда ҳам из қолдирмай бу уйга етиб олса бўлади.

Нима ҳам қилардинг, энди ҳаммасидан олдин шуни ўйлашга тўғри келади. Бу ернинг Ангара ортидалиги жуда қулай, илгари ҳам бу ерларга аҳён-аҳёнда битта-

яримта келарди, ҳозир бўлса жеч ким қадам босмайди. Ҳатто оролча нарғидаги бакенчининг^{*} ҳам бу ерда иши йўқ: пароходлар дарёning кенг, ўнг тармоғидан қатнарди.

Атамановка ерлари, ўтлогу ўрмонлари азалдан ҳам ўша томонда бўлиб, бунаقا жойлар у ерда ҳам кўп эди. Шундоққина ёnlарида ов қилишарди, балиқ тутишарди, бошқа ишлар учун ҳам узоққа боришмасди. Ленага тулашган ерларда овланадиган ҳайвонлар ҳам, ёнғоқ ҳам, мева-чева ҳам сероб эди, шунинг учун дарёning бу томонига камдан-кам сузиб ўтишарди. Тўғри, қишлоқ рўпарасидаги оролчанинг ўт-пичанларини ўриб, мева-чеваларини териб олишарди, шунинг учун ҳам оролчани Пичанзор деб аташарди.

Аммо япон урушидан олдин Атамановкага Расеядан Андрей Сивий деган киши икки ўғли билан кўчиб келган эди. У у ёқ-бу ёқни хўп яхшилаб кўрди, чамалади-да, мужикларни таажжублантириб, ўз хўжалиги учун Ангаранинг шу ёғидан жой танлади. У бошқа одамлар қатори қишлоқда уй қурди, экин экишга эса, ерни бу ердан ажратди. У ўлиб-тирилиб кундаков қилгани ҳам йўқ, экинбоп яланглик, текис ерлар етарли эди.

У иккита қишлоқ қурди: бири дарё бўйида, пичанзорга яқин ерда, иккинчиси юқорироқда, биринчисидан икки километрча наридаги тик тепаликда эди. У хўжалигини шундай йўлга қўйдики, аста қўяверасиз!

Шундан бери бу томонларни Андрей Сивин номи билан атаб, Андреевск дейишади.

Андрей колхоз тузилмасидан анча олдин оламдан ўтиб кетди, бир ўғли герман урушидан қайтиб келмади, иккинчисини эса, ўттизинчи йилда қулоқ қилишиб, оиласи билан қаёққадир бадарга этишиди. Шундай қилиб, муҳожир Андрей Сивий янги ерда илдиз отиб, палак ёзолмади.

Унинг ерларини, табиий, колхоз ўз ҳолига ташлаб қўйди. Тупканинг тубидаги бир неча гектар ерини деб баҳорда, ёзда, кузда одам олиб келиб-олиб кетишга арзирмикин? Ангарадан сеялка-ю, ўроқ машиналарни олиб ўтиш-чи? Шуни деб паром ҳам ясаш керакдир? Дарҳа-қиқат, арзирмикин?

Мана энди Андрей Гуськов ҳамма томонидан қулай, ишончли бошпана қолдириб кетган муҳожир Андрей

¹ Бакен — сув йўлларида хавфли жойларни белгилаш ва кемалар юра оладиган йўлни аниқлаш учун лавгарга боғлаб қўйила-диган сузгич. (Тарж. изоҳи.)

Сибийдан миннатдор бўлиб, унинг ҳаққига дуо қилиши керак.

Борди-ю, у бу ерда кўпроқ турадиган бўлса, пастдаги қишлоғ фақат ёзгача иш беради. Кейин, агар бу ерга биронта балиқчими ёки тиниб-тинчимайдиган одамми ҳафсала қилиб келиб қолгудай бўлса,— ё юқорироққа, ё бирон бир бошқа жойга кўчишга тўғри келади.

Шунинг учун у әртагаёқ бориб, юқоридаги қишлоғнинг аҳволи қандайлигини кўриб келиш керак, деб кўнглига туғиб қўйди. Чанг бўлса — бор. Дарё ёқалаб юқорига кўтарилади, кейин чангидан айланниб бошқа томондан кириб боради. Агар яшашни истасанг, бир амаллаб саранжом топишинг, ниманг бору ниманг йўқ, нима билан янги ҳаётингни бошлашингни бир сидра кўздан кечириб қўйишинг керак. Қани, энди битта милтиқ бўлса, бошқа бировга эмас, фақат Настенага келганини билдириб қўйиши лозим. Ўз кунинг ўзингга қолишидан ёмони йўқ.

У шулар ҳақида бўшашиб хаёл сурини ўтиаркан, титроғи андак босилганда бўлди, печкага яна ўтин ташлади-да, сўрига чиқиб чўзилди ва бир кечаю бир кундуз, то индинига әрталабгача донг қотиб ухлади.

5

Ҳар йилдагига қараганда бу йил заёмга ёзилиш жуда эрта бошланди, кечқурун Настена борди-да, шартта иккимингга ёзилди. Қишлоқда фақат Иннакентий Иванович шурақамга етиб борди, аммо Иннакентий Ивановичнинг пули ачиб ётганини ҳамма биларди, шунинг учун одамлар уни Иннакентий Кармоновиҷ деб атарди, лекин Настена иймасига, қайси давлатига ишониб шунақа қилганини ўзи ҳам тасаввур эта олмасди. Михеичнинг чиндан ҳам тоби йўқмиди ёки шунчаки баҳона қилдими, ҳар қалай мажлисга Настена борди, мажлис нима ҳақда, қайси масала юзасидан бўлишини олдинроқ айтишмаганди. Мана оқибати — Настена ўрнидан турди-ю, шартта айтди-қўйди. Вакил уни мақтади, одамлар эса, ёқа ушлади, Настена бўлса, дадил гапириб юборганидан ўзи қўрқиб кетди, аммо айтилган сўз — отилган ўқ, уни қайтариб бўлмайди. Энди чекинишга кечикканди. Қандайдир ички бир нидо тўғри қиляпсан, деб Настенага тасалли берарди. Модомики, айтдими, демак, нимадир уни шундай дейишга ундаган, бекорга оғиздан чиқиб кетмаганд-да. Балки эрининг гуноҳини облигация билан ювиб

кетмоқчи бўлгандир... чамаси, Настена шу пайтда эрини ўйламаганди шекилли, аммо Настена ўйламаса, ўрнига бошқа бирор ўйлаши мумкин эди-ку, ахир.

Настена келиб, заём тўғрисида оғиз очиши билан, Михеич дарров сўради:

— Хўш, қанчага ёзилдинг?

— Икки мингга.

Скамейкада ямоқчилик қилиб ўтирган Михеич бошини шартта кўтарди-да, ишонмай сўради:

— Нима дединг, ойим қизим, ҳазиллашяпсанми?

— Ҳазилмас...

— Ақлдан озганинг йўқми, ишқилиб? Е шунча пулинг борми? Балки тугиб қўйгандирсан?

— Йўқ.

— Ундай бўлса, нега бунаقا хом хаёлга бординг? Бу пулни қаёқдан топиб бермоқчисан? Менданми ё ундан,— у печка устида ётган Семёновнага ишора қилди,— ё бизни бозорга солмоқчимисан? Ахир, бизни бирор тикинга олмайди-ку.

— Ғалаба учун охирги марта дейишди.

— Ғалаба учун...

Печка устида Семёновна ғимирлаб, парда ортидан бошини чиқарди:

— Нима, нима деяпти?

— Жуда бойиб кетдик, деяпти. Пулимиз жуда кўпайиб кетганмиш. Шунчалик кўп эмишки, қўйгани жой тополмаётганмишмиз.

Настена илгари Андрей билан ётиб юрган каравоти ҳозир ҳам шу ерда турган чит парда орқасига ўтди, Настена Михеичнинг вайсаб-вайсаб ҳовуридан тушиб қолишини, қайноаси эса, гапнинг паст-баландини билгандан кейин телба тўнини тескари кийиб, икки ойлаб-уч ойлаб тумшайиб юришини биларди. «Менга деса, ўлиб кетмайдими улар!»—деб дилидан ўтказди Настена. Бир амаллаб шу пулни тўлайди, кейин бир йўлини ўйлаб тонади. Мажлис ҳам охиргиси эмас-ку, ахир... Аммо ана шу заёмга ёзилиш баҳонасида у Кардага бориб-келишга рухсат олди, ана шу икки минг унга дастак бўлди, агар шу бўлмаса, ҳеч иш чиқмасди, албатта.

У ҳаммасини тўғри хомчўт қилди. Мажлисдан кейин белгиланган рақамнинг пасаймасдан кўтарилганини кўрган колхоз раиси Несторнинг заёмга ёзилишидан хурсанд бўлганини сезган Настена мана кўрдингми, мен ма на шунақаман, дегандай жилмайиб, пилдираб унинг олдига келди.

— Нестор Ильич,— деди у раисни сал ийдириш мақсадида хиёл баландпарвозлик билан мурожаат қилиб,— эртага ўртоқ вакилни ким элтиб қўяди?

Нестор қувлик билан кўзини қисди-да:

— Ўртоқ вакил, ҳой ўртоқ вакил!— деб чақирди.— Манави бизнинг бугунги зарбдоримиз эртага сен билан Кардага бирга бормоқчи. Сен нима дейсан — қарши эмасмисан?

Ҳаммаёги шалайим, бошида бир тутамгина сочи қолган, қилтиллаб турган вакил уларни олдига келди ва Настенанинг кўзига тикилиб туриб тўнгиллади:

— Қайси эркак йўқ дер экан? Мен ҳатто шундай нозанин кузатиб боришини хаёлимга ҳам келтирганим йўқ.

Нестор ўзига яқин кўриб унинг слкасига қоқиб қўйди-да:

— Боргандан кейин яна қайтариб юбор,— деди ва Настенага кўз қисиб қўйди.— Узоқ ушлаб турма, шусиз ҳам бу ерда ишлайдиган одамимиз бармоқ билан санарли.

Эртага Настена Кардага боради. Бу янгиликни ҳали Михеичга ҳам айтиш керак, яхшиси эрталаб айта қолсин, бугунги икки минг машмашаси унга кифоя қиласди. Э худойим, энди бу ёғига у қандай кун кўради-я? Улар нима бўлади?! Нима бўлади?!

...Настена биринчи учрашув вақтида келишиб қўйганига мувофиқ ўша кеча Андрейга милтиқ элтиб берди. Қидириб ўқ ҳам топди, аммо унга керакли дори Михеичда йўқ экан, шу боисдан у йўқни йўндириб иккучта ўққа етарли дорини аранг эплади. Бу кам, албатта Андрей шундай деди, аммо қишлоқдан йигишга Настена қўрқарди: дарров қайнотасига етказишади, кейин у тўполон қиласди. Қишлоқ кичик, кеча ким кимникига туз сўраб кирганини ҳам, то нон пишгунча ким кимдан бир думалоқ бўлка нон олганини ҳам ҳамма билади. Тағин денг, Настена Михеичга билдиримай омбор деворидан устига кийим-кечак ташлаб қўйилган милтиқни олди, чол сезиб қолса — нима бўлиши маълум эмас. Ҳозирча бу ҳақда ҳатто ўйлагиси ҳам келмасди.

Андрей бу сафар мўрчада ўзини бутунлай бошиқача тутди. Унга пўписа ҳам қилмади, тиқ этган тозушдан чўчиб ҳам тушмади, у гангиб, ер билан яксон бўлган одамга ўхшаб индамай ўтиради, ўтиради-ю, бирон нима дея олмасди. Настенанинг унга шунчалик раҳми келдики, ўкраб йиглашига сал қолди. Андрей кегаётиб дилини ёрди:

— Иложини тополсанг, Андреевска, қўйи қишлоғга

олдимга бор. Мен ўша ердаман.— Кейин титроқ овоз билан илтимос қилди:— Албатта бор, Настена, мен кутаман. Аммо әхтиёт бўл, биронта ит исингни олмасин.

Вакилга бўла Несторнинг ўзи миниб юрадиган яхши от — Каръкани беришди. Настена уни раиснинг четаи аравасига қўшди, аравага пичан ташлаб, Каръкани вакил тунаб қолган раиснинг уйига қараб ҳайдади. Раисникидагилар эса энди нонуштага ўтиришгән экан, шу сабабдан Настена қайтиб келиб юрмаслик учун биратўла йиғиштириниш учун уйига жўнади.

Эрталаб, уйқудан туришгач, Михеич Настенанинг шаҳарга боришидан ҳатто курсанд ҳам бўлди чоги. Уйда керосин тугаганди, Михеич отхонадан икки марта шиша-га қўйиб, яширинча олиб ҳам келган эди, Настена ҳам бир марта лампани кўтариб Надъканикига борганди. Ҳа, гугурт ҳам, туз ҳам топиш керак. Совун топилиб қолармикин, деб умидвор бўлишарди ю, аммо топилиши амри-маҳол эди, кўпдан бери совун йўқлигидан кирни ишқорда ювишарди. Йигирманчи йилда Атамановкада дўкони бор баққол хотин Симани партизан Афанасьевич муз устидаги ўйик — куквидан чўктириб юборгач, мих сотиб оладиган жой ҳам қолмаганди, ҳар сафар майда-чўйда лозим бўлса, Кардага боришга тўгри келарди.

Лекин ҳаммасидан Михеичнинг илтимоси қўл келди.

— Менга қара, ойим қизим, бир ҳафсала қилиб овчилар дўконидан ўқ дори билан сочманиям қара. Отишгаку, кўпдан бери отганим ҳам йўғ-а, аммо қўр бўлиб турса, чакки бўлмайди. Баҳорда кийинк-илик полизга келиб қолса ҳам ажаб эмас.

У қазноқдаги керосин солиб юрадиган тунука банкани олиб чиқди-да, ўзининг ит терисидан тикилган пўстинини Настенанинг оёги остига ташлади.

— Бугун қайтиб келасанми, йўқми?

— Билмайман, магазинлар очиқмикин, айланиб чиқа оларникиман.

— Ҳа, майли, бугун бўлмаса, эртага қайтарсан.— Кейин ўзини тутолмай кечаги гапни юзига солди.— Кеча каллаи саҳарлаб кетганча дав бўлсанг кошкийди. Шунда бўйнимга анави икки минг тушмасмиди. Ҳазил гапми? А? Нега индамайсан, ойим қизим? Кеча жимгина ўтирсанг ёки тилингни сал калтароқ қилсанг ўлармидинг, мана, бугун гаплаша берардик. Ҳай, майли, бора қол энди, бэра қол. Иннайкейин, қишлоқ советига ҳам киргин, билгин-чи Андрей тўгрисида бирон янги хат-хабар бор-

мікін. Почтага ҳам кириб ўт. Балки хатми ёки бирор қофозми ётгандир.

Қачондан бери ўзининг гапини маъқуллаб печка устида ётган Семёновна түнгиллаб деди:

— Бе, бизлай бегона эйкак билан бийга аявага тушармидик. Ҳечам-да! Яна шундай замонда-я. Эй худо-йим-эй! Кимга осилишніям билишмайди. Одамлар қутуриб кетяпти.— Семёновна сўзларнинг ярмини ямлаб юборади.— Ахий бу боя-бойгунча аява кетидан югуйиб юймайди-ку, ахий у ёнма-ён ўтияди-ку.

— Бўпти, бўпти, кампир, бичиб тўқииверма,— деб унинг оғзига үрди Михеич.— Ётганингдан кейин индамай ётавермайсанми, оғзингга келганини гапираверасанми? Зап қўрқадиган одамингни топибсан-да — Настенадан-а!

Михеич бағри кенг одам-да. Агар Михеич бўлмаганда шу йилларда Настенанинг ҳолига маймунлар йигларди. Семёновнага қолса-ку уни ўз эркига қўйиб қўймасди-я, ишдан, рўзгор юмушидан бир қадам нари жилдирмасди. Ҳўш, бу ерда кимга ҳам кўз сузардинг. Қишлоқда борйўғи битта эркак, у ҳам бўлса ўша Нестор, шу дардининг орқасидан-ку уни урушга ҳам олишмади, бунинг устига хотини уни ер-кўкка ишонмайди. Михеичнинг ўзи Настенани жон-ҳолига қўймай, бор, бора қол, ойим қизим, хотин-халажларнинг олдига бориб, бирпас ўтириб кел, гаплашгин, ўйнаб-кулгин, сен ёшсан, биз қариялар билан бўғилиб ўтирасанми, деб ташқарига чиқариб юборади.

Михеич хўп хушфеъл одам-да, аммо ҳадемай чол билан ҳам ораларида гап қочиб қоладиганга ўхшайди. У милтиқ гойиб бўлганини билади-ю, кейин бошқа йўқолган нарсаларни қидириб қолади. Настена эса гиқ этолмай тураверади. Буни ўгриларга ағдариб бўлмайди; ҳаммаёқ тўс-тўполон бўлади, сўраб-суриштиришади, тагига этишади, кейин бирдан битта-яримтанинг хаёлига: нега фақат Гусъковларнинг нарсасини ўғирлашади? Шу атрофда юрган ўғри ўзларидан чиқмаганмикин, қаерда қанақа нарса турганини билиб, ўз нарсасини олиб кетмаяптимикин?— деган фикр келиб қолиши мумкин. Андрей зинҳор-базинҳор отамга сездира кўрма, деб тайинлаган. Ана унда қутулиб бўлсан, Семёновна яқинда бир юмалоқ нонни йўқотиб қўйди. Настена уни иккинчи учрашувида Андрейга элтиб берганди, шунинг учун у нонни Надъка қарзга олиб кетди, деб баҳона қилди. Ҳўш, буёғи нима бўлади?

Настенанинг Кардага бориб-келиши жуда ҳам зарур эди. У алоҳида тугунчада тўқима жун кофтасини, ҳар эҳтимолга қарши, борди-ю, ҳеч ким кофтамга қайрилиб қарамаса, деб қимматбаҳо, чиройли, кулранг Оренбург шолини ҳам олиб олганди, бу шолини Андрей турмуш қурган дастлабки йили олиб берганди. Настена буларни унга алмаштиришга олиб кетаётганди. Андрейга-ку амаллаб бир чеълак картошка элтиб берди, аммо ун олишга қўрқди, яшикда бор-йўғи икки қоримли ун қолибди. Уни бўлса, ҳар қалай эри қийналмайди: нон-пон пишириб еб юради. Биронтаси суриштириб қолса, у унни кўчиб келган Маруся учун алмаштиряпман деб қўя қолади. Карда катта қишлоқ, у ерда ҳар қандай ишнинг ҳидини чиқармай, гум қилиб юборса бўлади. Ҳақиқатан ҳам у ўтган қишида Марусяга егулик нарса бериб, кофтани алмаштириб олганди, шунинг учун рости қайси-ю, ёлғони қайси, ажратиш қийин эди. Маруся уруш бошлангандан бери латта-путтасини сотиб болаларини боқиб келаётганини бутун Карда биларди.

Улар қуёш кўтарилиб, чарақлаб турган пайтда йўлга чиқишиди. Чилладаги қилиқларидан кейинроқ совуқ шаштидан анча тушиб қолганди, эрталаб ҳаво аёс бўлса ҳам, аммо тиниқ, илийдиган авзойи бор эди, тушга бориб янада юмшали сезилиб турарди. Каръка қишлоқдан чиқиши билан илдам йўртиб кетди, четан чана, худди муз устида кетаётгандай қатқалоқ йўлда қаттиқ гижирлаб сирпаниб борарди. Қор босган далалардан кўкиш бур кўтарилаарди, уфқда эса оқиши нур устунлари муаллақ тургандай туюларди. Яланғоч қайинларда ўтирган ола қарғалар товуқларга ўхшаб қанотларини икки томонга ёзиб, жимгина тозалашарди. Борлиқ илиб, тўйиб-тўйиб, эркин нафас оларди. Ҳали анча әрта бўлишига қарамай, кўклам нафаси сезилиб турарди.

Настена пўстинин вакилнинг оёғига ташлади-да, олдинга ўтиб чўккалади. От туёқларидан сачраган қор юзиға уриларди: Настена кўзларини қисарди-ю, аммо тескари қарамасди. Четан чанада шамолдай тез елиб бориш ҳам, гўё баҳор гиж-гижлаб, муддатидан олдин атайлаб унинг учун очилиб кетган кун ҳам Настенани ҳаяжонлантириб, ўжарлигини қўзитиб қўйганди, у ҳаммага, ҳатто ўзига ҳам ўчакишиб, бирон нима қилгиси келарди. Етар курк товуқдай, уйда ўтиргани ҳам—олға, Настена! Қўрқма, Настена — олға! Сенинг қувончинг энди бошқача қувонч бўлиши, сенинг қайғу-ғамларинг одамларини тү-

шига ҳам кирмаслиги керак. Сен эса қўрқма, ҳайда, чуҳде, орқангга қарама.

Вакил уни гапга соларди, Настена эса истар-истамас жавоб берарди. Ахир шунаقا эркаклар ҳам бор-ку: гўё ҳаммаёги жойида-ю, аммо эркак бўлиб қаёққа бораарди дейсиз, оғизда, холос. Манави ҳам ўшандака — қўлидан хотин-қизларни заёмга ёздиришдан бошқа иш келмайди. Гап қаёқда, нуқул ҳиқиллайди, юзи ҳам чала ювилган чурук матога ўхшайди — умрида неча марта ювинган бўлса, ҳаммаси шу матога ўтиришиб қолгану бу мато тешилай-тешилай деб турибди.

Далалар тугади, анҳордан ўтишлари билан икки томондан асррий арчазор бошланиб кетди. Бу ер сув сепгандек жимжит эди — на шабада фир этади, на ўзлари чурқ этишади, фақат Каръка туёқларини тап-туп уриб боради. Аҳён-аҳёндагина шожлардан қор тўзиб тушиб, йўл устида кўкка бўй чўзиб турган дараҳтларнинг бирбирига туташиб кетган ўткир учлари билинар-билинмас титраб қўяди — бу ердаги ҳаёт мана шу эди.

Лекин вакил шу ерга етганда тўсатдан дадил бўлиб қолди. Ўтириди-ўтириди-да, ногаҳон Настенанинг орқасидан оғенини ушлаб ўзига тортди ва чўчқадай ҳур-ҳур қила бошлади. Настена чақонлик билан — шунчалик журъатим бор деб ўзи ҳам ўйламаганди,— унинг қўлидан чиқди-да, кўз очиб-юмгунча вакилни чанадан қорга ағдариб юборди; Каръка ҳуркиб, олиб қочди, Настена эса, унинг жиловини тортмади ҳам: ўртоқ вакил бир пиёда юриб, қўл-оғенини ёэсин, қизиб олсин. Уч ярим йилдан бери якранг, яхнасак тиззасини қўлтиқлаб ётди, ўшанда ҳам манавига ўхшаган хезларга ўлса ҳам қиё боқиб қарамаган бўларди. Энди эса, эри бор, бунинг тенги эмас, бир амаллаб тинчтади.

Вакил ҳарсиллаб югуриб келди ва ҳеч нимага тушунмай, Настенанинг қаршилигини ҳазилга йўйди-да, яна унга ёпишди. Унинг боплаб адабини беришга тўғри келди. У кўзини пирпиратиб, жим бўлиб қолди, ярим соатдан кейин эса, гўё ҳеч нима бўлмагандек, хотинини мақташига тушди, болалари ҳақида гапириди. Настена хотиржам тортди — мана бу бошқа гап — шундан кейин у Каръкани жадаллатди.

Кардага қоли қораймасдан етиб келишди, Настенанинг баҳтига магазинлар ҳали очиқ экан. Бу ерда ҳам унинг омади келди: керосин ҳам, ўқ дориси ҳам бор экан, энг муҳими, шулар билан Михеич олдида бошқа ишларини хаспўшлаб кетиши мумкин эди. Шу ондаёқ қайнота-

сига қиласынан баҳона ҳам топила қолди: биринчи куни керосин йүқ экан, олиб келишларини күтдим, дейди. Бундай сабабга эътиroz билдириб бўлмайди. Настена совуң тополмади, албатта, аммо гугурт билан туз сотиб олди. Настена у ёқ-бу ёқни қараб, шам кўриб қолди-да, ундан беш дона олди — булар қаёқдан, қайси черковдан келиб қолгани бир худога аён. Настена эсини таниганидан бери сельпода шам сотилганини билмасди, бу ерда эса, худди буюриб қўйилгандек эски, қорайиб, эгилиб қолган шамлар хор бўлиб ётибди. Учтасини уйга олиб боради, иккитасини Андрейга олиб қўяди, керак бўлиб қолганда эри ёқади, кўнгли кўтарилади.

Ишинг бир юришиб кетса, юришаверади, деган гап ҳаққол рост. Настена кечқурун кофтасини ярим пуд унга осонгина алмаштириди, шолни кўрсатишга ҳожат ҳам қолмади. Бу уни шунчалик қувонтириб юбордики, кечаси бўлса ҳам уйига қайтиб кетмоқчи бўлди, аммо худога шукур, ниятидан қайтди. У эри урушда юрган бир таниш аёлникида тунаб қолди. Настена кечаси гоҳ қўзи илиниб, гоҳ уйқуси ўчиб ётаркан, девор ортида Каръканинг пичанни курсиллатаетганини, совуқдан силкиниб, депсинаётганини эшитиб ётди. Настена тўлганиб ётди-ётди-да, оҳиста ўрнидан турди, бекага билдиримай отни қўиши, чанага бир кунга етарли қилиб пичан ташлади ва йўлга тушди. Унинг кетидан на бирон ит ҳурди, на қаттиқ уйқудаги қишлоқдан бирон овоз эшитилди.

Настена сўнгги уйлардан ўтгач, отни ўнгга, Ангарага бурди. Каръка тушумагандай тўхтади: ахир уйга элтадиган йўл тўғри кетади-ку. Настена жаҳли чиқиб, тизгин билан отни қарсиллатиб урди. Худди кечагига ўкшаб, яна унинг жони ичига сифмай қолди, шу боисдан безгак тутаётгандек аъзойи бадани қалтираб, қани энди чанадан тап этиб ўзимни ташласаму Каръканинг олдига тушиб югуриб кетаверсам, дерди. Тезроқ, тезроқ! Настена отни Ангарадан елдириб ўтиб бўлмаслигини биларди: бирон чуқурга тушиб кетади-ю, оёқсиз қолади,— шунга қарамай у отни қистади. У битта-яримта кўриб қолмасин, тоңг отмасдан Рибнайдан ўтиб олай, деб шошиларди. Юраги қинидан чиққудек бўлиб гурс-гурс уради, Настена ҳам унинг таъсирида остига тўшалган пўстин устида сакраб тушар, ўзини ҳар мақомга солар, жиловни силтаб, қандайдир тушуниб бўлмайдиган, ваҳимали сўзларни айтиб бақиравди. Тезроқ, тезроқ...

Ҳаммаси, ҳозирги ишлар ҳам, кейин бўладиганлари ҳам — ҳаммаси тезроқ бўла қолсин!

Рибная орқада қолиб кетгандан кейингина Настена Каръканинг бошини тортиб, жиловни бўш қўйди. Энди яқин. Ҳовлиқиши ўзидан-ўзи босилиб, кўнгли ҳувиллаб қолди. Худди ичи тутунга тўлиб кетгандай, кўксининг қаеридир жизиллаб ачишарди, аммо нимаданлигини Настена билмасди.

Настена туннинг хиралашиб қолганидан ҳадемай тонг ота бошлишини тушунди.

У йўлда бораркан, мана сен, Настена, ёлғон гапириши ҳам, ўғирлик қилишни ҳам ўрганиб олдинг, деб ўйларди. Аммо бу фақат бошланиши, холос — бундан бу ёғига ҳолинг нима кечади, Настена? Лекин у ҳар қалай гуноҳи борлигини ҳис этмасди, бўйнига олмасди, у кела жакка шунчаки кўз қўрини ташлаб қўйишни, бу ишлар нима билан тугашини кўришни истарди.

Настена Каръкани тўхтатганда тонг отган эди, у отни жиловидан ушлади-да, музламадан етаклаб, соҳилдан кўриниб турган айрилишга қараб юрди.

6

— Салом, хўш, ҳорма энди,— деди Настена ва оҳиста жилмайиб қўйди.

Настена уни ғафлатда қолдирди. У Настенанинг қандай келганини, шоша-пиша отни қантариб, дарё ёнида қолдирганини ва қишлоғвага оҳиста яқинлашганини сезмай қолди. У бошига калта пўстинни тортиб ухлаб ётганди. Настена эшикчани оча бошлаганида у худди портлаш тўлқини сўридан итқитиб юборгандай, оёғида зўрга турарди. Мана, энди у соchlари тўзиб, гангиг, унинг олдида тураркан, келган кимса Настена эканига ҳамон ақли бовар қилмай, шунчалик қўрқиб кетганидан хижолат чекиб, мулзам бўлаётганди.

Ниҳоят, Настена уни тузукроқ кўра олди: букилиб, бесўнақай жуссасининг ўнг томонга сал чиқиб туриши ҳам ўша-ўша, осиёвий ясси юзи ҳам, пучуқ бурни ҳам ўша-ўша, муштлашиб қолган қора соқоли ўсиб кетибди. Қаърига тортган кўзлари еб юборгудек бўлиб тикиларди, ўткир кекирдаги жонсараклик билан худди мокидай чиқиб-тушиб турарди. Ориқлаб, юзлари сўлибди, чўкиб қолибди, аммо қадди букилмабди,— кўриниб турибди, ҳали ҳам бақувват, чайир, сал қўйл тегизсанг бўлди, аъзойи бадани тортишиб, тош бўлиб кетади. У, Настена таниған, билган, жондан азиз киши, лекин ҳар қалай бе-

гона, ғалати эди, бу Настена нима дейишини, қандай сүрашини бىлган, бундан уч ярим йил олдин кузатиб қўйган ўша одам эмасди.

— Мана,— у айборлардек жилмайиб яна гап бошлади,— ҳолингдан хабар олгани келдим. Ташишланма, ҳеч ким кўргани йўқ. Мен бугун тўғри Кардадан келдим, келсам ухлаб ётган экансан. Бирон қора кунингга яраб қолар, деб у-бу олиб келдим.

— Энди кунларимнинг ҳаммаси ҳам қора,— деди у ниҳоят тилга кириб.

Андрей пахтали шим ва жун пайпоқда эди. Унинг бир юзини совуқ олиб, ёноғи қорайиб қолганини Настена энди пайқади. Андрей секин-аста ўзига кела бошлади: оёғини пиймасига тиқиб, печкачани ёқишга киришди. Настена эшик томонга қадам ташлаган эди, аммо у тўхтатди:

— Қаёққа кетяпсан?

— Ахир, бориб нарсаларимни олиб келай, совуқда туриб нима қиласди.

— Ҳозир бирга борамиз.

Улар чанада керосин солинган банқани қолдиришдида, бошқа ҳамма нарсани иссиқ қишлоғга олиб келишибди. Кейин Каръкани дарёнинг юқорисига, муюлиш орқасига ҳайдаб боришиб-да, чанадан чиқаришиб, олдига пи-чан ташлаб қўйишибди. Улар ҳамон худди бегоналарга ўхшаб гаплари қовушмасди, жуда зарур бўлиб қолганда-гина бир-бирига «ол» ё «бер» деб қўйишишарди. Настена унинг кўнглини қандай овлашини, унга нима дейишини ҳали ҳам билмасди. Андрей эса, ёки ҳамон эс-ҳушини йиғишириб ололмаётганидан жаҳли чиқаётганди, ёки шунча йилдан бери уларни боғлаб турган риштани ўй-лаб,— ким билади, бу муносабат сақланиб қолганми-йўқми,— аввалгидек оқибат қилишга бирданига журъат эта олмаётганди.

То отни тинчитиб келишгунча қишлоғ анча исиб қолганди, шунинг учун Настенанинг ечинишига тўғри келди. У оқ қарағай шохи тўшалган катта ўтириди-ю, яна дарров ўрнидан турди — йўқ, бирон иш қилиш керак, бирон нима билан ўзини ҳам, уни ҳам овутниши кера:, арзимаган бирон нима билан топишиб олиши керак. У ашқолдашқоллар уюлиб ётган эшик олдига келди-да, пўстин ичидан ун солинган ёстиқ жилдини олди ва мақтаниб деди:

— Мана, Кардадан сенга ун топиб келдим. Нон қилиб ейсан.

Андрей унга жавобан шунчаки бош иргаб қўйди:

— Бу қанақа қилиқ? — Настена хафа бўлди. — Мени нега бунақа кутиб оляпсан-а? Бир оғиз гапирмайсан. Мен бўлсам ярим кечада йўлга чиқиб, учиб-қўниб олдингга келибмаҳ, курсанд бўлади, деб ўйлабман. Ё қайтиб кета қолганим маъқулмикин?

— Кетиб бўйсан!

Андрейнинг жаҳл билан чўрт кесиб, қатъият билан айтган гапидан Настена эри жўнатмаслигини, ўла қолса ҳам жавоб бермаслигини тушуниди. Настена унга яқинлашди ва кўрларга ўхшаб тимирскиланиб, нозик қўлини олдинга чўзди ва унинг бошига тегизди.

Андрей бўздек оқариб кетган юзини унга буриб, деди:

— Наҳотки сен мени келганимга суюнмаяпти, деб ўйласанг? Хурсандман, Настена, курсанд бўлганда қандоқ! Энди менинг хурсандлигим қаёққа борарди: энди у керакми, йўқми, энди уни айтиб ўтириш лозимми, лозим эмасми, шуни билиш қолди, холос.

Настена бошини унинг кўксига қўйди.

— Э, худойим! Нималар деяпсан-а? Ахир мен сенга бегона эмасман-ку. Ахир биз тўрт йил бирга турдик-ку, ё бу сенга камми?

У Настенани қўлидан бир оз ушлаб турди-да, жавоб бермай, қўйиб юборди. Лекин у Андрейнинг бўшашиб, ҳовуридан тушаётганини кўриб турарди — мана, боши ҳам ликиллади-да, бир ёнига оғиб, елкага тушди,— бу унинг эриётганидан далолат берувчи аниқ аломат, бу фақат Настенагагина маълум эди. У илгари ана шу аломатга қараб, эрининг авзойини билиб оларди: агар бошини ёнига оғдирса, оғзингга келганини қайтарма, хоҳлаганингча кул, шўхлик қил — ҳаммасини кечиради, ўзи ҳам қўшилади, ўйин-кулгига берилиб кетади-ю, кейин ҳани ҳадеганда тинчиса, ўшанда ҳам истар-истамас бас қиларди. Йўқ, аввалги Андрейдан нимадир қолибди. Настена, сен-чи, сен кулмайсанми, дегандек сиполик билан мийигида кулди-да, деди:

— Мен ахир сени шу бугун энди тузуккина кўряпман-у, манави соқолинг билан жуда ғалати кўринаркансан.

— Нега ғалати?

— Билмасам, қандайдир...— деб кулди ва шу заҳоти тилини тишлаб, кулгидан тўхтади.— Алвастига ўхшайсан. Мен мўрчада ким билан бўлганимни — сей биланми ё алвости билан, ўзим ҳам тушунмай қолувдим. Эримга асрәб юриб-юриб, алвости билан ётдимми, деб ўйладим.

— Хўш, хўш, алвасти қанақа экан?
— Чакки эмас. Лекин ўз эринг яхши-да.
— Жуда айёрсан-да. Икковининг ҳам кўнглини олгансан. Кейинги сафар менга устара олиб кел, манави патакни йўқ қиласай.

— Нимага?

— Алвастига ўхшамаслик учун.— У шундай деди-ю, дарров фикридан қайтди.— Қўя қол, олмайман. Мени таниб қолмасликлари учун селкиллаб юраверсин. Алвастига ўхшаб юрганим тузук.

— Вой худойим! Нега эримнинг қорнини ўйламаб-ман-а,— Настена бирдан эслаб қолди.— Нима бало, гап сотгани келдимми.— У азбаройи шошиб қолганидан ҳали эр-хотин икки оғиз, гаплашишмаганини ҳам унугиб қўйди.— Хотин ҳалқи шу экан-да! Бирор дўппослаб турмаса, ўзидан кетиб қоларкан.

Андрей «ҳимм» деб Настенага диққат билан разм солди-да, деди:

— Бирор дўппослаб турмаса деяпсанми?

— Бўлмаса-чи.

— Согиниб қолдингми?

— Бўлмаса-чи, ақлимни киритадиган одамнинг ўзи йўқ эди-да. Хўп, бўпти, ўтири, мен ҳозир.

— Лоақал чой қўйилса бўлармиди,— деб эслаб қолди Андрей.

— Нега ёғочдай қаққайиб турибсан, қўйгин-да. Нима бало, сувинг ҳам йўқми дейман?

Унга лоақал озгина бўлса ҳам ўзини бекадай ҳис этиш ва у-бу ишни буюриб туриш ёқарди, ахир илгари бундай қилишга камдан-кам ҳадди сигарди, бундан буён бунақа имконият бўладими-йўқми, номаълум эди. У Андреини печкага ўтин ташлашга ва гизиллаб бориб дарёдан сув олиб келишга мажбур қилди, кейин унинг кўзи олдида тугунини ечиб, бир думалоқ жавдари нон ќа катта бир бўлак чўчқа мойинни олиб қўйди. Чўчқа мойинни Семёновна куздаётқ Андреяга атаб, ана келиб қолади, мана келиб қолади, деб кутиб юришган пайтидаётқ яшириб олиб қўйган эди. Андрей келмади, аммо унга атаб тайёрлаб қўйилган нарсаларга қандайдир эски ғидъатларга кўра тегишмаганди: аталган нарсага тегсанг ёмон бўлади. Бир ойча бурун Настена тасодифан симборда латтага ўралиб, токчанинг бир бурчагига тиқиб қўйилган мойга кўзи тушиб қолувди, мана, кеча шу мойнинг ярмини кесиб олди. Кимга асрар қўйилган бўлса, ўша одамга яраб қолади. Чанг босган чирпитдаги само-

ғон ҳам қаердадир турган бўлса керак, Андрей отаси-нинг остонасидан ҳатлашини, унинг учун, азиз кимса учун стаканлар кўтариладиган соат келишини кутиб турибди.

Настена урушдан ғордан бир марта кинода (у ўзи ҳам бу мўъжизани бор-йўғи уч марта кўрган эди) шаҳарлик бир хотин жондан ортиқ севган кишисининг кўнглини қандай олишини билмай, унга худди ёш боладек ов-қатни едириб қўйганини кўрганди. Настена ҳозир илгари ўзи ўрганмаган тантиқлик билан ногаҳон бир парча мойни Андрейнинг оғзиға тутишга жазм этди, аммо у унамади. У ўз қилиғидан ҳам ноқулай аҳволга тушиб қолди, ҳам худди қандайдир юпқа муз устидан ўтиб олиб, ундаң у ёғига бемалол кетаверса бўладиган одамдай енгил тортиб қувониб кетди. Аммо чойни бир идишдан — солдатлар манеркаси қопқоғидан ичишга тўғри келди. Улар қопқоқни бир-бирига узатиб чой ҳўплар эдилар. Настена қопқоқни Андрейдан олиб, уни яна узатат-ётгандага ҳам негадир ҳаяжонланиб кетар эди.

Ҳа, бу ердаги ҳамма нарса — ўз ҳолига ташлаб қўйилган, одамни ютиб юборай деб турган қишлоғ ҳам, иккига ёриб, пол ўрнига ерга палапартиш ташлаб қўйилган фўлалар ҳам, шифтдаги әгилиб қолган тахталар ҳам, бир текисда йўнилмаган ёғоч девордаги қоп-қора, қуруқ тўр ҳам, ташқарида тоғдан этакка томон улкан ўркач каби чўзилиб тушиб, офтобда ярақлаб турган, из тушмаган қор ҳам, энди кундузи ёруғда таниб, ёнида қўриб тургани, аммо бу билан ҳали яхши тушуниб етолмаётгани Андрей ҳам, ким билсин, қандай қилиб, нима учун бу олисдаги ташландиқ қишлоғва келиб қолган ўзининг хатти-харакати ҳам Настенани ҳаяжонлантирад, айни чоқда қўрқитар ҳам эди. У хаёли чалғиди дегўнча ҳар сафар ўз олдида Андрейни қўриб турганидан ҳайратланаарди, шундан кейин зўр бериб унинг нима учун бу ерда юрганини эслашга уринарди. Фақат шундан кейингина барча кўрган-кечиргандари қандай бўлса, ўшандайича кўз олдига бирма-бир келарди-ю, шунчаки лип-лип қилиб турарди, булар шунчалик ҳақиқатдан узоқ, хаёлий, тушда кўрингандек эдики, вужудга келган вазият чатоқлашиб, расво бўлмаслиги учун доимо уни яхшилашга ҳарарат қилиш керак эди.

Настена худди ўзи билан ўзи бекинмачоқ ўйнаётган эди: гоҳ вақт ўтиши билан ҳаммаси, албатта, охири баҳайр бўлади, деб ишонарди, фақат кутиб туриш, чидаш керак, дерди, гоҳ юз берган бу воқеа тўсатдан кўзига

ютиб юборадиган ўпқонга ўхшаб кўринарди-да, даҳшатдан нафаси ичига тушиб кетарди. Лекин у қўрқувини сездирмасди, ўзини хурсанд қилиб кўрсатарди. Эртаганима бўлиши ҳали номаълум, бугун эса, унинг айтғани, бугун бир неча йилнинг ҳиссасини чиқариши, бутун борлиғига эркинлик, дам бериши мумкин.

Настена чой маҳали Андрейнинг ризқини қиймаслик учун номигагина тамадди қилган бўлди, иссиқдан лоҳас бўлиб, эснаб қўйди.

— Уйдагилар мени Кардада деб ўйлашади, мен бўлсам сенинг олдингда ўтирибман,— Настена нима мақсадда шундай дегани маълум эмасди.— Билишса борми.

Андрей жавоб бермади.

У катга калта пўстинни ёзди, оёғидаги пиймасини ечиб ташлади-да, қўлларини ҳар икки томонга ёйиб чўзилди. Андрей стол ортидан унга кўз қирини ташлади — Настена унинг ҳавасини келтириш учун гўё ўйқуга кетаётгандай кўзини юмди-да, жим бўлиб қолди. Лекин Андрей яқинлашиши билан у сапчиб туриб, чўқкалаб олди, олдинга энгашиб, худди қизчалардек бидирлаб деди:

- Қоч, бошимни айлантирма, мен сени танимайман.
- Нима-нима?
- Қоч, бошимни айлантирма, мен сени танимайман.
- Гапингни қара-я!

У шўхлиги тутиб кетиб, бир сакраб Настенанинг ёнига чиқди, Настена чап берди, бир вақтлардаги, бирга тура бошлаган дастлабки йилдаги сингари тўполон бошланди. Узлари ҳам роса ўйнашишар эди-да, чанг бурқсив бетарди. Настена нозикойимлардан эмасди, шунинг учун дарров унай қолмасди, шундай кунлар ҳам бўлардики, то у бўлди-бўлди, тан бердим, дегунича Андрей ҳора терга ботиб кетарди. Аммо Настена ҳозир негадир унинг кучини синааб кўришини истамай, қўлини туширди. Андрей эса буни ўзича тушуниб, худди ёш боладек шошилиб, ҳовлиқиб қолди—шунда Настена уни хафа қилиб қўймаслик учун босиқлик билан:

— Секинроқ, Андрей, шошилма, кераги йўқ. Ахир, меҳр-муҳаббатим қаровсизликдан сўлигани гулга ўхшаб қолган. Унга шикаст етказма, уни уринтирма.

Андрей унинг гапига кирди ва Настенанинг билишича, илгари сира бунақа қилмаган одам биринчи марта унинг раъйнiga қараб, қитдай истагини ҳам бажо келтириб, сидқидилдан ардоқлади.

Настена ором олиб ётар экан, хижолат тортиб, ғалати

бир ахволга тушди, назарида, гүё ўзи эри билан эмас-у, қандайdir хади сифмайдиган бошқа бир эркак билан ётгандай эди. Аммо бу туйғу тез ўтиб кетди. Үнинг кўзи илина бошлади, шу ондаёқ қандайdir мўъжиза билан ўзини у бугун жуда олис ерда бирров кўриб қолди; у ерда нимадир бу ердагига қараганда бошқачароқ эди, лекин у ерда ҳам бир ўзи эмасди, ёнида кимдир бор эди, гарчи у, Настена, бу одам Андрейми ёки бошқа бир одамми, билолмади. Андрей бўлса керак, ахир Настена бошқа одамни бошига урадими.

Настена унга бирон нима дейишни, бирон бир яхши, юрагининг тубидан чиққан гапни айтишни истарди-ю, аммо дурустроқ гап тополмай, нимадан бошлишини билмай, ундан илтимос қилди:

— Қаерингдан жароҳатландинг, кўрсат-чи...

У кўйлагининг тугмасини ечиб, кўкрагидаги қизгиш чандиқни очиб кўрсатди. Настена чандиқни оҳиста силаб қўйди.

— Шўрлик... ўлдирмоқчи бўлишибди-да... битиб кетдими, оғримайдими?

— Ҳозир яхши, фақат сирқирайди. Айниқса, ҳаво айниса, бўлмаса йўқ, шунчаки доим ҳалақит бериб туради, бир нима қадалиб турганга ўхшайди, ҳали кўниkkакимча йўқ.

Бундан бир соатгина бурун Настена бу ерга қандай қилиб, нима учун келганини тушунолмай гаранг эди, ҳозир эса, назарида гўё бошқа ҳеч нимани кўрмагандай, билмагандай, бутун умри шу чордевор ичидан ўтгандай туюларди. Қандайdir ўзгача бир ҳаётдан эслали мумкин бўлган барча нарсалар лип этиб ўтиб кетувчи тушнинг тартибсиз, узуқ-юлуқ парчалари сингари ортда гира-шира кўринарди. Наҳотки қаердадир, анави ёқда ҳали ҳам одамлар, уруш, ўлим ва фалокат бўлса? Қачон шунаقا бўлувди, умуман, шунаقا воқеа юз берганми ўзи? Ичкарининг ҳавоси тутундан ачиб кетди, аллаловчи, сув қўйгандек жимжитлик ҳар қандай ғам-ғусса ва ташвишни хаспўшларди, Настена эркинлигидан, танҳолигидан маст бўлиб ётарди. Ором олган Настена ҳузур қилиб, ўзининг шу ердалигини бирор ҳаракати билан сездирмай, чурқ этмай фаромушхотир ётарди.

— Агар ухласам, экақлинг чиқмайдими? — эзиғ, мамнун овоз билан сўради у.

— Ухлайвер, ухлайвер.

Андрей Настенани яхшироқ кўриш учун тирсагига таяниб сал кўтариляди. Настена ухлаб қолганди. Үнинг

совуқдан қизариб кетган күлча юзи мулойимлашиб, уйқуда ҳам майин табассумдан ёришиб турарди. Бу йиллар ичида унинг юзи сал қотиб, дағаллашиб қолиби, унинг юзидан ҳамиша кўзга ташланиб турадиган: вой, жуда қизиқ экан-а, буёғи нима бўлади?— дегандай қизларга хос сабрсизлик, таажжуб аломатлари бутунлай гойиб бўлиби,— аслини олганда бу аломат Андрей шу ердалигига гойиб бўла бошлаганди. Кўп ўтмай чўпчак ҳам ниҳоясига етди, барча сир-асрор ошкора бўлди, борди-ю, баъзан яна бирон бир ажойиброқ иш эътибордан четда қолган бўлса, гўё ўтмишда, йўлда кетаётгандарида шопшилиб эсларидан чиқиб қолгандек, паридан-бери бажо келтириларди.

Настена қўлини кўкрагига, кофтасининг тугмаси ечилган жойга қўйиб ётарди, бармоқлари сал қимирлаб, кўкраги билан бирга кўтарилиб тушарди. Андрей унинг қўллари ҳам дағаллашиб, йўғон тортганини пайқади — бу меҳнатнинг зўридан эди. Настенанинг бир текисда чуқур-чуқур олаётган нафасидан янги соғилган сутга ўхшаш илиқ, ёқимли ҳид тараларди.

Андрей Настенанинг ёнгинасига сурилди-да, уни оҳиста қучоқлади ва унинг юраги қандай тепишига қулоқ солди. Юрак шундайгина қулоги остида дукиллаб, ҳар дукиллаганида унинг ноаниқ, аламли ташвишларини орттиради. Бу ташвиш борган сари ортиб бораётганидан, у эса, бу ташвиш нимага алоқадорлигини билмаганидан ва оқибати нима билан тугашидан бехабарлигидан баттар безовта бўлар эди. У ортиқ ёта олмади, ўрнидан туриб, оҳиста катдан тушди ва худди ўғрига ўхшаб, ухлаб ётган Настенага елкаси оша ўғирилиб қаради. «Ухла, ухлайвер», — деди у пичирлаб, аммо у аслида Настенанинг уйгонишини истарди. У билан бирга бўлса-ю, унинг дилидагини сезмаса, у айтмоқчи бўлган гапларни, қилмоқчи бўлган ишларни билмаса, бунга тоқат қилиб бўладими ахир. Кўнгли музлаб, бирпасда ҳувиллади-қолди, бирор нима қилишини, илитадиган нарсани қўмсаб, гаш тортди.

У ташқарига чиқди-ю, бирдан келиб урган равшан нурга тоб беролмай беихтиёр кўзларини қисиб олди. Назаридан, нақ тоғ устида турган қуёш бор нурини шу ерга сочаётгандек эди. Йилт-йилт қилаётган қордан ҳовур кўтариларди, ола-чалпоқ сояларда эса, қор кўкиш тусда товланиб кўринарди. Кун баҳордагидай илиқ бўлиб, ажиб бир ҳид анқирди. Қишлоғ томининг бурчакларидағи сумалаклар эрирди, қордан могоғ босган парча-парча

ерларда эса қора мевали буталар қаддини ростлаётган әди.

Андрей, гүё очиқ ҳавода бўғилиб кетаётгандек, энти-киб-энтикиб нафас олди. У отни сугоргани кетди, кейин бирор бегона одам бор-йўқлигини кўргани Ангарага тушди, аммо ташвиши аримади. Унга, назарида, гүё ҳозир, худди шу лаҳзада ўзининг бемаънилиги туфайли жуда бир муҳим нарсадан, қайтариб бўлмайдиган, ўзига жуда зарур, кейин сира топиб бўлмайдиган нарсадан жудо бўлаётгандек туюлди.

У қишлоғга қайтиб келди, Настена ҳамон ухлаб ётарди. Андрей ўзини қўярга жой тополмай, яна Настенанинг пинжига тиқилди ва бошини кўкрагига қўйди, аммо унинг яқинлигини ҳис этдию бўғилиб кетиб, нари сурилди. Настена уйғу аралаш қўлинин чўзди-да, эрининг бошини пайпаслаб топиб, унинг сочини силади, Настенанинг қўли тегиши билан Андрей тўсатдан енгил тортди. Андрей кўзини юмди ва елкасида Настенанинг нажоткор қўли турганини сезиб, оҳиста айланиб, қандайдир юмшоқ ва кенг бўшлиққа ағдарилаётганини тасаввур қилдида,— бу унинг ухлаб қолишига ҳамиша ёрдам берарди,— кўп ўтмай ухлади-қолди.

Улар бир вақтда уйғонишиди. Настена кўзини очиб, унга қаради, у ҳам бир чўчиб тушиб уйғонди. Настена унга қараб жилмайди.

Деразадан тушиб турган қўёш нури эшикнинг олдига бориб қолибди: ҳа, кун анча оғибди.

— Жудаям маза қилиб ухладим-да,— деди Настена.— Бу яқин орада шунаقا ухлаганимни эслолмайман ҳам — тош қотибман. Сен ёнимда бўлганинг учун-да ҳаммаси. Сенга қарайману бу сен эканлигингга сира ишонмайман. Мана, кўриб турибсан-ку, уйқуда эса ишондим, эридим-кетдим. Шундоқ жоним кирди-я...

Ухлаб турганларидан кейин улар, гүё қайтадан учрашаётгандек, бир-бирларига таажжубланиб қараашар ва бир-биридан ниманидир умид қилишар әди. Настена ўрнидан турмоқчи бўлди, аммо эри ушлаб қолди, эрининг бу ишидан суюнган Настена кулиб юборди.

Улар гарчи бўладиган гапдан қочиб қутула олмасликларини яхши тушунишса ҳам, бу гапни атайлаб пайсалга solaётган эдилар.

кетиб жанг қилдим, урушдим, бекиниб юрмадим, мугам-бирлик қилмадим, нима бўлди-ю, ўзимга ўзим қилиб, мана шу кўйга тушиб ўтирибман. Одамнинг боши айланса, шунаقا бўлади ўзи. Беҳуда бўлмайди бу. Ҳудами-беҳудами — энди бўлар иш бўлди, вақт ўтди, энди бу ишни тузатиб бўлмайди.

У кўзини юмиб ётарди — шунда гапириш осон эди — одатда одам кимга заҳрини сочишни билмаса, шу ҳолга тушади.

— Аммо қандай, қандай журъат этдинг? — деган гап Настенанинг оғзидан чиқиб кетди. — Ахир бу ҳазила-кам гап эмас-ку. Қандай қилиб юрагинг дов берди-а?

— Билмайман,— Андрей дарров жавоб бермагани учун Настена эри ўзини гўлликка солмаётганини, ёлғон гапирмаётганини пайқади.— Сира тоқатим қолмади. Бўғилиб кетавердим — сизларни жуда кўргим келди. Фронтда бўлганимда қочиб келмасдим, албатта. Бу ер эса, бир қадам жойдек туюлди. Қаёқда яқин дейсан? Поездда келяпман, келяпман, қайтанга қисмимга тезроқ етиб борардим. Ахир атайлаб қочмадим мен. Кейин қарасам энди қайтганимда қаёқка ҳам борардим? Барibir отишади. Яхшиси шу ерда ўлай дедим. Энди нимасини ҳам гапирадим! Чўчқа барибири ўзини балчиққа уради.

— Уруш тугаса, балки кечиришар,— деди Настена гапига ўзи ишонмай.

— Йўқ, бу иш учун кечиришмайди. Бу иш учун агар қайта-қайта тирилтириб отишнинг илложи бўлса, бошқаларга ибрат бўлсин, деб ўлган жойингдан тургазиб қўйиб, уч мартараб отишади. Менинг қисматим тайин, энди уни ўйлаб, жон куйдириб юрмасам ҳам бўлади. Келаётib, бораман-у, Настенани кўраман, ёш умрингни хазон қилдим, тинчгина яшаш мумкин бўлган бир пайтда бўлар-бўлмасга зугум қилдим, деб узр сўрашни ўйладим. Рост-да, нега яшай олмасдик? Еш, соғлом, худди атайлаб бир-биrimизга яратилганда, биримиз узук бўлсак, биримиз кўз эдик. Ҳоҳлаганча ўйнаб-кулсак бўларди. Йўқ, ноз қилибман, ҳукмимни ўтказаман дебман. Аҳмоқлик ҳам шунчалик-да. Аҳмоқлик қилганимни ўзим ҳам тушунардим, ахир мен ҳам жуда овсар эмасман-ку, у-бу нарсага ақлим етади, аммо ўзимни тўхтата олмасдим. Мен ҳали ёшмиз, сонга ҳам кирамиз, бир-биrimизга тўямиз, ҳеҳ-ҳе, ҳали вақт кўп, деб ўйлабман. Мана, ҳаммасига улгуриб ҳам бўлдик. Бораману Настенага кўриниш бераман, хотирасида ёмонотлиқ бўлиб қолмаслик учун тавба қиласман, отам билан онамни олисдан

бир кўраману ўзимни ўлдираман, деб ўйловдим. Кейин ваҳший ҳайвонлар этимини еб, сугумни тозалаб қўйишиарди, албатта. Аммо сен билан манавиндақа бирга бўлишни хаёлимга ҳам келтирмагандим, юрагим дов бермаганди. Бу қайси яхшилигим эвазига берилган мукофот бўлди экан? Биргина мана шунинг ўзи учун, агар калта ўйлик қилмаганимда, сени кафтимда кўтариб юришим керак эди.

— Вой сени, гапингни қара-я — деб гап бошлади Настена, аммо Андрей унинг гапини бўлди:

— Шошмай тур. Бошладимми, энди гапимни тугатай, кейин балки иложи бўлмас. Энди ичимдаги гапимни сақлаб юришимнинг ҳожати йўқ, ярамайди. Нима бўлса, ҳаммасини айтишим керак. Мана уч-тўрт кунга, деб келдим, узр сўрайман, хайрлашиб кетаман, деб ўйловдим, ҳозир бўлса, лоақал ёзгача-қолай деган ниятим бор. Езнинг қанақалигини охирги марта кўрмоқчиман. Кейин, майли ўлсам ҳам армоним йўқ. Бугун бўлса, сен илтишиб қўйдинг, хурсандликдан дод десанг арзиди.— У ютинаётуб қалқиб кетди-да, жим бўлди.— Мен сендан кўп нарса талаб қилмайман, Настена. Шундоғ ҳам менга кўп яхшилик қилдинг. Яна бир неча ойтгина сабр қил, бирорвга чурқ этма, кейин вақти келади, кўзингдан ғойиб бўламан. Аммо сабр қил. Зугумларимга хўп чидадинг, энди бунисига ҳам чида.

Настена шартта ўрнидан туриб, уни тузламоқчи ҳам бўлди-ю, аммо негадир қимирлашни истамади, бу вазиятда тилига калима келмади, шунинг учун у индамади. Андрей шошилмай, бирпас кутиб тургач, гапида давом этди:

— Энди биз одамлар ичидаги кун ҳам яшай олмаймиз. Қачон хоҳласанг, қачон менга ичинг ачиса, келавер. Мен эса сени келсин деб илтижо қиласман. Энди одамларга кўринишм мумкин эмас, ҳатто жоним узилаётган пайтда ҳам мумкин эмас. Бошқаси бўлганича бўлар, аммо буни охирига етказишга ҳаракат қиласман. Мен кейин одамлар сенга, отамга, онамга бармоқларини бигиз қилишларини, қандай яширинганимни фол боқиншларини, изимга тушишларини истамайман. Буниг устига ҳар хил гапларни бичиб-тўқиб, гийбат қилиншларига тоқатим йўқ. Хоҳламайман.— У қўзғолиб, катда туриб ўтиреди, унинг юзи чўзилиб, докадай оқариб кетганди.— Сен ҳам менинг келганимни бирорларга зинҳор айта кўрма. Йўқса, ўлсам ҳам тилингни сугуриб оламан.

— Нима бўлди сенга, Андрей?! Нималар деяпсан!?

Настена қүркіб кетди-да, туриб ўтиради, энди иккови-
нинг тирсаги бир-бирига тегиб, ёнма-ён ўтиради, шунда
у Андрейнинг худди қудуқ ичидан қулдирағ чиқаётган-
га ўхшаган овозда оғир нафас олаётганини эшилди.

— Мен сени қўрқитаётганим йўқ. Сени қўрқитиб
нима қиласман, Настена?! Сен менинг ёруғ жаҳонимсан-
ку. Аммо эсингда бўлсин, мен тирикманми, ўликманми,
барибир, сиримни авайла,— менга қаер иссиғу қаер со-
вуқ эканлиги доимо ёдингда турсин. Кейин, бу ишлар
тугаб кетгандан кейин сен яна турмушингни яхшилаб
оларсан. Яхшилаб олишинг керак, сенинг вақтинг бор.
Бир кунмас-бир кун шундай пайт келиб, ўзингни яхши
ҳис этганингда, азбаройи курсандлигингдан кўнглингни
бутунлай бўшатгинг, ичингда нима бўлса, ҳаммасини
айтинг келиб қолади. Аммо бу ишдан оғиз оча кўрма.
Сен мен ҳақимдаги ҳақиқатни биладиган бирдан-бир
кишисан, бошқалар нима деб ўйласа, ўйлайверсин. Сен
уларга чўри эмассан.

— Мен сенга, Андрей, бирон нима дедимми, нега
мен билан бунаقا гаплашяпсан?— сўради Настеца. У
ўзини йўқотиб қўйиб, нима дейишини ҳам билмай қол-
ди. Фақат хотинларнингни тили учидан турадиган бу
саволда хафа бўлишдан кўра кўпроқ илтижо оҳангни
бор эди, ўз-ўзидан отилиб чиққан бу савол аянчли янг-
ради, аммо Андрей, чамаси, ҳатто бу саволдан курсанд
бўлди, унинг итоатгўйлик билан айтилганидан кўнгли
бутунлай жойига тушди.

— Йўқ, ҳеч нима деганинг йўқ. Хафа бўлма, қўй.
Биламан, сен тушунасан, қандай бўлса, ҳаммасини шун-
дай тушунасан. Агар бошқа вақт бўлганида, эҳтимол, бу
гапларни сенга айтмасдим, энди эса, айтишга тўғри ке-
лади. Нима қилаётганимга, шу ишни нимага қилаётга-
нимга энди ўзимнинг ҳам ақлим етмай қолди. Менинг
суратим одам, гўё бирор ичимга кириб олиб, мени у ёқ-
дан-бу ёқса тентиратиб юрибди. Мен ўнгга бурилай де-
сам, у қўймайди — чапга судраб кетади! Ҳай, майли,
озгина қолди.

— Сен негадир нуқул ваҳимали гапларни гапирияп-
сан...

— Йўрима. Мен сени эмас, ўзимни қўрқитяпман. Э,
энди ўзимни ҳам қўрқитиб нима қиласман: бундан даҳ-
шатлиси бўлмайди. Э, сенинг олдингда бир эриб кетдим-
да. Аммо нима лозим бўлса, ҳаммасини айтдим, ҳамма-
сидан огоҳлантириб қўйдим. Кўнглим анча бўшади.
Энди сен гапиргин.

- Мен ниманиям галирардим...
- Ойим қалай, қимирлаб юрибдими?
- Кейинги пайтларда печкадан деярли тушмай қўйди. Фақат қозон осгани тушади. Хамирга мени яқин йўлатмайди, ўзи қиласди. Бунақада қиёматда ҳам нон ёпишни ўрганолмайман-ку.
- Отам ҳалиям отбоқарлик қиляптими?
- Ҳа. Агар отам бўлмаганда, аллақачон отларнинг ҳаммаси қирилиб кетарди. Фақат отам қараб юрибди-да. Анча чўкиб қолди. Инқиллаб юрибди, дарров чарчаб қолади. Бунинг устига ўтган куни мен уни куйдирдим.
- Нима, нима?
- Заёмга ёзишувди. Мен аҳмоқлик қилиб, икки мингга ёзиламан, деб юборибман. Нимаси қийин, аяб нима қиламан дебман. Заёмга ёзадиган ҳам худо деб турган эканми, жуда хурсанд бўлиб кетди, мени мақтади, албатта.
- Настена айбдорларча жахолаб кулди-да, Андрейга қаради.
- Ҳозирча қарияларни ўз ҳолига ташлаб қўйма,— деди Андрей ва яна тундлашиб, хаёлга чўмди.— Онам кўпга бормаса керак. Улардан кўз-қулоқ бўлиб, қараб туриш керак.
- Менга қара, Андрей, кейин нима қиламиз?— Чўчинқираб, ўз саволидан ўзи юраги увишиб сўради Настена.— Ахир улар кутишяпти, қаердалигини айтар, ёзар, деб умид қилиб юришибди. Уруш ҳам тугайди, кейин улар нима ўйлашади? Ахир, уларнинг ҳамма умиди сендан-ку!
- Умид... умид... — у сакраб ўрнидан тушди-да, у ёқдан-бу ёққа бориб-кела бошлади.— Энди улар умидларини бутунлай узаверишсин. Тамом, узишсин. Мен ҳозиргина шу ҳақда гапирдим-ку. Хўш, менинг қаерда юрганим тўғрисида гап очдинг, а? Бу ҳақда сенга шуни айтишим мумкин. Госпиталимизда бир капитан ётган эди. Уни даволаб тузатишиди, ҳужжатларини қўлига беришиб, уни қисмга жўнатишиди. Эртасига ўща ҳужжатлар почта қутисига ташланганлиги маълум бўлиб қолди. Капитандан эса дом-дарак йўқ. У қаерда? Унинг қаердалигини худонинг ўзиям билмайди. Ёки унинг кийим-кечаги, пули, паёгига кўз олайтириб, ўлдириб юборишган, ёки ўзи изини йўқотган. Бор эди — йўқ бўлди. Кимдан сўрайсан? Капитан нима эмиш, минглаб одамларни тополмай юришибди. Бирор осмонда, бирор ерда, бирор ёруғ оламда азоб тортяпти, бирор бекиниб юрибди, бирор

әса, ким эканини ўзи билмайди, ҳаммаси аралаш-қура-лаш бўлиб кетган, бош-кетини топиб бўлмайди. Мана, мен ўзим ҳам, бор бўлиб бор эмасман, йўқ бўлиб йўқ эмасман. Нима деб ўйласанг, ўйлайвер. Оз қолди, отам билан онам ҳам кутавериб кўзи тешилиб юрмайди. Нариги дунёда учрашамиз, гаплашамиз. Балки у ёқда уруш йўқдир. Бу дунёда эса, заиф бўлсанг ҳам, кучли бўлсанг ҳам, фақат ўз жонингга умид боғлайсан.

Настена эътиroz билдиришга журъат этмади, Андрей эса, бир оз жим тургандан кейин анча хотиржам гапира бошлади.

— Ҳали қайси бири яхши: ўғлинг ёки эринг ўлиб ётганини аниқ билганинг яхшими ёки ҳеч нимани билмаганинг маъқулми, бу маълум эмас. Хотинлар ўз баҳтларини топиб кетишлари учун билгандари маъқул бўлса керак. Бу тушунарли иш: ўзинг ўлганингдан кейин, қўй, хотининг кун кўрсинг-да. Унга халақит берма. Хўш, она-лар-чи? Уларнинг қанчадан-қанчаси фарзанди ўлганми, тирикми, буни билмай, умидини узмай худди кўзлари боғлаб қўйилгандек яшашга рози бўлмайди, дейсан. Она қораҳат олса ҳамки, ишонгиси келмайди. Унга ўғли кўмилган жойни ҳам кўрсатишади, гўр қазган ошнаси ҳам ёзib юборади, бари бир — кам. Майли, отамга ҳам, онамга ҳам кўришиш насиб этмаса-да, умид чироғи ўчмаса бас. Аҳволим шу бўлгандан кейин нима ҳам қилишарди.—У Настенага ўгирилди-да, шартта кесиб деди:—Хўп, бўпти, бу гапни бас қиласайлик. Туш, чой ичамиз. Ҳадемай кетишинг керак. Кетасанми, ёки... балки қоларсан?

— Қандай қилиб қоламан?

— Яна келасанми?

— Келаман, Андрей, келаман, учиб келаман. Йўлни энди билиб олдим.

— Оёғинг тортмаса, келма, ўзингни мажбур қилиб нима қиласан. Мен эса, чидайман, мана шу куннинг гашти анчагача етади.

Настена эсига тушиб деди:

— Вой, мен сенга ўқ дори олиб келувдим-а, сал бўлмаса қайтариб олиб кетарканман.—У дик этиб катдан сакраб тушди-да, бурчакда уюлиб ётган нарсалар ичидагорох билан сочма солинган иккита бўз халтачани қидириб топди.—Ярмини ол, ярмини мен отамга олиб бораман, отам тайинлаган эди.

— Менга бунинг ярми ҳам ўлгунимча етади,—деб Андрей суюнганидан халтачалар тепасида шошиб қолди.—Ҳа, энди жон сақлайман. Энди азоилдан ҳам

қүркмайман. Сен менга катта яхшилик қилдинг. Катта яхшилик қилдинг. Сен, Настена, бебаң хотинсан-да!— Андрей Настенани маңкам қучоқлаб ердан даст күтарди, Настена эса, чинқириб оёқларини силкитарди, лекин Андрей шу ондаёқ хотинини оҳиста туширди ва бирдан қовоғини уйиб, ўзига ўзи деди:— Бунақа хотин билан әркин ўйиаб-кулиб яшасанг-да, манавиндақа кавакларда беркиниб юрмасанг.

— Э, қўйсанг-чи!— деди Настена ҳаяжонланиб, эрининг гапини эшитмасдан.— Нақ ўтакамни ёрай дединг-а! Бунақа қучоқлашлар ҳам эсимдан чиқиб кетиби.

— Тез-тез келиб турсанг, ўргатиб қўяман.

— Менга қолса-ку, ҳар кун жон-жон деб келардим-а.

— Хўш, келолмаслигинга сабаб нима?

Узоқ, бутун кун бўйи чўзилиб кетган бўлса-да, ўгринча бу учрашувга чек қўйиш вақти етганди. Қош қорайиб уй бурчакларидан чиринди ҳиди кучлироқ анқий бошлиди, шифтдаги салқи тахталар нақ босиб қоладигандай ваҳимали осилиб турарди, ҳаммаёқ ҳувиллаб, кишини ташвишлантирас, юрагини шувиллатар эди. Суҳбат ҳам совиди.

Улар чойни наридан-бери ичишиди: Андрей хотинини қорнингни тўқлаб ол, деб қистади, шунинг учун Настена ноилож нон билан чўчқа мойни чайнай бошлиди, Андрей индамай Настенага қандайдир думалоқ, ялтироқ, нуқтлари ёниб турадиган нарсани узатганида хотини кийиниб бўлган эди. Настена секингина:

— Вой, бу нима бало экан?— деб қўйди.

— Олавер, Настена, бу соат. Немис офицеридан ечиб олгандим. Тиригидан, ўлигидан эмас. Энди менга кераги йўқ, сенгә эса, бир кунингга яраб қолади. Агар сотсанг, арzon-гаров бериб қўйма: яхши соат, Швейцарияда ишланган. Икки мингдан камига сота кўрма.

— Вой, худойим-эй, олишгаям қўрқаман.

— Олавер, Сенга берадиган бошқа нарсам йўқ.

Андрей Настенани Ангарадан ўтадиган йўлгача кузатиб борди-да, чанада қучоқлаб, бир лаҳза қотиб турди, кейин Каръкага қамчи босиб, қорга сакраб тушди. Сўнг узоқлашиб кетаётган чана кетидан то кўздан йўқолгунча қараб турди. У қимир этмай, юзи тош қотиб қараб тураркан, мана шу экан-да, деб ўйлади-да, хаёллари тўзиб кетди...

...Настена йўлда кетар экан, ҳўнг-ҳўнг йигларди,— у шунчалик бўгилиб, сиқилаётган эдики, нега бунчалык

қаттиқ сиқилаётганини ўзи дарров тушуниб, тагига ета олмасди. Настенанинг дилидаги яралардан биронтаси пишиб етилмаганди, чунончи уларга қандай малҳам қўйишга ҳам ҳайрон эди, аъзойи баданини қандайдир ғам кемириб, жонини сўриб олаётгандек эди. Агар чойга шакар билан туз солиб, аралаштириб шартта ичиб юборсангиз, ичингизни шундай музлатиб, қотириб юборадики, асти қўяверасиз, ширинликнинг ҳам йўриги бошқа, аччиқликнинг ҳам. Озгина ширинликни сезасизу кейин бу таъмни шўр босиб, аъзойи баданингизни, ҳатто суякларингизгача ачиштиради.

Настенанинг шунча йилдан бери қишлоққа, уйига, ишга меҳр ришталари боғланганди, ўз ўринини топганди, ўзини асрарди, чунки унинг ҳам нимагадир меҳнати сингган, ўзи ҳам сингишиб кетганди. Лекин энди уни боғлаб турган ана шу ришталар бирдан салқиланиб қолди, узилишга узилмади, аммо салқиланиб қолди. Энди ҳаддинг сиққанича, кучинг етганича нима қиласанг қиласавер, қаёққа борсанг боравер деган фикр миясига ўнашиб қолди. Хўш, қаёққа боради? Нима қилади? У бўйнидаги бўйинтуруққа ўрганиб, кўнишиб қолди, борди-ю, ҳатто кетишга жазм этганда ҳам, узоққа бора олмайди, борадиган ери ҳам йўз. Шундай бўлгач, нега ҳам гангимасин киши? Йўқ, кўриниб турибди, кўнгил узиб, чиқиб кетолмайди, яхшини сабр қилиб, бу ёги нима бўлишини пойлаш керак. Нешонасига ёзилганидан қочиб қутула олмайди. Энди айланганда ҳам ўша доирада, аммо салгина нарироғидан беҳуда айланаверишга тўғри келади. Бошқаларнинг қандай яшаетганини кўрасану ўзинг бошқача, пинҳона яшайсан. Кўзингга қараб қадам қўясан, гапиргандан тилингга эҳтиёт бўласан. Икки ҳисса ишлайсан-у, озгина мизғиб оласан. Қувлигинг, чап беришинг, ёлғон гапиришинг керак. Ҳамма бало эри подадан олдин чанг кўтариб, элбурутдан ўз жонини сақлаб қолишини ўйлаганидан бўляпти.

Хом сут эмган банда — озми-кўпми гуноҳи бўлди. Аммо шунчалик гуноҳ қилиши керакми? Андрей бу гуноҳга чидомаслиги, бардош беролмаслиги, яшолмаслиги кундай равшан, у бу хатосини ҳеч қачон тузата олмайди. Бу гуноҳ унга оғирлик қилади. Ундей бўлса, нима қилиши керак энди — Настена Андрейдан қўйини ювиб, қўлтирига ура қолсинми? Эрига тупурсинми? Балки эрканинг бу ерга келиб қолишига Настена ҳам сабаб бўлгандир, айби ... маса ҳам шунга сабабчиидир? У ҳаммадан кўра кўргани шунинг илинжида уйига қараб

жўнаб қолмаганмиди ахир? Настенани қайтиб сира кўролмайман, охирги гапимни айтольмай қоламанми, деб қўрқмаганмиди ахир? У отасига ҳам, онасига ҳам дардими ёрмади, хотинига эса очиқ-ойдин айтди. Балки хотини ёнида уч-тўрт кун бўлиш ниятида ўлимни галга солгандир. Хўш, шундай бўлса, энди Настена ундан қанақасига юз ўгирсин? Бундай қилишга одамда юраи бўлмаслиги керак, юрак ўринида нима фойдали-ю, нима заарарлигини тошсиз тортадиган тарози бўлиши керак. Бундай пайтда бегона одамдан ҳам, ўтакетган ғаламисдан қўл силтаб кетавермайсану Андрей эса, ўзиники, қадрдони... Уларни худонинг ўзи қовуштирмаса ҳам қандай ҳодиса юз бермасин, қандай фалокат бошларига тушмасин, бирга бўлишлари учун ҳаётнинг ўзи қовуштирган.

Тириклар у ёқда, Андрей эса, бу ерда. Эй худо, нима қилиш керак, айтсанг-чи.

Настенанинг юрагига қил сиғмас, гаш эди, аммо айни пайтда худди ўгри урган уй сингари бўш, ҳувиллаб қолганди. Энди ундоқ ҳам, бундоқ ҳам иш тутса бўлаверарди. У қаёққа қарамасин, ҳамма ерда унинг ўй-хаёлини ўғирловчи, ваҳимага солувчи, ютиб юборувчи бир хил бўшлиқни кўтар, миясига келган ҳар бир фикр тушдагидай мавҳум туюларди.

8 .

Андрей Гуськов кундуз кунлари қишловда қолмасликка ҳаракат қиласди. Бироннинг бу ерга келиши гумон эди, аммо у нима бўлса ҳам олди-кетини ўйларди. У ҳар сафар бирон ёққа чиқадиган бўлса, ўзининг озгина қақир-қуқурини сўри остига тиқар, кат устидаги шоҳ-шаббаларни йиғиб, яхшилаб изини йўқотар ва елкасига милтигини ташлаб, дарё ёқалаб қатқалоқдан чанги билан юқорига қараб кетар эди. У одатда дарёнинг ўнг тарафига, Рибнаяга яхин томонга бормасди-да, чапга, роса ўттиз чақишимча нари жойгача чўзилган кимсасиз ерларга бурилиб кетарди.

Ўрмонда тез югуриб- бўлмасди, қор юмшоқлигидан киши ботиб кетарди, аммо ялангликка чиққач, Гуськов ердан сал кўтарилиган қорнинг қолган бетида тез ва бемалол ҳаракат қилганида суюниб, худди муз устидагидек елиб бораарди, унинг бу ҳаракати қандайдир ёқимли ва қувончли туюлса ҳам, ўз-ўзини алдаш эди: олға, кенглик ва эркинлик сари олға, қўрқмасдан, яширинмасдан

юрадиган, ўз қиёфасига эга бўлган, шу қиёфаси билан бемалол яшайдиган олис ерларга қараб юр.

Тайгада — дараҳтлар устида ҳам, ерда ҳам қор бор эди, шохлардан тўкилган нинабарглар сочилиб, қорлар тўп-тўп бўлиб туарди. Тайға ҳали уйғонмаганди, оғир ўйга чўмиб туарди, аммо қарагайнинг шохлари юқорига интилиб қолганди, қипяланғоч қайнинларга кўринишидан сув юрганди, томирларнинг тахир Ҳидж гупиллаб димоққа уриларди. Арчалар ҳам, тоғтераклар ҳам бунда бир жилда қорайиб кўринади — қиши пайтидаги гўё ягона бўлган, яққол кўзга ташланадиган оқ ва қора ранглар ҳаво яхшиланиши билан бир ҳафта ичида оқи оққа, қораси қорага ажралди, ҳар бир ўнқир-чўнқир аник-таниқ мана ман деб туарди. Гувиллаб эсган шамол энди на дўнгликдаги, на чуқурлиқдаги қорни тўзитарди, қор энди эриб йўқ бўлиб кетадиган ерига маҳкам қапишиб қолганди. Ҳали бир эмас, икки эмас, бир неча марта қор ёғади, албатта, аммо номигагина, шунда ҳам янги ёққани шу заҳоти эскисига маҳкам ёпишиб олади. Атрофи очиқ тўнкаларининг ён-вери эрий бошлаганди.

Гусъков сердараҳт нишабликдан то кейинги айрилишга етгунча анча юрди ва ўша ердан Ангарага тушди. Дарё бу ерда ўнгга қайрилганди, соҳил ҳар йили ювилаверганидан жуда кенгайиб кетганди. Бу соҳилда мевацева ҳам, ўт-ўлан ҳам, қўзиқорин ҳам кўп эди: бир замонларда, узунқулоқ гапларга қараганда, бу ерда татарларнинг қишлоғи бўлган экан, аммо ўзга юрт дарёси бўйидаги ерни ёқтириб қолган татарлар нима учун уйжойларига ўт қўйиб, кетиб қолищгани маълум эмас. Аслида шундай бўлганми-бўлмаганми, номаълум, аммо бир замонларда инсон бу ерда заҳмат чеккани ҳозир ҳам сезиларди: кертиклар, далалар, пичанзорлар кўриниб туарди.

Гусъков соҳил бўйлаб яна юрди, юрди эмас, Ангаранинг юқорисига қараб қатқалоқда ғизиллаб кетди.

Бу ерда беркиниб юрсанг юравер-у, аммо кўп ҳам юрагингни ҳовучлайверма, бу ерлар оралиқ жой. Бир вилоят тугади, иккинчиси ҳали бошлагани йўқ. Маъмурлий жиҳатдан бошқа-бошқа бўлиб кетган вилоят одамлари ҳам бир-бирларини яхши билмайдилар. Отилган ўқ овози эшитилса, ҳар иккала томондагилар икки хил ўйлар эди: юқори оқимдаги кишилар қуий оқимдагилар отди деса, қуий оқимдагилар юқори оқимдагилар отди дерди. Гусъков шу ерда, фақат шу ерда ов қилишга жазм этди.

У соҳилда туриб икки кунгача кийикларини диққат билан кузатди, икки кунгача уларнинг Каменний ороли орқали Ангарани қандай кесиб ўтганини кўрди. Андрей учинчи марта борганида оролга ўтди ва кийиклар кесиб ўтадиган буруннинг қуи нишаблигига пойлаб ётди, бу ердан нариги соҳил ҳам, бу соҳил ҳам кафтдек кўриниб турарди: чап соҳил яқинроқ, ўнг соҳил узоқроқ эди. Шу маъниода бу ер жуда қулай бўлиб, чор атроф кафтдек кўриниб турарди, аммо ер бағирлаб эсувчи аччиқ шамол учун ҳаддан ташқари очиқ эди. Гуськов шамолдан яшириниб, орол ўртасида, баҳайбат эски қабристонга ўхшаб қалашиб ётган тошлар ёнига борди ва ногаҳон дара ортида горни эслатувчи чуқур, ён томонга қараб чўзилиб кетган кемтикка дуч келиб қолди, кемтик ичида эса гулхан излари бор эди. Гуськов у ёқ-бу ёқни кўздан кечирди-да, таажжубланиб «ҳим» деб қўйди, кейин хурсанд бўлиб қулиб юборди: бунаقا жой етти ухлаб тушига ҳам кирмаганди. У бу ер қанақалигини, нимага кераклигини ҳали ўзи ҳам билмасдан бир кунига яраб қолишига аниқ ишонди.

У олов ёқиб исинди. Исиниб олгач, агар бугун ови бароридан келмаса, қайтиб қишлоғга бормасдан шу ерда тунаб қолмоқчи бўлди. Шунча олис ерга беҳуда оёғини қабартириб бориб юрадими! Энди оролда ҳам бошпанаси бор, бўлгандаям қулинг ўргилсан бошпана! Кечаси совуқ бўлади, албатта, аммо олов ёқса билинмайди. Қачонлардир бирор ҳам шу ерда яширинибди — ё ҳаво ёмонлигидан ё одамлардан. Аниқроги, одамлардан бекинган бўлса керак, уни нима, қандай зарурат бу ерга бошлаб келганийкин? Уни қаранг, шунча кул-а, аллақачон қорайиб, тошдай қотиб қолибди, ўша одам бу ерда анча турганга ўхшайди. Аммо бунга ҳам анча бўлган. Ўша одам кўп қора, хатарли кунларни бошидан кечирган кўринади.

Уни қаранг-а, Андрей нега илгари Каменнийга келмаган экан-а? Шундоқ ёнгинасида-ю, назардан четда қолибди. Неча марта қайиқда ёнгинасидан у ёқ-бу ёққа ўтди, кўзларини йириб-йиртиб қояларга тикилди, аммо сузиб, бу ерга ўтмаганди. Нотаниш, қиргоқлари тик кесиб тушган бу шумшук орол тошу тилоғочдан иборат эди. Бу орол бошқаларнинг эътиборидан қолган бўлса керак.

Андрей шу ерда тунагани қолди, қолдию гор ўртасида тошлар орасида ётганидан, ҳеч ким уни безовта қила олмаслигидан гўё, ажаб бўпти дегандек, ўз ҳолидан кулиб ётди. Кеч кириши билан у қуруқ ўтинларни ёқиб, ётар ерини иситди, одатдагидек ҳадиссирамасдан, доимо жонини ҳовучлаб юришдан — жон қайғуси энди уни

үйқусида ҳам тинч қўймасди — қутулиб, иссиқ, тинч ухлади.

У эрталаб бурунга анча кеч чиқди: то чой қайнатиб, оғзини куйдирив манеркадан ичгунича, то ўрнидан қўзголиб ташқарига, совуқда чиққунича кеч бўлиб қолди... Қўйи томон жимжит эди, аммо шимол тарафдан секин, бир меъёрда аччиқ изгирин эсарди. Эрталаб ҳавонинг қовоги солинган, хира эди, бундай пайтда ҳайвон ҳам одам ҳам ўзини эҳтиёт қиласди. Бундай айни, тутуруқсиз ҳавода эчкиларнинг шунча олис ерга келиши гумон. Тизма тог ёқалаб секингина орқасига қайтгани маъқулмикин, балки бирон ерда лоақал олмахон учраб қолар.

У нима қилсан экан, деб бориши лозим бўлган чап қирғоққа ўгирилиб, хаёл сурин турганида ногаҳон жардан учта кийик олдинги оёқларини букиб пастга тушиб кетаётганини кўриб қолди. Вой жониворлар-эй, борми-сәнлар! Андрей тисарилиб, тилоғоч орқасига ўтди-да, елкасидан милтиғини олди. Кийик аста-аста сакраб, туёқлари қаттиқ қорда ботиб-ботиб юриб келди. Сўнг сувнинг саёз еридан ўтди-да, тўғри унга қараб қелаверди. Қизиқ, улар нега бу ёққа йўл олдийкин? Е бир лаҳзагина бўлса ҳам дарахтзорга кириб, ҳамма томони очиқ, ҳавфли ялангликка чиқишдан олдин ўзларига келиб олмоқчи бўлдимикин?

Улар изма-из юриб яқинлашиб келарди. Гуськов кийикларнинг қорин қулдирашига ўхшаш ўқтин-ўқтин ҳансираб нафас олишларини эшишиб турарди. Бурунгача кўпи билан юз метрлар қолганди, шунда нимадир уларни сергаклантириб қўйди, сўнг уларнинг олдинда йўл бошлаб келаётгани тўсатдан оролдан пастга қараб бурилди. Андрей кийикларнинг орқасидан қўшогизининг ҳар иккисини гумбурлатиб отди, энг охирида югуриб кетаётган кийик қоқилиб кетди-да, жон аччиғида осмонга, аммо бу сафар олдинга эмас, бир ёнига сапчиди-да, ағдарилиб тушди.

Гуськов югуриб етиб келганда кийик ҳали тирик эди. Кийик хириллаб, тепиниб, остидаги қорни титаётганди; қўзига қон қуийлган; бошини даст кўтарарди-да, ташлаб юборарди. Андрей уни бутунлай ўлдириши керак эди, аммо у унақа қилмади, аксинча, тепасида унинг бирор ҳаракатини кўздан қочирмасликка ҳаракат қилиб жон бергаётган ҳайвоннинг ҳандай азоб чекишига, жимиб қолиб, яна тиришишига, калласини қорда у ёқ-бу ёққа ташлашига қараб турди. Қейин у ҳайвоннинг бошини кўтариб, кўзларига тикилди — кийикнинг кўзлари кенгайди,

шунда Андрей сўниб бораётган қорачигларда иккита ўзига ўхшаган соchlари тўзиган, қўрқинчли иблис башасини кўрди.

Андрей жон талвасаси кийик кўзларида қандай акс этишини эслаб қолиш учун унинг сўнгги ҳаракатини кутди-ю, аммо сезмай қолди. Унинг назарида кийик кўзлари шу лаҳзада ичкарига, ўзига қаратилгандек туюлди.

Баъзан у юқори оқимдаги қишлоғга борарди. Бу қишлоғ қўйи оқимдагига қараганда шинамроқ, кенгроқ эди: тилоғочдан қурилган ва тепаликлар турган қишлоғ абадийдек туюларди. Унинг атрофидаги ерлар ташландиқ бўлиб, турли-туман ўт-ўланлар босиб ётарди, аммо сийрак тогтераклар қатори ёнида кенг-мўлгина майдон оқариб турарди. Бир куни Гусъков хаёлга чўмиб, қазоси етса шу ерга, тогтераклар билан майдон ўртасидаги ерга кўмишларини истаб қолди. Бу ер қуруқ, шинам, дарахтларнинг япроқлари тушиб туради, гулларни кўриб қушлар учиб келади, хониш қиласди, иморат эса, ваҳший ҳайвонларнинг йўлини тўсади.

Қишлоғда печка йўқ эди (қачондир бирор уни эринмай сув ёнига судраб бориб, олиб кетганди), қолаверса, бўлмагани ҳам маъқулга ўхшайди, ўзингни тия олмасдан олов ёқдингми, бўлди, тоғ ортидан буралиб тутун чиқиб Атамановкага кўринарди. Ҳаво исиб, бу ёққа кўчиб ўтишга тўғри келса, печканинг ҳожати йўқ, ҳозирча эса, фақат кундуз кунларигина бу ерга келарди ва соvuқ тушиши билан ўзини ҳаракатга келтириб, оловсиз исиниб оларди. Боз устига ҳаво юмшаб кундузлари шундай қиздирадики, ҳатто калта пўстини ҳам халақит бера бошлади.

Ҳадемай эрувгарчилик бошланиб, ҳаммаёқ шилтшилт бўлиб кетади, унда эса, на этик, на фуфайка бор.

Андрей негадир бу ерда ақлдан озаётганини, пастдагига инсбатан ўзини бутунлай бошқача ҳис этаётганини пайқарди. У ер тинчроқ, синаштароқ эди, бўлар-бўлмасга куйиб-шишмасди, нима қиласман, эртага қаерга бораман, уни-буни қаердан топаман, нима билан чанқофимни босаман, деб бош қотиради-ю, топган-тутганига қаноат қилиб яшайверарди. У узоқ ўйламасди, ўтмишини эсламасликка ҳаракат қиласди, гоҳо шу ерда бошланган ишларгина йилт этиб хаёлидан ўтиб қоларди, у мана шундай ит ётиш мирза туриш билан яшаб юрганига ҳам шукр қиласди. Бу ерда эса, талтайиб, эркаланиб кетди, миясига беҳуда ўй-хаёллар келадиган бўлиб қолди, бу ўй-хаёлларни на чуватиб, на йигиштириб бўларди, бошини юз у ёқдан-бу

ёққа ургани билан дарди ичидә қолаверарди, иш ўтгандан кейин аҳмоқона қилмишларидан пушаймон қиласы.

Энди бундай хаёллар билан ич-этини ейишнинг нима кераги бор? Бурнинг яқин бўлгани билан ўни тишлаб олмайсан-ку.

Бир куни у шу мақолни эслаб, бошқа қўли билан тирсагини ушлади-да, кучи борича бўйини чўзиб тишламоқчи бўлди — бирдан тишлаб қолса-я? — аммо бўйни оғригунча қийшайиб энгашди-ю, оғзи етмади, кейин тўғри айтишган экан, деб хурсанд бўлиб кулиб юборди. Демак, одамлар ундан олдин ҳам уриниб кўргану, аммо уддасидан чиқишишмаган.

Бу ерда у ўзидан ҳам нафратланарди, ҳам қўрқарди, қандай қилса ўзига баттарроқ алам ўтказади, ҳозиргидан беш баттарроқ кунга тушади — шунинг уддасидан чиқолмай ўзини ўзи қийнар, ич этини ер, ҳа, шошмай тур, ҳали вақт-соати келади! — деб ўзига пўписа қиласы эди. Кейин бирдан ҳушёр тортиб, капалаги учиб кетарди: чиндан ҳам вақт-соати келади, кунингиз кўрасан! Кўрганда қандоқ! Ағдарилиб тушасан-у, қайтиб ўзингга келмайсан.

Бу тентаклигига сабаб нималигини у билмасди. Узоқ вақтни мўлжаллаб қурилган қишлоғданми ё атрофида ястаниб ётган, дараҳтлар ортидан музлари қалашиб кетган Ангара, нариги соҳилдаги олис Атамановканинг бир чети кўриниб турадиган бу хушманзара янги ерларданми, ё яна бирон бошқа сабабданми — маълум эмасди. Аммо кишини андармон қилиб қўядиган жиҳатлари бор эди.

Худди бу ерда лаззатли, текин бир нима бордек, уни бу ёққа бошлаб келган нарса ҳам ана шу эди.

Биринчи óвдан кейин бир ҳафта ўтгач, у худди ўша Каменнийда иккинчи кийикни ҳам отди-да, чаңгига судраб, қуйи қишлоғва олиб келди ва қоронги тушганида терисини шилиб, гўштларини нимталади. Гўштни то тонг отгунга қадар юқорига, томга ташлаб қўйди.

Гуськов эрта тонгда эшикни очиб ташқарига чиқди-ю, тахта бўлиб қолди: бир катта кўк ит эшик олдидан бир сакраб нарироққа борди-да, тишларини иржайтириб унга тикилди. Гуськов бу бўри эканини дарров фаҳмламади. Худди туллаётган пайтдагидек озгин, узун, ҳурпайтан юнглари тутам-тутам осилиб турган бўри шундай қаҳргазаб билан унга қарадики, Андрей юраги орқасига тортиб, милтиғига ёпишди. Аммо дарров эс-ҳушини йигди-ю, отмади. Бўри қари, пиҳини ёрган экан: ўқталган мил-

тиққа чап беріб, тоққа қочди ва ўқ овозини әшитмагач, яна тұхтаб ириллади.

Шу-шу бўри кечалари қишлоғга келадиган бўлиб қолди. У Гуськовни увиллашга ўргатди.

Бўри қишлоқ орқасига ўтиб, ўтириб оларди-да, бир нафас олганича шиддат билан узундан-узоқ ваҳимали ули тортарди. Оламдаги барча овоз бунинг олдиди ип әшолмасди — бу овоз қоронғи кечада шунақанги силлиқ, равон, мунгли янгрардики, киши ўпкаси тўлиб кетарди. Гуськов бўрини ҳеч нима билан қўрқита олмаслигидан изтироб чекиб, бир кечаси эшикни қия очди ва жаҳл билэн унинг жигига тегиб, ўзича увиллаб жавоб қайтарди. Жавоб қайтарди-ю, ҳанг-манг бўлиб қолди: овози бўрининг овозига жуда ўхшаб кетганди. Хўш, нима қилиби, мана сизга яна бир ҳақиқат: бўри билан яшасанг бўри бўлиб увлайсан. «Софдил одамларни қўрқитишга яраб қолади», — деб ўйлади Гуськов худбинлик ва аламзада бир гурур билан.

Гуськов бўрига қулоқ солиб туради-да, ўзи ҳам қандайдир мамнунлик, эҳтирос ва сабрсизлик билан увиллай бошларди. Кейин у бўрининг овозига қараб, ўз камчилигини тўғрилаб оларди. Секин-аста, тундан-тунга Гуськов томогини қисиб, бошини орқага ташлаб, овозидаги ортиқча хириллашни йўқотди ва осмонга баланд, тиниқ, бураб-бураб садо чиқаришни ўрганди.

Ахийри бўри тоқат қиломасдан қишлоғни ташлаб кетди. Аммо Андрей энди усиз ҳам жуда дўндириб юборарди. У юраги жуда сиқилиб кетган пайтларда эшикни очарди-да, шўхлиги қўзгандай, эрмак учун тайгани бошига кўтариб, ҳафсала билан аянчли увилларди. Кейин у ўз овозидан олис-олис ерларгача ҳамма нарсанинг сув сепгандек жимжит бўлиб қолишига қулоқ соларди.

9

Март ойининг ўрталарида фронтга кетганлардан биринчи бўлиб, Максим Вологжин Атамановкага қайтиб келди. Агар Петр Луковниковни ҳисобга олинадиган бўлса, биринчи эмас: Петрга урушнинг иккинчи йилидаёқ уйига жавоб бериб юборишганди, аммо жон таслим қилиш учун жавоб беришган экан. У икки ой ўтдай ёниб, азоб чекиб ётди, деярли кўчага ҳам чиқолмади, дала ва полизлардаги экин-тикинлар йиғишириб олингандан кейин оқ ими-жимида жон берди. Шунисига ҳам шукр, ахир гўри ёт ўлқаларда эмас, ўз юртида.

Максим эса, гарчи ярадор бўлса ҳам ҳаёт кечиргани келди, келганда ҳам бутунлай, пок-покиза бўлиб келди. Атамановка шошиб, ҳовлиқиб қолди. Модомики ярадорларга уй-уйларига жавоб беришибдими, демак, яқин қолиди, демак ҳадемай унинг кетидан бошқалар ҳам кела бошлади. Бу ишда муҳими, йўл очиб бориш керак, кейин бошқалар шу издан кетаверади. Аммо шуниси ҳам борки, бу издан юрадиган одам оз қолди. Ҳар бирі ишда аниқ ҳисоб-китобни яхши кўрадиган Иннакентий Иванович Атамановка йигитларининг баракаси қандай учеб кетаётганини рақамларда кўрсатди: икки киши фин урушида қолиб кетди, ўн саккиз киши уруш даврида фронтга жўнади. Бугунга келиб аниқ тириги бир киши (Максим Вологжин) биттаси (Петр Луковников) гўрида ётгани ҳам рост, хотин-халажлардан ўнтасининг қўлида қорахат бор, қолганлари жанг қиляпти. Қишлоқ кичкина, одамларини бармоқ билан санаб чиқса бўлади.

Уша куни Настена, Надъка ва Лиза Вологжина омборда шамол машинада уруглик арпани тозалашаётган эди. Тушдан кейин Нестор Каръасини чоптириб келди-да, жиловни тортиб, отни кейинги икки оёгига тикка қилиб қичқирди:

— Қани, сакра, Лизавета, тезроқ отга мингаш, тезроқ, кимга айтяпман! Максим келди.

Лиза ундан ўзини четга олди, докадек оқариб кетди-ю, ҳўнграб юборди ва шу ҳўнграганича қишлоқча қараб югурди. Бу вақтда Атамановкадагилар типирчилаб қолганди. Омборлар турган тепаликдан қишлоқнинг юқори чеккасига, Вологжинларнинг уйига қараб болалар ва итларнинг чолиб кетаётгандари, қарияларнинг ҳам ҳевлиқиб, гаплашиб, ўша ёққа бораётгандари кўриниб турарди. Нестор эса, йўл-йўлакай милтиқ отиб тўс-тўпонни кучайтириб, яна қаёққадир от қўйиб кетди. Одамлар ундан ўзларини четга оларди, Каръка эса, ўқ овозидан ҳуркиб пишқиради, аммо энди Несторни тўхтатиб бўлмасди, у қишлоқнинг гоҳ нариги бошига, гоҳ бу бошнига отини елдиаркан, ўқ узгани-узган эди.

— Ҳеч бўлмаса шунақа урушиб хуморидан чиқсан,— деди Надъка жаҳл билан.— Ана керак бўлса генеп руди!

У дон солинган қопга ўтириди ва секин-секин жаҳлидан тушиб, қайғу-ҳасрат билан деди:

— Ландавур эрим жонини асраб қололмади-я... Намунача менга тикилиб қолдинг? Нима, нотўғрими? — деди

У таажжубланиб қараб турган Настенага дағдаға қи-
либ.— Болаларни қаторлаштириб қўйиб... мардларча
ўлибди. Хўш, унинг мардларча ҳалок бўлганидан менга
нима фойда, энди мен нима қиласман? Анавиларни боқа-
маними ўшанга?— Надъка учта боласи қолган уй томонга
ишора. қилди ва чанг босган юзига кўз ёшлигини суркаб
йиғлади.— Бир этак бола билан энди мени ким ҳам
оларди? Энди йигирма еттига кирдим. Йигирма етти
ёшимда адой тамом бўлдим. Э, қуриб кетсин-е ҳамма-
сиям.

Шу куни бошқа ишлашмади. Тозаланган арпани
йигишириб олишди-да, уй-уйларига кетишиди, йўл-йўла-
кай омборчи хотинга омборларни беркитиб қўйишини та-
йинлашди.

Уйида ҳатто Семёновна ҳам печкасидан тушибди,
иҳраб-сиҳраб, ҳар қадам қўйганда икки букилиб, қотиб
қолган сёқларини ёзарди. Ҳовлиқиб, гангиб қолган
Михеич унинг ёнида гимиirlарди. У хурсанд бўлиб Нас-
тенага деди:

- Эшитдингми, Максим Вологжин келибди?
- Эшитдим.
- Уша томонга ўтмадингми?
- Йўқ.
- Бориш керак эди... балки у Андрей тўгрисида
зоря бир нима билар.
- Ўзинг бойсанг бўлаймиди, чол,— деб иҳради
Семёновна.— У-буни билиб келайдинг. Настена ёлчитиб
сўролмайди ҳам.
- Қиманиям сўрарди? Бирон гап бўлса, ўзи ҳам
айтади.
- Вой-ей, билганлайнингни қилинглай.

Кейинги вақтларда, Андрей дом-дараксиз бўлиб кет-
гандан кейин, Михеич ўзини одамлардан олиб қочиб
юришини Настена пайқаб қолган эди. Отхонада, албатта,
одамлардан қочиб қутулолмасди, аммо уйга келгач,
ивирсиб юарди, илгаригидек қариялар олдига чиқиб,
чекишмасди, гаплашмасди. Ҳатто, борди-ю, унинг олдига
бигта-яримта кирганида ҳам, у кўпроқ жим ўтиради. У
гаплашиб ўтирганда ким нима деса, сеники маъқул де-
гандек бош қимирилатиш одатини чиқарди, аниқроғи,
ўзи кам галириш учун шундай қиласарди. Гоҳ у бир ўзи
хаёлга чўмиб, хира кўзлари билан бир нуқтага тикилиб
ўтирганида ҳам бошини иргаб қўйиши мумкин эди. Бун-
дай пайтда унинг бошини нима қотираётганини, у ёлғиз
ўтириб, нимани маъқуллаётганини ўзи ҳам билмасди,

аммо у қандайдир ҳали номаълум, яқин орада рўй берадиган бир кўнгилсизликни ҳис этиб, ниманидир комил ишонч билан кутарди.

Бу йил у роппа-роса олтмиш бешга кирди. Унинг урушдан олдин йигитларга ўхшаб юқорига бураб қўйилган мўйлови энди осилиб, сарғиш тусга кирганди. Боз устига Михеичнинг башараси ҳам жуда ҳоргин, ноchor қўринарди, бундай пайтда на уйқу, на дам олиш фойда берарди. У юрганида бошини орқасига ташлаб, қаддини гоз тутиб юарди, кейинги йилларда у биринчи герман урушида ярадор бўлган оёғини ҳаддан ташқари судраб босадиган бўлиб қолганди, аммо Михеич ўтири дегунча дарров бошини қўйи соларди-да, кўзини юмарди, кейин ичини қурум босган катта қорнини шишириб, қаттиқ-қаттиқ йўталарди. Печка устида ётган Семёновна сабри тугаб, бас қилсанг-чи, деб бақираварди. Михеич эса, индамай йўталгани-йўталган эди, у шу йўталганича ҳовлига чиқиб кетарди-да, бирон ишга уриниб, секин-аста тинчиб қоларди, лекин анчагина кучаниб, ўпкаси ғижиллаб нафас оларди. Кўпинча у йўтуалини яна шу тамаки билан босарди — бу абадий хуморбостига бир умр пона уриб, пона чиқаришга ўхшарди, вақт ўтган сари бу ҳол баттар авжига чиқарди, шундай қилмаса, чидаб туролмасди. Унинг овози бўгилиб, хаста бўлиб қолганди, кўзлари, гўё огирилкдан чўкиб кетгандай қисилганди, озғин юзининг суюклари янада туртиб чиққанди — Михеич бир йил ичида ўзини шунчалик олдириб қўйганди, Настена шуларни ўйлар әкан, буёги нима бўларкин, деб юраги орқага тортиб кетарди.

— Бора қол, ойим қизим, бора қол,— деб у Настена ни жўнатди.— Мен ҳали отхонага ҳам боришим керак.

Вологжинларникига бир ўзим бормайман, деб Настена гизиллаб Надъканикига кирди. Надъка, одатдагидек, болалари билан олишиб ётганди. Отаси урушга кетгандан кейин туғилган энг кичкина Лидка, чамаси ҳозиргина шапалоқ еган бўлса керак, полда ўтириб, бор овози билан чириллаб йигларди; каравот ёнида Петъка ҳиқиллаб турарди: энг каттаси Родъка деразага қараб ўгирилиб олганди. Надъка тор кутда¹ даранглатиб идиш-товоқларни иргитар, аҳён-аҳёнда томогини йиртиб, жим бўлинглар, деб болаларга ўшқираварди.

— Нонни бир амаллаб икки кунга етказай девдим, келиб қарасам, аллақачон еб ютишибди,— деб шикоят

¹ Кутъ — хонанинг ошхона вазифасини ўтовчи бурчаги.

қилишга тушди у Настенага.— Қани, ўзинг айт, ахир бузар юдо эмасми, юдо эмасми? Бу текинтөмөқларниң топиб олганини қара-я. Ейишігі ебді, тиқилиб ҳам үл мабді. Энди сизларға оқшат беріб бўпмаи, энди уч кунгача увоқ ҳам бермасман сенларга. Бас қиласанни йўқ-ми?— деб бақырди у яна Ангарага.— Жонимни бўғзимга келтирдинг, бир адабингни беріб қўймасам, қараб тур ҳали. Нояни қорнига урган бу бўлсаю чириллаганига ўлайми, тагин айбдор мен эканман да. Вой худойим-эй! Нега сенларни ер юта қолмайди я! Энди мен сенларни нима билан боқаман, нима билан? Бор-йўғи бир хамирлик уним қолган, кейин ҳаммамизни бир қопга тиқиб; Ангарага ташлаб юборса ҳам бўлади. Мен шу савил қојлур уни йиглаб-сиқтаб юриб, икки марта ёздириб олувдим. Энди менга ким ҳам ун берарди. Қани энди бу зумрашалар сал тушунса. Ахир анави лапашанг, кичик эмас-ку,— Надъка қўли билан Родъка томонга ишора қилди,— сал ўйлаб кўрса бўлмайдими — йўқ, ҳозирию ҳузури, юта қолса, фақат онани алдаш пайида. Нима, мен уни ўзимга яшириб қўйибманми, ўзимга асрар қўйибманми? Сенларга асрар юрувдим, текинхўрлар, очкўзлар, эртага амал бўлар деб. Очликдан ўлиб қолманглар дебман. Шунаقا бўлса, энди ўлсаларинг ўлаверинглар, сираям ачинмайман.

— Ҳадемай Ангарада муз эрийди, балиқ тутаман,— деди Родъка тўнгиллаб дераза олдидан.

— Сен унингни чиқармай тур: балиқ тутар эмиш-а. Утган йили тутган балиқларингни еб улгурмовдик, мана; ҳали ҳам еб ётибмиз. Суякларини қаерга қўйсак экан деб бош қотириб ётибман. Тек тур, овозингни эшитмай. Ҳе, сендақа балиқ тутувчидан ўргилдим-е. Сен Ангарада эмас, қазноқда яхши балиқ тутасан.

Настена зўрга унинг гапини бўлди.

— Юр, Надъка, Максимни кўриб келамиз. Эркаклар қанақа бўлиб кетганини кўрамизу қайтамиз.

— Э, э, нимасини кўраман? Бекорга ярангни янги-лайсан. Бироннинг бахтидан менга нима, занги юқариди.

— Нима, бормайсанми?

— Э, шошмай тур, бораман. Сал у ёқ-бу ёқни йиғиши-тириб олай, манавилардан кўнглим тўқ бўлади. Қоққай қозиқдай тураверма у ерда,— деб қичқирди у Родъка-га.— Утин олиб келиб печкани ёқ. Кўзимни шамғалат қилиб қочишни хаёлингга келтирма. Вой-бўй, қовогини осилганини-я, бирон ёққа жуфтагини растлаб қолмоқчи-

да. Еилиб қўй, уйдан бир қарич қимирламайсан. Бирон-
тани ҳам орқадан дум бўлма.

Лидка онаси кетаётганини фамқлади-да, ялницига
тушиби:

— Мен ҳам бораман. Мени ҳам олиб боринг, олиб
боринг.

Онаси унга бурчакдан товани кўрсатди, шундан ке-
йин Лидка тушунгандай жим бўлиб қолди.

— Кўрдингми? Ана шунақа. Дамингни чиқармай,
ўтирган ерингда ўтиравер. Мен билан борармиш-а. Бир
ками бировларнинг олдида сенлар билан бигиллашишим
қолувди ўзи. Бошқаларнинг болалари бинойидек, бу
расволар, билмадим, худонинг газаби. Булар ким бўли-
шаркин-а, ким бўлишаркин-а, биронта одам айтсаиди
менга.

Настена Лидкани полдан кўтарди-да, деярли унинг
огирлигини сезмай олиб бориб каравотга ётқизди. Лидка
каравотда шу заҳоти ғужанак бўлиб олди-да, ҳиқиллаб,
ҳиқиллашдан муштдеккина вужуди титраб, бугун ўйин-
кулги деган нарса сувга уриб кетганини ва энг яхшиси
эрталабгача тош қотиб ухлац эканини тушуниб, кўзини
юмди. Настена қизчанинг бошини силади, лекин бу эр-
калашдан Лидка баттарроқ титрарди, шунинг учун Нас-
тена қизчанинг ёнидан нари кетди.

Надъканинг шангилигини ёқлаб бўлмаганидек, уни
қоралаш ҳам қийин эди. У урушдан олдин ҳам лафзи
тез аёл эди, айниқса унинг инжиқ феълинин ёқтирмаи
қўйган қайноаси у билан сира муроса қила олмади,
шунинг учун Надъка билан Витя орадан кўп ўтмай рўз-
горларини бошқа қилиб олишларига тўғри келди. Надъка-
нинг қариндош-уруглари қаердадир. Ленада туришарди,
Надъка бу ерда келгинди, бегона ҳисоблашарди. У пешона-
си ярақлаб Витяга йўлиқиб қолди: Витя меҳнаткаш, ваз-
мин, хушфеъл йигит эди, Надъка юз жигибийрон бўлиб
гапирса ҳам, у оч сариқ сочини пешонасида осилтирга-
ничка кулимсираб тураверарди. Жуда жонига тегаверса,
Надъкани маҳкам қучоқлаб оларди-да, ҳазиллашиб, бел-
куракдек кенг кафти билан нозик бир ерига уриб қўяр-
ди, шунда Надъка гул-гул очилиб кетарди. Умуман у
ўзи жанжалкаш аёл эмасди, шунчаки, шўх, тўполончи
эди: Надъка қаерда бўлса, албатта, ўша ерда шовқин-
сурон, ўйин-кулги, ҳазил-мутойиба авжга чиқарди, бу
ҳангома ҳаммадан кўпроқ Надъка туфайли бўларди, ле-
кин у бўлмаса, бунақа ҳангома бошланмасди ҳам. Агар
уруш бўлмаганда-ку, у тезроқ ҳовуридан тушшиб, бола-

лари билән Витяниң олдида ипакдай бўлиб қоларди·я, кейинги вақтларда ўзи ҳам анча қуишлиб қолувди, аммо уруш бошланиб қолиб, қишидаёқ Витяниң ҳалок бўлиши Надъкани гангитиб, серварда қилиб қўйди. Надъка Витя, га шунчалик қуйиб-пишдики, унинг дод-войидан юраи қинидан чиқиб кетай дерди. У ўшанда эндигина кўзи ёриған эди. Надъка гоҳ ўрмонга, гоҳ соҳилга кетиб қолавер ганидан Атамановкадагилар Надъка ўзини бир бало қи́либ қўймаса эди, деб қўрқиб, бориб қизчангга қара, дея уни уйига жўнатишарди. Аммо ҳаммаси ўтиб кетди: куя, куя қуймай қўйган Надъка яна ишга чиқа бошлади, болаларни боқиш учун ўзини ўтта, чўқقا урди. Суянадигац одами йўқ эди: қайнонаси Надъкани ёмон кўрганидан навидаларига ҳам рўйхуш бермасди. Надъка қанчалик елиб-югурмасин, топган-тутгани доим учма-уч эди. Ҳалок бўлган фронтовик оиласига ажратилган қўшимчава дон-дунни Надъка қишидаёқ олиб бўларди-да, кейин ўзини минг ёқса уради-ю, барибир на овқатга, на кийим-кечакка ёлчирди. Болаларнинг ҳаммаси Витяга тортганди; соchlари оч сариқ, камгап, уруш ва асабийлашиб қолган Надъканинг феъл-атвори эса болаларни қўрқон ювош қилиб қўйганди. Чамаен, болаларнинг ўзлари ҳам омон қолишлирага қўзлари етмасди. Учалови ҳам кўчашник олдига чиқарди-да, оналарининг йўлини пойлаб; қўзлари тўрт бўларди, удар шунчалик гарис, ғамзада өдиларки, киши юраги туздай ачишиб кетарди. Раҳмдил одамлар Родъкани чақириб, эргаштириб боришарди-да, қўлига бирон нима тутқазишарди. Родъка эса олмайман ҳам деб қўярди. Настена ҳам қўлидан келганича Надъканинг болаларини ардоқларди, айниқса қизчасини, аммо кейинги ҳафталарда ўз ғами билан бўлиб болаларни деярли унутиб юборганди, ҳозир эса, йиглаётган Лидкани кўтариб, каравотга ётқизар өкан, қизча олдида гуноҳкор эканлигини ҳис этди.

У Надъкани кутиб тураркан, қош ҳам қорайиб қолди, кундузи иссиқдан ғоваклашган қор қотиб, оёқ остида ёқимли гичирларди. Қишлоқнинг бутун қуий чеккаси гўё биёбон эди — на бирор овоз, на тиқ этган товуц өшитиларди, фақат уч-тўрт кампирнинг уйидагина чироқ хира милтиллаб турарди. Ҳатто итлар ҳам Вологжинларникоға югуриб кетганди, ўша ердан уларнинг эркаланниб акиллашлари қулоққа чалинарди. Болаларнинг тўполони, бақириқ-чақириқлари ҳам ўша ерда өшитиларди. Настена билан Надъка индамай қадамларини ростлаб, сиполик билан борар өкан, умумий шодлий

қаяжони уларга ҳам таъсир қилганди. Бир одам булар билан бирга қолиш учун анави ёқдан, урушдан, жаҳаннам оташидан келди — барча эркаклар номидан чопар, хабарчи бўлиб келди: озгина сабр қилинглар, ҳадемай ҳаммаси узил-кесил маълум бўлади: бирорвлар сўнгти умидини ҳам узиб, зор-зор йиглайди, бирорвлар эса, суюнади, ҳаммаларинг эса, бирғаликда янги ҳаётни бошлашларинг керак.

Вологжинларнида одам кўп, ғала-ғовур эди: шифтга осилган иккита ўнинчи лампа катта меҳмонхонани чароғон қилиб юборганди. Стол бошида озиб, қорайиб кетган, сочи худди маҳбусларга ўхшатиб калта қирқилган, кўзлари катта-катта Максим хурсандлигидан бўшашибигина ўтиради. Бинт ўралиб, дока билан тортиб қўйилган ўнг қўли бўйини оғритиб осилиб туради. Ўнинг чап тиззасида отасининг гимнастёркасидағи медалларни жиринглатиб ўйнаб, Вологжинларнинг иккинчи, қичик қизлари, олти яшар Верка ўтиради. Олдин Надъя келди, қўл бериб Максим билан сўрашди-да, кейин деди:

— Эсон-омон қайтганинг билан табриклайман!

Ундан кейин Настена ҳам:

— Эсон-омон қайтганинг билан табриклайман,— деди.

Жипслаб қўйилган икки стол атрофидаги скамейкаларда чоллар, хотин-халажлар ўтирганди; Максимнинг ёнида, ўнг томонида Максимнинг отаси Ефим бувани ўглидан суриб, аллақачон кайфи тароқ бўлган ҳам дўст, ҳам оға Нестор тарвайиб ўтиради, чап томонда эса Лизага жой қолдиришганди, лекин у ўчоқбошидан меҳмонхонага, меҳмонхонадан ўчоқбошига югуриб аранг улгуради. Одатда қонсиз, маъюс юзли Лизани таниб бўлмасди, у гул-гул очилиб кетганди, хурсандликдан энтикар, кўзлари чақнарди, мовий кофточкаси остидаги чўйкак кўкси қайта тепчиб, яйраган эди. Лиза бутун борлиғи билан кулар, яйрар, порлар эди. У Настена билан Надъяни ўтиргизди-да, чидаб туролмай, уларни қулоқлади, бағрига босиб, шивирлади:

— Эрталаб ҳеч гапдан хабарим йўқ эди. Ахир бирга арпа тозаладик-ку. Арпа...— у энтикиб қўйди-да, кулиб юборди ва қочиб кетди.

Максим кулимсираб, уларга — Настена билан Надъяга қаради. Иккала жувон столнинг бошқа томонида, нариги бошида шундоқ рўпарасида ўтирганди. Настена ёрга қаради ва Максимнинг:

— Хўш, Настена, сен әнди әрингни қачон кутиб оласан?— деб сўраганини эшилди.

— Настена қызыллиб, қызарыб, кетди; у сенин бошниң күтарири, илложи борича хотиржам жавоб берди:
— Билан дийдор, күришиңга ҳам ақлим бовар қылмай қолди. Эрим негәдир дом-дараксиз...

— Ким, Андрей дом-дараксизми?

— Да, госпиталда ётувди... у ҳам ярадор эди. Госпиталдан кейин яна фронтга жүннатишганди,— Настена ганирар әкан, ҳаммадан ҳам Иннокентий Ивановичның синчковлик билан тикилиб турғанини пайқади.— Шудан бери дом-дараксиз. Билмайман... Ҳеч нимадан ҳабарим йўқ.

— Гам ема, топилиб қолади.

— Ахир у... чиндан ҳам ном-нишонсиз,— деб тушунира бошлади Иннокентий Иванович, Настенага қараб қўйиб.— Суриштириб келишди, сўрашди. Ҳужжатларга қараганда, ҳеч қаерда йўқ шекилли.

— Кетаётганда йўлда бошқа қисмга ўтказиб юборишиган бўлса керак. Бунақа ҳодиса жуда кўп бўлади. Ҳатларнинг ҳаммаси ҳам жой-жойига етиб боравермайди,— деди Максим комил ишонч билан, Настена ишонч билан айтилган бу гапдан шу заҳоти енгил тортди, гўё у чиндан ҳам Андрейга нима бўлганини билмайдигандай эди.

Қизиқ: на умид қилган, на-да кутган Лиза бунча нарсаларни қаёқдан топа қолди — столнинг устида минг хил ноз-неъмат. Турган гапки, товуқни бугун сўйишган, аммо тузланган тўш ҳойнаҳой ёздан бери сақланиб келаётгандир, бу тўш ҳам бир эмас, икки эмас, бир неча йилдан бери чирпитда интизор бўлиб турган самогон сингари атайлаб мана шунақа кунга асраб қўйилганди. Бироқ кимесасини кутаётган бошқа хотинлар ҳам ана шунақа: ўзи оч қолади, болаларини тузуккина тўйдирмайди-ю, аммо висол чоғига ғамлаб қўяди. Бу аёллардан қанчадан-қанчаси кўз ёши тўкиб, яшириб қўйганларини дастурхонга тортмади дейсиз! Утган йили қузда Агафья Сомова ўғлидан қорахат олди, дастлабки кунлари дод-фарёд қилиб юрди-да, кейин хотин-халажларни йигди, уруш вақтида борлиги ҳам эсларидан чиқиб кетган спиртни олиб стол устига қўйди, қўймоқ, кисель билан бирга яна ҳар хил майда-чуйдалар ҳам тайёрлади, ўша спирт ўғлининг маъракасида ичилди. Ҳа, бундай кулфат биргина Агафьянинг бошига тушгани йўқ, энди бунақани санаб, саногига етолмайсан, яна кимнинг қисматида бундай кулфат борлиги ҳали маълум эмас. Ҳозирча фақат Лизанинг орзуси ушалиб турибди.

Лиза мәқмөнларга арот қуйгач, дастурхон атрофияда-
гиларнинг ғала-ғовури авжга чиқди. Нестор ашула ай-
тишта тушди, аммо ҳеч ким унга жўр бўймади, унга,
умуман, негадир ҳеч ким эътибор бермасди. Чоллардан
бальзи бирлари столдан турди-да, девор ёнига бориб чўн-
қайди ва тамаки ўраб чека бошлади: қариялар шу ерда
ўринларидан турмай, Лиза узатган стаканларни олар ва
уришириар эдилар. Иннокентий Иванович туриб, Мак-
симнинг ёнига ўтириди ва билагонлик қилиб Америка
тўгрисида, унинг қандай урушаётгани ва у ерда қачон
революция бўлиши ҳақида жиддий гап бошлади. Мак-
сим истар-истамас жавоб қайтарарди — Иннокентий
Иванович бу ҳақда, айниқса революция хусусида кўп
нарсани билиши кўриниб турарди. Верка отасининг
тиззасида мудрай бонлади; Лиза уни олиб бориб ўрни-
га ётқизмоқчи эди, аммо Вера отасига ёниниб олиб,
чириллади — уни ўз ҳолига қўйишга тўғри келди. Ким-
дир Максимдан қўли хусусида сўраб қолди, кейин Мак-
сим — биринчи марта бўлмаса керак, госпиталда қўли-
ни кесмоқчи бўлишганини, лекин у унамаганини,— чан
қўли бўлсаям майлийди-я, ахир асосийси ўнг қўли-ку,
у бўлмаса бутунлай ногирон бўлиб қолади-ку,— аммо
ҳали ҳам бу қўли кўп овора қилишини гапириб бера
бошлади. Бир стакан самогонни отиб олган Надъка
қизиқиб сўради:

- Уни... бир четга сурса бўладими?
- Бир четга? Нимага энди?
- Ахир кечаси ҳалақит бермайдими?

Максим кулиб юборди:

- Ҳалақит берса, Лиза кесиб ташлайди.
- Мен сени, Надъка, бунақа гапинг учун колхоздан
ҳайдайман,— деди Нестор ишшайиб.

— Овозингни ўчир. Ҳайдармиш-а. Ишқилиб ўзингни
думингни туғиб қўйишмасин тагин,— деди Надъка
баланддан келиб, аммо зарда қилмай, фақат узиб
олди.— Йигитлар келишса, қўлтифингта сув пуркаб
қўйишади. Хўп зуғумингни ўтказдинг, шуниси ҳам етар.
Одамларни оёргингнинг уни билан кўрсатдинг. Пичо-
гинг ҳамиша ҳам мой устида бўлавермайди.

— Мен сизларни оёғимнинг уни билан кўрсатдим-
ми?— деди хафа бўлиб Нестор,— А, хотинлар? Кеккай-
димми?

Аёллардан биронтаси миқ этмади.

— Унинг гапини қўйвер,— деди йўғон, дўриллаган
овозда Василиса Рогова Несторининг ёнини олиб. Семиз,

қўпол, уруш даврида заррача озмаган бу аёлни қишлоқ дагилар Доно Василиса дейишарди.

— Нимасини қўяди? Нимани?! Нима, нотўғрими?

— Огзингга келган гапларнинг ҳаммасини ҳам Надежда, кўпчилик олдида айтиб бўлмайди,— гердайи насихат қилди Доно Василиса.— Фронтовик ҳали осто-насидан ҳатлаб ўтмасидан бурун сен унга пичинг отяғсан.

— Қанақа пичинг экан? У, авваламбор тун бўйи сен билан менинг валақлаганимизга қулоқ солиб, Лизе өсига ҳам келмайди дейсанми? Аслини олганда, унин битта қўлигина шикастланган, холос, бошқа ёқлари бинойидек.

Максим яна кулиб юборди, унинг кетидан чоллағ йўтал аралаш хахолашиб кулиши.

— Биламан,— деди Надъка унга ёпишиб,— сен Василиса, мендан қўрқасан. Қўрқмасаң ҳам бўлмайди да: Гавриланг келса ҳаш-паш дегунча бошини айлантириб, ўзимга қаратиб оламан. Мен сендан анча ёшман менга тенг келолмайсан.

— Гавриладан кўнглим тўқ,— деб жавоб берди Василиса истеҳзо билан.

— Қизиқ, нима сабабдан ундан кўнглинг тўқ-а? Нима, у авлиё эканми?

— Авлиёликка-ку авлиё әмас-а, аммо сен билав овора бўлиб юрмайди. Шундай яхши қушини ҳаккага алишириб нима қиласди? Сен бир ҳакка бўлсанг, шақашақа қилишдан бошқасини билмасанг.

— Вой, анавининг ўхшатишини қаранглар-а!— деди Надъка хурсанд бўлиб тез-тез.— Майли, мен ҳакка бўлақолай, аммо сен қанақа яхши қуш экансан-а? Анави қағиллашдан бошқани билмайдиган қора қарга сен әмасмиссан-а?

— Йўқ, Надежда,— қизгиш соқолини селкиллатиб, айёрлик билан жилмайганча, гапга аралашиб Иннакентий Иванович.— Сен Василисанинг тагига етолмайсан унинг таги мустаҳкам. Ахир Гаўрила фронтдан посилкаларни сенга әмас, унга юборяпти-ку. Бу йил, чамамда, бешта посилка олдинг шекилли, а?— у Василисага юзланди.— Еки кўпроқми?

Василиса тутилиб:

— Санаганим йўқ,— деди.

— Василиса ҳатто уларни очгани ҳам йўқ,— деб кесатди Надъка.— Курси ўрнида ишлатиб юрибди.

— Нима қылсам қылавераман, бу сенинг ишинг эмас.

Аммо Надька қизишиб кетганди, энди уни түхтатиш осон эмасди.

— Сен, Лиза, қизил аскарингдан нечта посылка олдинг? — деб сүради Надька.

— Биттаям олганим йўқ.

— Агар мен бўлсам, шунача қылса уни остонаяга яқин йўлатмасдим. Нима бало, ўзинг ҳам ўлгудай лапа, шанг, ҳеч нимага тушунмайдиган овсармисан дейман? Яна оғзинг қулогингда-я.

— Менга посылка-мосилкаси керак эмас,— хурсанд бўлиб қулиб юборди Лиза.— Мен бугун сигирни сўяйлик дедим. Ёлғон гапирсам, мана, дадам гувоҳ: зиёфат зиёфатдай бўлсин-да, келинглар, сигирни сўяйлик дедим! Улар мени авраб қўйишишади. Ундан бўлса, товуқларни битта қўймай сўйинглар, қайтиб турқини кўрмайин дедим. Улар товуқларга ҳам қайишишди. Худо хоҳласа, ҳаммасини топамиз, ишқилиб бирга бўлсанк бўлди. Бир ўзим икки букилиб тамом бўлдим, қайғу-ҳасратдан икки букилиб қолардим ё бўлмаса ўзимни бир бало қилиб қўярдим.

— Демак, икки букилиб қолардим дегин? — деб чўзib, имлаб чақириб қайта сўради Надька.

— Ҳа, икки букилиб қолардим.

— Е бўлмаса ўзингни бир бало қилармидинг?

— Бўлмаса-чи.

— Намунча олиб қочмасанг-а, Лиза? — деб Надька мугамбирлик билан гап бошлади-ю, аммо чидаб туролмади, аламидан овози титраб, юрагидагини тўкиб солди:— Бу нима деганинг, демак, мен ҳам, манави Катерина, Вера, Капитолиналар ҳам ўзимизни бир бало қилишимиз керак экан-да, а? Шунақами? Нима, сен уни ҳаммадан кўра кўпроқ севардим, ҳаммадан кўра кўпроқ кутган эдим, демоқчимисан? Демак, сенингча, уларни биз ўзимиз йўқ қилган эканмиз-да? Сен, Лиза, биз кўрган кунни кўрганинг йўқ, шунинг учун бунача дема. Ўзимни нима қылсам ҳам менга ярашарди, хўш, болалар-чи, улар нима бўларди? Бу ёруғ оламда ундан қолган нусхайи нишона ана шу болалар-ку, қанақасига уларни нобуд қилиб бўлади? Сен қаёқдан биласан, чаладай тутаб тамом бўлдим, энди куядиган жойим ҳам қолмади, кул бўлган нарса эса, секин-аста учиб, тўзиб кетади. Мана, энди сен пошшо ойим бўлиб яшайверсан, қучоқлашасан, эркаланиб, тантиқланасан, хўш-

мён-чи, чўриман, нима иш бўлса, балогардонман, бозув-чиман, энди мен ўзимни деб яшамайман. Агар шунака кўнларга қолишимни билганимда олдинроқ маза қилиб яшаган бўлардим, кейин лоақал кўрган кунларимни эслаб юрадим, мен бўлсам, кейин бўлар, кейин бўлар деб юраверибман, беками-кўст яшайин деб умримни ўтказиб юборибман, мана, оқибати. Энди ётганда ҳам, турганда ҳам кўз олдинига уруш келади, буни ҳеч нима билан эсдан чиқариб бўлмайди, қолгандари унтилиб, ўшиб кетди — йўқ энди.

Лиза дарров гуноҳини бўйнига олақолди.

— Вой, мени ёзғирманглар, хотинлар, оғзимдан чиқиб кетибди.

— Сени нима деб ҳам ёзғирардик. Модомики, толежинг бор эканми, биз учун ҳам маза қилиб яшайвер. Аммо кўзингни оч: агар ёмон яшасанг, ўзингдан кўр. Аяб ўтирумаймиз — гапнинг пўскалласи ана шу сенга. Виринчи бўлиб ўзим сенга чоҳ қазаман. Эркакларимизнинг уерда ҳалок бўлиб кетишига биз айбдор эмасмиз. Тўгрими, Максимушка, айбдор эмасмиз-а? Очигини айт бизга.

— Айбдор эмассизлар.

— Гап бундай бўпти. Пешонамиз шўрлигидан биз хафа бўлсак арзиди. Энди бу алам ўла-ўлгунимизча кўкрагимиздан кетмайди. Сенинг эса, Лиза, армонинг йўқ. Энди сизлар фақат ўйнаб-кулиб яшашларинг керак, бу ёги ҳаммаси ўзларингга боғлиқ. Агар бирор гап бўлса, билиб қўй: мени, уни, анавини — ҳаммамизнинг бошимизга тушган савдони элдан бурун сен бахтинг билан юзимизга соласан, агар пешонамизда бўлганда ёди, бизнинг ҳам бахтимиз кулиб боқармиди. Биз эса, бундан бенасиб бўлдик. Ортиқча гапга тоқатимиз йўқ — тушунарлимис?

Тарақлаб эшик очилди-да, хонага болалар кириб келди. Лиза уларни ҳайдаб чиқаришга отилди, лекин улар бир овоздан чугиллади:

— Манавига беришмади — манавига.

— Бу ҳозир келди.

— Максим амаки, бунга беришмади.

Болалар Родъкани стол олдига итариб чиқарди. Надъка уни кўриб, бақириб берди:

— Сен қаёқдан келиб қолдинг бу ерга? Мен сенга нима деган эдим-а? Мен сенга нима деган эдим. Қани, дарров туёғингни шиқиллат-чи.

Родъка қимирламасдан эзилиб, кўзларини лўқ қилиб, Максимга қараб турарди. Максим унинг мұлтиллаб бо-

шайтганини кўрди ю, ҳиачасини секин лолга туширди да, ўрнидан турди.

— Бу сенмисан, Родион? — деб у бўгиқ овозда секин сўради.

Родъка шоша-ниша бош иргади.

— Қани, бир сўрашиб қўяйлик бўлмаса,— деди Максим боланинг олдига келиб ва соғ қўлини узатди.— Қара-я, ўсиб кетибсан, кап-катта йигит бўлиб қолибсан. Қандингни ур. Нега бунча кеч келдинг? — Максим точчадан бошқа болаларга ҳам берган гулдор думалоқ пряникдан олди-да, уни Родъкага узатди. Родъка прянини олди.— Бор совға-саломим шу, бошқа ҳеч нимам йўқ. Бир маза қилиб егин, ука. Эртага кундузи вақтинг бўлса, кел, гаплашамиз. Бугун, ўзинг кўриб турибсан, вақти эмас. Эртага келасанми?

Родъка яна бошини иргади ва эшик томонга тисарилди. Болалар унинг кетидан уймалашиб, чугурлага-вича ташқари чиқди.

— Қара-я, кап-катта бўлиб қолибди,— Максим қайтиб ўрнига ўтиаркан, ҳайрон бўлганича маъюс такрорлади.

— Ҳа, катта бўлишяпти,— деди Нестор дадил, у одати бўйича сухбат жиловини ўз қўлига олишга шопшилаётганди.— Уларга уруш ҳам писанд эмас.

— Уша уруш яқин-орада тугай дейдими ўзи? — тўсатдан сўраб қолди Лиза.— Сен, Максимушка, ўша ёйдан келдинг, қани, айт-чи, ҳали яна кўп кутамизми?

— Сен учун уруш тугади,— деди Надъка секингина, аммо Лиза эшитиб қолиб, хафа бўлди:

— Нега энди мен учун тугар экан? Нима, сен эри келди, энди унинг бошқа нарса билан иши йўқ, деб ўйляяпсанми мени? Галингни қара-я. Ҳаммага ёмон бўлса ҳам, менга яхши-ку, деб юрадиган бағри тошлиардан эмасман. Бир овлоқ ерда яшаб, бурнининг остидан нарини кўрмайдигилардан ҳам эмасман, эл ичидаман.

— Ҳадемай тугайди, хотинлар, оз қолди,— деб жавоб берди Максим.— Ўзларингиз биласизлар, бизникилар нақ Германиянинг ўзига кириб борган. Энди қолган-қутларини янчяпти.

— Орқага қайтаришмайдими, ишқилиб? Ахир, не-мис ҳам Москва остоналарига келувди, аммо ҳайдаб юбориши.

— Қайтаришмайдими дейсанми? — Максим кўзини қиеди ва фақат бир ўаига маълум бўлган олис ерга тикилиб қарамоқчи бўлгандек, олдинга энгашди. Унинг

юзи хиёл буришиб кетди.— Иүқ, ҳайдаб юборишолмайди, Лиза. Мен бир құл билан бұлса ҳам қайтиб бораман, бир оёғи йүқлар, майиб-майриқлар боради, аммо чекинишмайди. Бас, етар, орқага қайтаришлари мумким әмас, йүл құйымаймиз. Ким билан үйнашишганини күрсатиб құйамиз.

— Түрт йил-а, тағин қамы бор вканми?— деб бош иргаб қўйди Доно Василиса.— Бу ерда биз ҳам жуда адойи тамом бўлдик.

Надъка дарров унинг оғзига урди!

— Адойи тамом бўлганинг сезилмаяпти-ку.

— Уҳ, Надежда... Ким сенинг тилингни тийиб қўяркин-а? Жиддий гап кетяптию, у бўлса пичинг қилгани-қилган.

— Биз ҳам кўрадиганмизни кўрдик,— деб илиб кетди Лиза.— Тўғрими, хотинлар, кўрадиганимизни кўрдикими-йўқми? Эсласанг юрагинг орқага тортиб кетади. Колкоздаги иш майли-я, ўз ишимиз. Фаллани йигиштириб өлдинг дегунча қор ёғади, ёғоч-такта тайёрлаш бошланади. Бу ёғоч-такта тайёрлашни ўлсам ҳам эсимдан чиқармайман. Иўл иўқ, отларнинг бўлса, тинка-мадори қуриган, тортолмайди. Ишдан бўйин товлаб бўлмайди: меҳнат фронти, жангдаги йигитларимизга ёрдам. Дастлабки йилларда ёш болаликларни ишга ҳайдашмади. Ким боласиз бўлса ёки боласи каттароқ бўлса, уларга ёпишиб олишди, ҳайдашгани-ҳайдашган. Ана, Настена бир қиши ҳам ишдан қолмади. Ҳатто мен ҳам икки марта бордим, болаларни дадамга ташлаб кетдим. Ёғочни кесасан, кубометр қиласан, кейин чанага ташийсан. Бойловсиз бир қадам ҳам жилолмайсан. Гоҳ қор ўюмага кириб кетасан, гоҳ яна бирон ерга: қийналмаган, жон чекмаган хотин йўқ. Баъзи ердан осонгина чиқиб кетасан, баъзи ерда ботасан-қоласан. Мана, ёлғон гапирсан, Настена гувоҳ: бурноғи или қишида байталим жарликка думалаб кетди, уялаб қолиб, туролмади — чана ёнбошлаб қорга кириб кетди, байтални мажақлашига сал қолди. Шу уриндим, шу уриндим, бўлмади — эплолмадим. Ҳа дейишга ҳолим йўқ. Йўлга ўтириб йигладим. Орқадан Настена етиб келди. Мен бўлсам кўз ёшимни шашқатор қилиб, боладай йиглайман.— Лизанинг кўзларига ёш келди.— Настена кўмаклашди. Кўмаклашди, кейин бирга кетдик, мен бўлсам сира ўпкамни босиб ололмайман, йиглаганим-йиглаган.— Лиза хотираларга берилиб кетиб ҳиқиллаб йиглай бошлади.— Шу йиглайман-еї, қани энди ўзимни тутиб ололсам. Тутиб ололмайман.

— Лиза, Лиза! — деб чақириб уни тұхтатди Максим.

— Бұлди, Максимушка, бұлди, йығламайман. Эсим йүқлигидан йығладим да. Сизлар гаплашиб ўтиинглар, йығламайман.— У күтга кетди ва шу ондаёқ қайтиб, яна аввалги жойига, стол чеккасига келиб турди.— Облигация-чи? — деб әслади Лиза, у қаттиқ ҳаяжонланганидан әнди үзини дарров босиб ооломаётганди.— Охирги картошкани күкламда Кардага, леспромхоздагиларга соттегани олиб бордик. Қанчага ёзилган бұлсақ тұлайлик, ишқилиб фронтта ёрдам берайлык, дедик. Ҳаммамиз ҳам фронтдагиларга сал енгил бұлсин деб ўйладик да. Нима бұлғандаям биз бу ердамиз, биенни ҳеч ким отаётгани, ўлдираётгани йүқ. А나ви отинг үчгүр фриц нариги дунёдаям азобгинасини тортсін а. Бошимизга шунча кулфат солғани учун илон, чаёнларга ем бұлсин а.

— Тушунмай қолдим, қайси биримін — менни ёки сенми әрини кутиб олаётганды? — деб сұрады Надька Лиза-га ўгирилиб.

— Мен, Надька, мен. Бұлди, әнди ҳасрат құлмайман.

— Ҳамма ишимиз телба-тескари, — деди күзлари сүзила бошлаган Нестор овозини гулдиратиб.— Қанақа одамлар ўзи! Эркакларини урушга жұнатышаётганды ашула айтишганди, кутиб олишша келганды худди азадағидай. Надьканинг гапига қулоқ солганимиз ҳам етар әнди, келинглар, ашула айтамиз.

Надька бир құзғалиб құйди ю, аммо жавоб берипша улгурмади. Настенанинг орқасида турған Лиза ҳаяжон ва йығидан сал титраётганды овозини барадла құйиб, «Катюша»ни бошлади. Бошқалар унга жүр бұлди, қүшилгандар орасида Иннокентий Иванович ҳам бор зди. Фақат девор ёнидаги чолларгина ўзаро секин гаплашиб ўтиради. Доно Василиса ҳам, Максим ҳам ашула айтаётганди, Нестор құлларини силкитаради. Бирпас туриб Надька ҳам қүшилди ю, бирдан тұхтаб, бошини столга құйди да, вужуди титраб, ўксис-ўксисиб йығлади. Орқасида турған Лиза уни елкасидан қучоқлаб олди, «Катюша»ни яна ҳам баландроқ айта бошлади, ашула ҳатто Надьканинг кетидан Вера Орлова қаттиқ ўкраб йығлаб юборганидан кейин ҳам бўлинниб қолмади. Надька столдан бошини кўтардиды, Настенанинг олдида турған самогонли стакани олиб, дам олмасдан ичиб юборди ва кўз ёшлигини ҳам артмайды, яна ашула айта бошлади.

Настена индамасдан писиб ўтиради. У илгаригидек бирор билан гаплашолмасди, йиғлолмасди, бошқалар билан бирга ичолмасди, бунга ҳақи йүқлигини ҳозир, бу

ерда аник тушунди. У нима қылмасин, ҳаммаси сокта бўлиб чиқади, риёкорлик бўлади. Унинг ичидагини бирорга сездирмай, бошқалар дикқатини ҳам ўзига жалб этмай, одамлар нима қилаётганини зидан кузатишдан, нима деётганига қулоқ солишдан ўзга чораси қолмаганди. У бу ерга келганига пушаймон ҳам бўлди, аммо энди кетиш ҳам ўнғайсиз эди. Буларнинг ҳаммаси мана ман деб ўтирибди: баҳтиёр, гул-гуж очилган Лиза; ўз уйидагидан гангіб қолган, меҳрибонлари чехрасини кўринидан кўзлари тингган Максим; ўзини йўқотиб қўйган, бир кундаёқ ранги кетиб қолган Нестор; колхоз ҳисобчиси айёр саводхон-ҳисобдон, ҳамма нарсани бошқалардан олдинроқ билишга интилувчи Иннакентий Иванович; ўзига ишонган, ҳаётда дадил, вазмин қадам қўйиб келаётган Доно Василиса; содда-баёв, шўх Надъка — ҳаммаси қисинмай-қимтимай, бемалол ўтирибди, борди-ю, бирор нимани ичидан сақлаётган бўлса ҳам — бусиз одам яшамайди-ку, — фақат ўзларигагина тегишли бўлган нарсанинг озгинасини, кераклисини бекитяпти. Настена яшираётган нарса эса, ҳар бири бугун қандай ниятда бу ерга келган бўлмасин, шуларнинг ҳаммасига тааллуқли бўлиб, ҳаммасига — Надъкага қарши, Доно Василисага қарши, ҳатто Лизага ҳам қарши эди. Ана шу сир-асрор уларни бирлаштириб, бир-бирига боғлаб туради. Настена ни эса, улардан ажратиб қўйганди, одамлар ўрганиб қолганларидан уни ҳозир ҳам ўз одамимиз деб ўйлар әдилар. Настена эса алалқачон бегоналашиб, четлашиб қолганди, уларнинг кўз ёшларига ҳам, шодликларига ҳам шерик бўлолмасди, гапга ҳам, ашулага ҳам қўшила олмасди.

Витяни мен гумдон қилганим йўқ, у ўзи душман ўқидан ҳалок бўлди, деб Надъка қувлик қиляпти. Ўз айбини сезиб тургани учун ҳам у гапиряпти, бу ҳақда сўраб-суриштиряпти; ҳолбуки, ўша гуноҳ нимадан иборатлигиги ўзи билмайди. Ушанда Витяга қандай ёрдам бериши мумкин эканлигини тушунмайди, аммо сезиб, азоб чекяпти. Ё керагидан камроқ ибодат қилдимикин ёки камроқ изтироб чекиб, камроқ уни ўйладимикин? Нега Лиза ниятига етди-ю, бу етолмади? Нега Доно Василиса ҳали уруш тугамасдан туриб, Гавриласининг соғ-саломат келишига заррача шубҳа қилмайди? Келади ҳам — Дона Василиса билан Гаврилагага ўхшаганларга жин ҳам урмайди — ҳамма абжағи чиқиб, ўлиб кетади-ю, аммо бу иккалови соғ-саломат қолиб, тинчгина кун кўриб юраверади. Нега бунақа бўларкин-а? Йўқ, бу ерда бир гац

бор, бир томони хотинларга ҳам борлиқ бўлса керак. Азалдан хотинлар бу жумбоқдан қийналиб, уни ечишга уринган бўлсалар керак, ечишга кўзлари етмаса ҳам, ҳар ҷалай бир ҳаракат қилишган: асрлардан асрларга ҳар бир хотин ўзининг кўр-кўрони, ҳозиросли сезгиси, шубҳали афсунлари билан яшаб келди, бордию унда ана шундай ишонч, умид бўлмаса, яна ўша гуноҳдан азоб чека бошларди.

Настена ҳам Андрей уйдан чиқиб кетган ўша вақтдан бошлаб унинг бошига тушган савдоларга қиттаккина бўлса ҳам аралашиб қолганига ишонарди. Ишонарди-ю, аммо фақат ўзимни деб яшадим, фақат ўзимни ўйладим, фақат менга керак, деб кутиб юрдим, дея қўрқиб кетарди. Мана, оқибати; ма, ол, Настена, ҳеч кимга кўрсата кўрма. Танҳо, одамлар ичидаги ўзи-я: ҳеч кимга дардини ёролмайди, йиглолмайди, ҳаммасини ичидаги сақлаши керак. Хўш, кейин-чи, бу ёги нима бўлади? Уни бу фалокатдан қандай қутқарса бўларкин, ўзи қандай яшаса керакки, унга янғлишмасдан, адашмасдан ёрдам бериш керак? Энди унга бирор кор-ҳол бўлса, у ҳам жавоб беради.

Настена секингина столдан турди-да, киши билмас жўчага чиқди. Анча кеч бўлиб қолганди, болалар ҳам, итлар ҳам уй-уйига тарқаб кетганди. Қишлоқнинг қўйи чеккаси қоп-қоронги, жимжит эди. Настена Вологжинларнинг ашула эшитилиб турган ёруғ деразаси остида бирпас турди-да, кейин Ангарага қараб кетган тор кўчага бурилди. У одамлар йўқлигидан енгил тортди ва ўзидан гина қилиб, бошини чайқади: шу кунларга қолдими — илгари таскин топиш учун ўзини одамлар орасига уради, энди бўлса, аксинча, улардан қочиб юради. Ичидаги дард сал босилгандай бўлди, аммо негадир хўрсишиб-хўрсиниб қўярди. Настена кўкрагини тўлдириб, чуқур нафас олди-да, беихтиёр пайдо бўлган аламини босди ва ҳиргоқ ёқалаб, йўлида учраган ўйиқларни айланаб ўтиб, муздан пастга қараб кетди. Настена бораркан, нариги соҳилга, оролнинг орқасидан аранг кўзга чалинаётган, Андрей беркиниб ётган кимсасиз бурчақдан кўзини узмасди. У Андрей шундоққина ёнида эканига гоҳ ишонарди, гоҳ ишонмасди; бир неча дақиқа хаёл уни олиб ҳочди, шунда, назарida, бир минут олдин ҳаммасини — Максимнинг тўғриликча, Андрейнинг қочиб келганини хаёлида ўзи тўқиб чиқаргандек бўлди, ҳатто бунинг қандай рўй бериши мумкинлигини кўз олдига келтириб, ишонди ҳам. Гўё Настена ҳозир Андреевскка борса, у

ердан ҳеч кимни тополмайдигандек туюлди. Аммо шайтон власвасаси юрагида ғам, алам қолдириб ўтиб кетди, ҳақиқат эса шафқатсизлик билан унинг кўзи олдидা яна ҳам яққолроқ намоён бўлди: ҳеч нимани тўқигани йўқ, аслида қандай бўлса, ҳаммаси шундай.

Настена ўзи кетаётган соҳилдан жарлик тепасига кўтарилиди ва Андреевск томонга сўнгги марта нигоҳ ташлади-да, оғир-оғир қадам босиб, уйига равона бўлди — Максим Андрей тўгрисида ҳеч нима билмас экан, деб ҳали Михеичга айтиши ҳам керак. Узидан бошқа ҳеч ким ҳеч нима билмайди, аммо бу ҳақда ҳатто ҳушидан кетиб ётганида ҳам бирорга чурқ этмаслиги керак. -

10

Настена эрталаб ҳам бирон ёққа бормоқчи эмасди, аммо тушга келиб ҳавонинг авзойи ўзгарди-да, бўралаб қор ёғадиганга ўхшаб қолди: Настена ёғоч бочкадаги сув тақкинасида қолганий эслади-ю, ҳаво бутунлай айнимасидан туриб сув келтиргани Ангарага югурди. Ангарада шамол ҳайқиравди, чирпирак бўлиб, шиддат билан пастга — дарёйнг юқори оқимиға урилаётган ҳўл, ёпишқоқ қордан ҳаво хиралашиб кетган эди. Настена одати бўйича ҳозир тўс-тўполон ичидаги то-мондаги соҳилга қаради-да, мана ўша ёққа боришга айни фурсат, ҳеч ким кўрмайди, деб ўйлади. Настена шунчаки бирров ҳаёлига келтирди, аммо бу фикрдан ичи пишиб, юраги ҳаприқиб кетди: агар чиндан ҳам ғизиллаб борса нима бўлади? Ҳаммасига қўл силтаса-ю, ғизиллаб бора-рерса-чи? Бундай қулай фурсат яна қачон келади-ю, қачон йўқ? У сувни олиб, шоша-пиша орқасига қайтди-да, югуриб кетаётганини сезиб, ўзини қўлга олди. Кўз очиб юмгунча шундай қарорга келганидан у ўзини қўярга жой тополмай қолди, шер бўлиб кетди; агар ҳозир ким уни йўлдан қайтармоқчи бўлса ҳам, чап бериб, қочиб кетарди.

Аммо уни йўлдан қайтарадиган одам йўқ эди: Михеич отхонада, қайнонаси эса, одатдагидек, печка устида мудраб ётарди. Настена ғизиллаб ертўладан бир чеълак картошка олиб чиқди, кечқурун қариялар қайнатмоқчи бўлса, қидириб-туртиниб юрмасин, деб устидан пича картошка олиб, чўян дегчага солиб қўйди, қолганини брезент сумкага ағдарди. Югуриб қазноқча бориб, илгари нўхат солиб яшириб қўйилган халтани олиб келди, ярим бухан-

ка нон кесиб олди. Нон сап-сариқ, нұхатдан қилинган-ди — қишлоқда ҳозир нұхат жуда расм бүлғанди, кимни күрсанг қорни қулдираиди: колхоз сакийлиги тутиб, иқинде колхозчиларга қарийб ўн центнер нұхат берган-ди, шундан бери бұтқани ҳам нұхатли нон билан ейи-шарди, ҳамманинг емиши нұхат бўлиб қолган эди.

Настена кийимларини тезгина алмаштириб, эрталаб илиб олган бошмоги ўрнига пиймасини, фуфайка ўрнига бахмал нимчасини кийиб олди ва ўтиб кетаётиб, уялиб-гина ойнага қаради. Фуфайкада Ангарадан ўтиш анча қулай эди-ку, лекин у эрининг кўзига сал ясаниб кўринмоқчи бўлди. У-ку, балки ҳеч нимани пайқамас ҳам, Настенани солишириб кўрадиган бошқа аёлнинг ўзи йўқ, аммо унинг ўзи оҳорли кийимда ёзилиб, ўзини енгил ҳис этарди, кийими билан бирга елкасидан оғир юқ тушгандай, аравадая чиқарилиб, авзали ечиб олинган от-дай бўларди, ахир ишда ўзингнинг кимлигингни ҳам — хотинмисан, қизмисан, ёшмисан, қаримисан — кўнглинг-да нима бору нима йўқ унутиб қўясан, фақат «бўл, ҳа бўл-бўл, ҳа бўл» билан умринг ўтади. Шунинг учун Настена кечқурунлари ҳамма ишини саранжом-саришта қилиб бўлгандан кейин бирпас бўлса ҳам тоза кийимлари-ни кийиб олишни яхши кўради, шунда бебаҳо бойлик — ёшлик ва гўзаллик гаштини суриш туйгуси пайдо бўларди, бу бойликни қанчалик узоқ яширсанг, шунчалик кам эслайсан, шунчалик тез сўлиб, хазон бўлади. Настена кийиниб бўлгач, гўё нимасигадир зиён етадигандай чўчиб, оҳиста ҳадам босарди, яна қандайдир ўзиникини, фақат ўзгагина тегишли сирни авайлаётгандай, меҳр билан илиқ жилмайиб қўярди, бу сирни ошкора этиш вақти ҳали етмаганди. Ана шундай дақиқаларда Настена уруши-ни ҳам, муҳтоҗликни ҳам, ёлгизликни ҳам писанд қилмай, ўзини эҳтиётлаб, келажакдаги бахтиёр ҳаётга тайёрланарди. Настена йиллар ўтиши билан секин-аста қарив боришини биларди, аммо кўнгил бемаҳал совиб, чўкиб қолиши мумкин — ҳаммасидан кўра кўпроқ ана шундан қўрқарди. Парвардигор томонида ато этилган ўз ҳис-стуйгуларини бошқалар, кўпчилик ҳис-стуйгусидан фарқ қилмайдиган соглом, бақувват кишилар озмунчами. Бундай одамлар гўшага кириб ётганларida ҳам фақат қорникин тўқлаш мақсадида дастурхонга ўтирувчи кишиларга хос иштиёқ билан ётадилар. Улар куладилар ҳам, йиғлайдилар ҳам, аммо йиғлаётганимиз, кулаётганимиз-ни бошқалар кўряптими, эшитяптими, тағин беҳуда кўз ёши қилиб ўтирумайлик, деб атрофга аланглар эди. Булар

тамом бўлган одамлар: булар бошқача муомала қилсанг; тушуммайди, акс садо бермайди, кўнгил торларининг бирортаси ҳам жавобан сезгирилик билан титрамайдиг вақт ўтган — сўниб, тошдек қотиб қолган, энди бу торлар бошига бировнинг ҳам меҳрини товволмайди. Бунинг сабаби аниқ: бундайлар пайти билан ўзларига ўзлари хисоб беришнинг удасидан чиқа олмаганлар, хисоб беришдан қочганлар, баръакс, мутлақо эсга тушмайдиган, унут бўлиб кетиш даражасида ўзларини сондан чиқариб ўйғанлар.

Иигиширинишга Настенанинг ўн минутча вакти кетди, аммо азбаройи ошиқанидан бу ўн минут унга бир соатдек туюлди. Настена ниҳоят, сумкани олди-да, гизиллаб кўчага чиқиб, тўхтади, шоша-пиша атрофга аланглаб, шамолнинг ҳадисини олган бўлди. Ортиқча эҳтиёткорлик халақит бермайди, шунинг учун у бузоқхона орқали ўтди: борди-ю, битта-яримта фавқулодда кўриб қолса ҳам, шундай қаттиқ қор бўронда мўрчада бирон иши бордир-да, деб ўйлаши мумкин. Бу ерда мўрча атрофида қор шундай чапарастасига ураётган эдики, ҳатто яқин ўртадаги уйлар ҳам гира-шира кўринарди; Настена энди қўрқмасдан музда сирпаниб пастга тушди-да, ўнгга, йўл дарёга бурилиб кетадиган томонга қараб юрди. Шундан кейингина у йўлни қор босиб қолган бўлиши мумкинлигини эслади, бундай ҳолда фақат таваккалига иш кўриш керак бўлади, бу эса жуда хатарли: бундай бўронда адашиб кетиши, қирғоқни йўқотиб қўйиши, худо кўрсатмасин, шамол бирон ёққа олиб кетиши ҳеч гап эмас, шамол шунақангি қутуриб, одамни суриб кетардики, қаёқ-қа кетаётганингни билолмасдинг. Аммо йўл, хайриятки, ҳали кўриниб турарди, уюлиб ётган музлар олдини қор босганди, умуман, шамол қорни йўлдан учирив кетганди.

Чапараста ураётган нам қорда нафаси қайтиб кетмаслиги учун Настена юзини беркитиб, букилироқ юришига тўғри келди. Шамол кучли бўлиб, тўхтовсиз, бир зайлда қутуриб эсади, худди трубадан чиқаётгандек, тўхтовсиз гувилларди, аммо шу гувиллаш ичидан ҳам учиб келиб ураётган қорнинг шитир-шитири аниқ эштилиб турарди. Гарчи теварак-атроф ёруғдай туюлса ҳам, уч қадам наридаги нарсани кўриб бўлмасди, аммо бу ёруғлик худди тумандагига ўхшаш оқиш бўлиб, сузиб, липиллаб ўтиб кетарди-ю, ҳеч нимани кўриб бўлмасди. Қаққайиб чиқиб турган музлар чирсилларди, қор уларга урилиб, атрофга сачрагарди, шамол эса уларни илаштириб, олисларга учирив кетарди.

Бу бүрөн қаёқда турған экан я? Настена шу яқин йилларда, бунақа пайтда шундай бүрөн бұлғанниң әс-
жолмайды. Мана сенға бақор — ҳа-я, март әшік қоқиб ту-
рибди-ку.

Настена йұлни йүқота бошлади, аммо бутунлай әмас,
йұл ҳадеб чап томондан чиқиб қоларди: Настена қанча-
лик уринмасин, шамолга қараб ўзини ўнглаб олмасин,
уни суриб, пастға оғдириб кетаётганди. Агар йұл бўлма-
са, бўрон уни қаёқса адаштириб юборишини тасаввур қи-
лиш мумкин. Аммо чана юриб силлиқлаб қўйған эски
йўлни топиб олиш борган сарн қийинлашаётган эди.
Ішор уюмлари катталашиб, бирбирига қўшилиб кетаёт-
ганди. Настена пичанзорда пичан ташиган вақтда тушиб,
йўл четида музлаб ётган хашакларга қўзиқориндай
дўмнайиб, қорайиб кўринадиган от гўнгига қараб-қараб
бўради. У чарчаб қолди, аввалига бўри қувлагандай
жонқолатда ошиқди, энди бирдан силласи қуриди, оғир
сумка қўлини узиб юборай дер, шамолдан нафаси
қайтарди, дам-бадам қорга ботиб, пиймаси оғирлашиб
кетганди, шол рўмоли билан нимчаси жиққа ҳўл бўлған-
ди. Тўғри, шамол изғиринли әмасди, илиқ, жануб ша-
моли эди, аммо совуқ бўлмагани учун ҳам ҳаммаёқ
ҳўл, шилта эди — қайси бири яхшилиги маълум әмас-
ди.

Настена чап томонга тикила-тикила оролни қидир-
ди; ишқилиб, ўша ерга етиб олса бўлгани — у ёғи осон,
у ерда ирмоқ тор, тўппа-тўғри кесиб ўтса бўлади. Нас-
тена етиб боролмайман, деб қўрқмасди — етиб бормай
жуда нимайди, аммо қирғоққа етиб боргандан кейин
орол қаердайкин, деб сарсон бўлмаслик учун иложи бо-
рича айрилишга яқинроқ ердан чиқиши истарди. У шу
бўронда овора бўлиб келаётганига заррача ачинмасди:
унинг келиши учун бундан қулай фурсат борми, балки
уни ўзгалар кўзидан яшириш учун ҳам бугун бўрон тур-
гандир. Негадир у фақат исенқ скойга етиб олишига,
пиймасини ечиб ташлаб, сирқираётган оёғини узатади-
ган, қўзларини ҳузур қилиб юмиб ётадиган дақиқалар
келишига ишонмасди — бу унга негадир жуда олисдек,
сал бўлмаса әртакдагидек тууларди.

Барибир ҳам у йўлини йўқотиб қўйди, уни қайтиб
тополмади ҳам — оёғи остидаги ҳамма нарса бир-бираға
қўшилиб, жимирилаб турарди. Шундан кейин Настена
қачон бўлса ҳам соҳилга чиқаман-ку, ирмоқ шу атроф-
да, ўнгроқда бўлиши керак, деб қўпроқ шамолга қарши
юришга жазм этди. Шундай бўлса ҳам Настена йўлни

йүүкотиб қүйганидан хафа бўлди: у қўрқмаса ҳам ҳафа бўлганидан, тинкаси қуриганидан пиқиллаб йиглади **ва** негадир қичқириб, Андрейни чақирди. Овозини битта-яримта эшитади, деб умид қилиш тентаклик эди, албатта, шамол шу ондаёқ овозини юмалоқ-ясси қилиб пастга учириб кетаётганди.

Настена қаёққа кетаётганини аранг эслаб, яна қўп юрди, аммо бир маҳал бошини кўтарди-ю, ногаҳон дарров юзини беркитиб олмаётганини пайқади. Шамол анча бўшашиб қолгандай эди. У тўхтаб, атрофга аланглади: орқа томонда шамол ҳамон боягидек кучли эсаётганди, аммо бу ерда нимадир унга халақит бераётганди, рўпарасидан эсаётган шамол йўлда нимагадир урилиб, дами кесилаётган эди. Настена яна пича олдинга юрди-да, қирғоқни кўрди. Бу орол эмасди, у оролни пайқамасдан ўтиб кетиб қолиби — бу катта ер эди. Худога шукур, Ангарадан ўтиби, энди Андреевскии қидириш керак. Настена қирғоқнинг бурилиб кетганига қараб, орол ортидаги ўзи билган ўрмонли баланд бурун чап томонда қолганини тушунди, чамаси, шамолни тўсиб турган шу бурун эди. Демак, у ўзи чамалаганидек, қирғоқ ёқалаб қуийи томон юриши керак. Энди етиб олдим деса бўлади, энди олис эмас. Тепаликдаги қарағайзор бўғиқ шовилларди, тик кетган қирғоқ лабидаги энсиз ўтлоқда ялонгоч қайнин ва тогтераклар шамолда чайқаларди. Настена иложи борича ўнг томонга бурилмасликка ҳаракат қиласарди, у ёқда ҳамон бўрон қутурар эди. Шамол Настенанинг орқасидан итарарди, шунинг учун у қадам босишга улгуролмай қоқилиб кетарди, бир марта йиқилиб ҳам тушди, сумкасидан икки дона картошка қорга думалаб кетди, аммо у негадир беихтиёр хўрлиги келиб, музлаб қолса қолаверсин, дегандек картошкаларни олгиси келмади.

Настена бораркан, билмай ирмоқдан ўтиб кетишига сал қолди, аммо биқинидан қор гупиллатиб уриб турганини ўз вақтида пайқади-ю, шартта тўхтади. Йўқса, Рибнаяга бориб қолиш ҳеч гап эмасди. Настена бугун иши ўнгидан келадими-йўқми, тушуна олмасди: Ангарадан, чамаси, кўнгилдагидек ўтиб олди, адашмади, бирон ерда қолиб кетмади, ҳеч нимани кўриб бўлмайдиган шундай ҳавода ортиқча йўл юрмади,— агар унинг ўрнида бошқа одам бўлганида ҳамма иши ўнгидан келаётганига курсанд бўларди, унинг нимагадир назарида эса ҳаммаси аксинча бўляпти, ҳамма иши чаппасига кетяпти, кўнгилдагидай бўлмаяпти. У фақат чарчаганидан ав-

валбошдаёқ адашиб, руҳи тушиб кетмаган эди, яна бир нима ҳам бор эди; у ана шу «бир нима» нохуш гаплигини олдиндан сезиб бу ҳақда ўйлашдан қўрқарди.

Кўп ўтмай Настена қишлоғга чиқиб борди.

Андрей шу ерда әкан: томдаги трубадан тутун чиқиб туарди. Бир ками шунча азоб чекиб, эски ҳаммому ёски тос деганиларидаӣ, ҳувиллаб ётган қишлоғга келиши қолувдими энди. Настена ўтган сафар эрининг кападагини учирив юборганини эслади-да, туйқусдан эшикни очиб кирмади. У нафасини ростлади, кафти билан ҳўл юзини артди ва фақат шундан кейингина деразачани оҳиста тиқиллатиб чақирди:

— Андрей, бу мен! Андрей!

Андрей эшитиб, отилиб чиқди, уни елкасидан қучоқлаб, бир нималар деди-да, эшикка ҳараб итарди,— Настена ҳеч нарсани англамасди, ногаҳон бир лаҳзадаёқ уни шундай даҳшатли ҳорғинлик боодики, қимирлашга маъжоли йўқ эди. У остонаян ўтаркан, қоқилиб, ағдарилиб тушишига сал қолди — бу эса шундоқ ҳам кўз ёши филтиллаб турган жувонни ўртаб юборди: у ортиқ ўзини тутиб туролмай ийғлаб юборди. Андрей нима қилишини, ўзини қандай тутишини билмай, унинг ёнида оёғи куйган товуқдай питирларди, ҳа, у келган жувон чиндан ҳам Настена әканига ишонмаётганга ўхшарди.

— Йўлимга чиқсанг бўлмайдими,— деди Настена йиғи аралаш терслиги қўзиб, жаҳл билан.— Етиб келомасман, деб ўйладим, бирон ерда ийқилиб қоламанми, деб ўйладим, бу бўлса ўтирибди, ўлсанг ҳам иши йўқ.

— Бугун келишингни мен қаёқдан билай, ахир?!

— Қаёқданмиш-а! Билиш керак эди! Қаёқданмиш!

Ниҳоят, Андрей унинг рўмоли билан нимчасиғи ечиб олиш кераклигини фаҳмлаб қолди, бўкиб, бир пуд бўлиб қолган пиймасини Настенанинг ўзи оёғини силтаб, жирканиб отиб юборди. Андрей пийма пойларини олиб, қўлларида оғирлигини салмоқлаб кўрди-да, таажжубланиб бошини чайқади ва қуритиш учун печка ёнига қўйди. Печка ёниб туарди, ичкари иссиқ, тинчгина эди, ёнаётган ўтинлар майин чирсиллаб, учқун сочарди, боз устига дарча ойнаси зирилларди — ташқарида нима ҳодиса юз берадётганини эслатиб турувчи бирдан-бир нарса шу дарча эди.

Андрей катга, Настенанинг ёнига ўтириди-да, оҳиста сўради:

— Нимага келдинг? Бирон ҳодиса юз бердими?

— Нимага келдинг? — деди яна Настена ўдағайлаб,

хнинг жигига, тегиб.— Сенинг олдингга келдим — биздинми! Яна сўрайди-я! — кейин ҳоридан тушиб, бошчача овозда жавоб берди: — Ҳеч гап бўлгани йўқ.

Юрагингга балли-е, Сени бунақа оловлигингни билмовдим. Бугун йиртқич ҳайвонларни ҳам уриб инидан чиқаролмайсан, сен бўлсанг, юрак бетлаб келибсан.

— Сен, умуман, ҳеч балони билмайсан. Кўрсичонга ўҳшаб қоронги ерга кириб олиб ётибсан. Хотинингга ҳам тузукина қарамайсан.

— Кўрсичонга ўҳшаб деганинг тўгри,— деб Андрей унинг фикрига қўшилди, аммо қувонч, хурсандликдан энтикиб, кайфиятини бузмади.— Оч қолган бўлсанг керак, а? Тушлик қиласизми? Ё кечки овқат маҳали бўлиб қолдими, мен ҳаммасини адаштириб юбордим.

— Қизиқ, мени нима билан меҳмон қилмоқчисан ўзи?— Андрей шу ҳақда гап очиши билан Настена чиндан ҳам овқат егиси келаётганини сезди. У эрталабдан бери туз тотмаганди, ҳозир бўлса, кун кечга яқинлашиб бораётганди. Иннайкейин эри унинг кўнглини олишга ҳаракат қилаётганини, бирон нима билан ажаблантироқчи, ўзини хўжайинде кўрсатмоқчи бўлаётганини кўриб тургани учун ҳам Настена йўқ дея олмасди.

— Балиқ шўрва қилсак ҳам бўлади. Мен унча-мунча балиқ тутиб турибман.

— Аммо мен энди ўлдирсанг ҳам ташқарига чиқмайман.

— Утиравер, ўзим қиласман.
У эшикни қия очди-да, остоидан ҳатламай, чўзилиб, тепадан яхлаб қолган, уч килограммча келадиган яхшигина ўлжа — елимбалиқни олди-да, дўқиллатиб столга қўйди.

— Қараб турсам, бу ерда биздан яхшироқ яшаётгана ўҳшайсан,— деди Настена таажжубланиб.

— Э, кеча омад бир келиб қолди-да. Атайлаб сенга тушди шекилли ўзиям. Бундан чиқди омадли экансан.

— Бўлмаса-чи, омадим келмай ҳам кўрсин-чи,— деди Настена унга жавобан тушуниб бўлмайдиган, босиқ оҳангда.

Андрей қандай қилиб балиқ тутаётгани тўгрисида оғиз очмади. У буни Настенага айта олмасди. У ҳали яқинингнада ҳам бироннинг нарсасига кўз олайтириши мумкинлигини хаёлига ҳам келтирмаган эди, мана, энди бўлса, шу дарражага етиб борди. Рибнайдан бирор қишлоқдан олис оролча ёнидан жимгина оқадиган ирмоқнинг дойқали соҳилига қармоқлар қўйиб қўйган экан, у

бұлса бир куни кечаси қармоқларни күриб қолди-ю; Чында бір туролмади. У бу ерга ҳеч кім ұар куни овора бүлек мисранг олиб келиб, олиб кетмаслыгыни биларди, шунанға учук қидириб, уни буталар орасидан топди, ёнда сопи калта белкураги ҳам бор эди — овчи, афтидан, қамма парсанинг шай бүлишини якши күрадиган одам экан. Қармоқлар одатда әрталаб текшириларди, Гуськов эса, то әрталабгача ўйиқчалар яна музлаб улгурсин, деб қоройги тушгандан кейин қармоқларни күздан кечириб чиқарди. У шу йўл билан тўртта елимбалиқ олди. У жуда усталик билан ишларди, ўзидан кейин ҳеч қандай из қолдирмасди; әгаси ҳам бирон нимадан шубҳаланиши гумон эди, бунинг устига хўжайин кечаси, эҳтимол, энг кўп тушган балиқни олиши мумкин эди.

«Ишларди» ўринли айтилган сўз-да, илгари бунақа ишдан Андрейнинг ўзи ҳазар қиласарди.

Мұхтожлик, хиппа томоғидан бўғиб оладиган мұхтожлик уни шундай тубан ишга қўйл уришга маъкбур қилаётган эмас эди. Үнда ҳали гўшт бор эди, Настена доимо у-бу келтириб ташлаб кетарди. Маълумки, ортиқча давлат бош ёрмайди, аммо бу ерда ўзидан ўқиниб, дилидан сақлаб юрган қаттиқ кек Гуськовни зимдан йўлга солиб гижгижларди, ҳафсала билан яшириб, ҳар томонла ма ниқоблаб қўйилган бу истак ўзига ўхшамаган, очиқ-ойдин яшаетган, бекинмасдан, қўрқмасдан юрган кишиларнинг йўлидан лоақал кесиб ўтиб, уларни пушаймон едиришга ва шу билан гўё ўзини уларнинг тақдирига аралашиб қолгандек ҳис этишга ундарди: Наздида, ўзи аралашмаса бошқача-ю, аралашса бошқача бўлаарди. Үни кўришмаса ҳам, унинг тўғрисида эшитишмаса ҳам, уни бор деб ўйлашмаса ҳам майли, аммо у тирик, унинг борлиги ё у, ё бу килда бошқаларга таъсир қилиши керак, йўқса у мурда, бир соя, аҳамиятсиз одам. Бу унга ҳузур-ҳаловат баҳш этмасди, роҳатланиш учун бирон нима қилаётганингни билишинг керак, аммо негадир унга ана шу кичик, арзимас иш ҳам хуш ёқарди, қандайдир кўнглини кўтарарди. Аммо у айнан нимадан енгил тортишини, нима қилса осон бўлишини ижикилаб суринтириб ўтириласди, қайтанга буни билмагани маъқулроқ.

Иссиқ печкадаги балиқ шўрва бирпасда билқиллади, шундан кейин улар овқатланишиди, дарвоҷе Настена учун мана шунақа шодиёна кунга Андрей атайлаб ясаган алоҳида чўп қошиқ ҳам топилди. Андрей секин-аста рўзгорининг кам-кўстини бут қилаётган эди, улар шўрванни манеркада эмас, уч литрли дёгчада пиширишиди, бу дег-

чани ўтган еафар Настена фуфайка билан бирга мүрчага келтириб берганди.

Улар ўшанда бир-бирини кўришганди, аммо мүрчада бир-бирини пайпаслаб кўришганди. Ана шу учрашувлардан сўнг Настена ҳеч ниманинг фарқ-сарқига етмаслигидан, виждонсизлигидан жирканиб, дили сиёҳ бўлиб қоларди; гарчи у бирор билан сира ҳам дон олишмаганини яхши тушунса ҳам, аммо назарида бирор билан ётгандай, алдагандай бўлаверарди-ю, бунаقا ишга ҳарқалай кўника олмасди, кўнгли жойига тушмасди: у Андрейнинг овозига қулоқ соларди — бу овоз ўшаникимикин? Андрейнинг феъл-атворидаги ўзгаришни изларди, — излаганингдан кейин топасан-да, албатта, — ва унинг хатти-ҳаракатидан илгари сира пайқамаган қилиқларни тошарди-ю, ўринсиз бўлса ҳам мияси ғовлаб, юраги орқасига тортиб кетарди. Аммо айниқса муздек, сурилиб кетаверадиган, ачимсиқ куйинди ҳиди анқиб турган хазон тўшалган баланд сўрида ётиш жуда нохуш эди, бу сўрига ҳам эмаклаб чиқишга тўғри келарди: Настенанинг назарида, бир зумда аъзойи баданидан ҳайвон юнги ўсиб чиққандай, агар истаса, худди ҳайвонга ўхшаб бўкириши мумкиндай туюлар эди.

Бу ерда эса бошқа гап. Улар бу ерда бир-бирининг кўзига қараши мумкин эди, у Андрейнинг юзига қараб, нимани ўйлаётганини пайқарди, уларнинг дон олишуви ҳам илгариги турмушлари туфайли айбга буюрилмасди, аммо шунчалик гайритабиий, ажуба ва бир шароитда рўй бераётган бу яқинлик эса ташвишли, нотаниш, аммо бундай пайтлардаги оддий иш туйгуси чегарасидан ўтиб кетадиган ихтиёрий ҳаяжонини ошириб юборарди.

Эр-хотин бўла туриб аҳён-аҳёнда яширинча учрашиб юрган шу аянчли аҳвол туфайли туғилган ранж, алам учун Настена ана шу учрашувларнинг ўзидан товон олмоқчи бўларди; Настена бу учрашувларнинг ҳар бири бир неча йилларга татишини алоҳида мазмун, алоҳида бир куч-қудрат ва меҳр-муҳаббатта тўлиқ бўлишини истарди. Аммо унга қандай эришишни, турган гапки, Настена гасавтур қила олмасди; у эртанги кунни ўйлаб қўрқар, қийналар, азоб чекар экан, ўзи мұяссар бўлиши мумкин бўлган қандайдир катта бир нарсани орзу қиласди ва ҳарқалай, борди-ю, ўша орзуси ушалгудай бўлса, бармогини тишлаб қолмаслигига сал-пал ишонарди.

Бир куни орзуси рўёбга чиққандай туюлди, аммо қачон, қайси учрашувида шунаقا бўлганини ўзи билмасди, бу ҳам уни қийнарди: у қандай қилиб буни сезмай қол

ди, а? Нима бало, ёгочга ўшшаб ҳеч нимани сезмайди-
ган бўлиб қолганми ўзи? Тўғри, Настена шундай ҳодиса
чиндан ҳам юз берганига унчалик ишонмасди, лекин
кўп нарсалар унга, ҳа, шунаقا бўлди, деб айтиб турар-
ди — шунинг учун ҳам у бугун гоят ҳаяжонланиб, ган-
гигиб қолган эди. Настена стол ёнидан турди-да, сирқираёт-
ган, зил-замбил бўлиб қолган оёқлари оқсоқланиб, катга
чиқди-ю, ётиб олди. Мана энди нима важдан келганини
Андрейга айтса бўлаверади.

— Биласанми, Андрей, нима гап?

— Нима?

Аммо Настена фикридан қайтди:

— Ҳа, майли, кейин.

Настена Андрейнинг ёнига келишини кутди. У ҳамоқ
стол ёнида ўтирарди; Настена Андрей имиллаб овқат-
ланаёттанини пайқади — афтидан, кейинги пайтларда
ҳеч қаёққа шошилмаслик одатини акси ургангага ўхшарди.
Ниҳоят, у ўрнидан турди, аммо овқатдан терлаб кетгани
учун сал совиб олгани эшикни очди. Настенага музден
совуқ шамол гуп ётиб урилди, шунинг учун у:

— Тезроқ эшикни ёп,— деб бақирди.

— Ёндим, ёндим. Шамол сал пасайганга ўхшайди.

— Ҳа, шунаقا шекилли.

Андрей келиб, унинг ёнига чўнқайди.

— Нима бало, ҳали ҳам исимадингми?

— Исишга-ку исиб олдим-а, аммо ҳадемай қайтиб
кетишими ни ўйласам, аъзойи баданим жимирилаб кетяпти,
Бу ерга келгунча она сутим оғзимга келди.

— Пича тура тур, дамингни ол. Бир ўзинг кетмайсан,
мен кузатиб қўяман.

— Қандоқ қилиб қоламан, Андрей? Шипиллаб жўнаб
қолган бўлсам, ҳеч кимга индамаган бўлсам. Мени йўқо-
тиб қўйиб, ҳайрон бўлиб ўтиришгандир. Ярим кечада
борсам, кимнинг кўзига яхши кўринаман? Мен шундоқ
ҳам кечалари санқиб юрадиган бўлиб қолдим. Мана ке-
линнимизнинг аҳволи... деб ўйлашади-да.— Настена бери
эшикни қандай тақиллатишини тасаввур қилди-да, кўз-
ларини юмди.

— Отам бу тўғрида бирон нима деб сўрамаяптими?

— Ҳозирча сўрагани йўқ. Жим. Шу ҷоққача мил-
тиқнинг гойиб бўлганини пайқамаганига ҳайронман.
Ҳадемай ҳаммаси очилади.

— Сезиб қолса, нима дейишингни ўйлаб қўйдингми,
ахир?

— Ўйлашга ку ўйлаб қўйтим а... — Настена афтаний бужмайтириди.

— Хўш, нима демоқчисан?

— Елгон-яшиқ гапларимни сенга айтиб нима қизламан? Айтмайман. Ўзим бир йўлини қиласман.

Андрей уқувсизлик билан унинг бошини силади:

— Қийналяпсанми, Настена?

— Э йўқ,— Настена кўзларини очиб жилмайди. Унинг шамолда қотиб қолган юзи иссиқда қизиб, анор донасидаи қип-қизариб турарди, юзида кезган табассум беҳолгина эди.— Аммо сенга ичим ачиди.— У ўзи севган нарсаларни унга гапириб ўтирмади, гапиришин истамади.— Менга жин уармиди? Шукур, отдайман, чидайвераман. Нима, сен мен йўғимда ялло қилиб юрган деб ўйлайсанми? Худонинг берган куни нима бўлдийкин, ўликмиккин-тирикмиккин, деб юрагингни ҳовучлаб юрасан. Бу ерда лоақал тириклигингни биламан-ку.

— Ё сен пича дам олгунингча беш-олти кун кўришмай турайликмиккин, а? Ҳамма нарса бор, бир куним бўлса ўтади.

— Сен нега бунаقا дейсан? Дам ол, дейди-я. Сен аввал сўрагин-чи, мен дам олишни истармиккинман! Ҳадемай Ангаранинг музи эрийди, то эрувгарчилик тугаб, йўл очилгунча дам олаверамиз, улгурамиз. Боз ўстига лоақал сени кўриб турмасам, бу ёруғ оламда нима қилиб юрибман ўзи. Ҳеч нимани, ҳеч нимани билмайсан.— Настена хиёл жим бўлди, чукур хўрсинди ва айтишга жазм етиб, шошилмай, оҳиста, чўзиб, ўз сўзларига эътибор бермаётгандай деди:— Бўйимда бўлиб қолганга ўхшайди, Андрей.

— Нима?!— унинг оғзидан жўнгина «нима» эмас, «оҳ» ҳам қўшилиб чиқди.— Нимо-оҳ!— У ўрнида ўтиролмай сакраб кетди.— Шу гапинг ростми, рост айтишсанми?

— Ҳали ўзим ҳам аниқ билмайман. Аммо сира бунаقا бўлмасдим. Аниққа ўхшайди.— У аввалгидек шопшилмасдан, гўё эрининг бу гапига қанаقا муносабатда бўлишни аниқлаш лаҳзасини атайлаб чўзаётгандай оҳиста жавоб берди.

— Нега шу чоққача индамадинг?— деб иккиланиб гап бошлади у. Оғзига келган шу сўзларни айтар экан, әриб кетди, рўй берган ҳодисанинг бутун маъноси Андрейнинг онгига етиб, аъзойи баданини қиззидириб юборди.— Нас-те-на!— у секин, аммо сидқидилдан илтижо қилди ва бўшашиб, туриб ўтирида, Настенанинг қўли-

ши ушлади.— Мана бу ажойиб иш бўлибди! Қойил! Энди бунинг нималигини биласанми?! Тушуняпсанми? Тушуняпсанми, Настена? Ҳа, мана, мана... Биламан, энди билаб турибман. Настена: мен бу ерга бекорга, беҳуда келмаган эканман. Тақдир деганлари мана шу бўлади... Тақдир мени шу йўлга бошлабди, пешонамда бор экан. Үзим ҳам билгандим, тушунасанми, билгандим. Қўнглим сезувди. Мен аҳмоқ бўлсам, қўрқиб юрибман. Ахир шуни деб...— У бақирмади, айни пайтда йўталиб, кулар экан, бу сўзлар ичидан тинкаси қуригандай қовжириб чиқарди, кўзлари ёниб, гўё деворни тешиб юбормоқчи бўлаётгандай олис-ғлисларга боқарди: гарчи у Настенага галираётган бўлса ҳам, афтидан уни кўрмаётганди, пайқамаётганди — у ўзига гапириб, ўзини ишонтираётган эди.— Орзу-умидим шу эди — энди ҳеч қанақа важ-карсон керак эмас. Ҳар қандай важ-карсон бунинг олдидан ўтаверсин. Агар шу тўғри экан, рост у мендан кейин қоладиган экан, энди нима бўлса бўлаверсин, эртага десанг ҳам қора ер қўйнига киришга розиман... Демак, энди менинг зурётим бор. Демак, уругим тугамабди, қирон келмабди, қуриб кетмабди. Мен ҳам охиргиси эдим, ўлсам, наслимиз тугайди, деб ўйлаб юрувдим. Шунақа деб ўйлабман-а. Зурётим эса яшайди, ҳаёт риштасини давом эттиради. Гап ана шунақа, билдингми! Ана шунақа! Настена! Сен менинг Биби Марямимсан!— У катга отилди-да, Настенага ёпишиб, уни қучоқлади ва сочи тўвийб кетган катта бошини чайқаб, бир нималар деб шивирлади.

Аввалига унинг хурсанд бўлганидан суюнган Настена қулоқ солиб ётаркан: нега у нуқул ўзини ўйлади? Мен-чи? Ҳаётда менинг ўрним борми-йўқми ўзи? Бор бўлса, қаерда?— деб хафа бўлди-да, ташвишга тушиб қолди.

Унинг ғам-ташвишлари ўзи билан бирга эди — шу сабабдан дарров кўзга кўрина қолганди. Настена бир ҳафта олдин, илк бор вужудида янги бир ҳаёт куртаги ниш ура бошлаганини сезганида бир вақтлари рад этилган, таҳқирланган, кесак бўлиб ётган сезгилари энди уйгониб, ўзини оқлаганини пайқаганида хурсандлигидан бўғилиб қолаёзди: ё раҳматингдан, наҳотки! Наҳотки, у ҳам эл қатори она бўла олади? Наҳотки парвардигорнинг раҳми келиб, унга шундай бахтни ато этган бўлса? Наҳотки, шунча йил эр-хотин бўлиб юриб, шунчалик беҳуда хожиш, ҳаракат ва тоат-ибодатлардан кейин, энди, ҳамма орзу-умидлари пучга чиқай деб турганда қандайдир бир

мўъжиза билан ҳиммати қўзиб, тирноқ ато қилибдими. ә? Нима бўлди, а? У кечаси ётмоқчи бўлиб лампани ўчирди, ҳудди шу пайт ана шу «наҳотки» уни ҳанг-манг қилиб қўйди, у шоша-пиша ўрнидан турди-да, кейин ёточ каравотнинг четига ўтириди, сал нафасини ростлади, кейин эшик пардасини зичроқ қилиб тортиб қўйди, она-сидан қандай туғилган бўлса, ана шундай қипяланғоч бўлиб ечинди ва дераза олдига бориб, ўзини атайлаб паст сузаётгандай, тиниқ тўлин ой ёгдусига солди, жонсараклик билан ўзида бирор ўзгариш бўлган-бўлмаганини кўришга уриниб, синчилаб у ёқ-бу ёгини қаради. Унинг кучли, қуийиб қўйилгандай ниқ, соғлом, тўла бадани иссиқ бўлиб, ҳудди янги соғилган сутдек товланарди, ҳаяжон ва синчилаб қарашибдан титрарди, аммо унга ҳеч нимадан дарак бермасди, шунда Настена кўкрагига дераза панжарасининг катта, вахимали хочга ўхшаш сояси тушиб турганини кўриб, бир чўчиб тушди ва нари кетди. У ўрнига бориб ётди, лекин икки қўлини икки ёнига ташлаб адёлнинг устида ётди ва хиёл қўзини юмди, заррача ҳам ҳалал бермасин, деб нафасини ичига ютди, шундан кейин у ичининг қайси бир олис ерига яширинган нуқтага бутун вужуди билан қулоқ солди ва ўша нуқтани топди — топди-ю, бошқа жойларини қўйиб, ўша ерини силади, нуқта ҳам унга жавобан заифгина, билинар-билинмас жавоб берди: бор. Настенага шундай туюлди,— хаёлида ҳомиладорга ўхшади, кейин шу лаҳзадан эътиборан интизорлик торта бошлади: бўлгани ростмикин, алданиб қолмадимикин? Бордию рост бўлса, ўзини қандай тутиши, бундан бўён нима қилиши керак?

Чиндан ҳам ўзини қандай тутиши, нима қилиши керак? Бахтликка бахт-а — бахт бундан ортиқ бўладими!— аммо бу бахт шундай ноқулай вақтда боққан бўлса, ундан нима фойда? Ахир, кута-кута кўзлари тешилган бу бахт илгари қаерда эди, нега энди келиб-келиб ҳозир кулиб боқди? Ахир у тул хотин эмас, аммо эрим бор деб ҳам айттолмайди, бугун ўзининг кимлиги маълум эмас, әртага қанақа хотин бўлиб қолиш ҳам номаълум. Настенанинг назаридаги ҳамма нарса остин-устун бўлиб кетди, ҳамма нарса изидан чиқиб, оёғи осмонда бўлиб қолди. Ахир, у умрида ўз эридан бошқа одам билан сира ётмаганини билмайди дейсизми, билади, аммо қишлоқча бошқа нарса маълум — у эри билан тўрт йилдан бери дийдор кўришмаганини бутун қишлоқдагилар билади. Хўш, бу бахтни у кулга ағанаб топибдими? Қулга ағанаб топдим, деб қутуладиган бўлса, нур устига аъло нур,

аммо бунақа важ кетмайды да, тирик одамни толиши керак. Аммо ўшандай одамни нега қидиради, нега бутун айбни гуноҳсиз ўша кишига ағдаради, ахир бундай одам, умуман, бўлмаган-ку? Асли бор одам тўғрисида эса, чурқ этиб оғиз очолмайсан.

Ҳаммаси, ҳаммаси айқаш-үйқаш бўлиб, чалкашиб кетди, кейин бундан баттар чигаллашади.

Балки ҳеч гап йўқдир, эҳтимол, бекордан-бекорга ўз ёғига ўзи қоврилаётгандир, беҳуда ич-этини еяётгандир? Э, бу хотинларни билиб бўлармиди, турган гапки, ҳамиша ҳам бир мартада ушлаб қўя қолмайди. Шунинг учун Настена икки ўт орасида қолди — балки бу ташвиши ўринисиздир? Илгари бўлмовди, ҳозир ҳам йўқ. Кейин ҳам бўлмайди.

Қайси бири яхши — ҳозир бўлганими ёки умуман бўлманими? Агар танлашга тўғри келса, чиндан ҳам қайси бири маъқул? Ҳомиладор бўлганими ёки шундоқ ўтганими?

Настена ана шу чигалларни озгина бўлса ҳам ечиб олиш, бирор қарорга келиш, сал бўлса ҳам кўнгли жойига тушиши учун Андрейнинг олдига юргурган эди. У ёнг охирги дамгача бу ҳақда оғиз очишини ҳам, ёки Андрейнинг ёнида исиб, эркаланиб, ўзини босиб, нафасини ростлаб ўзи аниқ ишонмагунча кутиб туришини ҳам билмасди. Унга кўп нарса керак эмас — у тақдири қўшилган кишининг ёнида бўлишни истарди, холос. Бу одам эса, уни элдан ажратиб, тобора ўзига боғлаб қўяётганди. Боз устига Настена шунинг олдига бормаса, кимнинг олдига боради-ю, ким уни юпатади?

Аммо у юрагидагини ёрди, эрининг пала-партиш, азбаройи хурсандлигидан пичирлашга тушиб қолган гапларини эшитиб, бекорга айтибман, деб ачинди. Андрей шундай маҳобат қилдики, Настена бунақа гапларни хаёлига ҳам келтирмаганди.

— Мен-чи? — деб сўради Настена катдан сал кўтарилиб. — Мен нима қиласман? Ахир, мен одамлар орасида яшайман-ку, ё буни унутдингми? Қизиқ, мен уларга нима дейман? Онангга, отангга нима дейман? Ахир, улар бўлса-бўлмаса сўраб-суриштиришади-ку.

Бу савол шундоқцина тил учида айланиб турарди, аммо Андрей негадир буни кутмаганди. У ўрнидан турди-да, яна ўтириди, шошганидан ажабланиб, унга тикилди.

— Билмайман, — деди у елкасини учирив. — Қўявер, ҳаммаси бир пул.

— Сенга айтишга осон, бу ерда бир ўзингсан.

— Нималар деяпсан-а, Настена? Нима, ўзине курсанд
эмасмисан?

— Нега курсанд бўлмасканман, энди бу ёғи нима,
бўлади деяпман? Қандай қилиб сездирмай юраман? Акир
ҳадемай кўзга кўриниб, маълум бўлади-ку.

— Эсингдами, қанчалик кутгандик, қанчалик умид,
қилгандик? — Андрейнинг овозида ранжиш оҳанси бор
эди, у аввалгидек ҳеч нимани тушунишни истамасди.

— Эсимда... нега эсимдан чиқаркан. Сен нега буна,
қасан-а, Андрей? Нега мени авраяпсан? Сендан бола
қўрсам, деб кечалари ибодат қилиб чиқсан мен эмасми-
дим. Менга ҳеч нима керак эмасди, фақат сенга туғиб
берсаму фойдам тегса дердим. Ҳаммасидан ҳам бепушт
деган ном олишдан ўлгудай қўрқиб юрган мен эмас-
мидим? Ҳамма айбни бировга эмас, менга қўйишарди.
Сен ҳам айбни менга қўярдинг. Сенга қараганда менга
анча оғир эди. Мен ҳамма томондан ҳам алдоқчи, ўғрига
ўхшаб қолгандим! Мен ҳам отам билан онамнинг тилаб
олган фарзандлари бўлганман, мендан ҳам орзу-ҳавас
кўришни ният қилганлар, сен ҳам умид билан мени ол-
динг, мен бўлсан чирқиллаб юриб, шарманда бўлиб қола-
вердим. Назаримда, бировнинг ўрнини эгаллаб олгандай,
бировнинг баҳтига кўз олайтираётгандай бўлардим. Мен
дуниёга келганимдан минг-минг пушаймон бўлганимни
бilmайсан. Агар иложини топсан, аллақачон ими-жими-
да бирон гўрга бошимни олиб кетардим ё бўлмаса мендан
қутулишинг учун ўзимни Ангарага ташлардим. Сен
ўзинг қўймагансан. Кейин, манави уруш. Сен бўлсанг,
эсингдами дейсан-а. Мен эсламасам, ким эсласин тагин?
Ҳозир ким суюниши, курсандлигидан ким ўйинга ту-
шиб, ким ашула айтиши керак? Мен, эҳтимол, онадан
бошқатдан туғилгандекдирман. Э, худойим! Аммо сен йўқ-
ку, акир! Сен йўқсан, Андрей, йўқ! — деб Настена ингради
ва гўё рўпарасидаги соchlари тўзиган, бесўнақай арвоҳни
ҳайдоётгандай қўлинни силтади. — Менинг бу ердалигимни
бировга айта кўрма, деб тайинлаб қўйган бўлсанг. Де-
мак, йўқмисан — йўқ-да, индамай юрибман, кейин ҳам
оғиз очмайман. Буни тушунаман. Лекин бордю бола бўл-
са ҳам, у сеники бўлмайди-да. Битта-яримтасидан, до-
йишади-ю, аммо сендан дейишмайди. Чунки сен йўқсан,
ўлик-тиригинг ҳам маълум эмас. Ё сен бўлмасанг ҳам бо-
лани этагимга солиб, кўтариб борсан, ота-онанг менга
раҳмат дейишармикин? Ё одамларнинг раҳми келарми-
кин? Ҳа-ҳа. Агар улар сени ўлганга чиқаргандайди, ун-
да бир нави эди, акир битта-яримтаси тушукарди, бил-

май нетмай айбламасди. Лекин ҳозир, одамлар сени ана келади мана келади деб юрибди. Ҳўш, мен-чи, уларнинг назарида мен нималар қилиб юрибман сени кутиб? Унда ит ҳам, бит ҳам талиради мени — гапирмай нима қилали? Тўғри-да, қўзингни очиб юр! Бу юким билан одамлар ичиди бир ўсим юришим қийин — эпломайманми деб қўрқаман.

Андрей индамай, бир бурчакка сўмрайиб тикилиб ўтиради. У анчагача миқ этмади, шунинг учун Настена аввалига ўнгайсизлана бошлади, кейин эса, ўз гапларидан қўрқиб кетди. Гапларидан туғмасам, деган маъно чиқиб қоларкан. Балки ҳозир айни бир ёқли бўладиган пайтдир, хиёл илиниб турибди — ё насл қојади-ю, давом этади, ё бутунлай бўғилиб ўлади. Йўқ десанг — ҳеч нима бўлмайди. Энди ҳаммаси ўзига боғлиқ. Бўлса ҳам бир бало, бўлмаса ҳам бир бало. Аммо у гумонасидан воз кечишни истамасди,— йўқ, бу даҳшат-ку, назарида бундай оғирликни ўзига олиш ўз орзу-умидидан воз кечиш деган гап эди; у қани энди бирон иш ҳам менга боғлиқ бўлмай қўя қолса, дерди, аниви қорнидагини-ку энди ҳеч нима қилиб бўлмайди.

— Билолмай қолдим, Андрей,— Настена нажот истаб унга гапираркан, гуноҳкорлардек қўшиб қўйди.— Нима қилишимни билмайман. Бошим қотиб қолди.

— Пешонада борини кўрасан, Настена,— деди ниҳоят Андрей.— Ўзингни минг у ёқ-бу ёқча урма, баригири пешонада бори бўлади.— У гўё бу ҳақда бошқалардан кўпроқ биладигандай маъқуллаб, маъюс кулимсиради, соқолини ўйнаб, бирпас жим ўтиреди, кейин жаҳл билан дадилроқ гапирди:— Мени урушдан олиб, бу ёқча бошлаб келган ҳам ана шу тақдир, ҳа, тақдир. Улишидан олдин хотини билан дийдор кўришсан, деб раътиймга қарамасдан бошлаб келган бўлса ҳам ажаб эмас. Нима, сенингча, ўрмонда ваҳшний ҳайвонга ўхшаб яшириниб ётиш менга осон эканми? А? Осонми? Улар у ёқда урушаётган, мен ҳам бу ерда эмас, ўша ёқларда юришим шарт бўлган бир пайтда-а? Мен бу ерда бўридай ули тортишни ўргандим. Кўрсатайми?— Андрей унинг розилигини кутиб ўтирамай, ўрнидан турди, вазмин қадам ташлаб, эшик олдига келди, уни ланг очиб, энгашиб бошини чиқарди-да, дарров бошламасдан, гўё керакли овозга тушиб олмоқчи бўлгандай, томогини ѹриб ҳициллай бошлади, кейин овозини мослаб, ингичка, узундан-узоқ, тирик жонни титратадиган, аянчли,

Бахимали ули тортди. Настена даҳшатдан кўкрагини ушлаб чўккалаб олди. Ногаҳон Андрей ули тортишдан тўхтаб, өшикни ёпди ва йўтала-йўтала қайтиб келди.— Ўхшайдими?— деб сўради у ва ўзига ўзи жавоб берди:

— Ўхшайди. Эшитган замонинг билгинки, бу мен. Бўриларни эса, бу ерлардан аллақачон қўрқитиб қочириб юборганиман, ҳаммаси сизларнинг қирғоқларингизга ўтиб кетган бўлса керак.- Кўрдингми, қандай эрмак топганимни. Бекорчиликдан деяпсанми? Йўқ, Настена, бекорчиликдан эмас, бошқа важдан. Баҳузур яшаётганимдан. Нима, сен охирги орзу-умидимни ҳам пучга чиқармоқчимисан, нима, мен шунчаки кўнгилхушлик учун бу ерга келибманми? Нима, бекордан-бекорга шарманда бўлай деб келибманми? Кўрсатиб, юрагимга ўт ёқиб, энди мени ҳаммасидан бенасиб этмоқчисан. Энди мен ундан баттар бўламан. Агар туғиб берсанг, мен ўзимни оқлайман, бу менинг охирги умидим. Мен демоқчиманки, бу ягона орзум, ҳаётда кўрган-боққаним, ортирганим шу. Одамлар билмаса ҳам майли, аммо зурёдим менини эканлигини билади. Сен билан мени кейин фақат зурёдимиз эслайди.

— Балки ўша гумона ҳали йўқдир,— Настена бўшашиб эътиroz билдириди.— Мен сенга айтдим-ку, ҳали аниқ эмас деб. Кутиш керак.

— Йўққа товоң ҳам йўқ. Агар бўлса, қўй, нобуд қилма, менга раҳминг келсин. Агар истасанг, эртагаёқ ғойиб бўламану қайтиб сени ташвишга қўймайман, кейин ўз билганингча иш тутавер...

— Мен сенга ғойиб бўл деяпманми, керак эмас! Нималар деяпсан ўзи?!

— Тўрт йил бирга турдик. Яхшими-ёмонми, ишқилиб, бирга турдик. Устига яна тўрт йил уруш. Минг чақирим олисда бўлсак ҳам, кўнгил риштаси бир-бирига боғланган эди. Наҳотки, шу умримиз бекордан-бекорга, беҳуда ўтиб кетаверса-ю, биргаликда кечган ҳаётимиздан бирон нима ёдгорлик бўлиб қолмаса! Сен мендан кейин ҳам яшайверасан, ҳали ёшсан, чиройлисан, аммо шу ўтган умринг барибир қайтиб келмайди. Ўтгани ўтиб кетди. Мендан кейин турмушинг қандай бўлмасин, барибир, ҳаётингда мен ҳам бор эдим. Ахир, мендан кўз юма олмайсан-ку? Қанчадан-қанча хотинлар уруш туфайли гала-гала бола билан қолди, сен бўлсанг, биттасигаям йўқ деяпсан. Агар шу бола урушдан олдин бўлганида нима қиласдинг?

— Нима, мен бола кўришни истамас эканманми, Андрей! Истамайманми?! Кўнглим тилайди. Нега ҳадеб мени беланги қиласерасан? Нега бунақасан?

— Сен урушдан қочиб келганимни кўриб ҳам мендан юз ўғирмадинг. Ҳайдаб юбормадинг, бирорга сотмадинг, омон қолишимга шароит яратдинг, агар сея бўлмасанг, эҳтимол мен тамом бўлармидим. Сен ўз зиммандаги қандай оғирликни олаётганингни билардинг, шунга қарамай, шу оғирликни олдинг, қўрқмадинг. Энди оила барбод бўлган бир пайтда... Қанақа оила бўлди энди?.. Шунақа бўлади, деб ким ўйлабди дейсан... Сен унда зор, мен бунда зор, келиб-келиб шунақа пайтда бир марта эркаклигимни кўрсатибман умримда. Эркакман деб бекорга калла кўтариб юргаган эканман. Нима ҳам дердим?! Илгари фақат у ёқдаги, Ангара-нинг ўнг томонидаги одамларни ўйлардинг, ҳозир бўлса икки томонни: одамлар билан мени ўйлайсан. Уларни бирлаштириб бўлмайди: бунинг учун Ангара қуриб қолиши керак. Албатта гапириш менга осон, чунки мен қорнимни қаппайтириб юрмайман. Мен бу ерда вақт-соатим етгунча яшириниб юраман.

— Бас қил, Андрей! Бўлди, бунақа дема.

Андрей шаштидан тушди-да, катга ўтириди ва нафасини ростлаб, чалқанча чўзилди. Аммо у ичидаги гапини айтиб тугатмаганди, шунинг учун бирпас жим ётдида, қолган-қутган алами гиж-гижлаганидан яна гап бошлади, аммо бу сафар энг муҳими айтилганини билиб, анча хостижкам, осон гапирди.

— Сен одамларнинг ғийбатидан қўрқяпсан... Улар билан нима ишинг бор? Одамлар итдай гап: битта-яримта сал мундоқ қадам қўйса, бўлди, дарров акиллайди. Акиллаб-акиллаб қолаверади — битта-яримтаси бирон ишқилиб қўярмикин, деб яна пойлайди. Турган гап, сени чайнашади — чайнамай иложлари йўқ. Гапириб-гапириб ҳумордан чиқадилар. Овқат ейишмаса ҳам, сенинг қоринигни ғийбат қиласидилар. Қўявер, ғийбат қиласа қиласар, тилларининг қичиғини босишади, тил қичиғи ҳам замларга теккан дард, албатта, битта-яримтани ғийбат тилмай туролмайдилар. Сен эса, индама, билиб ишингни қолавер, уларнинг жигига тегма — шунда тезроқ тийиб қолишади. Кейин яна битта-яримтасига ёпишишади, шундан кейин сен яна одамларга аралашиб кетасан. Нима, биринчи марта шунақа бўляптими? Уша ўзлари ғийбат қиласалари учун кейин сени мақтай бошлайди-

лар. Одамлар... Агар шундай кўргилик ўзларининг бошига тушса, ким билади, ўзларини қандай тутишаркин. Одамларга эмас, виждонингга қулоқ сол. Нима бўлганини ўзинг биласан. Сен ҳеч кимнинг олдида гуноҳкор эмассан. Ота томондан суриштирганда ҳам ўз боланг, шу билан ўзингни ҳимоя қил, шу билан ўзингни қутқар, шу билан. Албатта, сенга осон бўлмайди. Нима, ҳозир есонми сенга?

— Нолиётганим йўқ-ку.

— Нолимасанг ҳам кўриниб турибди.

Улар дарча ойнасининг тисир-тисир қилиши тиниб қолганини, ичкари аввал бир ёришиб, кейин секин аста қоренглилек босаётганини пайқамай қолиши. Шамол ўтиб кетганди, аммо аҳён-аҳёнда қаердадир бир гувиллаб, ҳаммаёқни тўзитарди да, гоҳ у, гоҳ бу деворга урилиб, тиниб қоларди. Ўтици ёниб бўлган печка ҳам қорая бешлаганди.

Андрей гапни бўлиб, ўрнидан турди, иссиқ чиқиб кетмасин, деб қонқоги билан трубани беркитиб қўйди-да, дарчадан ташқарига қаради. Тоғ томонидан ҳам анчамунча қор ўюлиб, дарчага етай деб қолган, нам қор дарахтларининг таналарига ёнишган эди, шамол хирадашиб бораётган пастгина осмонда тарқалган қора булут парчаларини ҳамон ҳайдаб юради.

Настена бошини буриб, Андрейни кузатарди. Андрей қайтиб келиб, яна унинг ёнига ётди. Ҳеч нима ўзгаргани йўқ, аммо унинг заруратениз ўрнидан туриши ҳар иккисига ҳам мана орадан шунча гап ўтди, энди яна чўзининг ўзгариши ўзгариши ўзгариши ўзгариши. Дарҳақиқат кутиб туриш керак. Тагин: қани энди менинг ҳам болам бўлса, қани энди тоби қотимаса эди... деб саниб йиглаган хотинга ўхшаб қолишмасин. Керакли гапларнинг барини Андрей айтди, Настена ёнида — виу кифоя. Сабр қилиб туриш керак — яқинда ҳаммаси узилкесил маълум бўлади.

Настена сингил тортиб нафас олди ва уваштан баданини ёзиш учун оҳиста керишиб қўйди. У ҳаммин ўзи шунақа: сал ҳаяжонланса, кўнгли гапи бўлса, назариди, салгинага зўриқиб кетадиган дарди евртига тепади-ю, изтиробдан аъзойи бадани сирқирай боилайди ва ҳадеганда тарқаб кетавсумайди.

Настена ҳамон эрим билмай, эндан кўтарилиб, бир-биримизга индамай, ўзимизча қилган, шу боисдан ҳам омонат аҳду пайменимизни бир нул қилиб қўймасмакин, деб чўчиб, унинг оғзини пойларди.

Андрей қимирлагач, Настена қотиб қолди.

— Бир вақларда, икки йилча олдин, эсимда, сени бир туш күрүвдим,— деб түсатдан гап бошлади у ва Настена хаёлини йигиб, гапга қулоқ солишини кутиб, индамай турди.— Ҳаммаси қандоқ бўлса, шундоққина кўз ўнгимда турибди — қаерда турганимиз ҳам, мен билан бирга жанг қилган одамлар ҳам, шундоққина ёнимда ётганлари ҳам — шуларни туш кўрибман. Мен ёттан эмишман, қайин олдидан — нарироқда қайинлар бор эди — бир қиз менга қараб келаётганимис. Бутунлай хотаниш эмиш. Кўйлаги тўзган, ўзи чўпдан озгин, оёқяланг — сираям сенга ўхшамайди, мен бўлсам, негадир буни сен дермишман.

— Ўша мен эдим-да, ахир,— деди Настена таажжубланиб.— Сенга тегмасимдан олдин, унда сен мени танимасдинг ҳам. Сочлари ҳам ўғил болаларникига ўхшаб олинганимиди?

— Сочлари ҳам олинганди.

— Мен бўлганман.

— Нега сен бўларкансан? Мен сени бу аҳволда сира кўрмаган бўлсам, қанақасига менга шунаقا кўринасан?

— Унисини билмайман. Балки ўзим гапириб бергандирман. Аммо ўша мен бўлганман, мен.

— Мен ҳам айтипман-ку ахир, бу негадир сен эдинг деб. Ўша қиз олдимга келди-да: «Нега бу ерда ивиришиб қолдинг? Мен у ёқда болалар билан қийналиб кетяпман, сенинг бўлса парвойингга келмайди», — деди. Мен ундан: «Қанақа болалар, бу болаларни қаёқдан топдинг? Нималар дейлсан? Қайтиб бориб қара-чи, болаларинг борми-йўзми?» — деб сўрадим. Қиз кетди.

— Кетдими?

— Назаримда, гапимга кириб, кетди. Кейин яна турганимис. Ина худди биринчи мартадагидай соддалик билал: болалар билан қийналиб кетдим, дермиш... Мен унга сал иўписа қилиб: «Жўна, менга ҳадеб осилаверма, ҳеч қанақа болаларинг йўқ», — дермишман. Қиз бўлса бир наспани тушунгандай хэёл суриб турди-да, қайтиб кетди. Туц ҳам ғалати бўлади-да: гўё тушимда ҳам ухламоҳни эмишман-у, ухлолмасмишман. Кўзимни юмдим дегунча ўша қайинлар ортидан ҳалиги қиз чиқиб келаетианини кўрармишман, шу туш ҳадеб такрорланаве-пар экан. Унга кеча қиз тинкамни жуда қуритди-да.

Ногаҳон Настенанини эннима лоп этиб эсига келди, эннима келди-ю, у хиёл кўтаришиб, сўрашга уни нима маж-

бур этаётганини ҳали-ўзи ҳам тушунмасдан, тез, шоша-
ниша сўради:

— Охири нима бўлди? Охирида сен унга нима де-
динг? Охирги марта?

— Эсимда йўқ. Ўша гапларни айтган бўлсам керак-
да. Мен нимаям дейишим мумкин эди?

— Раҳм қилсанг, йўқ демасанг бўларди,— деб жавоб
берди Настена шу ондаёқ нафаси ичига тушиб, қуруқ-
қина.

— Нега энди?

— Нега бўларди? Шунча илтижо қилибди-ку.— Насте-
на рўпарасидаги бир нимага диққат билан тикилди ва
гўё кўрганини гапираётгандай деди:— Ўшанда олдила-
рингда тўплар ҳам турганди. Мен чиқиб борган пастлик-
да эса, машиналар бор эди. Катта-катта, кўм-кўк. Сен
терлик устида ухлаб ётган эдинг, шинелинг устидан
брезент ёпиб ётган экансан. Сен четда ётгандинг, ёнинг-
да эса, учтами-тўрттами ўртоғинг ётувди. Мен ўша сен
ётган томондан борувдим...

Андрей тирсагига таяниб кўтарилида, унга тикилиб
сўради:

— Сен қаёқдан биласан?

— Мен ҳам шунаقا туш кўрувдим. Аммо мен ўзим-
ча туш кўрганман. Тавба, уни қара-я?!— Настена тааж-
жубланиб жимиб қолди ва кўнглим буни очиқ айтавер ё
айтма, дейдими-йўқми деб қулоқ солди. Икковининг
туши бир хил, Настена шу ёшга кириб, бунаقا тушни
билмасди. Икковининг туши — бир хил, бу беҳуда эмас,
бунда бир ҳикмат бор. Унинг таъбири нима деб бош қо-
тирмаса ҳам бўлади, ҳаммаси шундоққина мана ман деб
турибди. Биргина имодан нафаси ичига тушгудек бўлиб
турган Настена эслаб, эҳтиёткорлик билан гап бошли-
ди:— Менга бир кампир ақл ўргатганди. Қанақа кам-
пирлигини ўлдирсанг ҳам айттолмайман, эсимдан кўтари-
либди. Ўша кампир эрингнинг олдига бориб, болаларни
гапиргин, деди. Борди-ю, бўйнига олса, рози бўлса, ният-
ларингга етасанлар, агар йўқ деса, тирноққа зор бўлиб
ўтасанлар, деди. Бордим. Сен сира унамадинг. Мен кетиб,
қайта-қайта олдингга бордим. Сен бўлсанг ҳеч нимага
тушунмасдан нуқул йўқ дейсан. Мен шама қилай дейман-
у, гапиролмайман. Сен бўлсанг жаҳлинг чиқиб мени ҳай-
даганинг-ҳайдаган. Аммо охирги марта борганим нима
билан тамом бўлганини эслолмайман. Эсимда, бу сафар
аввалгидек қиззигимча эмас, сенга таъсир қилиш учун
ҳотининг бўлиб келибман. Олдинига шунаقا бўлиб келув-
димми?

- Келувдинг.
- Хўш, кейин менга нима дединг?
- Биямайман. Эсимда йўқ.
- Ахир бир нима дейишинг керак эди-ку?
- Шунаقا шекилли.
- Мана, кўрдингми! Энг муҳимини билмаганмиз.—

Настена ўзини тийиб туролмай гина қилди.— Нима, хўп десанг ёки жуда бўлмаса индамай қўя қолсанг, бир нима бўлармидинг? Энди ҳаммаси бошқача бўларди.

— Бир ками ҳар қанақа тушга ишониш қолувди ўзи,— иккиланиб эътиroz билдири у.

— Кўриб турибсан-ку, қанақа туш бу. Ахир икки ёқда бўлсак. Тагин бир кечада икковимиз ҳам туш кўрсак-а, тавба. Кўнглим сенга кетган бўлса керак-да. Тушимизнинг бир хиллиги ҳам шундан.— Настена ҳамон нимадандир умидвор бўлиб, сўраб-суришираверди:— Ушандан кейин бир мартаям, бир мартаям мени бола билан кўрмадингми? Яхшилаб эслаб кўр.

— Йўқ, бир мартаям.

— Балки эсингдан чиққандир? Манави уруш... кўп нарсани эсдан чиқариб юборади. Уруш ҳаммасини барбод қилди.

— Йўқ, бунақа нарсани эсдан чиқармасдим-ов. Мана, сенинг борганинг эсимда турибди-ку, ахир. Икки йилдан бери эсимда.

— Барибир охирини унутибсан-ку? Энди қаёқдан эслайсан уни?

— Ҳеч қанақа охири йўқ эди шекилли. Парвардигор пешонасидагини кўрсин деган-да. Тушда эмас, ўнгимизда кўрсатмоқчи бўлган-да. Мана, кўрсатди, кўрсатганига шукур қиласанми-йўқми, ихтиёринг.

— Нимагадир сен тақдирни кўп гапирадиган бўлиб қолдинг. Илгари бирон марта бўлсаям тилга олганингни билмайман.

— Бошингга тушса гапирасан-да...— у истеҳзоли кутиб, ўзини маъқуллаётгандай бошини қимирилатиб қўйди.— Сен ҳам келиб-келиб шуни таъна қиляпсанми? Кўргилик шундай олдинда, оёғинг остида турганида гапирасан-а. Энди бу қўргилик соядай эргашиб юради. Энди точиб ҳам, тониб ҳам қутулиб бўйсан. Нима кўйга солса, ҳақ деб тураверасай.

→ Таъна қилиш ҳаёлимга ҳам келгани йўқ. Оғизимдан чиқиб кетди.

Аммо Настена Андрей бош иргаб кўрсатган оёқларга юради.

— Энди шу күргилик сени менга құл-оёқларингий баттарроқ боғлаб берди.— Андрейнинг чүчиганини ҳам, ачинганини ҳам билиб бўлмасди.— Мундоқ қараб турсам, сен бир бало қилиб қутулиб кетмоқчига ўхшайсан...

— Қутулиб нима қиламан? Мен сен билан. Энди нима бўлсак, бирга бўламиз.

11

Ҳарқалай Настена анча енгил тортди. Кўнгли анча бўшашгандай эди. Елкасидан оғирлик тушмади — йўқ, бу оғирлик уни баттароқ эзаётганди, бу юқдан қутулиши ўйлашнинг ҳожати ҳам йўқ эди, аммо баъзи нарсалар равшанлашганди. У илгари ўзини адашиб, тинкаси қуриб мўлжалидан анча олислаб, ундан ҳам нарига, тўпконнинг тагига бориб қолгандек ҳис әтарди, ҳозир эса у қаерга бориб қолганини, бу ердан қандай йўл топиб, қутулиб кетишини биладигандек эди. Аммо пешонасадагини бошдан кечириб, қутулиб кетишга кучи етадими-йўқми, бу бошқа гап, лекин қаёққа бориши, қайси йўлдан юриши энди унга маълум эди.

Бу нарса Настена учун тинирчиламаслик, борига шукр қилиб, тақдирга тан бериш керак, деган гап эди. Э, энди нима бўлса бўлар. У ҳали узил-кесил шундай қарорга келмаганди, аммо у энди ундан қочиб қутулиб бўлмаслигини аниқ тушунарди. Кўриниб турибди, бошига тушган мусибатларга охиригача чидашга тўғри кела-ди. Баҳридан ўтолмайди, кечикди. Унинг ўзи ҳам баҳридан ўтмоқчи эмасди, бу эса Настена учун ўзидан ҳам кечиш деган гап эди, у Андрейга ҳам гаплари ярамга малҳам бўлармикин, деган умидда эътиroz билдира бошлаганди. Бу малҳамни кўпроқ қаердан қидирсинг? У Андрейни умидвор қилиб қўйди, энди шу умиднинг илинжида юради, бу энди Андрейга худди сув билан ҳаводай бир гап эди. Андрейнинг нима дейишини олдиндан билиб олиш қийин эмасди.

Модомики, жилов қўлдан чиқдими, қўяверинг, от чарчаб, ўзи тўхтагунча чопиб кетаверсинг. Тўғри-да, энди у қанақа ҳам каромат кўрсатарди. Ахир, от айланиб қозигини топади деган гап бор-ку.

Ҳа, дарҳақиқат, кейин, вақти келганида от айланиб қозигини топади.

Ҳар ҳолда бир оз ташвиши ариб, қўнгли ёришди-ку. Таваккал, бўлганича бўлар. Настена кўп ишлар қилиб қўйган экан, кўп нарсадан қўрқиб-писиб юриши керак экан, шунинг учун, яхиси, ҳеч нишадан тап тортмай,

рўйи рост юравериши керак. Пешонасида борлиги учунми ёки худонинг шунаقا суйган бандаси эканми, Настена ўзини гўё худонинг назари тушгандай, одамлар ичида ажралиб тургандай ҳис қилас эди.— Бўлмаса бирданига бошига шунча кулфат қаёқдан қараб турувди. Бунинг учун кўриниб туриш керак экан. Албатта, ҳозир унга қийин, аммо ҳўл ўтиндай тутаб, умрини бекор ўтказгани, қисқа, ҳар қаерга олиб бормайдиган, ҳеч қандай муроди ҳосил бўлмайдиган йўлдан бориб-келавергани яхшими? Унга раҳм-шафқат қилишса керак, лозим бўлганда ёрдам ҳам беришар, кейин, нарироққа бориб, қарбасизки чеккан машаққатлари әвазига бардор-бардор қилишса ҳам ажаб эмас — жон чеккандан кейин мукофотини ҳам оласан-да. Борди-ю, рўшнолик кўриш пешонасига ёзилган бўлса, тош келса кемиради, сув келса симиради, аммо умрини беҳуда ўтказиб, ҳеч ниманинг уддасидан чиқолмайдиган хотин бўлиб юришга сира тоқати - йўқ — ундан кўра ўлгани яхши.

Настена муштдайлигиданоқ бошқа одамлар қатори баҳтли бўлишни орзу қилас, йил сайин бу баҳт ҳақидаги тасаввuri ўзгариб бойиб бораради. Настенанинг қизлик вақтида баҳт қуши ҳам енгил, эркин қанот қоқиб, тепасида айланиб юарди, истаган вақтида қайси томондан бўлса ҳам учиб келарди, баҳт қуши учун тўрт томони очиқ эди. У ширин хаёлларга бериларди: гўё ўзи ўртада турибди-ю, баҳт қуши ўйнаб, гоҳ чапдан, гоҳ ўнгдан учиб келади, ҳавасини келтириб, қанотлари билан бир тўқиниб, қитиқлаб ўтади, кетидан юришга чорлайди, яна келишга ваъда бериб, учиб кетади. Бу баҳт шунчалик мўл-кўл бўлиб, унда шунчалик жозиба, нашъаси татиб кўрилмаган шодлик, ишқ-муҳаббат, ҳузур-ҳаловват жилва қилиб турардики, у шу ондаёқ ўзини бу уммонга отиб, чўмилавергиси, ўз баҳтига ўзи зомин бўлмаслиги учун оқбатини ўйламай, ҳар куни, ҳар соатда ўйнаб-кулявергиси келарди. Айни пайтда қандайдир ёқимли, юракни орзиқтирувчи бир орзу туфайли висол онини пайсалга солишни истарди, чунки бу учрашув барибир мұқаррардек туюларди унга. Настена эрга тегаётганида ҳам нари-берисини ўйлаб ўтирмади, баҳтли бўлиш учун барча йўллар ичидан фақат биттасини танлаб олди-да, шу йўлга қадам босди, аммо у ҳозирча жуда кенг, бепоён йўлни танлаган бўлиб, бу йўлда яхшилик билан ёмонликка тўқишашиб ўтиб кетадиган жойлари ҳам бор эди. Турмуш унга саранжом-саришта, мустаҳкам, аммо серташвиш, иш кунлари тез ўтиб, байрамлар ҳам гаштили

бүладигандай, әри билан завқ-шавққа тұлиб, яйраб юрадигандай туюларди. Албатта, баъзан у бирон нимадан күнгли тұлмай, таъби тирриқ бўлиши ҳам мумкин, дхир ҳамма вақт йўл бирдай равон бўлмайди-ку, аммо кейин ҳаммасини, албатта, уddeлалаб кетади ва әри билан апоқ-чапоқ бўлиб яшайверади. Эри уни қанчалик суюши, меҳрибонлик қилишидан қатъий назар, Настена аввал бошданоқ эрини қаттиқроқ севишни, унинг атрофида парвона бўлишини орзу қиласади—шунинг учун ҳам у хотин-да, биргаликда кечадиган ҳаётда умр йўлдошининг оғирини енгил қилиши, жонига малҳам бўлиши керак, шунинг учун ҳам унга бир ажойиб куч-гайрат ато этилганки, унинг бу куч-гайратидан қанчалик кўп фойдаланилса, у шунчалик гаройиб, назокатли, гўзал бўлади. Настена ана шунаقا хотин бўлишига ишонарди, фақат ана шу хусусда у чамаси, янглишмади. Бахт эса... дастлабки пайтларда узоқдан имлаб, умидвор қилиб кўриниб турган бахт кейин тирноққа зор қилиб, сароб сингари қаёққадир чекинди, у бахтини ўша ёқлардан топиши керак эди, аммо улар топишиб олиши мумкин бўлган йўл әнди аввалгисига қараганда икки баробар тор бўлиб, гарчи ҳали ҳам равshan кўриниб турган бўлса-да, сўқмоққа айланиб қолган эди.

Настена сира орқасига қайрилиб боқмас, ўтган ишга ачинмас, қачонлардир, қаердадир бу ёққа эмас, у ёққа бурилиш керак, деб ўйламас эди. Турмуш кийим эмаски, уни ўн мартараб кийиб кўраверсанг. Нимаики бўлса — ҳаммаси сеники, унинг нимасидан тонасан, энг ёмони бўлса ҳам майли, тониш ярамайди. Андрей билан Настенанинг бошига оғир кунлар тушди, аммо у шу кунларга ношукурчилик қилишни ҳатто хаёлига ҳам келтирмади; бундан бу ёгини эплаб-сеплаб юраверди-ю, аммо ҳозирию ҳузури деб бошқа бир әркак билга бўлиш тушига ҳам кирмади. Унда күнгли кўчасига кириб, ўзи ҳам бутунлай бошқача бўлиши керак, хўш, шундай қилишга ким йўл қўйиб қўяркан? Майли, бошқалар билганини қиласаверсин, аммо у эса, битта йўлни тутдими — бўлди, шу йўлдан кетаверади, ўзини тўғри келган ёққа уравермайди. У ўз бахти кулиб боқишини истайди, бошқалар бахтига кўз олайтирумайди.

Айтишларича, ҳамма ҳам толели бўлавермасмиш, у кимга кулиб боқармишу кимга йўқмиш. Аммо бу ёруғ оламда Настена ўзини танҳо деб билганидан ўрнимни боса оладиган ҳеч ким йўқ деб ўйларди. Модомики, шундай экан, нега унга толе кулиб қарамаслиги керак?

Бахтни шунақа қилиб улашадиган ким экан? У бахтли бўлиб яшаш учун туғилган бўлса-ю, бу бахт унга насиб этмайдиган бўлса, унда нега унга жон ато этишди? Унинг бутун ҳаёти ўзига боғлиқ, унинг юраги, гайрат-садоқати, вужудига боғлиқ, бошқа икир-чикирлар, гарчи шундоққина ёнида турган бўлса ҳам, аммо сал нарида, бир четда, бу икир-чикирлар у борлиги учун ҳам мавжуд, модомики шундай экан, унга аталган бахт қуши нега уни атайлаб четлаб ўтаркан-у, бошқа бир одам бошига қўнар, кан? Йўқ, инсонга бундай муомала қилиш ярамайди. Қани энди инсон кўрмаганини кўриш учун иккинчи, учинчи марта туғилиб, яшаса, зўр бўларди-я, аммо қайта туғилиб ҳам, кўрмаганини кўриб ҳам бўлмайди-да. Кўрадиганингни тириклигингда кўра қол, кейин кўраман, деб пайсалга солма — армонда қоласан.

Уруш Настенанинг бахтига узоқ вақт гов бўлиб турди. аммо Настена уруш йилларида ҳам бир кунмас-бир кун бахти кулиб қолишига ишонарди. Уруш ҳам тугайди. Андрей ҳам келади ва шу йиллар ичida ўлда-жўлда бўлиб қолган барча нарса ўрнидан қўзғалиб, юришиб кетади. Настена ўз ҳаётини бошқача тасаввур эта олмасди ҳам. Аммо Андрей bemavrid, ғалабадан олдинроқ келиб қолди-ю, ҳаммасини чалкаштириб, чигаллаштириб, изидан чиқариб юборди — Настена бунақа бўлишини сезмаганди. Энди бахтни эмас, бошқа нарсани ўйлаш керак эди. Бахт эса, чўчиб, қаёққадир уриб кетди, келар йўли ҳам кўринмай, ҳеч қанақа умид ҳам қолмаганга ўхшайди.

Кун кундан баттар.

Наҳотки умрининг охиригача бахтсиз ўтса-я? Настена ҳеч қачон бундай даҳшатли аҳволга тушмаган эди. Бундан бўёғи қоп-қоронги зимиston, ҳеч қанақа рўшнолик йўқ. Дарҳақиқат, кун ўтган сайин баттароқ бўлаверади, аҳволи бугун ёмон бўлса, эртага яхши бўлиб қолмайди. Аммо ҳозир унинг бутун ўй-хәёлида баттарроқ деб юргани — бола-ку, ахир, шунга зор бўлиб армонда эди-ку. Настена орзу қилган бахт, наҳарида, шу бола эди. Ахир Настена шундоққина бахтининг ёнида турибди, деган гап эмасми? Фақат бу бахт унга орқа ўғириб турибди, холос. Ё у бахтга орқа ўғириб турибди. Нима фарқи бор? Ишиқилиб, ўшангага етишса, қуруққа чопиб қолмаса бўлгани.

Аммо ҳозир унга бу бахтдан қандай, қандай наф бор?

Йўқ, нимадир юз бериши ва унинг ҳаётини изга солиб юбориши керак, йўқса жинни бўлиб қолиш ҳам ҳеч гап эмас. Шундай воқеа юз берди ҳам: унинг бўйида бўлди. Демак, тақдирда бор экан — кун кўради. Боласи бўл-

Гандан кейин уңға яна нима керак? Бола эса қочиб кетмайды, туғилади, у қимирлаяпти, ой-куни яқинлашыпти.

Энди Настена нима қилишини ва нима қилмаслигиги жи хаш биларди. Ўз ҳолига қўйиб бериш, вассалом. Етишолмаган, эришолмаганидан азоб-үқубат чеккан Настенанинг ўз қонуний бахти уни қаердадир — яқиндами, олисдами кутиб туриши керак-ку, ахир.

Мана, ўзи чўзилиб ётиди, бу вақтда эса жиловдан миққан от чопиб борган сари олислаб кетарди.

Улар айтилган энг муҳим, нозик ва мўрт нарсани арзимас мулоим гаплар билан ўраб-чирмашаётгандай, оғизларига келганини қайтармай гаплашиб ётишарди. Етганингда шунаقا гаплардан гаплашиш осон: кўзингни юмиб оласан-да, юзига айтишга ботина олмаган гапингни ятаверасан, уялмай-нетмай жимгина ётсанг ҳам, ўзингни тийсанг ҳам, ўз ўй-хаёлларингга берилсанг ҳам бўлаверади, кейин яна гапинг уланиб кетаверади.

Қош қорайган бўлса-да, чироқ ёқишишади, гарчи ой кўринмаса ҳам, ёққан қорнинг сокин, совуқ ёргулиги дарчадан тушиб турарди. Андрей билан Настенанинг юзи бу ёргуликда оппоқ кўринарди, гавдалари латтадай бўшшиб, жонсиздай, бошқа бир куч туфайли қимирлаб қўяётгандай туюларди. Овозлари ҳам олисдан бировларникига ўхшаб эштиilarди. Ҳатто Андрей ҳам, Настена ҳам ушбу дилгир ва хилват соатда жисму жойлари ўзлариники эмасдай, бегонадай ҳис қилмоқда эди — шу қадар юракни безиллатадиган жимжитлик ҳукмрон эдики, атрофда ҳеч нима қилт этмай турган, хайрлашув олдинан ҳамма нарсани кечириш мумкин бўлган тафсилотга бой бу кун ниҳоясига етаётганди. Улар ана шу жимжитлик таъсирига берилиб, оҳиста, деярли шивирлашиб гаплашар эдилар. Суҳбат ҳам бирор хусусда бормай, эркин, снгил-елли бўлиб, бир мавзуда кўпроқ, батафсил сўзланса, бошқасида калта-кўтоҳ, лўйнда-лўйнда гапирилар, бамисоли хоҳлаган ерида туриб қоладиган ва яна у ёқ-бу ёққа бориб келадиган соат капгирига ўхшар эди. Бир вақт жим қолган дақиқалардан бирида Андрей томдан тараша тушгандай:

— Сен, Настена, мендан нима истардинг? — деб сўраб қолди.

— Вой, бу нима деганинг? — у тушунмади.

— Мана мен, сендан нима истаётганимни биламан. Буни ўзинг ҳам биласан. Бугун биз мириқиб гаплашдик, шунинг учун ҳаммасини бошидан қайтариб ўтирмоқчи

эмасман. Аммо ҳали анавидан ташқари мени деб яна күп иш қилишинг керак. Менга нон ҳам, кийим-кечак ҳам келтириб беряпсан. Бу ердаги нарсаларнинг ҳаммаси сенинг қўлингдан ўтган. Мен сени зулудек сўраверса-му, сўраверсаму эвазига ҳеч нима қайтармасам, уят-да, ахир. Ахир сал бўлсаям виждоним бор менинг. Мен бутунлай сени қарамоғингдаман, нонхўр бўлгандаям ўн-танинг ўрнини босадиган нонхўрман. Ўнта нима эмиш, ундан ҳам кўп! Сен ана шу нонхўр туфайли одамлардан қўрқиб юришинг керак. Мен қўрқсам арзиди. Негаки, бунинг сабаби бор, аммо сен-чи? Хўш, сен нима деб бу ёруғ оламдан икки қўлинг тепангда кетади? Биламан, сен менга ачиндинг. Мана, бугун ҳам шунча гапларни гаплашдик, шунга ҳам ачинасан. Сен асли ўзи шунақа-сан. Мана кўрасан, ҳали ҳеч иш қилмайсан. Мен сенга ҳеч нима демайман — йўқ, мен сени биламан. Борди-ю, ўзинг истаганингда ҳам, шундай қилолмайсан. Қўлингдан келмайди, Настена, шу гапларим эсингда бўлсин. Мен ҳамма ишни сенинг гарданингга ағдаряпман-у, аммо ўзим, нима бўлгандаям, бир четга чиқиб томоша қилиб турибман, бир ўзинг оғир юқ остида эзилиб ёти-шинг керак. Боя сен тўғри гапирдинг. Хўш, қўлимдан нима келарди? Нима келарди, Настена? Ўзинг ўйлаб кўр. Жон-жон деб сенга ёрдам берардиму, аммо иложим қанча? Ёрдам бергим келади, мен тайёрига айёр бў-лишга ўрганмаганман, жон-таним билан бирон иш қиласай дейман-у, аммо иложим йўқ. Хўш, шундай бўлгач, нима қилишим керак?

— Нима қилишим керак? Ҳеч нима керак эмас.

— Мана, кўрдингми, ҳеч нима керак эмас деяпсан,— деб илиб кетди у, гўё бошқача жавобни кутмагандек.— Мана, кўрдингми, менга керагу, сенга керак эмас. Мана шу аҳволга тушиб қолдим: мендан бирор нафи тегар, деб кутишнинг ҳожати йўқ. Буни ўзим ҳам билардим, аммо баъзи бир нарсалардан умид қилувдим. Ҳар ҳолда бирон нимани илтимос қилиб қолар деб ҳам ўйладим. Йўқ, бундай бўлмади. Лоақал бирон-бир арзимаган нарсани сўрар-ку, дедим, уни ҳам сўрамадинг. Демак, энди фақат зиёним тегар экан, мен билан умринг азобда ўтаркан-да. Турган гап, энди мен тамом бўлган одамман, ҳамма учун ҳам тамом бўлганман. Мен буни билиб шу ўйлга қадам қўйдим. Тўсатдан, балки сен учун ҳали тамом бўлмагандирман, дея ўйлаб қолдим. Шунда зора-мора раҳм-шағиқат қиласар, кўнглида мен учун лоақал заррадек жой топилар деб келдим. У қалби қаъридан оти-

либ чиқиб, аъзойи баданини ўртаётган дард-аламга қара-
май, шошилмасдан, хотиржам гапираётган эди, назарида,
у ўзини таҳқирласа, бу аламга чидаса, лаззатланәётган-
дай эди.— Бундан чиқди, сен менга фақат ачинар әкан-
сан. Албатта, бу ҳам жонимга ора киради, лекин фақат
ачиниш билан узоқ жон сақлаб бўлмайди—бу ришта жу-
да ҳам ингичка, салга пирт этиб узилиб кетиши мумкин.

— Нималар деяпсан, Андрей?! Нима бўлди сенга?!

Настена қўрқиб кетиб, унинг гапини бўлди.— Мен сени шунчаки сўради қўйди-да, дебман, шунинг учун мен ҳам шунчаки айтдим, тавба, олиб қочганингни қара-я. Шу-
нақаям бўларканми одам? Нега бунақасан-а? Ҳеч гапдан ҳеч гап йўқ, роса олиб қочдинг-да, менинг ҳам миямни ғовлатиб юбординг. Қотмаган бошимни қотириб нима қиласан, кераги йўқ. Ҳали бир кунингга яраб қоларман. Агар истасанг, мен сенга ҳозир ҳам минг хил иш топиб бераман.

— Масалан, қанақа?

— Аввалига лоақал сал тилингни тийсанг. Айтсанг-
айтмасанг ҳадемай азобимни тортиб қоламан, бунинг ус-
тига яна сен ҳам ишонмасанг, унда ҳолим нима кечади?

— Турган гапки, агар мен бўлмасам, сенга анча ях-
ши бўларди.

— Бўлмаса-чи! Албатта яхши бўларди,— деди Насте-
на унинг галига қўшилиб.— Агар ўзим бўлмасам, ундан ҳам яхши бўларди. Ҳеч нимани билмасдим, кўрмасдим, әшитмасдим; ҳеч нимага куймасдим, азоб ҳам чекмас-
дим—оҳ-оҳ, шундоқ яхши, тинч бўлардики! Ғалатисан-а, агар мен манавидақа — қорним дўмпайиб турса, нима ҳам қиласаман? Нега тағин сен мен бўлмасам, сенга яхши бўларди дейсан? Бунақа гапни эшитишни ҳам истамай-
ман, билдингми? Сен мени ўзингдан ажратмай қўя қол кераги йўқ.— Настена нафасини ростлаб олиб, давом эт-
ди:— Энди нима бўлса, биргамиз. Сен у ёқда гуноҳ қилиб келибсанми, энди мен ҳам сен билан бирга гуноҳ қорман. Бирга жавоб берамиз. Борди-ю, мен бўлмасам балки шу гаплар бўлмасми. Шунинг үчун сен ҳамма-
айбни бир ўзингга олаверма. Мен сен билан бирга бўл-
дим, наҳотки шуни кўрмаган бўлсанг? Сен қаерда бўл-
санг, мен ҳам ўша ердаман. Сен эса бу ерда мен билаң-
бирга бўлдинг. Икковимиз ҳам бир хил туш кўрибмиз
бу бежиз әканми? Оҳ, Андрей, бу бежиз эмас. Сен истай-
санми истамайсанми, биз қаерда бўлсак ҳам бирга бўл-
ганимиз, ярмимиз бу ерда, ярмимиз у ёқда. Нима, сен
қаҳрамон бўлиб қайтиб келсанг, бунинг менга алоқаси

йўқмиди, сенингча шунақамиди? Нима, сен билан бирга хурсанд бўлишга ҳаққим йўқмиди? Э, қўйсанг-чи? Менинг эрим деб бошим осмонга етарди. Мана, қаранглар, хотинлар, ҳавасларинг келсин, мен мана шунақаман, мана, кимлигимни кўрсатиб қўйдим, деб қишлоқда керилиб юардим!

— Э, сен бунақани эсламасдинг ҳам, фарқига ҳам бормасдинг...

— Нега энди? Нега фарқига бормасканман? Бошингга шундай кун тушибдими, демак, мен сени яхши эҳтиёт қилолмабман. Модомики чидолмабсанми, демак, ё сен менга ишонмагансан, ё шунча гидрикапалак бўлганим сенга камлик қилибди, ё яна бирон нима етишмаган. Сен мени оппоқ дема, бари бир ўз айбимни ўзим кўриб турибман. Масалан, дейлик, борди-ю, мен сени кутмасдан битта-яримтага тегсам-у ҳаммасини ташлаб, ўша билан бирон ёқларга ҳайё-ҳуй деб кетиворсам, унда бир мени айбдор деб ҳисоблармидинг?

— Бўлмаса кимни айблардим?

— Йўқ, ўшанда ҳам сен бу ишга аралашган бўласан. Нега энди сен бир чеккада туравераркансан? Шундай қилишимга сен ёрдамлашган бўласан. Бу иш анча олдин пишиб қолган бўлиши мумкин, қачон пишириб қўйганимизни ўзимиз унтиб юборгандирмиз ҳам, аммо бирга пиширган бўламиз, бир ўзим бунақа ишга ботина олмасдим. Эй худойим-еј, нималар деяпман-а. Мен зинҳор-базинҳор бунақа қилолмасдим, шунинг учун бу айб сенга, бу айб менга, деб бўлиб ўтиришнинг ҳожати йўқ демоқчиман. Сен билан мен бирга яшаймиз, деб бир ёстиққа бош қўйганимиз. Тўрт мучалинг соғ бўлса, бирга туриш осон, бу худди тушга ўхшайди, ўйин-кулгингни қилиб ўтаверасан. Бошга ёмон кун тушганда бирга бўлиш керак, ана шу мақсадда одамлар бир ёстиққа бош қўйишиади. Мен сенга туғиб бермадим, аммо сен мени ҳайдаб юбормадинг-ку. Боримга кўниб юрдинг-ку, яхшироғини қидириб қолмадинг-ку. Хўш, қани айт-чи, сендақ ажраб кетишинга ким қўйиб қўяркан мени? Қайтанга ўзим адойи тамом бўлардим, ўзимни ўзим ердим.

— Ёмон билан ёмоннинг фарқи бор, Настена. Мен жиноятчиман, қонуннинг ўзи менга қарши. Нима, сен ҳам менга қўшилиб, жиноятчи бўлишинг керакми?

— Энди сўрашнинг ҳожати йўқ. Шу ишга қадам қўймасингдан олдин ўйлаб кўриш керак эди. Шу йўлга юрдингми, демак, мени ҳам ўзинг билан судраб кетдинг. Мен бошқача йўл тутолмайман. Ахир ўзинг кемага чиқ-

жанинг жони бир, деб айтгандинг-ку. Бу тўппа-тўгри. Аммо менга ишон, ишон, йўқса икковимизга ҳам ёмон бўлади, ўзимизни ўзимиз қўйнаймиз.— Настена Андрей нима деб жавоб беришини қутиб жим бўлди, аммо Андрей ҳадеганда жавоб беравермади, шунинг учун Настена ўйлаб турди-да, қўшиб қўйди:— Мен, эҳтимол, тақдирим бошқача бўлишини хоҳлардирман, аммо бошқача тақдир бошқаларнинг ўзига буюрсин, менинг кўз очиб кўрганим мана шу. Уни ҳеч кимга бермайман.— Настена яна жим бўлиб қолди, кейин яна қўшимча қилди:— Ҳаммаси яхши бўлиб кетади, Андрей. Яхши бўлмай иложи йўқ. Мана кўрасан ҳали.— Андрей бари бир жаюб бермади.

— Менга эса ҳозир ҳам яхши. Ахир ўзинг биласан-ку, менга кўп нарса керак эмас. Сен билан турганимнинг ўзи менга катта давлат, бошқаси бунинг олдида бир пул. Нима бўлгани эсимда йўқ, кейин нима бўлиши билан ишм ўқ. Яна бирон гап бўлишига ҳатто ишонгим ҳам келмайди. Бир умр шундоқ қолади шекилли: сену мен, икковимиз. Фақат шу соқолингни қириб ташласанг бўлармиди, бу соқолинг билан бирорларга ўхшайсан. Нима қилсанг ҳам мана шу соқолингга сира кўнига олмаяпман, вассалом.

Настена хиёл кўтарилиб, унга ўгирилди, шунинг учун Андрей уни кўрмаса ҳам нафас олишининг ўзгаришидан хотинининг жилмаяётганини сезди. Шунгача улар гўё бир-бирига эътибор бермаётгандай, гўё иккови ҳам ўзига ўзи гапираётгандай юқорига, шифтга қараб қимир этмай чалқанча ётарди. Андрей бошдан-оёқ кўзларини юмиб ётиб гапиради — чиндан ҳам шу қулай экан. Аммо ҳозир у Настенанинг табассумига жавобан кўзини очди, унинг меҳрибонлик билан мулоим боқиб турган нигоҳларини кўрдию бу нигоҳларга тоб беролмай кўзларини олиб қочди.

— Нега илгари бирон марта ҳам мана шунаقا гаплашмабмиз-а?— деди у ва ўз гапини исботлаш учун ичидан зил кетиб, хотиржам бошини чайқади.— Ахир, ҳаммаси бошқача — тескариси бўлиши мумкин эди-ку. Ёки бу шунаقا туюлдимикин. Э, ким билибди дейсан! Аммо бунаقا гаплашганимиз йўқ, буниси аниқ, гаплашганимиз йўқ. Кўп гаплашганимиз у, ҳар куни қаёқдаги икир-чикирларни, кимнинг арзимас дарди бўлса, шуни гаплашганимиз. Ахир, шу тўрт йил ичida бир-биримизнинг кўнглинимизга қўл солиб, ким нимани ўйлаётганини сўрашга, гаплашишга вақт бор эди-ку. Бундан чиқди, мен сени яхши билмасканман. Юзингга қараб

юраверибман. Борми бор, бўлди дебман, сенинг кўнглинига нима бор, ўзимнинг дилимда нима борини билмабман. Қара-я, сенга қўл кўтарибман-а.

— Менга қўл кўтартганинг йўқ.

— Кўтартганинг йўқ?

— Йўқ.

— Демак, ёмонликни эслагинг йўқ экан-да. Ҳаймайли, эсламасанг эслама. Агар эсласанг, менга сал енгил бўлармиди девдим-да. Менга сендақа хотинни ким қўйибди? Сендан жуда катта қарздор бўламан, аммо қарзимни узишга, ўзинг кўриб турибсан, ҳеч нимам йўқ. Эҳ, Настена-Настена! Сен мени эмас, бошқа бирор нинг этагидан тутсанг бўларкан. Сен шунчаки айтди қўйди дема, жиддий гапиряпман. Ахир, сен фариштасан-ку! Нима қилиб менга учраб қолдинг ўзи? Сира ақлим етмайди.

— Менга эса, сен яхвисан, бошқанинг кераги йўқ. Ҳали ҳам айтувдим. Шунинг учун бу ёги билан ишинг бўлмасин.

— Яхши бўлмагандаги нима қиласардинг энди...

— Ҳеч нимани тушунмайсан-ей, Андрей.— Настена ранжиб, алам билан хўрсаниб шивирлади ва бошини яна ёстиқ ўрнига думалоқлаб қўйилган нимчасига қўйди.— Гапларинг қизиқ-а, менга яхши-ёмонлигини нега билмас экансан, қаёқда эдинг?— Андрей жавоб бермади, унинг жавоб бериши шартмаслигини пайқаб, Настена гапида давом этди.— Сен мени бу ерга олиб келганингда, мен бу ердагилардан биттасиниям билмасдим, ҳаммаси, ҳаммаси бегона эди. Аслини сўрасанг, мен кўзимни чирт юмиб, сенга эргашиб келаверганиман. Қаёққа олиб борсанг ҳам бари бир эди. Мен Ҳатто ўзингни ҳам тузуккина билмасдим, нима энди, номигагина икки-уч марта учрашдик, яна номигагина ҳазил тариқа келишиб ҳам олдик. Мен охириги дақиқагача ҳам боришингга ишонмовдим. Нима, одам қўрқмайдими, ахир? Бутун ҳаётингни бошқатдан бошлайсан, илгариги ҳаётингдан ном-нишон қолмайди, бир ўзим, ўзимми ёки бошқами, ақлим етмай қолди. Ҳу эсингдами: пароходдан бирга тушдик, у ёқ-бу ёққа қарашга қўрқаман, текис ерда ҳам туртиниб кетаман. Эсингдами? Шунақа бўлувуди: жардан чиңаётганимизда оёқларим чалишиб, ийқилиб тушувдим. Одамлар куларди, шундай изза бўлдимки, оёғим остидаги ерни кўрмасдим. Юрагим ёрилганини сездинг-у, қўлимдан ушлаб, стаклаб кетдинг. Уйга келдик, сен, мана, хотиним мана

шу, дединг. Отанг исмнг нима, деб сүради. Настя, дедим. Отанг бошқача қилиб, Настена деди. Ўша-ўша исмим Настена бўлиб кетди. Онанг бўлса чурқ этмай қараб турарди. Қарасам, онангга унча ёқмадим шекилли, балки онанг бошқачароқ келин келишини кутгандир. Сен буни сездинг. Сездинг-у, менинг тўғримдағапириб, бир ўзи, қовурғаси қайишадиган одами йўқ, ҳўйинглар, хафа қилмайлик, дединг. Қулиб, ҳазил қилгандай бўлдинг, аслини олганда, ҳазилнинг ўрнимиди? Ана ўшанда сенга тегиб, панд еб қолмаслигимга ишонгандим, тақдир мени қаёққа улоқтиурсаям, барибир сен билан яхши туришимга амин эдим.

Ўша куни кечқурун сен мени одамларникига етаклаб бординг. Эсингдами? Витя Березкинникига, Максим Вологжинникига ва бошқаларникига кирдик. Айтаман деб унутибман: яқинда Максим қайтиб келди. Қўлим қаттиқ шикастланди, дейди ҳозиргача ҳам боғлаб юрибди.— Андрей бу янгиликни эшитса ҳам, нафасини ичига ютиб, чурқ этмади, шунинг учун Настена давом этди:— Сен мени одамларга кўрсатиб, мақтаниш учун олиб юрмадинг, йўқ, мени тезроқ одамларни таниб олсин, бўларнинг ичидаги бегонасираб юрмасин, деб олиб юрдинг. Ростдан ҳам эрталаб Витянинг Надъкасини учрашиб қолдим, кўрдим-у, кўзларим косасидан чиқиб кетаёзди: менинг танишим бу ерга қаёқдан келиб қолдил, деб ўйладим. Ахир мен уни биламан-ку, биламан-ку ахир, аммо қаерданлигини, кимлигини тополмайман. Кейин эса, ё тавба, ахир куни кеча танишдим-ку, деб ўйлаб қолдим, уларникига ўзинг олиб борувдинг, мен ақлсизнинг бўлса миям ачиб кетгандй. Ўшани кўрдим-у, худди туғишганимни кўргандай хурсанд бўлиб кетдим. Ўшанда биз, эсимда, омборда тунаган эдик. Сен, шу ерда ётамиз, деб туриб олдинг, кейин ўша ерга ўрин қилиб беришди. Аввалига менга жуда галати туюлди, аммо омбор озода, саранжом-саришта эди — ҳу ҳовли томондаги кичиги. Аммо деразасиз, қоп-қоронғи эди. Мана шунақа кати бор эди, кейин ўша кат нима бўлди, ким уни бузиб олди? Ҳа, айтгандай, ўзинг бузувдинг. Тўғри, ўзинг бузувдинг: қандук қилиш керак бўлиб қолувди. Э, аттанг, жуда шинам кат эди-да. Худди зиндондай қоронғи эди-ю, аммо ёғоч-тахта, қиринди ҳиди анқиб турарди, отанг ўшангача дурадгорлик қилган эканми? Ҳозиргидай эсимда, ўшанда сендан ҳам қиринди ҳиди келарди. Сен мендан қўрқмайсанми, деб сўрадинг, мен эса, йўқ, сен бўлсанг қўрқмайман, дедим.

Шунда девор орқасидаги қўндоқдан хўroz ҳудди гапимизни эшитиб, синааб кўрмоқчи бўлгандай жазаваси тутиб қичқирганди. Менинг жон-поним чиқиб кетувди.— Настена оҳиста, майнингина кулди-да, сўнг жимиб қолди. У енгил хўрсиниб қўйди.— Эрталаб эшикни зўрга қидириб топдим. Қайси томондалигини сира қидириб тополмайман. Сен бўлсанг, тушгача донг қотиб ётдинг, ёш хотинингни ҳам эсингдан чиқариб юбординг. Мен Анграга бориб, полизларни кўрдим — унисини ҳам, бунисини ҳам. Сенсиз нонуштага ўтирмадим, сени кутдим. Ойинг чидаб туролмасдан сени уйғотди. Эсимда, ҳаммамиз бирга — отанг, ойинг, сен, мен чой ичдик. Сен бўлсанг, гўё кечаси мен аллақаёқларда юргандай, киши билмас шилқимлик қиласдинг, тегишардинг. Чойдан кейин сен, қани бўл, дединг. Мен қаёққа, десам, сен қаёққа бўларди, адирга-да, дединг. Кейин чиндан ҳам мени адирга, сайхонликка олиб кетдинг, экин ерларини, бекор ётган ерларни кўрсатдинг, ҳаммаёқни кўрсатдинг, гапириб бердинг, кечгача айланиб юрдик. Қайтиб келсақ, оғайниларинг ўтирган экан. Оғайниларинг, модомики, уйланган бўлсанг, қани тарасунни¹ келтир дейишиди. Ўшанда Витя ҳам, Максим Вологжин ҳам бор эди. Витя ҳалок бўлди, билсанг керак? Биласан, ёзгандим-ку. Эри йўқлигига Надъканинг қиз кўрганини ёзган-ёзмаганим эсимда йўқ. Надъканинг боласи учта, шўринг қурғур қийналяпти, жуда қийналяпти. Иложи қанча?

Настена чапга, Андрей ётган томонга кўз қирини ташлаб қўйди. У ҳатто нафас олаётганини ҳам сездирмай, кесак бўлиб ётарди, шунинг учун Настена Витяни беҳуда тилга олганини пайқаб қолиб афсусланди. Андрей Витя билан оғайнини эди. Аммо Настена бирон нимани аралаشتариб, бу гапни бўлиб қўйишга шошилишни истамасди. Эҳтимол, у бунинг уддасидан чиқа олмас ҳам эди. Шодлик ва ташвиш билан тўла бу хотиралар бутун борлиги билан равшан гавдаланиб, мени ташлаб кетма, бүёғини ҳам гапиравер, деб илтижо қилаётгандай кўзи олдида липиллаб турарди. Настена қаерда тўхтаб қолса, ўша воқеа қалқиб, шундоққина кўз олдига келарди-да, гўё биз ҳам бормиз дерди-ю, уни қўлидан тутиб, эргаштириб кетарди. Чиндан ҳам ўша пайлар жуда маза эдида, кунлари хуш-хурсандлик, ўйин-кулги билан ўтарди, келажакда бундан ҳам яхши бўладиганга ўхшарди! Шун-

¹ Тарасун — тозаланган қимиз ёки икки марта тортилган сутдан тайёрланган ароқ. (Тарж. изоҳи.)

дай бўлса ҳам Настена ҳарқалай хотираларга берилишни бас қилди: шуниси ҳам етарли. Настена кейинги пайтларда кўрган кунларини ўйлаб, авзойи ўзгарди ва қулимсираб сўради:

— Сен ҳу анави курсда ўқиб юрганингда олдингга, районга борганим эсингдами?

Улар турмуш қурғанларининг иккинчи йили қишида колхоз Андрейни ҳисобчилар курсига юборди. Ҳарқалай унинг олти синф ҳажмида маълумоти бор эди-да, шунинг учун гарчи у тракторчилар курсига боришни мўлжаллаб турган бўлса-да, айнитишиб, ҳисобчилар курсига юбориши. Гарчи тракторчиларга ўхшамаса-да, бу ҳам ҳарқалай тузуккина, кўзга ташланадиган иш, аммо доимо уйда, бир ерда бўласан, бордю МТСга ўралашадиган бўлсанг, ойлаб бегона ерларда, бегона одамлар ичидаги юрасан, касб таълашда худди мана шу жілжати Андрейни тўхта-тиб қолди.

Андрей янги йилда уйига келиб, то рождествогача турди, Февралда эса, Настена унинг олдига боришга отланди. Район марказигача етмиш чақирим келарди, йўлда бир кеча ётиб бориларди. Бир чанани қўшиб, Иннакентий Иванович, нима иш биландир касалхонага бориши зарур бўлган Доно Василиса ва Настена жўнашди. Иннакентий Иванович билан Настена ваqt ўтказиш мақсадида у ёқ-бу ёқдан гаплашиб бораарди, Иннакентий Иванович гапиришни яхши кўтарди. Доно Василисанинг эса, ҳар бир сўзи тилла эди, беҳуда гапирмасди. Улар эртанисига кечқурун районга етиб бориши. Ишларни бир кунда битириб олишга келишишида-да, ҳар қаёққа тарқаб кетишиди. Настенанинг эса Андрейни кўришдан бошқа иши ҳам йўқ эди, бунақа ишга неча кун бўлса ҳам камлик қиласди, албатта.

Андрей сой соҳилида, Ангарага қуйиладиган жойдан сал наридаги кўримсизгина уйда турарди. Настена борганига уй эгаси — кампирнинг таъби тирриқ бўлиб кетди, Андрейнинг ҳамхонаси — ёши қайтган, бадқовоқ, чўтириб олишга келишишида-да, ҳар қаёққа тарқаб кетишиди. Настенанинг эса Андрейни кўришдан бошқа иши ҳам йўқ эди, бунақа ишга неча кун бўлса ҳам камлик қиласди, албатта.

Настена илгари, ҳали эрининг олдига боришни ўйлаб юрган кезлари бир нимадан сал-пал умидвор бўларди,

бироқ бу илинжини чүчитиб юборишдан ўзи ҳам қўрқиб, уни сир сақларди. Андрейга-ку бу илинжини ўлса ҳам айтмасди, албатта. У уйимизда-ку иккиқат бўлолмадим, балки бу ерда бўларман деган андишада эди. Уйда улар бир-бирига ўрганиб, синашта бўлиб қолган, бу ерда эса, ишлар бошқача бўлади, бу таъсир этиши мумкин.

Қайтанга ҳаром-ҳариш юрсанг, беихтиёр, дарров ушлайди, деб бекорга айтишмайди, бунақа пайтда бола бўлиб қолишини ҳам унугтиб қўясан, кейин бир маҳал қарбсанки, салом-алайкум деб чиқиб турибди-да! Настена эса ҳалолу пок, иштиёқ билан бўлишини истайди, фашат шуниси борки, уйидан олисда-да, шунда ҳам ноиложликдан. У бу хомхаёлдан бирон нима чиқишига ишонмасди, аммо қанчалик ишонмаса, ўзини синаб кўришга шунчалик қизиқиб, шунчалик ошиқарди.

— Эсингдами, ўша куни әрталаб сен ўқишингга бормадинг, мени олиб кетгани келдинг, кейин икковимиз яқингинадаги, йўлнинг нариги бетидаги чойхонага бордик. У ерда, стол устида каттакон самовар турган экан, мен умрим бино бўлиб бунақа самоварни кўрмовдим. Жўмраги бузуқ экан, сув оқиб турарди, шариллаб оқарди, тагига атайлаб чуқур ликопча қўйишибди. Нега уни тузатиб қўйишимаган экан, билмайман. Ўша чой дамлаб берадётган хола, шартта ликопчани олди-да, ўшандан сенга стаканга чой қўйди, сен сезиб қолдинг. Сен, йўқ, самовардан қўйинг, дединг. У бўлса баҳсласиб, ахир бу самовардан оқсан-ку, деди. Сен бўлсанг, йўқ, томган, бу чой эмас, чайнинди, дединг. Хола бўлса, сираям чайнинди эмас, дейди, сен эса, чайнинди, дейсан. Ҳарқалай хола тан олди, самовардан қўйиб берди. Эсимда, сен менга қоғозли конфет ҳам олиб берувдинг, мен ўшани оққанд ўрнида кумир-кумир қилиб тишлаб, чой ичувдим. Конфетлар асалли эканми, жуда ҳидли, чўзилларди есанг, мазаси анчагача оғзингизда қолади, кетмайди.— Настена, гўё ўша унугтилмас хушбўй ширинлик таъми ҳамон оғзидан кетмагандай, тилини тақиллатиб, лабини ялаб қўйди.

— Кейин чойни ичиб, қоринни тўқлаб, яна сен турган уйга бордик. Шишалари ҳар хил кўзойнак тақсан авави мешҳорин йўқ экан, кампир уйда экан. Унга ҳисобчиликка ўқишининг ҳожати йўқ эди — булар нима иш қиласек, шунга қараб ўтираверди. Ёмон кампир экан: биз қаҷон кетаркин, деб кутиб турганимизни кўржб турса ҳам жўрттага, ўтириб олди. Шундан кейин сен уни жўнатишининг йўлини топдинг: магазинга бориб, чорактаник олиб келинг, деб пул бердинг: У бўлса, кейин ўзинг

айтиб берувдинг, пулни ўзи олишни яхши кўраркан, бу ишни биронга ишонмас экан. Кампиримиз ғимирлаб қолди, чоракталикка десанг, майли, чопқиллаб бориб кела-ман, аммо бошқа ишни буюрсанг, ўлсам ҳам ўрнимдан қўзғолмасдим, деди. Сен унга чопқиллаб нима қиласан, секин бориб келсанг ҳам бўлади, улгурасан, дединг. Кампир бўлса, мен-ку улгураман-а, аммо сен, қарогим, эшикнинг илгагини ҳарқалай илиб қўй, ман уйимга одамга ўҳшаб келай, деди.

Настена илиқ, бадани силкинмасдан мулоийм кулди, гўё сув юзида кичиккина ҳалқача ғилдираб, аста ғойиб бўлди.

— Кейин икковимиз куни билан юравердик, юравердик — бормаган жойимиз қолмади,— у яна овозини пастлатиб, сўзларни чўзиб, шивирлаб гапираверди.— Сен мендан бир қадам ҳам нари жилмадинг, бирга юрганимиздан ҳатто хурсанд эдинг, хурсандлигинги шундоққина кўриб туардим. Мен бўлсам, эҳ, қанчалик хурсанд бўлганимни қўяверасан энди! Қиши совуқ бўлсаям, хурсандлигимдан қизиб кетувдим. Ёнингда кетяпман-у, юзим ловиллаб, қўлларим титраётганини сезиб боряпман. Ахир, мен аввалига нимага келдинг, деб сўрайсанми, деб қўрқ-қандим-да. Рост-да, нимага, ахир? Гап билан тушунтириб бўларканми, ахир? Аслини олганда, сенда ҳеч қанақа ишим ҳам йўқ эди-да, ўзи. Бордим, холос. Ҳолингдан бир хабар олай деб бордим! Бир ўйнаб келай дедим-да, сени ўқишдан қолдирдим. Кино кўрдик!— дея тўсатдан хитоб қилди Настена, деярли бақириб.— Эсингдами? Кино кўрувдик! Қара-я, сал бўлмаса эсимдан чиқай дебди. Хотирам ҳам ўлгудай сийқаланиб кетиби: энг муҳимлари эсимдан чиқиб қолади. Эртанисига, қайтиб келаётганимизда кўрган киномизни айтиб бера бошладим, шунда Доно Василисанинг ҳам тили чиқиб қолди. Сен билан мен энг охирги қаторда, кино кўрсатадиган дарча тагида ўтиргандик. Ниҳоят, сен менга энгашиб, эртага кетмасанг яна бирон кун қолсанг бўлармиди, деб шивирладинг, Мен бош чайқадим. Қўзимдан эса дув-дув ёш оқяпти. Ўзинг қол деяпсан, ўзинг. Юрагим қинидан чиқиб кетай дерди...

Хўш, кейин, кейин нима бўлгани эсингда борми, Андрей? У ёғи жуда қизиқ бўлувди. Мени Колхозчилар уйига элтиб қўйишингдан олдин, яна сеникига кирдик. Кампир энди анча юмшаб қолганини билардик. Бордик, борсак, кампир қани қарогим, чоракталикка чўзиб қўйгинг-у, шу ерда, ошхонамда қолавер, мен эса, ўртогимни-

кига бориб ётаман, ўртоғим билан отамлашиб ўтирамиз, деди. Сен пул бердинг — кампирнинг илтимосини рад әтиб бўларканми? Кампир чиқиб кетди, орадан кўи ўтмай, биз ҳали ётишни ўйлаб улгурмасимизданоқ қайтиб келди: магазин берк экан, чорактам бўлмаса, ўртоғимнигиба бориб нима қиласман, деб қолди. Шундан кейинг ўзинг чопиб чиқиб кетдинг, қаёқдантир топиб келдинг, кампирни жўнатдинг. Кейин қарасак, анови қовоги солиқ мешқорининг ҳам келмади, бирон жойда тунаб қолди шекилли. Бутун бошли уйга ўзимиз бек, ўзимиз хон бўлиб қолавердик. Эҳ, Андрей! Сен бўлсанг, мендан хафа эмасмисан, деб сўраб юрибсан-а. Нималар деяпсан ўзи?! Эй худойим! Ўзинг ўйлаб кўр. Менга яна нима керак, ахир?

Аммо Андрей энди унинг гапларини эшитмас, тушунмас эди. У аввалига Настенанинг гапларига қулоқ солиб ётаркан, аъзойи бадани ёқимли живирлаётганини, бу живирлаш бора-бора кучайиб, юрагини орзиқтириб юборганини ҳис этди — шу ишлар чиндан ҳам бир вақтлари бўлгани учун юраги орзиқиб кетди, бу ишлар унинг ҳам эсида бор эди, аммо у буларнинг қандайдир юзаки, гира-шира, эътибор бермай, шоша-пиша эсларди, гўё бу воқеалар унинг бошидан эмас, унгача бошқа бирорнинг бошидан ўтгандай, ўша киши ўз саргузаштини бунга бериб қўйгандай эди. Энди у бу хотиралардан гангид қолганди. Бу ишлар энди худди кечагидай кўз олдига келиб, аъзойи баданини ўртаб юборарди: ўтган куни билан ҳозирги куни сира бир-бирига ўхшамасди. Бу хотиралар бир-бирига мутлақо зид эди, улар бир идиш ичидан бутунлай бошқа-бошқа жойни эгаллаб, бир-бирига қўшилиб кетолмасди, белгиланган чегарадан ўта олмасди. Аммо Андрейнинг ўз хотираси даҳшатлироқ, кучлироқ эди, у истаган пайтида бошқасини босиб тушиши мумкин эди.

Бу сафар ҳам шундай бўлди. Настена сал ҳаяжонланаб ганирарди. Андрей эса, жавоб бермасдан эшитарди, баъзисини илғаб қоларди, баъзисини илғаб ололмасди, ўз саргузаштининг майда-чуйдасигача ўйлаб қоларди: гарчи у Настенага эргашиб, у очиб берган текис йўлдан кетаётган бўлса-да, барибир қийналиб, тез-тез қоқилиб кетарди, у мени қаёққа бошлаб кетяптийкин, деб қўрқиб, атрофига алангларди. Ниҳоят ўз саргузашлари эсига тушганида у ажабланмади — шундай бўлиши керак эди, у гўё саргузашларига интиқ бўлиб тургандай, гортадиган азобини тортиб, бошига тушганини кўриб, яна тезроқ Настенанинг ёнига қайтишни умид қиласарди.

Бу, шу хотиралар ўз-ўзидан, аллақандай бир ўргим-чак тўридан бошланди шекилли, у эҳтиётсизлик қилиб, шу тўрни ўз йўлига ёзиб юборди. Андрейнинг йўлинин тўсишга шунинг ўзи кифоя бўлди-қўйди, кейин эса, бошқа манзара пайдо бўлди. Бу манзара бугунги кунига жуда ўхшаб кетарди, ундан воз кечишга Андрейнинг кучи етмасди. Кейинги, урушга доир воқеалар ҳамиша тўсатдан эсига тушарди-да, анчагача кўз олдидан кетмай, ҳар бир икир-чикиргача аниқ, равшан кўринарди-ю, уни шафқатсизлик билан эзив, титратиб юборарди, Андрей Гуськов бир неча марта айнан бир нарсани бошидан қайта-қайта кечиришга мажбур бўларди. Аслида эса, ўшанда юз берган воқеа туфайли унинг ишлари чапласига кетди: у аввал госпиталга тушди, кейин бу ёққа жўнаб қолди.

...Илиқ ёз оқшоми артиллерия тайёргарлиги вақтида яширин ўти очиш позициясидан огиша-отиша янги жойга кўчиб ўтмоқчи бўлишиди. Кузатувчилар билан аллақачон алоқани тўхтатишганди, ўнг томондаги батарея ҳам кўчган эди, чап томондаги эса, ҳали ивирсиб юрганди. Унчалик шошилтиришмади ҳам. Андрей жанг қилаётган гаубица расчёти ҳар қалай прицелни олишга, станокни чиқариб, беркитишга улгуришганди, энди филофи билан овора бўлиб ётишганди. Дарахтлари сийрак, ўркачсимон дўнглик орқасида бирин-кетин келаётган тягачларнинг моторлари гувилларди, шалоқ бўлиб кетган кузовлари чайқалаётган икки машина тўпларнинг олдига ўрмалаб келиб қолганди.

Тягачларнинг мотори, чамаси танкларнинг гувиллаган овозини босиб кетганди. Йиғишириш ва кўчиб ўтишга одамлар шунчалик бепарво қарашардики, уларнинг хавфхатарга нисбатан туйгулари шунчалик ўтмаслашиб қолган эдики, улар бегона, қуюқ гувиллаган овозни эшитиб, билиб ҳам бу овозга эътибор беришмади. Немис танклари рўпарадаги дўнглик устига чиқиб, бир лаҳза эсанкираб туриб қолди, сўнг физиллаб пастга туша бошлади, ана шунда ҳанг-манг бўлишини кўринг унинг! «Қаёқдан келиб қолди? Олдинда ўзимизниkilар бор-ку! Қаёқдан келиб қолди?» Бир-икки батареяда қичқириқлар эштилди, расчёtlар типирчилаб, гилофларни ечишди, станокларни очишли, тўпларнинг стволларини тушириб, буришиди. Андрей (у ўқловчи эди) снарядлар яшигига қараб югурди, тўсатдан снаряд портлаб у гаранг бўлиб ерга ағдарилиб тушаётганида гўё юмуқ кўзлари билан ҳам қўшни гаубица фидирагининг оҳиста сузиб, айланиб, гоҳ юқорига кўтарилаётганини, гоҳ яна пастга тушаётганини кў-

раёттандай бўлди. Андрей тирик эканини сезгач, олдинга сакради ва яшикни кўтариб келди.

Танклар бешта эди. Аммо чапдаги биринчи батарея уришга улгурганди, бир танк ёнаёттанди. Андрей турган томондаги иккинчи батарея эса ҳали биронта ҳам ўқузолмаганди. Командир бир нималар деб кучаниб, бўғилиб бақиради, аммо нима иш қилиш кераклиги командализ ҳам равшан эди. Танклар дўнгликдан ўрмалаб тушиб, бўлинди: иккитаси биринчи батареяга, иккитаси эса, иккинчи батареяга қараб юрди, аммо улар ўқчилар бир-бирини ўққа тутсин деб атайлаб батареялар ўртасидаги чизиққа чиққанди. Аммо буни ўйлаб ўтиришга вақт йўқ эди.

Батареядаги биринчи Андрей Гуськов ўқлаб бериб турган асосий гаубица биттагина тўп узишга улгурди.

Кейин ёнида бир нима қасирлади, бир лаҳза жаранг-жулинг қилди, шундан кейин у, назарида ўмбалоқ ошиб, бир четга бориб тушди.

Қаердандир олис-олисдан Настенанинг овози қулогига чалинарди. Мехрибонлик билан тўхтовсиз чорлаётган бу овоз сеҳрли оҳанг билан Андрейнинг баданини жимирлатиб юборди. Сўзларни у ажратолмади: чўянларнинг чўян билан қисқа, даҳшатли тўқнашувидан ҳосил бўлган гумбурлаш унинг қулогини қоматга келтириб турарди, ҳозир бу ерда одамларнинг зарурати ҳам йўқдек эди, унинг кўзлари олдидан жанг манзараси лип-лип ўтарди, аччиқ тутун бурқсирди, жанг авжига чиққан жойда қичқириқлар эшитиларди, мустаҳкамланмаган тўп тиргаклари ўйдим-чуқур қилиб ташлаган ер қоп-қорайиб ётарди, тягачлар шоша-пиша қайтиб ўзларини панага олаётганди, тўп наводчиги Коротъко бошини кўтариб, осколкадан дабдала бўлган қорнига қааради, снаряд портлаб, ствол филофини осмонга учирив юборган — бу ҳаммаси шарақ-шуруқ қиласётган гусеницалар ваҳима солиб, юракни ёраётган вақтда содир бўлди.

Ногаҳон Настенанинг овози эшитилмай қолди. Андрей ҳали ўзига келмай, сўнгги жанг хотираларидан қутулмай туриб, оҳиста ўгирилди ва Настенанинг кўзларида бутунлэй бошқа нарсани кўрди — унинг кўзлари ўз саргузаштларидан илиқ боқиб турарди. Андрей ортиқ чидаб туролмай, бошини унинг кўксига қўйди-да, инграб юборди.

— Андрей, нима бўлди?! Нима бўлди?! Нима бўлди сенга?! — у қўрқиб кетди. Андрей сал бўлмаса йиглаб юборай деди-ю, аммо ўзини тутиб қолди.

— Хеч нима, ҳеч нима бўлгани йўқ, Настена. Сен шу ерда, ёнимдасан.

Лекин у ҳозиргина кўзига кўринган жанг шу лаҳзада ҳам давом этаётгандек ҳамон қўрқиб, атрофига аланглар эди.

— Нималарни ўйлаяпсан-а? — Настена эркалаб унинг бошини силади-ю, аммо ўзининг гапидан қолмади. — Вой тентаквойим-еј. Нималарни ўйлаб топасан-а. Балки мен билан бўлганинг учун ҳам шу кўйга тушгандирсан, аммо мени қўявер. Мен эса, ҳамиша сендан миннатдорман, ҳамиша — шуни бир билиб қўй. Сен бўлмасанг, бу ёруғ оламни бошимга ураманими? Қанақасига сенсиз яшарканман? Шунча йилдан бери, ахир, сени кутдим, бошқа бирорвни эмас, сени кутдим. Ётаётганимдаям ўзимча аввал сен билан бир гаплашиб олиб, кейин ётардим, эрталаб туратганимдаям худди сен ёнимда ётибсан-у, сени бир сийпалаб қўймасдан, сенга нима бўлганини билмасдан ўрнимдан турмасдим. Мен чиндан ҳам сени кўриб тургандай бўлардим, аввалига ҳеч ким кўринмасди, худди шамолга ўхшаб гувиллаган овоз эшитиларди, кейин се-кин-аста пасайиб, тинчib қоларди — демак, шу яқин ўттадасан, кейин ўзинг пайдо бўлардинг. Негадир доимо бир ўзинг кўринардинг. Солдатча энгил-бошингда ўтирадинг ё турардинг, шундай хомуш, қайгули, ёнингда ҳеч ким бўлмасди. Мен соғ-саломатлигинги кўрадим-у, орқамга қайтардим: тўхтаб туриш ё гаплашиш мумкин эмасди. Мана шунаقا қилиб чидаб, кун ўтказдим. Мен, эҳтимол, ҳаддан ташқари кутгандирман, сени ўз ҳолинга қўймай, жанг қилишингга халақит бергандирман. Нимани қилиш мумкину нимани қилиш мумкин эмаслигини мен қаёқдан билай, қўлимдан келганини қилдим, тамом, ҳеч ким ўргатмади, айтмади. Сен ҳам индамадинг. Эҳ, Андрей, Андрей...

Андрей бошини чангллади-да, худди оғир юкни олиб ташламоқчи бўлгандай, сарак-сарак қилиб ингради:

— Эй, худо, мен нима қилиб қўйдим-а?! Нима қилиб қўйдим-а, Настена?! — кейин қўлларини тушириб, Настенага юзланди. — Энди менинг олдимга келма, келма — эшитдингми? Мен ҳам кетаман. Бутунлай кетаман. Бу аҳволда яшаб бўлмайди. Бас. Ўзимни ҳам, сени ҳам қийнаганим етар. Ортиқ тоқатим йўқ.

Настена гангиб, қотиб қолди.

— Э, йўқ,— деб уни тўхтатди Настена.— Сен-ку, кетарсан, мен-чи? Мен нима бўламан — ўйлаб кўрдингми? Гумонамни ортириб олиб, энди қаёққа бораман — одам,

лар ичида қаппайтириб юриб бўларканми. Нима бўлсақ, бирга бўламиз. Кутуб турайлик, Андрей, кутиб турайлик, щошилма. Ҳаммаси ўтиб кетади, ўтиб кетиши керак. Онам бир вақтларда кечирилмайдиган гуноҳ йўқ, деганди. Нима, улар одам эмасми? Уруш тугасин, кўрамиз. Ёки бориб тавба қиласан, ёки яна бирон йўли чиқиб қоллар. Фақат сабр қил, кетма. Бир ўзинг гумдан бўласан. Мен ҳам гумдан бўламан, аммо аввал мен гумдан бўламан. Бу ерда лоақал сенинг қаердалигинги биламан. Борди-ю, бўйимда бўлиб қолгани рост бўлса-чи? Уз боланг эканини, бирордан эмаслигини сендан бўлак ҳеч ким билмайди-ку, ахир. Ахир, мен дардимни кимга айтай, юрагимни кимга бўшатай? Ахир, мен энди одамларга аралашолмай қолдим. Қани, айт-чи, кетмайсанми?

Эри дарров жавоб бермаса ҳам, йўқ, кетмайман дегандай, бошини чайқаб қўйди.

— Мана бу ишинг маъқул, маъқул, кетишининг кераги йўқ,— Настена хўрсиниб қўйди ва хиёл жим тургач, деразага ўгирилиб, деди:— Вой-буй, жуда қоронғи бўлиб қолибди-ку. Кетишим кераклигини ҳам унтиб қўйибман. Тур, Андрей, юр, кузатиб қўяман, деб айтдинг-ку, ахир! Юра қол — ҳарна яна бирпас бирга бўламиз. Ҳеч нимани хаёлингга келтирма. Сен ёлғиз эмассан. Агар бир ўзинг бўлсанг, билганингни қиласдинг.

Унинг кўз ёшлиари юзларидан шашқатор бўлаётгани қоронғиликда кўринмас эди.

12

Шу учрашувдан кейин орадан уч кун ўтди, шамол учирив келган қорлар камайиб, эскиси кўриниб қолгач, Андрей Гуськов Атамановкага отланди. У кўпдан бери қишлоқ ёнига боришга юраги тўкилиб турарди, аммо у бирор тасодиф туфайли ёки эҳтиётсизлик қилиб, ўзини сездириб қўйишидан қўрқиб, боришга ошиқмасди. Энди бўлса, Настена билан гаплашиб, бор гапни ундан билгач, ўзини тийиб туришга ортиқ тоқат қилолмади. Таажжуб: у бу ерда юришга аллақандай бир ҳақи бор одамдек, ўзини энди анча дадил ҳис этарди, камроқ қўрқарди, таҳдид қилиб турган хавф-хатар билан унчалик иши ҳам йўқ эди. Бунинг устига ҳаво ҳам илиб қолди, ҳаммаёқда баҳор нафаси кезарди, бу ҳам унга айни муддао бўлди, агар сал сусткашлик қиласа, кутиб турса, кечикиб қоларди.

Юлдузлар мусаффо осмонда чарақлаб турган, бўзариб бораётган тонг палласида Гуськов Ангарадан ўтиб, қишлоқни қуий четидан айланиб ўтди-да, тепаликка кўтарилди. У қайтиб келганидан бери қишлоғини шу томондан кўрмаган эди, шунинг учун қишлоғи аввалгисига қараганда кўзига кичикроқ кўринди. У кўчаларнинг икки томонидаги гўё қаддини кўтаролмай, ётиб олганга ўхшаб турган пастаккина уйларга қаради. Чўкиб қолган уйларнинг дeraзalari ҳар хил бўлиб (баъзиларида дeraза қопқоги бор эди, баъзиларида йўқ), шу паллада қуроққа ўхшарди, уйларнинг томлари нақ ерга тегай деб турарди, бесўнақай деворлари турли томонга чўзилиб кетганди, шунинг учун у уйларни зўрга таниди. Гуськов кимнинг уйи қаердалигини ёддан биларди, аммо у ҳозир бу уйларга тикилиб қаараркан, деярли ҳар бир уй тўғрисида бош қотирарди: ўшанга ўхшайдиям, ўхшамайдиям — жойига қараганда ўша, албатта, кўринишидан эса, билиб бўлмайди. Ёки бу тонг ҳали яхши ёришмаганидан, ҳавонинг хира, гира-ширалигиданмикан ёки уруш даврида эркаклар йўқлигидан қишлоқ шунчалик ҳароб бўлиб қолганимкин?

У анчагача ўз уйига қарамади, унгача сал бўлса ҳам қишлоғимга кўникиб олай, унинг яқинлигини ҳис этай, уни хаёлимда эмас, ўз кўзим билан кўриб турганимга ишонай, деб атайлаб нигоҳини undan олиб қочди. Аммо кўришга жуда унақа орзиқиб тургани йўқ эди: у шунча йил умр кечирган, айниқса бир неча ой ёнмаён яшаган Атамановкани энди эсингдан чиқар, деб ўзига-ўзи буюриб кўйганидан бу вақт ичидан қишлоқдан бегоналашиб ҳам қолганди. Илож қанчалик: қишлоқ ўрнида тураверади, у бўлса атрофда гирдикапалак бўлиб юришга мажбур. Энди у қишлоқда яшай олмайди, ҳатто у ерга дафи ҳам этилмайди, демак, бекорга эвилиб, ич-этини еб, бефойда қайғуриб юришнинг ҳожати ҳам йўқ. Гоҳо Гуськовнинг кўзи Ангаранинг нариги томонидан кўриниб турган Атамановканинг бир четига тушиб қолардида, қандайдир эринчоқлик, пала-партишлиқ билан, ҳатто қандайдир ўзини масхара қилиб эслай бошлади: у ерда унга нима керак эди? Ахир бир вақтлари унга нимадир керак эди-ку, аммо нималиги эсидан чиқиб қолганди.

Ўзи туғилиб ўсган, бу ёруғ оламдағи энг азиз кишилари яшайдган уй шундоққина рўпарасида, пастга қараб кетган кўчадаги уйлар қаторида эди. Нижоят, Гуськов юйларни бутун диққат эътиборини тўплаб, уйга нигоҳ таш-

лади: тепаликкә, унга қараган ўша учта дераза, уйнинг олд томондаги чап бурчаги (отаси, уй ҳам эгасига ўхшаб маймоқ, дерди) қийшайиб турибди, унга тақаб ёғочдан қурилган яхшигина, кенг-мўл даҳлиз ҳам ўшандогича, нишаби бир томонлама томи ашқол-дашқолларга тўлиб ётиби. Уй мустаҳкам эди, ҳали кўпга чидарди, лекин ўз вақтида қаралмагани учун бурчаги чўкди, худди ўша ёзда, уруш бошланадиган йили ўрим-йифимдан сўнг музикларни ҳашарга чақириб, қазиб юрмай шартта бурчакни кўтариб, тузатиб қўйишмоқчи эди. «Хўб чақиришиди, хўб тузатиши!» Энди бўлса чол буни ўйламайди ҳам, албаттa. Ё бутунлай қулаб тушмагунча, ё бирор дурустроқ хўжайинга учрамагунча мана шундоқ қийшайиб турaveradi. Турмай нима қиларди? Отаси билан онасининг тўридан гўри яқин, Настена эса... Настенанинг бу ерда қолиши гумон, қолгандা ҳам бир ўзи қолмайди.

Гуськов гўё уй ичида нималар бўлаётганини кўрмоқчи бўлгандай, зўр бериб деразага тикиларди. Ўнг томондаги энг четки дераза — ошхонанини, дераза ёнида товуқхона бор, рўпарада кейинги пайтларда онаси кечасию кундузи тушмайдиган пеъ бор. Печни ҳали ёқишимбади — тутун чиқмаяпти. Ҳа, мана, ҳозир туриб қолишади, онаси Настенани чақиради, у тутантириққа ёпишади. Настенанинг деразаси чапдан охиргиси, оғган бурчакда. Ҳозир у ухлаб ётиби, ҳадемай туради, ҳозир у оёқларини узатиб, қорнини ушлаб чалқанча ётиби — одати шунақа, агар Настенанинг бўйида бўлгани рост бўлса, бу одати энди жуда ярашади. Уни қараангки, киши шу кунларни ўйлаб, анча аввал, бир неча йил олдиндан тайёргарлик кўриб келаркан-а. Настена урушдан олдин ҳам, худди тантиқлик қилаётгандай, бўлар-бўлмасга қорнини ушлаб ётиш одатини чиқарди — худодан фарзанд тилаб, илтижо қилгани эди бу. Орзу-умидлари чиппакка чиқишичиқмаслигини Андрей бугун аниқ билиб олади. Настена бугун маълум қиласди. Агар бирой ўзгариш бўлмаса, у кечқурун мўрчани иситади. Аммо Настена унинг шу яқин-ўртада юрганини билмайди, шунинг учун у Андреини мўрчада кутмай кетиб қолади. Андрей унга Анграга чиқаман, деб айтганди, холос.

У ҳозир Настенанинг ўринда ётганини кўз олдига келтирди: қимиirlамай, бемалол чўзилиб, иссиққина бўлиб ётиби, ичкўйлагини қорни устидан суриб қўйган, юзи кечаси сал кўлчиб, оқаринқираган, ниманидир зеслашга уринаётгандай сал титраб туриби, соchlарини ёзиб юборгани. Андрей ҳозир Настенани әрталабки уйқуда тасав-

вур қилди-да, қотиб қолди ва ички бир жүрликтан томоғига ёш тиқилди. У оғир жүрсініб құйиди-да, чап тоғонда бир қатор бўлиб турған омборларга нигоҳ ташла-ди, Настена биринчи кеча тунағанини эслаб, тилга олган ҳовли четида шу омбор-бу ердан кўринмасди. Настенани қўрқитиб юборган хўроz ёмонлик аломати бўлиб туюлганини яшириди, у анча вақтгача шу гапига маҳкам ёпишиб олиб юрди. «Ёмон, ёмон», — дерди у ҳадеб, Андрей эса, уни тинчтишига уриниб: «Хўроzларнинг қичқириғига кўпроқ қулоқ сол, уларга кўпроқ ишон, улар ҳар дақиқада қичқиради», — деганди.

Ниҳоят, бутунлай тонг отиб, ҳаммаёқ ёп-ёруғ бўлиб кетди, қишлоқ ҳам бор бўйича аниқ-равшан кўринди. Мўрконлардан тутун чиқиб, ҳали уйқусираган, заиф, ноаниқ товушлар эштила бошлади. Настена ҳам уйғонди: печка рўпарасидаги дераза аҳён-аҳёнда қизарип кўрикарди. Эшик очилаётисиб, бир бурчаги кўриниб қолди, кимдир чиқди, аммо ким, Настенами ёки отаси? Кўришга девор халақит берарди. Настенанинг сигир соғишга борадиган вақти бўлди, у сигир соққунча отаси молга ем-хашак берса керак, балки бу иш ҳам энди Настенага қолгандир — бу ёгини худо билади. Борди-ю, бирдан онаси кўнглига ғулғула тушиб, иҳраб-сихраб кўчага чиқиб, гўё уни бирор бу ёққа чақиргандай, энди нима қилишини, қаёққа боришини билолмай кутиб турған бўлса-я? Наҳотки, онаси унинг шу ерда, ёнгинасида юрганини сира, лоақал заррачалик сезмаса-я?

У икки кўзини узмай қараб туар, ўтмишни кўз олдига келтиради, аммо сира таъсирланмас, ҳаяжонланмас, юраги жиз этмасди — ё унинг ҳис-туйғулари ҳали уйғонмаган, қўзголмаган ёки у ҳаммасини сўндириб юборган эди. У тўрт йилдан бери жонажон қишлоғи билан биринчи марта юзма-юз бўлганини, бундан буён бошини у тошдан-бу тошга урса ҳам, әҳтимол, мана шундай қараб туриш насиб этмаслигини тушуниб турса ҳам ўзининг хотиржамлигига ҳатто ўзи ҳам ҳайрон қоларди. У ёқда унинг ичидан ич қиринди ўтди, тортадиганини тортди, лоақал охирги марта, ҳеч бўлмаса ўз Атамановкасига бирров кўз ташлаш учун ҳамма нарсага тайёр эди, очигини айтганда, шуни деб бу ёққа келди — мана, келди ҳам, аммо кўнгли ҳувиллаб туради. Наҳотки, ҳаммаси ёниб битгани рост бўлса?

У ўзини синаб кўриш учун Москва останаларида ҳалок бўлган ошинаси, тенгқури Витя Березкинининг уйига назар солди. Таниш уй — у ердан ҳам тутун чиқяпти, ҳо-

зир ўша уйда Надъка болалари билан турибди, Витя рўзгорини онасидан бошқа қилгандан кейин Андрей унинг нарсаларини қишлоқнинг нариги чеккасидан бу ёққа ташишда ёрдамлашганди. Нимани ҳам ташишарди? Отни қўёшишди, аравага икки-учта тугун, каравоту ёғоч катни ортишди — бор рўзгор шу әди. Скамейка ва столни шу ерда ясашди, асбобларни Андрей уйидан олиб келди. Ўшанда улар ясаган нимадир Надъкага ёқмай қолди ва у шангиллайвериб иккаласининг миясини қоқиб қўлига берди. Кейин юз чириллашига, юлиб-юлқинишига ҳам қарамасдан икковлашиб Надъкани томга тиқиб қўйишиди. Ўша ердан туриб унинг бутун қишлоқни бошига кўтариб ҳўнг-ҳўнг йиглашини томоша қилиб, роса кулишди. Агар яримта олиб берсанг, тушириб қўямиз дейишди, Надъка хўп деди. Надъканинг бошқа иложи қолмаганди — томдан сакрашга қўрқарди, нарвон эса йўқ әди.

Айниқса бу воқеа осонгина эсига келди, осон ва аниқтаниқ эслади — чунки барча хотиралари ичидаги шуниси тез юзага қалқиб чиқди. Аммо Витянинг ҳозир жуда яқиндан аниқ қўриниб туриши уни сергаклантириб қўйди: юзи ҳам, овози ҳам, юришлари ҳам, имо-ишоралари ҳам—ҳаммаси. Гўё ҳозиргина ёнида әди-ю, бир минутгина нарига кетгандай әди. «Қизиқ,— деб ўйлади Гуськов,— у йўқ, мен бўлсам уни худди тирикдай кўриб, эшитиб турибман. Шундай бўлишига Витянинг ўзи ҳаракат қилдимикин ёки хотирамда яхши сайдланиб қолганмикин? Битта-яримта ҳам мени худди мана шунаقا яхши кўра олармикин? Мен борман, мен одамларга яхши кўринишими керак, тирикларга тирикдай! Йўқ, бу ерда гап-бошқа парсада шекилли,— деб ўзини ўзи тўхтатди у.— Витянинг паймонаси тўлди, ёшини яшаб бўлди, унга нима бўлганини ҳамма билади. Сенга нима бўлгани эса, ҳеч кимга маълум эмас. Одамлар ҳозирданоқ сени эсламасликка ҳаракат қиляпти, сени эслаб юришлари учун баҳона бўлгулик қароргоҳинг йўқ, сен одамлар назарида, гарчи тирик бўлсанг ҳам, бултурги қордай эриб, йўқ бўлиб кетгансан. Иннайкейин, инсон тўғрисида одамларда қоладиган хотиранинг ҳам қадр-қиммати бўлса керак, шунинг учун ҳозир ўзинг қандай яшириниб юрган бўлсанг, одамлар ҳам сени әслашдан бир умр уялиб, ерга қараб юради. Умид қилма, тамагир бўлма — бу ерда ҳам ҳеч нима жонингга ора кирмайди».

У бирон нимани ўйласа ҳам куйиб-пишмасдан хотиржам ўйларди. Бўлмаса бўлмас-да. Ўлгандан кейин унга баривир, одамлар нима деса дейишаверсин, У ёнда бу

таплардан суюгинг сирқирамайди, ҳамма бир жилда бўлади. Гусъковнинг дикқат-эътибори ҳамон ўз уйи билан банд бўлиб, ундан кўз узмасликка ҳаракат қиласади. Шунинг учун ҳам у дарров отасини кўрди. Назарида, ҳатто эшикнинг гийқиллаганини ҳам эшитгандай бўлди. Отаси эшикни ёпиб, бирпас турди, гўё Андрейнинг бу ерда турганини фаҳмлагандай, у турган тепаликка синчилаб тикилди, кейин одатдагидек, оқсаб-оқсаб кўчадан ўнғ томонга қараб кетди, оғзидан ҳовурми ё тамаки тутуними чиқарди — олисдан нималигини билиб бўя-масди. «Ана менинг отам,— деб ўйлади у ҳафсаласи пир бўлиб, бўшашиб.— Бу ўша». У отасининг елкаларига қарди, отаси қарилкни бўйнига олмай, ҳамон қаддини ғов тутиб бораркан, эсанкираш, ҳафсаласизлик ҳис-туйғуси борган сари Андрейни кўпроқ қуршаб ола бошлади. Отаси ярим йўлга етганда тўхтаб, икки буқчайиб қолдида, бошини силтади — уни йўтал тутди шекилли. Андрей, назарида, бу йўталишни эшитаётгандай, ваҳимали қаттиқ овоз қулогига етиб келаётгандай бўлди. Отаси сал ўзига келгач, оқсаб йўлида давом этди ва бирор минутлардан кейин қироатхона муюлишига етиб, кўздан ғо-йиб бўлди.

Андрей яна бирпас ерга шуурсиз тикилиб турди-да, ногаҳон эсига тушиб, худди югургудай бўлиб шоша-пиша төққа қараб жўнади, қишлоқ кўздан яширингандан ке-йин ўнгга бурилди ва ҳамон шоша-пиша, тез-тез одим отиб, то олдиндан йўл чиқмагунича ўрмон ичидан кетди. У йўл билан яна пастга, ёш қалин арчазор ёнига тушди, шу ерга келганда йўл арчазорни айланиб ўтарди. Андрей йўлни кесиб ўтди-да, тўғри кетаверди. У арчазор этагига етиб, иморатлар кўрина бошлагач, тўхтади — у юқори томондаги қўраси ўрмонга тақалиб келган отхона олди-дан чиқиб қолган эди. У отасини шу ерда яқиндан кўрмоқчи эди.

Ота-боланинг бир-бирига муносабати ўртамиёна — на ёмон, на яхши эди, иккови ҳам ўз билганича яшарди, де-са бўлади. Тўғри, Андрей болалигида отаси ундан кўз-қулоқ бўлиб юрди, аммо фақат кўз-қулоқ бўлиб юрди холос, унинг ишлари, ташвишларига деярли азалашмади. Қорни тўқ, усти бут — ҳеч нимадан қамчилиги йўқ, отасининг қилгани шунчаликдир-да, ахир, тирикчилик йўлини ўзи билиб олсин, ўз калласи, қўл-оёғи бор. У ўғлига ақл ўргатмади, уни тарбияламади, иннайкейин, тарбия нималигини, уни ҳаандай сингдириш кераклигини ўзи ҳам билмасди; у ҳаётиниг ўзи ҳам ҳар қандай одам-

ни ўргатади, тарбиялайди, феъл-хўйнга яраша қилиб қўяди, деб ўйларди. Лозим бўлганда жиловини тортди, лозим бўлмаганди ўз ҳолига қўйиб қўйди. Борди-ю, Андрей бирон нимани сўраб қолгудай бўлса, у ўғлим қизиқиб қолибди, деб суюниб, тушунтириб берарди, тушунтирганда ҳам, атрофлича, бамаъни қилиб тушунтиради, кўрсатиш, айтиб бериш эса унинг қўлидан келарди: агар у ўғлининг бирон фойдали ишга уринганини кўрса, рагбатлантиради, қўлидан келганича кўрсатарди, аммо биронта ишни зўрлаб қилдирмасди, бунақа одати йўқ эди. Узи, ҳаммасини ўзи билиб олсин, ана ўшанда ўз ишига пишиқ-пухта бўлади. Андрейнинг эсида бор, отаси фақат бир марта яхши билан ёмонни ажратиб олишда унга ёрдам берганди: Андрей бир куни бемаъни иш қилиб қўйиб, айбни қўшниси Мишкага агдарганида, отаси илгакдан чарм жиловни олиб, индамай роса савалаганди — одам бўлиб ургани шу.

Шунинг учун отасининг йўриғи бошқа эди. Отаси эркалатиб қўймасди ҳам, онасига ўхшаб фифони фалакка чиқмасди, онаси баҳор ҳавосидай тез-тез ўзгариб қоларди: бугун бир хил бўлса, эртага бутунлай бошқача бўларди. Андрей хоҳлаган пайтда отасининг олдига бориб, дидагини дадил айтаверарди: аммо онасига рўпара бўладиган бўлса, аввал унинг авзойи қанақалигига қаарди. Онаси асли сўзларни «й»лаб, «ш»лаб гапиришадиган Братск атрофидан эди. Ангарада атиги бир неча қишлоқ шу талаффузда гапиради, одамлари ҳам худди саралаб қўйгандай чиройли, баланд бўйли, меҳнаткаш бўлади — айниқса хотин-қизларини қўяверасиз,— бу тоифа эл бу ерда қаёқдан пайдо бўлиб қолганини ҳеч ким билмайди. Шу қишлоқларнинг юқорисида ҳам, қуйи томонларида ҳам бинойидек гапиришади, бу ердагилар эса негадир бошқача гаплашолмайдилар, гўё бу тил уларга алоҳида, маҳсусе илаштириб қўйилгандай эди. Бу тил бошқа қулоқ-қа қандайдир ғалати, тушуниб бўлмаидигандай эйитиларди, албатта, бу тилга кўникиш керак эди. Атамановкада унинг онасини то қаригунча ҳам мазах-қилиб кулишарди, онасининг эса жаҳзи чиқарди, жаҳзи чиққанини синира олмасди ҳам, шунинг учун у ўзини одамлардан сийб қочиб юарди, танҳо қолинига ҳаракат қиласарди. Аммо онасининг куйиб-пишишига бундан бошқа сабаблар ҳам бор эди: гражданлар уруши вақтида унинг уруғимоқлари тухумигача қуриб кетганди — отаси, онаси, ҳи ака-укаси — ҳаммаси. Бир вақтлари Колчакда хизмат қилган укаси партизанлардан жонини сақлаб қолиши

учун Атамановкага, опасиникига қочиб келувди, аммо бу ерда ҳам уни топиб олишди. Андрей энди бешга қадам құйғанида дастлабки, биринчи марта гира-шира, узук-юлуқ әсида қолган нарсаси шу әди. Үшанды бегона, серсоқол одамлар тоғасини яшириниб ётган жойидан судраб чиқиб олиб кетишганди. Кейин онаси укамни ажратиб ололмадинг, деб отасига бир умр таъна қилиб юрди. Отаси ғиқ этмасди: үзи герман урушидан майиб бўлиб келгани учун қайтиб қўлига қурол олишни хәёлига ҳам келтирмасди. У колхозга кирган кунидан бошлаб отбоқарлик қилди.

Отаси отларни яхши кўрарди. Андрей бирор киши отаси каби отларга ачинишини, уларнинг қадрига етишини билмасди. У ўз оғилидан, агар той ҳам ҳисобга олинадиган бўлса,— учта отни жамоат отхонасига элтиб топширгани учун бошқа бирорнинг ёлчитиб қарашига ишонмаганидан отбоқар бўлишни үзи илтимос қилган бўлса ҳам ажаб әмас. Агар гап хиёл отларга бориб тақаладиган бўлса, одатда вазмин, бўштоб бўлган отаси ҳеч кимни юз хотир қилмасди. Бир куни, колхоз тузилган дастлабки вақтларда мужикларнинг кўзи олдидা, ўша пайтдаги тиркишчи, ҳозирги колхоз раиси Несторни роса тузлади да. Үшанды Нестор Чақмоқ лақабли айғирни ўлгудай сўлласини қуритиб, ҳаммаёғини кўпиклатиб, лабларини қонатиб, аллақаётдан елдириб келган әди, у Несторни шундай бопладики, Михеични тўхтатишга ҳеч кимнинг юраги дов бермади. Аслини олганда айғир то колхоз тузилганига қадар Несторнинг акаси Ульянники әди (акаси кейинчалик фин урушида ҳалок бўлганди), шунинг учун Нестор айғирни ўзиники ҳисоблаб, шунчалик чоптирган бўлса керак, аммо отаси ҳеч нимани юз хотир қилмади. У от гўштини ейишдан ҳазар қилган одамлардан жаҳли чиқарди, барча ҳайвонлар гўштидан әнг ҳалоли деб исботларди, аммо үзи ҳам от гўштини емасди: ея олмасди. Отларни яхши кўрганидан, ҳатто ўлиқ бўлса ҳам уларга ачинганидан ея олмасди. У: «Ўлсан ўламан, аммо от гўшти билан одам гўштини оғзимга олмайман», дерди. Андрей Стalingрад остоналарида очликдан қутулиш учун от гўшти ер экан, отасининг шу гапини тез-тез эсларди ва мен кўраётган кунларни отам кўргани йўқ, бўлмаса бунақа гапни айтишдан тилини тиярди, деган холосага келган әди. Бир куни ўша ерда ҳаром ўлган отни майдалаб, пиширишга тўғри келганди — улар шунга ҳам хурсанд әдилар, шуни ҳам ўқлар дўлдай ёғиб турганда олиб чиқишганди.

Андрей арчазорда бекиниб, отам бүйинчалар турадиган хонадан қачон чиқаркин, деб кутиб турарди. Ҳовли ўртасида, эски жойида бутун ёғочдан йўнилган иккита узун охур турарди, улар таглик устига қўйилганди,— унинг ёнида сув ташийдиган арава бор эди, унинг шотиси худди Ангарани нишонга олаётган тўп сингари баланд кўтарилганди. Чап томондаги қўра бўйлаб пичан ташийдиган ва енгил аравачаларнинг шотилари кўтариб ё боғлаб қўйилганди, от ва арава ашёлари учун ҳозирлаб қўйилган қайин оғочлари ва тўғалар қалашиб ётарди, ўнгда, отхоналар орқасида отлар ҳайдаб қўйиладиган жой бошланиб кетарди, у ердан отларнинг елкалари қимирилаб қўринарди. Шунча йилдан бери бу ерда ҳеч нима ўзгармабди, фақат эскирган бўлиши мумкин. Ҳовли пичан чириндилари ва гўнгдан ифлосланиб саргайиб, юмшоқ бўлиб кетганди, эрталабданоқ совуқ заҳрини кесиб гўнг ва чириндininг қуюқ бадбўй ҳиди гупиллаб димоққа уриларди; Андрей нафас олди-ю, эсидан чиқариб юборгани учун дами қайтиб кетди, аммо дами қайтса ҳам ҳузур қилди, қувониб шу ҳиддан маст бўлгиси келди.

Ҳовлида қорнининг икки ёни қизғиши тимқора чиройли қулун ёлғиз айланиб юарди, қулун бўлиққина, яхши парвариш қилинган, ингичка оёқлари бақувват эди, тимқора сағриси йилтиради, ёли ва пешонасидағи кокили кесилганди. Андрей қулунни томоша қилас экан, буни ҳайф қилишмас, айғирликка олиб қолишиша керак, деб кўнглидан кечирди. Қулун чиндан ҳам жуда чиройли эди. Аммо жуда сезгири экан: у Андрейнинг шу ердагигини сезди ва рўпарасидағи қўра олдига келиб, ёғочлар орасидан бошини суқди-да, таниб олмоқчи бўлгандай, узоқ тикилди. Андрей уни чўчитди, қулун орқасига бир сакради-да, шу ердамикин дегандай, отхонага қайрилиб қараб қўйди ва яна бегона, шубҳали одамга қаради. Шу-шу қулун нишхўрдларни титаркан, ҳар титгандан кейин қараб-қараб қўяверди.

Андрейнинг хаёли паришон бўлиб, поён-поёнига ҳам столмай, гангиг қолган эди, хотираси сусайиб кетганди. Гоҳо у нега ўрмонида яшириниб юрганини тушунолмасди, ахир бир неча қадам босса, шу қўрадан ошиб ўтса, ёргулікка чиқади-ку, нега шартта чиқавермайди — нимани кутяпти ўзи? Гоҳо у чиқиши зинҳор-базинҳор мумкин эмаслигини, чиқа олмаслигини эслаб қоларди-да, илгари ўзига таниш бўлган, бошидан кечирган, исланиб, қорайиб ётган ҳаёт бурчаги қандай қилиб унинг олдидан чиқиб

қолганига сира ақли етмасди, акир у, Андрей кўпдан бери бошқа оламда юрибди-ку. Қаёқдан келиб қолди? Хаёлида кўриндими, сеҳрлаб қўйдими? Нимага? Бунинг кимга кераги бор? Бунинг унга қандай алоқаси бор? У қандай қилиб бу ерга келиб қолди?

Андрей отасининг бўйинчалар сақланадиган хонадан чиққанини пайқамай қолди, бир маҳал қараса отаси бияни жиловидан тутиб, уни отхонадан олиб чиқяпти. Бия бўғоз бўлиб, ой-куни яқинлашиб қолганди, биқинлари чиқиб кетиб, қорни осилиб турарди, у оғир, секинаста оёқ босарди. Андрей аввал ана шу бияга эътибор берди, уни ҳаммадан кўра ана шу бия ҳайратта соглан эди. Нимагалигини унинг ўзи ҳам: ё кўпдан бери бўғоз бияни кўрмагани, уларнинг қанақа бўлишини, ҳатто бу ёруғ оламда уларнинг борлигини ҳам эсидан чиқариб қўйгани учунми, ё дарров кўзини йириб-йиртиб отасига қарамаслик, кўниши ва учрашувга яхши ҳозирланиш учун кўз қирини ташлаб туришга қулай баҳона топилганига суюниб кетганиданми, буни тушунтириб беролмасди. Отаси бияни олиб чиқиб тўхтади, сайр қилдириш керакмикин, дегандай уни айланиб ўтди, кейин яна нўхтасидан ушлаб, етаклаб кетди. Отаси пастки қўра бўйлаб, бурчаккача борди-да, кейин тепаликка, Андрей тургая томонга қараб юрди... Андрей шошиб, тиширчилаб қолди, у ўрнида қолишини ҳам, арчазор ичкарисига кириб кетишини ҳам билмасди, аммо охири шохлар уни яхши пана қилишига ишониб, ўрнида қолди-ю, лекин ҳар эҳтимолга қарши чўнқайди.

Отаси уни фронтга жўнатаётганда сўнгги марта хайрлашаётib, титраб кетди. Ўзини тутолмай, беихтиёр: «Яна дийдор кўришиш насиб этармикин, насиб этармикин?» деб юборганди. Ўшанда отасининг назарида икки йўл бор эди холос: ё қачон бўлмасин бир-бири билан дийдор кўришади, ё абадий кўришмайди. Аммо шулардан бири иккинчисини кўришини-ю, иккинчиси эса, биқиничисини кўра олмаслигини хаёлига ҳам келтирмаган бўлса керак. Содда одамнинг калласига бу гап қаёқдан ҳам келарди, дейсиз. Ҳозир эса, худди ана шу ҳодиса рўй бериб турибди. Отаси яқинлашиб келарди; эгнида фуфайка, белини камар билан қисиб танғиб олибди, сошидаги қўлбола пахталик қулоқчинининг қулоқлари юқорига қайтариб қўйилган, оёғида чориқ. У секин, ҳоргин келарди; унинг ҳоргинлиги шалвираб осилиб турган қўлларидан, оёғини сургаб аранг қадам ташлашидан, оқсанб қадам босганида гавдасининг қаттиқ

лапанглашидан сезилиб турарди — у ҳозир күпроқ таъқибга бардош беролмай беихтиёр ҳаракат қилаётган ярадор қушга ўхшарди. Андрей энди ундан кўзини узмасди. Отаси яқинлашиб келарди, у яқинлашиб келгани сари Андрей ҳам эҳтиёткорликни унутиб, ўрнидан турди, қаддини ростлади, у ўрнидан тураркан, гўё тахта бўлиб ботин-ботинигача қотиб қолганга ўхшарди, кўз олдини қоронғилик босиб, яхши фикр юрита олмасди. Қўрага озгина қолганида отаси йўталиб, тўхтади. Орқасидан келаётган зийрак бия унга тушунгандай қараб турарди. У қўллари билан кўкрагини ушлаб олганича, юзини бир четга буриб, хириллаб, ўпкаси узилгудек бўлиб узоқ йўталди, тинчлангандан кейин эса бошини кўтариб, тўгри рўпарасига, Андрейга қаради. Уларининг ораси йигирма қадамча келарди. Андрейнинг юраги орқасига тортиб кетди. Агар отаси яна бирпас шундай қараб турса, Андрей чидаб туролмасдан унинг олдига чиққан бўларди, аммо отаси ерга қараб, отни етаклади. Андрей отаси ташлаган нигоҳдан кўзлари қамашиб, унинг юзини яхшилаб кўролмади, бу юзнинг қанчалик ўзгарганини пайқай олмади, у фақат бу юзни, отасининг оппоқ мўйлови осилиб турган юзини кўра олди холос: кейин, узоқлашиб кетаётган отасига орқадан қарап скан, назарида, вужудида ҳар қанақа икирчикирни ҳам, илғаб олишга қодир аллақандай бир туйгу уйғонгандай бўлди. Лескин бу туйгу кечикиб уйғонган эди. Отаси ён дарвозадан бияни отхонага олиб кириб, кўздан ғойиб бўлди, беш минутлардан кейин Андрей отаси паншахада бир талай пичан кўтариб чиққанини бирров кўрлиб қолди. Кейин отасини кимдир чақирди. Андрей кетадиган вақти бўлганини пайқади.

13

У йўлга чиқиб олди-да, яширинмасдан, шошилмасдан юқорига қараб кетаверди. Қаёққа? — Ўзи ҳам тасаввур қиломасди, шунчаки одамлардан узоқроқда, ҳозир кўриб-боққанларидан олисроқда бўлиш учун қадам ташлаб кетаяпти. Аммо у қўра олдига борганига ачингани йўқ, у отамини кўрай деб ҳаллослаб борди-ю, лекин отаси ҳам рўпарасига келиб туришини хаёлига ҳам келтирмаганди. Ким билади, балки у ҳозиргидек бир сабаб билан қутилмаганда бехосдан учрашиб қолсак-а, деган умидда бугун бу ёққа югуриб келмадимикин, умуман Ангарадан ўтмадимикин? Турган гапки,

у тавакқал қилди, аммо бунинг эвазига унинг тамом бўлай деб қолган юраги эзилмади, аксинча, энди янада кўпроқ тобланди — бу унга асқотади ҳали.

Э, нимасини айтасиз! У отасини, ўз отасини кўрди, бир вақти келганда бу ҳам ҳисобга олинади. Бундан буёғига бехижил яшайди: битта қарзидан қутулди. У отасини кўриши шарт эди: ўлим олдидан фарзанд отага бир нима деб кетадиган удум бор шекилли. У бугун эрталаб рози-ризочилик сўраб, унинг рўпарасида турди-ку, шунаقا қоида бўлиши керак. Отаси ҳам рози бўлади. Отаси нега уни пайқамадийкин-а? Ахир нақ кўзларига қараб турди-ку. Балки кўргандир ҳам, аммо тан олгиси келмагандир, ўзини бўшлиққа қараб тургандек қилиб кўрсатгандир. Йўқ, пайқамади. Бўлмаса сўрадику-я. «У-ку сўради-я, аммо сен нима дердинг? Шундан кейин сен нима қилардингу қаерга борардинг? Уз юкингга, яххиси, бировни шерик қилмай қўя қол, бир ўзинг кўтаравер. Мана, Настена ёрдамлашяпти, шунинг учун ҳам юки икки ҳисса оғир. Чамаси, энди секин-аста Настенани ҳам бу юқдан ҳалос қилиш керак бўлар. Ўзи, фақат ўзи кўтариши керак. Настенасиз-а? Ёлғон, Настена бўлмаса ўласан. Настена сенга ҳаёт баҳш этяпти, балки бу ҳаёт бундан кейин ҳам узоқ вақт, ҳатто сен ўлгандан кейин ҳам давом этиши мумкин».

У қуёшнинг чиққанини ҳам сезмай қолди, баландликда, атрофидаги дараҳтлари кесилиб, йўл очилган ўрмонда қуёш нақ кўзига тушди, Гуськов эса кўзини қисди, шу заҳоти бутун атроф тўсатдан ҳаракатга келди — ҳозирча заиф, оҳиста, аммо тез ёйилиб кетадиганга ўхшайди. Кун яхши бўлиб, жаранглайди чамаси, осмон счиқ, тиниқ эди, ҳаво қуёш тафтидан юмшаб, йўлдаги муз эрий бошлади. Ўрмонда ҳали қор бор эди, аммо энди у юпқалашиб, айрим жойларда бултурги буталар қаққайиб чиқиб туради, ер олачалпоқ бўлиб қолганди. Ҳали бутунлай уйғонмаган дараҳтлар баданларига сув югуриб, ўзларини ростлаб, исиб, секин-аста гимиirlаб қолишганди. Кечаги эрувгарчиликдан пайдо бўлган ҳид кўтарилиб кетмаганидан ҳаво тахир эди. Қуёш нури гўё ерга етмаса-да, ер бетига узунасига ёйилганга ўхшарди, аммо борган сари паства қия бўлиб бораради.

Гуськов қишлоқдан тезроқ кетиш учун шошилиши керак эди, лекин шошилишни истамасди. Шу сабабдан у латтадай бўшашиб, қаловланиб қадам босарди. Отаси билан учрашув унга таъсир қилмай қолмади: Андрейни

лоқайдлик түйгүси чулғаб олди. Қаерга, нимага боряпти, бу ердан нима қидиряпти? Үз инида жимгина ўтиравергани, бу ёқларда тентиб юрмай, иссиқ ўрнини совутмагани яхши эмасмиди, ахир. У ўша инида анча күникиб қолганди, тинчланиб қолганди, бу томонларга келиб, фаяқат ярасига туз сепишини олдиндан билар эди-ку. Э, йўқ, шундай қилиши керак эди, шарт эди — кейинчалик ўзига осон бўлади. Уй ҳайвонлари борлигини кўрмасдан туриб, ўзингни чинакамига ваҳший ҳайвон ҳис этолмайсан, эски киндингни кесиб ташламасдан туриб, янги ҳайётни бошлолмайсан, ўша эски киндик эса, Андрей уни яширишга қанчалик уринмасин, ликиллаб халақит бериб юрибди. У яқиндан ўз кўзи билан кўриб, жонажон уйига энди сира қайтиб келолмаслигига, отаси, онаси билан гаплашолмаслигига, авави ерларни ҳайдолмаслигига ишонч ҳосил қилиш учун бу ерга келиши керак эди. Шунинг учун у аччиқни аччиқ кесади, деган қадимиий ақидага амал қилиб, бу ерга келди. Энди у бу томонларга келиш учун унга йўл йўқлигини узил-кесил тушунади. У эртами-кечми бошига шундай кулфат тушишини сезарди, сезарди-ю, олдиндан олиб орқасига ташларди, энди эса азобини тортиб юраверади.

Отаси билан учрашув, унинг назарида, ичида яшириниб, қулай пайт келишини кутиб ётган дард-аламини янгилашиб, аъзойи баданини бошқатдан шиддат билан сирқирагиб юборадигандек эди. У ортиқча ўртаниб юрмаганини пайқарди. Энди бу учрашув худди лип этиб эсга келадиган туш сингари унинг кўзи олдида турарди, турганида ҳам ҳар дақиқада қаққайиб мана ман деб, юришга, ўйлашга халақит берарди. У дам-бадам шу учрашувни эсларди, эсларди-ю, отасини шунчалик яқиндан кўрганига таажжубланиб қотиб қолар, гоҳ отам мени кўриб қолиши мумкин эди-ку, деган ваҳимадан титраб кетарди, лекин у бу учрашувни эсласа, баттар изтироб чекишидан чўчиб, ўзини авайлаб, чалғитиб, оҳиста, эҳтиёт бўлиб кайта хотирларди. Бугун изтиробларнинг ўрни эмас: у бегона жойда. Бегона жойда? Гусъков ишшайиб, ўз фикрига қўшилди: ҳа, бегона жойда — бу ерларда қулоқни динг қилиш керак, ҳиссиятга берилсанг қимматга тушиб кетади.

Негадир унинг эсига ҳу анавинда, Иркутскда уйида беркиниб турган гунг хотин Тания тушиб кетди, бирон-бир туртки сабаб бўлмаса ҳам шундоқ эслаб қолди. Таняниң юзи, бир нимани сўрамоқчи бўлаётгандай қимирлаб турган лаблари шунчаки кўз олдидан бирров ўтди, шундан

кейин ногоҳ Ғусъковнинг яна ўша ерга боргиси келиб қолди. Ўша ерга борса-ю, Таняни олиб, дунёнинг бир чеккасига, одамлар йўқ жойга жуфтагини ростлаб қолса, гаплашишни унутса, Таняни таҳқирлаб, ўч олса-ю, хумордан чиқса, кейин унга ачинса-ю, яна уни хўрласа — Таня ҳаммасига чидайди, уни бахтиёр қилиш учун кўп нарсанинг кераги йўқ. Гунгларнинг юзи жуда ғалати бўлади-да: жилмайса, кўзлари совуқ, лоқайд босиб тураверади; лабларидан бошқа ҳеч ери қилт этмайди, без бўлиб тураверади. У, албатта, Таняга ҳам муносиб эмас, лекин у шундай гуноҳ қилишдан тап тортмасди. Таня шундоқ ҳам аламзада, шунинг учун уни бундан буёғига ҳам ранжитса бўлаверади. Айтайлик, учрашиб қолдинг, хўш, уни нимага хафа қилишинг керак экан, деб сўради Андрей ўзидан. Шунинг учунки, гуноҳ қилган кишининг яна гуноҳ қилгиси келади, яъни яланғоч суёдан тоймайди. У, эҳтимол, бундан бошқача йўл тута олмаса ҳам керак, унинг ўзининг шу кўйга тушиб қолганини тасдиқловчи далил доимо керак. Ана шунда у ўзини анча дадил ҳис этарди.

Гусъков далага чиқиб, ўнгга, олисдаги сайхонликка томон бурилди, у кунни шу ерда ўтказмоқчи эди. Бунака пайтларда у срда одамларнинг қиласиган ишлари йўқ эди: омонлик-сомонлик йилларида ҳам одамлар у ерга гўнг ташимасди, ҳозир бўлса, яна шундай пилчирамада сира ҳам келмайди. Бирорта тинчимаган одамнинг ҳам келиши гумон: ўрмондан бирон нима керак бўлса, ўша қишлоқ ёнидагидан олиши мумкин. Борди-ю, битта-яримда адашиб келиб қолса, келаверсин, қўрқинчли ери йўқ, одамлар энди ундан қўрқсан, у бугун қўрқиб-писиб юрмоқчи эмас. Ундай одамни таниб оладиган даражада яҳин йўлатмайди ҳам, узоқдан эса, хоҳлаганча қарайверсин, ким экан деб бош қотираверсин, Андрейнинг парвойига келмайди. Унинг бу ерларда хўжайиндек айланиб юришга ҳақи бор, у мана шу далаларда эл қатори ишлаган, уларнинг қанчадан ери борлигини, урушдан олдин қаерга нима экилганини, қанчадан ҳосил олинганини ёдан билади. Бу ерларнинг тўқай бўлиб кетмай, ҳали ҳам буғдой беришида унинг ҳам ҳиссаси бор — ҳозир эмас, илгари меҳнат қилиб қўйган, албатта. У бу ерда бегона эмас, йўқ. Унинг топилиб, ерларнинг ёнидан ўтиб кетаётганини ҳаводан ҳам билса бўлади, ерлар ҳам уни таниб, ястаниб, қотиб ётибди, энди у фақат ана шундай хотирага ишснарди. Одамлар бир-бирларини эслай олмайди, оқим уларни жуда тез олиб кетади; одамлар ўзлари яшаган

ерларни эслаши керак. Ер эса, одамга нима бўлганини билолмайди, ер учун одам покиза мавжудотдир.

Қуёш борган сари баланд кўтарилиб, қиздиради, шунинг учун йўлда томчилар йилтираб, қўшилиб, қисқа-қисқа сизиб оқа бошлаганди. Атрофда кўкиш товланаётган ҳор бўкиб, оғирлашиб бораётганди, ҳаво ҳам секин-аста нам тортиб, оғирлашаётганди. Гуськов пиймада бораётганди (унинг бошқа пойафзали йўқ эди, Настена кейинги марта учрашганида унга эски, ташландиқ чоригини келтириб беришга ваъда қилганди), ҳаммасидан ҳам ҳозир шу пийма Гуськовнинг жонига тегаётганди. Пиймалар уни сездириб қўяётганди, ўз одами бўлиб кўринишига дўймасётганди: пийманинг бемаврид кийилиши, беўхшовлиги, яроқсизлиги гўё юриб бораётган ердан уни ажратиб туради. Ҳозирданоқ пиймада юриш қийин бўлиб қолганди, у учтўрт соатдан кейин кун обдон қизиса, қандай ҳаракат қилишини тасаввур этолмасди. Чамаси, бирон ерда писиб ўтиришга тўгри келади, шекилли; охиригай сайхонликдаги жиға бўйида қишлоғ бор, ўша ерда ўтириса бўлади. Йўқ, у бугун қишлоғда писиб ўтиришни сира хоҳламаяпти, жонига тегиб кетди, бу ёққа бекинаман, деб келмаган-ку, ахир. Зўр келса пиймасини ечиб олиб, оёқ яланг шалоп-шулуп қилиб кетаверади, атрофга қанча кўп нафаси тегса шунча яхши, қайтиб шунаقا кунларни кўрмаслиги ҳам мумкин.

Андрейнинг эсига кўрган-кечирганлари — далалар, уватлар, экин сри ўртасида қаққайиб турган қари, ғадир будир тилоғоч, энсиз ўрмондаги арча остидан чиқиб турган булоқча, ҳатто ўрмон ортидан шу ернинг қиёсда тенги йўқ осмони бирин-сирин кела бошлади, аммо Гуськов саргузаштлардан қўрқиб, улардан тонарди, ўзига юқтири маслика ҳаракат қиларди, шунинг учун улар бошланаарди-ю, шу заҳоти узилиб, қаёққадир пастга қараб тўзиб кетарди. Хотираларга асло берила кўрма, берилдингми, тамом, кейин қутула олмайсан. Ҳозир ҳеч нимани ўзгартириб бўлмагандан кейин бу хотиралар, бу қийноқнинг нима ҳожати бор? Афсус, хотира бунақа нарсани тушунмайди-да. Уни қарангки, бир-бирига етти ёт бегона бўлган икки одамнинг хотираси бир хил, қани энди шу хотирани иккига тақсимлаб бўлса, бўлмайди. Қани энди у илгари кўрган-боққанларини йўқ қилиб ташласа, бутунлай унугтиб юбора олса, анча енгил бўларди-я, аммо иложи йўқ-да: ўша илгариги одам ҳали бор, эзилиб, эрксиз бўлиб юраверади, узоқ яшайди — ундан қочиб қутулиб бўлмайди. Шунинг учун у, Гуськов, тинчлик нималигини

билмайди, бозодлик юзини кўрмайди, умрининг охиригача сарсон-саргардон бўлиб юраверади.

У шу фикрга кўниб, ўзини шунга ишонтириб кетаётганини цайқаб қолди-ю, бирдан ҳаммасига ўчакишиб, яна нимадандир умид қила бошлади: қитдек умид индамай қалбининг чуқур бир ерида шундай яшириниб ётардики, гоҳо унинг ўзи ҳам бу умидни пайқолмай қоларди, аммо бу умид бор эди, нафас олаётганди, аҳён-аҳёнда унинг ҳадиксираб оҳиста қимирлаб қўйганини эшитарди. Аммо умид қиладиган нарса йўқ, ҳеч нимадан умид қилиб бўлмайди, ҳеч қандай мўъжиза юз бермайди, ҳамаси, Гусъковнинг ҳақиқий айби биринчи марта қандай бўлса, шундоққина кўзи олдida шафқатсизлик билан очиқ-ойдин намоён бўлди. Назарида у ҳақиқатни жисман ҳис этавётганди, гўё, у ёқ-бу ёғидан ўтиб кетгандай эди: у бу ҳақиқат совуғидан титраб кетди. У нега бундай аҳволга тушганини ўзи ҳам билмасди. Олдин ҳам, кейин ҳам сира бунақа бўлмаганди; фақат шу тобда, қадрдон, дилига жо бўлиб қолган ерларга кўтарилаётган пайтда шунақа бўлди, тўхта-тўхта, уни ўлимга маҳкум этган айнан шу ерлар эмасмикин? Гусъков атрофга кўз қирини ташлади ва ўзини қаттиқ койиб, заҳархандалик билан кулиб қўйди. Сабр қил, мана ҳозир бир қушча учиб келади-ю, одамдек гапириб, ҳа, тўғри топдинг — сени маҳкум этгай ўшалар дейди. Гусъков ўзини тетик тутишга ҳаракат қилар, лекин ичиди бир нимадир пайдо бўлаётганди, тушуниб бўлмайдиган ёқимсиз бир нима ўсибулғаяётганди, гарчи у шошилса ҳам, катта-катта қадам ташлашга уринса ҳам, оёқлари чалишиб, нафас олиши тезлашиб, ҳансирай бошлади. «Қушча,— деган фикр ногаҳон миясига келди.— Мен ўзим бу ерларда эркин қушдай яшагандим. Яна нима керак эди менга? Нима?»

Шундан кейин қулф, тамба, қатагон бўлиб, қўл-оёқларини бойлаб турган барча туйғулар чилпарчин бўлди. Энди ўзини босишга, тинчтишишга қодир эмасди.

«Агар шу уруш бўлмаганда, шу лаънати уруш бўлмаганда,— деб ўзини ўзи оқлади у,— илгаригидай яшайверардим, илгаригидек ишлайверардим. Нечага кирибман жуда, бор-йўги ўттизга, лоақал умримнинг ярми ҳам эмас. Ҳали умримнинг ярмини ҳам яшамабман-у, аллақачон ҳаммаси тугади, тамом. Нега фақат мен шунақаман? Бу ёруғ оламда озмунча одам борми... Мен худога нима ёмонлик қилибман, нега у мени шу кўйга солиб қўйди, гуноҳим нима?— у инграб, қаерга

ўтирсам бўларкин, деб жой қидира бошлади, оёқлари қимирламай қолди. Олдинда, йўл ёнида ифлос, ҳўл гўла думалаб ётарди, у шу гўлага ўтирди.— Ахир мен ҳам эл қатори яшашим мумкин эди-ку,— у миясига келган шу фикрга ёпишиб олди,— ишлардим, ахир мен яхши ходим эдим-ку, ҳамма биларди-ку. Ҳозир бирон иш билан бу ерга келардим... Мана, ҳозиргидек келардим, мана шундай ўтирадиму маза қилиб чекардим, кейин ишларни битириб, қишлоққа қайтиб кетардим...— Бу имконият шунчалик яқин, шунчалик амалга ошадигандек туюлдики, у эсанкираб, ўзини йўқотиб, шундаймикин деб ўйлади ва чинга йўйиб, нима иш билан бу ерга келган бўлсам, тезроқ шу ишни тугатай-да, кейин қишлоққа қайтай, деб атрофига чўзилиб қаради. Йўқ, олам тескари бўлмабди, ҳаммаси жой-жойида турибди. Бу ширин уйқудан уйғониш эмасди, бу ҳар куни унинг мавжудлигини, ким бўлиб қолганлигини таъкидловчи талай-талай ҳодисалардан бири эди, холос: бу ҳақиқат, айниқса, ҳозир жуда аччиқ ва даҳшатли бўлиб туюлаётганди, шунча вақтдан бери аранг тиклаган мудофаа истеҳкоми бир зумда қаёққадир ғойиб бўлди, энди у ҳимоясиз қолди; бир мулоим, ёқимсиз лоҳаслик унинг аъзойи баданини қамраб олди, ҳатто ўзига пўписа қилиб қўйишига ҳам унинг ҳоли келмасди, у негадир бу лоҳасликдан хурсанд ҳам эди, чунки у бу лоҳасликни енгишга қодир эмасди.— Ҳаммасига уруш айбдор, ҳаммаси уруш туфайли,— у яна ўзини ўзи оқлашга, аврашга тушди.— Унга шунча ўлиб кетгандар, майиб-майриқ бўлганлар камлик қилибди шекилли, яна менига ўшаганлар ҳам керак бўлиб қолибди. Бу уруш қаёқдан чиқди ўзи? Бирдан ҳамманинг бошига тушди-я! Даҳшатли, гоят даҳшатли жазо. Мени ҳам, мени ҳам ўша ёқиқа, жаҳаннам оловига юборишиди, бир ойга эмас, икки ойга эмас, бир неча йилга-я. Буғига ҳам чидаш учун сабр-тоқатни қаёқдан оласан? Кучим етганича чидадим, ахир дарров жуфтакни ростлаб қолмадим-ку, фойдам тегди. Нега мени бошқаларга, ёмонлик қилишдан бошқа нарсани билмаган ашаддийларга тengлаштиришади? Нега ҳаммамизга бир хилда жазо берилар экан? Ҳатто уларга осонроқ, лоақал уларнинг жони азоб чекмайди-ку, менинг жоним қачон энди ҳеч нимани ҳис қилмай қўяди, тинчийди... Мана, қишлоқ ёнига келдим дегунча юрак бўлганича бўлди, шалвилладим-қолдим. Ахир, мен ўз одамларимизга қарши борган бирон-бир власовчи эмасдим-ку, мен

ўлимдан чекиндим. Наҳотки, ҳисобга олинмаса? Ўлимдан чекиндим,— деб тақрорлади ўринли сўз топганидан қувониб ва бирдан ўзига қойил қолди:— Қара-я, шундай даҳшатли уруш-а! Мен эса боплаб жуфтакни ростлаб қолдим. Буни ҳам эплаш керак-да, қойил-е!»

У бошини кўтариб, ўзи ўтиб келган далалар устидан қаёққадир қаради-да, ўчакишгандек қаттиқ-қаттиқ қаҳ-қаҳ уриб кулди.

У шу алпозда ўзича алланималарни узоқ пи chirлаб ўтириди, ит кунига тушганидан инграгиси келган пайтларда латтадай бўшашиб кетарди-да, жонини суғуриб олашибган оғриқдан тахта бўлиб қоларди, азоб чекиб, ўзига келгач, то қайғу-ҳасрат уни яна ўз гирдобига тортиунича қандайдир умидсизликка тушиб, ғараз ва истехзә билан ўзидан-ўзи куларди.

Кейин у бу азоб-уқубатлар ҳаммаси ҳаракат қилмасликдан, ҳеч иш билан шуғулланмасликдан келиб чицилти, деб ўйлади-да, ўрнидан турди, ўзи ўтирган гўлани эса, битта-яримта четга олиб қўйисин, деб думалатиб йўлга чиқарди. Атрофга бир сидра кўз югуртириб Гусъков ўйлида давом этди, кўнгли муздай, гаш эди, аммо у тез-тез одим отиб кетаётгани учун чиндан ҳам ўй-хаёлларга берила олмади, ўй-хаёллари ортда қолиб кетди.

Эрталабки қуёш ҳам астойдил қиздира бошлади, зриған қор сувлари унсизгина, зўр-базўр бир-бирига қўшилиб, оқа бошлади: тоғ этагидаги далалар тепасида ҳаво тўлқинланиб, жимиirlарди, унинг ортидаги ўрмсон эса, офтобда оқариб, айлантириб-е йлантириб тортилган узун чизиққа ўхшарди. Қишлоқдан эса, ташқарига чиқарилган хўрозларнинг мастона, тантанавор қичқириқлари эшитиларди: учиб кетаётганд қаргалар женга тегиб, қаттиқ-қаттиқ қагилларди, майин шабада ер бетида айланиб эсарди, Гусъковнинг юзи шабададан эмас, офтобдан ачишаётганди,- шабада эса фақатгина қувлашмачоқ ўйнаётгандек гоҳ югуриб кетар, гоҳ тўхтаб қоларди. Қишлоқ олдидаги хирмонда ифлос, хурпайган чумчуқлар чирқиллашиб, иккита ёввойи каптар гугулашиб тўпонни титишарди, Гусъков яқинлашиб келгач, паррандалар гур этиб кўтарилиди-да, шувиллаб унинг ёнидан ўтиб кетди.

Гусъков хирмон ёнида тўхтаб, чумчуқларни кузата бошлади. Андреевскада, одамлардан олис ерда чумчуқлар йўқ эди. У ўзидан чумчуқлар неча йил умр кўраркан, деб сўради ва шу оч, жонсарак қушлар галаси ичидা

мен шу ердалигимда учиб юрган чумчуқлардан ҳам бормикин, деб кўнглидан кечирди. Лекин у чумчуқларнинг қанча умр кўришини билмасди, илгари бунақа беҳуда нарсалар уни қизиқтирмасди, шунинг учун унга яна алам қилиб кетди. У чумчуқларни чўчитиб юбориб, қишлоғга келди ва қор-намдан шишиб қолган эшикни аранг очди. Ичкари совуқ, ҳувиллаган эди; Гуськов тирикчиликка ярайдиган бирон нима бормикин, деб у ёқ-бу ёқни қаради, лекин ҳеч нима тополмай, қайтиб чиқди. Уни нимадир толиқтираётганди, овқатлангиси келяптими ёки уйқуси келяптими, буни ўзи ҳам билмасди. У ўзи билан озгина овқат олиб олганди, аммо уни кейинроқ ейицга асраб қўйиш керак эди. У нимагадир шу ердан, гарчи бу ердан топишнинг сира иложи бўлмаса ҳам, бирон егулик топаман, деб умид қилган эди: ахир, у тилаиib қишлоққа бормайди-ку, қишлоқдан бошқа жойда эса, бу пайтда ҳеч нима ўスマйди, сақланмайди.

У нима қилишини билмай, анчагача каловланиб турди, кейин, қаерга жойлашишини чамалаб, синаб кўрмоқчи бўлгандай, тоғ томондан офтоб тушиб турган қишлоғ орқасига ўтди ва у ердаги ғўлага ўтириб, деворга суянди. У бир вақтларда, ўттиз учинчи йилдаги очарчиликдан сўнг шу сайхонликдан ер очганди, нақ унинг рўпарасида ўзи ҳайдаган иккι ярим гектарлик дала ястаниб ётарди. Гуськов кераксиз хотираларга берилшидан қўрқиб, ҳадиксираб, пастки томондан қорая бошлигаран, чўгиրтақлари қаққайиб қолган ангизга қаради, аммо рўпарасида дала уни очиқ чеҳра билан кутиб олиб, тасалли бераётгандай туюлди: Гуськов офтобда исиниб, бўшашиб, чиндан ҳам мудради. Гоҳо-гоҳо оғир қовоқлари очиларди; фақат унинг кўзларигина ҳеч нимадан ташвишланмай, бирон ерда бегона шарпа пайдо бўлмадимикин, деб одатдагидек кузатарди. Ҳаммаёқ тинч эди.

Гуськовнинг кўзи илиниб қисқа, узуқ-юлуқ, бир-бирига боғланмаган, пойинтар-сойинтар туш кўрди. Тушига разведкачилар ротасининг командири капитан Лебедев кирди. У взводни қидиришга жўнатаётиб, негадир унга, Гуськовга, агар немислар томонига қочиб ўтсанг, сени генералга алмаштираман, аммо отиб ташламайман, йўқ, бу сен учун жуда катта шараф!— лекин уч кечаю уч кундуз жазолайман. Шундай жазолайманки, асти қўявер!— деб писанда қиласмиш. Яна тушига Смоленскдаги бетараф минтақа кирибди-ю, ногаҳон Атамановканинг

тегирмонини күрибди, у шу тегирмонга ишга тайинланганмиш. Иккала томондан ҳам унга аёвсиз ўқ ёғдирапышлар, фақат у туфайли уруш давом этаётгәнмиш, қайси томон уни отиб құлатса, ўша томон енгармицц. Кейин у ўзини Новосибирск госпиталида күрди. Шопмүйлов хирург, медицина подподковниги уни ўз кабинетига чақириб, спирт ичишни таклиф қилибди, у спирт ичаётганида подполковник унга ҳозиргина қазо қилған зёр полковник ўрнида ишлашни таклиф әтгәнмиш. У яна фронтта бориб қолғанмиш, энди гаубица батареясида хизмат қилармиш: у прицел¹ солинган яшикчани йўқотиб қўйганды-у, уни трибуналга беришганды. Прожекторларнинг равшан нуридан ёп-ёруг бўлиб турган узундан-узоқ, торгина дала бор эмиш: у шу даладан кетаётганды, иссиқдан нафаси қайтармиш, нур эса борган сари қиздирармиш, секин-аста кўкиш тусга кириб, ловиллаб ёнармиш.

У уйғонди, лекин анчагача бу бетайин, ёмон тушлардан эзилиб, ўз ёғига ўзи қовирилиб, қимирламай ўтириди. Бу тушларнинг биронтаси ҳақиқатга тўғри келмасди, ҳеч қачон уни бирор ёмон деб ўйламаганди. Аммо унинг сўнгги қадами бутун умрини ҳазон қилди: ҳатто унинг тушлари ҳам алоқ-чалоқ бўлиб кетди, ҳатто ўзи кўраётган тушлар ҳам унинг ўзига қарши чиқаётган эди. Хўш, бошқалардан нима гина?

Тушига кирган тегирмон унда ўша ёққа бориш фикрини туғдирди. Тегирмон олис эди, аммо Гуськов учун ҳам кун энди бошланганди. Бўлса-бўлмаса тегирмонда ҳозир ҳеч ким йўқ, тегирмон тортадиган вақт эмас. У негадир чумчуқларни ёмон кўриб қолди-ю, яна уларни тўпондан учириб юборди ва дала, четидан пастга ўрлай бошлади, сўнгра, дала тамом бўлгач, шартта ойга қараб бурилди. Ўрмондаги қор деярли эримаганди, бу ерда ва очиқ жойларда офтобнинг тафти сайхонликдагига қарандан кучсиз эди, ўрмон яланглигидаги дарахтларнинг ерга тўшиб турган соялари гўё сиқиб чиқарилган, очилиб қолгандек аниқ-тиниқ эди. Гуськов бу ерда пиймаси ботиб кетавермаганидан яна дадилланиб қолди. У аввалиги йиллардагидек яна ҳаяжонлана бошлади — у бир вақтлар тегирмонга келишни яхши кўрарди. Ким ёмон кўрар-

¹ Прицел — мўлжал асбоби, тўпчилар уни әҳтиётлаб қутичада олиб юришади. Жанговар ҳолат чоғида тўпдан мўлжалга олиш учун ишлатиласди. (Ред.)

ди дейсиз? Ахир, тегирмон тортиш, бу — бир байрам, курсандлик, меңнат самараси-ку. Йигим-теримдан кейин одамлар бу ерга келардилар, навбат кутардилар, жон-жон деб тунагани қолардилар, лекин ухламасдилар, чоллар чекиб, гурунглашиб ўтирадилар, бўйдоқлар ва ёшлар эса, ўйин-кулги қиласдилар, буталар орасидан қизларнинг чинқириклари эшитирди, ҳар хил эрмак ўйлаб топардилар, гуриллаб турган гулханда кетма-кет чой қайнатиларди, тегирмон тоши эса, гув-гув этиб айланга-ни-айланган, оғзи очиб қўйилган қопларга эса иссиққина, янги тортилган ун тушгани-тушган эди.

Бу хотиралар Гусъковнинг чеҳрасини очди, у жилмайиб қўйди, назарида, кўнгли ҳам анча илиб, ёришгандай бўлди. Аммо унинг бу кайфияти узоққа чўзилмади: у тегирмонга яқинлашиб келаркан, сергакланиб, қулогини динг қилди ва олдинга энгашиб тўхтади-да, ўзига ўзи ҳушёр бўл деб, оҳиста лабларини қимтиди. Одам зотининг арвоҳи ҳам йўққа ўхшарди: юқоридаги эшик ҳам, пастдаги эшик ҳам қулфлоглиқ. Ғалла олиб чиқиладиган винада эса, қор бор эди. Гусъков щошилмаслик учун яна бирпас ўзини тийиб турди, кейин яқинидаги самбиттол буталари олдидан эшикка қараб юрди. Эшикдаги қулф илгаригидек номигагина осиб қўйилғанди: Гусъков бир тортган эди, қулф очилиб кетди. Шуниси маъқул, йўқса Андрей зулфини билан суғириб оларди, ё бўлмаса, ромни кўчирарди, аммо шаштидан қайтмасди.

Ичкари совуқ, чанг босган эди, полда пиймаларнинг оқ излари қоларди. Гусъков аввал тегирмончининг ҳужрасини қаради, у ердаги токчадан катта, сирланган кружка, икки бош саримсоқлиёз, ярим қути туз топди, деворда дастарра осиглиқ турарди. У буларнинг ҳаммасини скамейка остида ётган чилта қопга тиқди, кейин тегирмоннинг ҳаммаётини бирма-бир кўздан кечиришга тушди. У юқорига икки марта чиқди, барча тешик-туйнукларни қаради, лекин яна бир қопу муқозаси йиртилган китобдан бўлак фойдали нарса топслмади. Андрей уларни ҳам олди: яраб қолар.

У ташқарига чиқиб, яна эшикка қулфни илиб қўйида, атрофга кўз югуртирди, ногаҳон уни тегирмонга ўт қўйиб юбораман, деган тийиқсиз, даҳшатли истак қамраб олди. Нима, қийин эканми, ана, анави ерда қайнин пўстлоғи ётибди, гугурт бўлса бор, қурилганига анча бўлган, жангиллаб турибди, бирласда лов этиб ёниб кетади. Бироқ ўз ҳоли ўзига маълум эди, ёндириб юбориш мумкин эмас эди ва пировардида ўт қўйишга қодир эмасли-

гини тушунди, аммо ўзидан бир муджиш хотира қолдириш истаги шунчалик кучли әдикі, у ўз иродасыга ортиқча ишонмай, ақли бовар қилмай, қопини күтариб, гуноҳдан узоқроқ юриш учун тезроқ тегирмондан жўнаб қолишга шошилди. У ҳовуз олдига етгандагина тоза, кўкиш музнинг ойнадай ярақлаб турганини кўриб, бир лаҳза тўхтади, муз остида киши кўзини ўйнатиб, ҳавасини келтириб сув жимиirlаб турарди. Гусъков чўғ-чалаларнинг учеб келиб музга тушиши, уни ифлос қилиши ва писиллаб туташини кўз олдига келтирди, унинг дилида бир шунаقا қилмайсанми, деб яна нимадир тиқилинч қила бошлади, шундан кейин у яна тоққа, далалар томонга қараб кетди.

У кун бўйи гоҳ очиқ ерга чиқиб, гоҳ ўрмонга беркиниб сайхонликларда дайдиб юрди, баъзан шундай бир иштиёқ билан ёнар, шунидай жазаваси тутар әдикі, у одамларни кўрсам, одамлар ҳам мени кўрсин, кўрсин-у, бу ким экан, деб ташвишлансин дерди, кейин ҳеч нимадан ҳеч нима йўқ ваҳимага тушарди-да, қимирлашга ҳам юраги бетламай бир ерда узоқ туриб қоларди. Сувлар жилдираб оқарди, офтоб тушиб турган ерлардан буг кўтариларди, маст қилувчи ўткир ҳидлар бошни айлантиради. Шунданми ёки яна бошқа нарсаданми, Гусъков жонини бўлаёзди: тушдан кейин куннинг икки-уч соатлик катта бир бўлаги бекордан-бекорга ўтиб кетди; кейинчалик у ана шу вақтда қаерларга боргани, нималар қилганини эслаб кўришга уринди-ю, аммо эсига ҳеч нима келмади, ана шу беҳуш бўлиб юрган дамлардан эсида факат қишлоқда қичқирган хўрзларнинг унинг юрагини тимдаловчи товуши-ю, жилдираган сувлар қолибди. Унинг пиймаси шунчали шилта бўлиб кетган әдикі, сикиб ташласа ҳам бўларди, оёқлари пилч-пилч қилиб зирқиради, у эса йўл танламай, қаер қаттигу қаер қуруқлигини суриштиrmай ҳамон тайинсиз кетиб бораради.

Кечқурун у вақтга ҳам қарамади, қош қорайиб қолгандга қишлоқка тушиб келди. Теваракдаги нарсаларни, билоларни ҳали кўрса бўларди; у синчиклаб қараб, ўз мўрчасини қидириб топди, аммо тутунни кўрмади. Гусъковнинг аъзойи бадани музлаб кетди: у куни билан негадир тутунни кўраман деб сира шубҳа қилмаганди, ҳатто мана ҳозир Настена сув ташияпти, ҳозир у мўрча печини ёқди, деб жуда ишонч билан тахмин ҳам қилганди... Нажотки, умиди чиппакка чиққан бўлса? Чамаси, Гусъков сарсонлик-саргардонликка тушгандан бери биринчи марта: «Э, парвардигор, бенасиб этма. Эй, худоё худовандо,

шундай қилки, мүрча исиган бўлсин, қўлингдан келади, ҳали ҳам кеч эмас. Фақат бир сафар марҳаматингни дариг тутма, кейин мени нима қилсанг қиласвер, ҳаммасига розиман», — деб худога илтижо қилди. Тўсатдан унинг аъзойи бадани дағ-дағ титрай бошлади, обдон абжагини чиқариб, гўё унга бир нимани уқтиргандек, яна кутилмаганда титроғи босилди; шундан кейин унинг ҳаммаёги сирқираб, латтадай бўшашиб кетди. Гусъков дуч келган тўнкага ўтириб, тунни кута бошлади.

Итлар ҳам акиллаб-акиллаб жимиб қолди, одамларнинг юмуш билан у ёқ-бу ёққа юргандаги қадам товушлари, гоҳ-гоҳ уларнинг овозлари қулоққа чалинарди, лекин буларнинг ҳаммаси Гусъковга негадир элас-элас, узуқ-юлуқ, заиф етиб келаётганди. У яна худди аzonдагидай муз-муз бўлиб қолди, уни энг муҳими: Настенага нима бўлди, деган ўй қийнаётганди. Аммо деразалардан тушиб турган ёруғлик уни ҳарқалай ҳаяжонлантиради. У стол устида турган самоварни, ёниб турган камини, оловнинг деворга тушиб турган шуъласини, каравотдаги шишириб қўйилган ёстиқларни, яланг оёқлар остидаги пойандозни кўз олдига келтириди — ҳаммасидан таниш ҳид келиб турарди, бундан Гусъковнинг юраги орзиқиб, ночор симиллади, сирқиради, яна симиллади ва бир нарсадан таскин топгандай яна босилди. Гусъков чироқлардан юз ўгириб, кўзларини юмди, у қуюқлашаётган қоронгилиқда тўнгакка ўхшарди.

Қишлоқ жимжит бўлиб қолгандан кейин у мўлжаллаб қўйган лаҳзасида шартта ўрнидан турди-да, қўлини қўмирлатмасдан бошини қисқа-қисқа чайқаб, чўқиниб олди ва пастга, Ангарага қараб тушиб кетди. У муз устидан юриб, мүрча олдигача келди, тирмашиб жардан юқорига чиқди, у эҳтиёткорликдан эмас, қадамийнинг муҳимлигини ўйлаб, панжара олдида тўхтади, кейин синч остидан ўтди. У эшик олдидалигидаёқ ичкари исиклигини сезди.

У мўрчага кирди-да, кетидан эшикни ёпиб, шошил масдан оғир, жиққа ҳўл, куни билан жонидан безор қилган пиймаларни ечи ва шундан кейингина ўзини ўнглаб, жаҳл билан ғолибона томоқ қириб, кулди. У ҳаммаёни тўс-тўполонга солмаслик учун шовқин-сурон кўтиришдан, бақиришдан, ашула айтиб юборишдан — қувончи ичига сифмаётганини ошкора этишдан ўзини аранг тийиб турарди.

Бу ерда у Настена билан ўзини ёнма-ён ҳис қилганиданми, у эсига келгани ҳам йўқ, мўрчанинг иссиқ бўлиши унга кифоя эди.

14

...Тамом, бошланди энди, Настена қанчалик эҳтиёткорлик қилиб, қанчалик тайёргарлик кўриб юрмасин, тўсатдан бошланиб қолди.

Апрелда, ердан қор кетиши билан Михеич Настенани ёнига олиб, иккови ўтин тайёрлашга киришди. Улар бўш вақтлари бир пайтга тўғри келган кезларда ғизиллаб бориб, бир соатми, икки соатми арра тортишиб, баҳоли қудрат ўтин тайёрлаб қайтиб келиш учун қишлоққа яқин ердан ўтин кесишаётганди. Ўтин ёришга кўпинча Михеичнинг бир ўзи бораради. Кейин Настена бир борганида ёрилган ўтиналарни тахлаб келарди. Аммо энди ўтин арралаш анча оғир кўчайдётганди, Михеич ҳар қачонгидан ҳам тез чарчаб қоларди ва ҳар бир ғўладан кейин дам оларди. Илгарилари ҳам кундаларсиз иш битмасди, энди эса, чамаси, келгуси қишида ҳамма умид шу кундадардан эди.

Михеич милтиқни ўзи билан олиб кетмасди, милтиқнинг бу ерда, қишлоқдан бир чақирим нарида сира кераги йўқ эди. Аммо ўрмондаги иш ҳарқалай овга ишқибоз Михеичнинг кўнглига ғулғула солиб қўйди шекилли: у ўқ тайёрлашга тушди, милтиғини тозалади, кейин бир куни ўрмонга чиқиш олдидан омбор ичида анча ги-вирлади, сўнг эшигини беркита туриб, ногаҳон сўраб қолди:

— Менга қара, ойим қизим, мабодо Андрейнинг «Тулка»сига кўзинг тушмадими? Ҳаммаёқни қидирдим, худди ер ютгандай, йўқ.

Кетишга шай бўлиб, қайнотасини кутиб турган Настена қўлда арра билан қўр ўртасида қотиб қолди. У мудом шу саволдан қўрқарди, унга қандай жавоб беришни ўйлаб қўйганди, шундай бўлса ҳам у шошиб қолди. Афсуски, ҳозир қайнотаси билан гапни очди қилиб оладиган фурсат эмасди-да, эҳ аттанг, бошқа сафар бўлса ҳам майлийди, ҳозир жуда ноқулай.лайт.

— Ҳеч қаерда кўрмадингми?— қайта сўради Михеич ундан нари кетишга чоғланиб.

— Кўрдим,— деб тан олди Настена гангиб, бемаънлиқ билан жилмаяр экан, у қаттиқ гапирмаслик учун Михеичга яқин келди.— Мен уни сотганман, дада.—

Айрим пайтларда у Андрей сингари Михеични дада дерди.

— Сотдим? Қачон сотдинг, кимга?

— Анча бўлди. Сизга айтишга қўрқиб юрувдим, уришиб берасиз деб қўрқувдим. Вакилни Кардага олиб борганимда... Ўшанда облигация туфайли мендан жаҳлингиз чиққанди, кейин рост-а, шунча пулни қаёқдан оламан, деб ўйлаб қолдим. Ахир эсим йўқлик қилиб лақиллаб қўйибман, шунча пулни қаёқдан оламан?— Ўша одам милтиқни кўрди, унга жуда ёқиб қолди. Кейин сот-чи деб ёпишиб олди. Кейин сотдим-да... бир амаллаб кўндириди.

— Сен, ойим қизим, нималар деяпсан ўзи? Ким кўрди? Ким кўндириди? Ҳеч нимага ақлим етмаяпти.

— Кардадаги бир одам-да. Мен уни танимайман. Фақат ҳарбий шинелдалиги эсимда бор. Аммо Катя Хлистова, Афанасий Хлистовнинг келини уни билади, улар ўзларича бир нималарни гаплашишди. Унинг кимлигини суриштиришга уялдим. Келишдик — бўлди-да.

— Нима, сен уни, милтиқни, ўзинг билан олиб кетганмидинг?

— Ҳа. Борди-ю, қайтишда қоронғида қолсам, керак бўлар, деб ўйладим-да... киши қўрқади-да.

— Кейин сотдим дегин?

— Сотдим.

Бу янгиликни омбор олдидаги супада туриб әшигтан Михеичнинг азбаройи танг бўлганидан юзи тиришиб, бедаво бўлиб кетганди, оғзи очилиб, боши олдинга, Настена томонга чўзилганди, ҳеч нимага тушунмай, кўзлари пирни парди.

— Сен, Настена, менга ҳазиллашаётганинг йўқми? Рост айтяпсанми?— ҳамон унияг ишонгиси келмасди.

— Рост айтяпман. Дарров айтишим керак эди-ю... қўрқиб пайсалга солдим.

— Хўш, сен, нима, Андрей келса, милтиқни сотганинг учун бизга раҳмат айтади, деб ўйляяпсанми? Ёнданмайди деяпсанми?

— Келса, топиб берармиз. Бир амаллаб қутулай, дебин-да. Ўзим учун қилмадим-ку, ахир.

— Топиб берамиз эмиш-а,— деб такрорлади Михеич на Настенанинг гапига қўшилишдан кўра кўпроқ ўзининг миясига келган қандайдир нохуш фикрдан бошини зиқиллатди. У бу фикрини пухта ўйлаб, тагига етиб олгунига қадар индамай турди, кейин эсига тушиб, хиёд

юзини бурди, яхши эшитиш учун қулогини тутди-да, сўради: — Хўш, кейин... қанчага сотдинг?

Энди бу воқеанинг энг диққатга сазовор, энг қалтис жойи бошланганди.

— Ҳозир,— деди Настена ва уйга қараб юрди, токчадан латтага ўралган, бир вақтда Андрей унга берган соатни олди. Настена қайтиб келганида Михеич супадан тушиб, зинада ўтиради.— Мана,— деди Настена соатни унга узатиб.

Қайнота ўзини соатдан олиб қочиб, ўрнидан турди.

— Бу... нима ўзи?— сўради у шоша-пиша, астойдил тикилганидан унинг юзи баттар тиришиб кетди.

— Соат. Бу соат,— шоша-пиша тушунтириди Настена.— Мен уни, милтиқни пулга сотмагандим, мана шунга сотганман, алмаштиридим ҳисоби. Соатни эса, сотиш осон, ўша одамнинг гапига қараганда, бу бошқача, чет элники эмиш, бозори чаққон эмиш. Қаранг аввал, учта стрелжаси бор.— Настена чамаси, илгари ҳам соатни бир неча бор қўлига олган бўлса керак, дарров ҳам берадиган мурватини буради-да, Михеичнинг қўлига тутқазди.— Қаранг: анави узун, ингичкаси кўз олдингизда югуриб кетяпти, шундай дик-дик сакрайдики, асти қўяверасиз. Умрим бино бўлиб бунақасини кўрмаганман. Вой тавба, шунаقا нарсаларни ҳам ўйлаб топишибди-я, бирам чиройлики... ҳамиша тўғри кўрсатади, алдамайди.— Михеич худди бомбадан қўрққандай капалаги учиб, бир кафти билан иккинчи кафтини ушлаб, соатни қўлида айлантириди-да, сўнг қайтиб берди.— Қоронғида манави нуқтачалари худди оловга ўхшаб ёниб туради, ҳам маси кўринади,— деб қўшиб қўйди Настена бу тасодидан тараддуланиб ва жим бўлиб қолди.

— Милтиқни соатга, ўйинчоқقا,— деди қайнота ўзига келиб.— Ҳай ат-танг...

— Соатни сотиш осон... Бу ерда ҳаммада милтиқ бор, соат эса... яна бунақаси... кўрсатсанг, қўлингдан юлқиб олади.

— Йунинг учун, ойим қизим, бунинг эвазига бирон дурустроқ нарса олсанг бўларди. Билмай ҳар нарсага ёпишишдан кўра, озгина ўйлашинг керак эди. Уни кимга сотасан, ким оларди уни?! Ана, қуёш бор. «Қоронғида ёниб туради»,— деди у жаҳл билан Настена соатнинг шу жиҳатини пеш қилганини эслаб ва ерга тупурди.— Унинг ёритишини бошимга ураманми? Нима, ёругида бит боқармидим?

— Иннакентий Иванович олади,— деди Настена бўш

көлмасдан.— Биламан, соат унга ёқади, у бунақа нарсаны яхши күради, күрсатсанг, бас. Ҳу мен әлтиб қўйган вакил шу соатга икки минг бераман, деб ялинганди,— деб қўйди у ишончли бўлиши учун.— Шундай ялиндидики...

- Қанча, қанча?
- Икки минг.
- Шундай аҳмоқ топилгандা нега бера қолмадинг?
- Балки ундан қимматроқ турар.
- Кўп берадиганини топиб бўпсан. Кўраман, қандай топаркинсан. Икки минг сўм-а!!! Ўша, сен айтган вакил, сени бир лақиллатмоқчи бўлган, сен бўлсанг, ишониб юрибсан. Хўп, бўлти,— деб Михеич гапни бўлди,— кетдик. Сенинг соатинг деб шунча вақтимиз кетди. Мени жуда хурсанд қилдинг, шуниси ҳам кифоя. Кўзимдан нари қил, нари қил, худо хайрингни бергур.

Улар йўлга тушдилар. Лекин Настена гап шу билан туғамаганини, Михеич чидаб туролмай яна шу мавзуга қўйтишини олдиндан сезиб турарди — энди улар анчагача иккови ёлниз қолади, тутақлан одамнинг эса, шундан кейин бошқа хусусда гапирици амримаҳол. Настена гарчи бугун энг даҳшатлиси ўтиб кетди, деб умид қилаётган бўлса-да, бари бир иўрқарди, энди энг муҳими айтган гапида туриш, адашиб кетмаслик, ўзини боягидай калтафаҳм қилиб кўрсатиш эди. Аммо тинкани қуритиб, андармон қилиб, қийнаб юрган нарса ҳақида гап очилди, йўқолган нарсага яхними-ёмоними важ топилди, агар бундан буёғига ҳам сир очилмай бораверса, ишлар енгил кўчаверади, бу албатта, то ўша нозик пайт— йўқолган нарса учун эмас, балки орттириб олгани — гумонасига важ-карсон топиши лозим бўлган пайтгача давом этади. Аммо ҳали ҳозирча ўша кунга узоқ, энди бунга асло шубҳа қилмаса ҳам бўлади.

Улар ўтин кесадиган ерга етиб боргач, иккиланиб ўтирмай, илгари белгилаб қўйилган қарағайни ағдаришга киришдилар. Михеич қарағай оғиб турган томондан тагига болта уриб чопди, кейин нариги ёғидан арра солишиди. Дарахт йўғон эмасди — осонроғи танланганди, аммо арра негадир жуда оғир бориб-келиб, кучни кўп олиб қўяётганди: сал ўтмай Михеичнинг нафаси тикилиб, йўтала бошлади. Настена Михеичнинг тиқчишини кутиб, ерга чўнқайди ва ногаҳон бултурги ўтлар орасидан униб келаётган кўкиш майсани кўриб қолди, майса бир кўринди-ю, яна йўқолиб қолди, аммо Настена энгашиб, уни яна топди, унинг ёнида бошқалари ҳам кўрини-

ди. У майсалардан бирини узиб олди-да, қўлида авай лаб ўйнаб хаёлга чўмди, назарида, бу майса қандайдир муҳим фикрга ўхшаб, кейин юзага чиқадиган эзгу умид сари бошлаб кетгандай әди, аммо бу фикр Настенанинг ҳавасини келтириб, сира тутқич бермай, ундан ўзини олиб қочарди. Обдон йўталиб бўлган Михеич келди, Настена унга майсани кўрсатиб деди:

— Қаранг-а, янги ўт чиқибди. Бу йил биринчи кўришим.

Михеич жавоб бермай, аррани тортди. Настена гап бошлаб қўйганига пушаймон бўлди: назарида, қайнотасига ялтоқланиб, шу ўт билан ўз гуноҳини шиббалаб кетмоқчи бўлганга ўхшаб қолди.

Кун ёруғ бўлса ҳам, аммо чарақлаган эмасди, тўниқ, худди мудраётганга ўхшарди. Бўлмаса-ку осмонда қуёш бор; қуёш ёна-ёна кичрайиб, юпқалашиб қолгандай, унинг заиф нурлари ерга етмай, ҳавода муаллақ осилиб тургандай әди. Қаердадир бурундиқ чийиллади, олис тоғда ит ҳурди, кекса дарахт фижирлади, бироқ бу товушлар жимжитликни бузмасди, унинг оғирлигини камайтиради. Кун ҳам бугун майсалар қоронгиликдан қўрқмай чиқаверсин, дарахтлар ҳам пиндиқ ёраверсин дегандек, атайлаб мана шунаقا жимжит, тўниб турарди.

Ниҳоят арраланаётган қарагай қисирлади, учи бир силкинди, ўзини тутиб туришга noctor уриниб, бир лаҳза қотиб қолди, аммо бўлмади, бир томонга оғиб қолган тўқималарини узиб, букиб ағдарилиб тушди. Михеич билан Настена ўзларини бир четга олишди. Тупса тўнкага айланди, танаси эса, ҳавода айланиб, гумбурдаб тушди, узилган шохчалар осмонга қараб учди, буталар тебранди, дарёнинг нариги ёғидан акс садо эшитилди. Михеич саржин устидаги болтани олиб, шохларни кесгани кетди, Настена, одатдагидек, уларни бир ерга ташиб тахларди.

Кейин, қарагай танасини бутаб, арралашга тайёр қилишгач, дам олгани ўтиришди, шунда Михеич сўради:

— Сен, Настена, чиндан ҳам Андрейнинг қаердалигини билмайсанми?

Настена ҳар нарсани кутган эди-ю, аммо бу саволни кутмаганди, ҳа, фақат шу саволни кутмаганди; қўрқишига арзийдиган савол бу.

— Андрейними?— деди у бошини кўтариб, у шундай сўрадики, Настенани қўрқувини таажжубга йўйиши

мумкин эди.— Мен қаёқдан билай? Нега мендан сўраяп-сиз?

— Демак, билмао экансан-да, а?

— Ҳеч нимадан хабарим йўқ. Сиз нимани билсангиз, мен ҳам шуни биламан. Мен қаёқдан ҳам билардим? Чамамда, ҳаммамиз бир уйда турамиз шекилли.

У Настенага тешиб юборгудек бўлиб тикилди, шунчаки қаради эмас, балки унинг сўзларига ишонмагандай, Настенанинг башарасидан, ўзини тутиб ўтиришидан бирон гапдан хабари борлигини билиб олмоқчи бўлиб, синчковлик билан тикилди.

— Мен балки сен бирон нимани биларсан деб ўйлагандим-да. Балки айтгинг келмаётгандир. Сен ўша... айт, Настена. Бир ўзимга айт. Мендан яширма.

— Нимани айтай, ахир?— Настена ўзига келиб, дадилроқ жавоб берса бошлади.— Қизиқ, мен сизга нимани ҳам айтардим? Агар бирон айтадиган гап бўлса, айтмай ўтирармидим? Сиз нимани билсангиз, мен ҳам шуни биламан.

— Мен шунчаки сўрадим-да... Сўраганимнинг боиси шуки, кейинги пайтларда сенда қандайдир ўзгариш борга ўхшаб қолди.

— Қанақа ўзгариш экан?— Настена таажжубланиб оҳиста, ўсмоқчилаб сўради.

— Ўзингга ўхшамай қолгандаисан. Эҳтимол, менга шундай туюлгандир... Аммо мен милтиқни сўроқсиз аллақандай бир соатга алмаштирасан, деб сира-сира ўйламовдим. Илгари сен бунақа эмасдинг. Милтиқдан ташқариям сенга бир нима бўляпти ўзи, қизим. Доимо бир нимадан қўрқиб юрганга ўхшайсан... доимо питиллаб юрасан... Ё биздан кетиш ниятинг борми?

— Йў-ўқ, қаёққаям кетардим? То ўзларингиз ҳайдамагунларингизча юравераман,— деди у очиқкўнгиллик билан силқидилдан.— Ахир уруш ҳадемай тугайди, бирон гап бўлар.

— У қаерда, ахир?

— Билмайман дедим-ку унинг қаердалигини.

— Ҳа, энди буни сендан сўраётганим йўқ, қизим.

Улар яна арралашга тушдилар; Настена аррани уйдан-бу ёққа итариб-тортаркан, ер остидан қайнотасига кўз қирини ташлаб, қайнотаси гапига ишондими-йўқми, шуни билиб олишга уринарди. Битта нарса, қайнота келинининг Андрей тўғрисида ундан ташқари нимандир билишидан шубҳаланиб қолгани яхшиликтан дарак бермасди. Шу кундан бошлаб Михеич ундан кўз-қулоқ

бўлиб юришини пайқаб олиш қийин эмасди. Гарчи чол ҳозир Настенанинг гапига ишонгандек бўлса ҳам, уни беихтиёр кузатиб юради, чунки киши шубҳадан осонлик билан қутула олмайди: шубҳа пайдо бўлдими у мустақил яшайверади, кейин бора-бора киши шубҳасини жиловлаш ўрнига ўзи унинг таъсирига берилиб қолади. Энди икки баравар, уч баравар эҳтиёткор бўлиш, ҳар бир қадамингни ҳисоблаб босишга тўғри келади. Хўш, энди, икки ойлардан кейин қорнинг дўппайиб турса, қанақасига эҳтиёткор бўласан, қанақасига қадамингни ҳисоблаб босасан? Милтиққа важ топган бўлсанг ҳам, бунга важ тополмайсан, бу соат тўхтамасдан қаттиқ чиқиллаб туради. Настена қандай кунларга қолишини кўз олдига келтиролмасди, ўйлаб ўйига етолмасди; унинг бошига тушадиган ишни ҳеч нимага қиёслаб бўлмасди, унга нима бўлгани то элга ошкора бўлмагунча, ҳеч ким унга бармоғини бигиз қилматунча ва суриштирмагунча бирон иш қилмай, тақдирга тан бериб кутиш керак,— ошкора бўлгандан кейин эса бу шармандалиқ ботқогидан фақат ўз кучи билан, урина-урина чиқиб олиши керак, чунки ҳеч ким унга ёрдам бермайди,— ҳа, фақат ўз кучига ишониши керак, чунки бир ўзи уч кишини қутқариб қолиши лозим. Қурби етармикин, буни ҳали унинг ўзи ҳам билмасди, олдиндан бу ҳақда бош қотиришни истамасди ҳам. Ҳарқалай у ўзини заифлардан эмасман, деб ўйларди-ю, айни пайтда куч ва сабртоқатдан бошқа яна бирон нарса ҳам талаб қилинар, эҳтимол, ўша нарса менда йўқdir, деб чўчирди ҳам. Ҳар қандай шармандалика чидаш мумкиннайдир-у, аммо бор ҳақиқатни ҳеч ким ҳеч қачон билмасин, деб барча одамларни, бутун оламни бирварақайига алдаш мумкинми? Шундай қилиши учун бир одам, гарчи у жуда қув, устамон бўлиб, ҳамма ишни дўндириб ташласа ҳам камлик қилмасмикин? У ўз зиммасига гуноҳи азимни олмаяптимикин? Бу гуноҳ унинг ўзига ҳам, қолган умри илтижо билан ўтадиган ҳаётга ҳам кўплик қиласди.

Бир қулай фурсат келганда Настена ҳомиладорлигини қайнотасига айтмоқчи, шу билан келгусида бундан, юрагини ҳовучлаб шармандаи-шармисор бўлишдан қўрқиб юришдан ҳам биратўла қутулмоқчи бўлди. Бу ҳам бир таваккал-да. Қайнотаси ҳам майли, унга ҳам оғир, секин-аста кўниссин, аммо охир-оқибатда бунга кўни-кади,— унда Настенанинг кўнгли анча тинчирди, бошқа барча ғам-ғурбатларга чидарди. Лекин Настена Михеичга ачинди. У ҳали дилидагини айтмасдан бурун қайнотаси

чүчиб, қотиб қолишини, оғир, қайғули ўй-хаёлларга ботиб, бошини қуи солишини, бундай пайтларда билиши лозим бўлган нарсани сўрашга журъат этолмаслигини кўз олдига келтирди,— йўқ, бугунча унга шу милтиқ машмашаси ҳам етарли, ўзига эса, шу гапларнинг ўзи ҳам кифоя. У ҳомиладорлигини бўйнига олиб, қайнотасини баттар шубҳага солмаслиги керак, эҳтимол қайнотаси фақат гумон қилиб юрган бўлиши мумкин, у шу гумонни ростга чиқариб, ишонтириб қўймаслиги лозим. Настена Михеич мени ҳаммадан кўра яхшироқ билади, ҳар қанақа бемаъни баҳоналаримга ишонавермайди, деб қўрқарди. Унда ҳамма гап бир-бирига болганди-ю, тўппа-тўғри бориб, Андрейга тақалади — Настенанинг бундай қилишга ҳаққи йўқ: ҳар қандай шама, ҳар қандай эҳтиётсиалик унинг тақиқланган.

Улар қарағайни арралаб бўлиб, қайтиш тараддудига тушдилар: вақт кетиб қолганди. Қуёш оғир, анча пастга инганди; осмоннинг икки бурчагида қуёш билан ой кўриниб туарди, ингичка ой ўроғи қуёшнинг хира ёрутида ўжарлик билан милитиради. Настена ҳар сафар уларни бирга кўрганида нимагадир қўрқарди ва нима учун уларнинг одатдагидек ажраб кета олмаётганига тушуна олмасди. Шунинг учун у ҳозир ҳам алланечук бўлиб кетди. У кўзларини қисмай, катта-катта очиб қуёшга қаради ва назарида ойнинг тикандек қадалувчи совуқ нурлари унга тушаётганини сезгандай бўлди.

Кетиш олдидан Михеич ўйлагина ўтириб, шунинг учун Настена Михеич яна Андрей ҳақида гап очишидан ҳадиксираб, сергакланди. Аммо бир ўзи кетишга юраги дов бермади; Настена қайнотаси мендан ўзини олиб қочяпти, деб ўйлашини истамади. Чол чекиб, бир-икки мишут тутатиб ўтириди-да, сўнг ўрнидан турди; Настена қайнотаси йўл юриб чекиши ёқтираслигини эслади. Улар иккени ҳам ичидағи ёқимсиз дардини ёрмай, индамасдан қишлоққа қайтиб келдилар.

Кечқурун рўзгор юмушлари билан ғимирлаб юрган Настена бугун Михеични адаштиromoқчи бўлган бир одам уни адаштиришдан кўра кўпроқ сергаклантириб қўйганини бир неча бор пайқади-ю, чўчиб, шошиб қолди,— ўйласанг юрагинг орқага тортиб кетадиган, келажаги шу яқин ойлар ичида бутунлай барбод бўладиган ўша одам нима бўлишини билади-ю, ўзини ҳалок этиш учун, худди атайлаб қилгандек кетма-кет бемаънилик қилали, бугуни эса ҳар хил, бутунлай бир-бирига ўхшамайдиган бўлакларга ажралиб кетган ўша одам худди ана

шу Настенанинг ўзи эди. Уни ваҳима босди, бу уни ўтга ҳам, сувга ҳам ташлайдиган, гүё узоқ муддатга чўзила-диган ва беқарор ваҳима эди: исталған пайтда бу ваҳима ҳали қонуний вақтимга бор дегандек босилиб қоларди, кейин яна бошқатдан қўзиб, қийнарди-ю, дилини сиёҳ қилиб, яна тийиларди. Настенанинг ташвиши ортиб, борган сари шу билан ўралишиб қолаётганди. У ҳаётида юз бериши лозим бўлган нарса борасида бугун кескин ўзгариш бўлганини кўриб турарди; фақат ўзигина билиши лозим бўлган сир бошқалар кўзи олдида йилт этиб қўйганга ўхшайди. Энди хотиржам юриб бўлмайди. Бунинг учун Настена ўзидан гина қила бошлади: демак, дурустгина баҳона тополмабди, бошқачароқ ганириб қўйибди, жуда авайлаб, эҳтиёт қилиб сақлаши лозим бўлган нарсани яхшилаб беркитолмабди, ўзининг ҳамон ўша очиқ кўнгил, итоаткор келин әканлигига Михеични ишонтира олмабди...

Ўзини қўйишга жой тополмай қолган Настена қайно-тасининг ишдан қайтишини сабрсизлик билан кута бошлади, қани кўрсин-чи, қайнотаси унга нисбатан ўзини қандай тутади-ю, нима дейди, Настена унинг ёнида бўлиши зарур бирон дилсиёҳлик бўлса ҳам майли, шунда ҳам у енгил тортади, тушуниб олади, мияси ачиб, бекордан-бекорга ҳадиксираб юрмайди. У агар Михеичнинг кўнглида бирон гали бўлса, чидаб туролмасдан айтади, борди-ю, айтмаса ҳам бирон нима билан сездириб қўяди, деб ишонарди. У ичимдан топ дейдиган одамлардан эмас, қувликни билмайди, бор гапни тўкиб солишини хуш кўради.

Лекин Настена Михеичнинг отхонадан кеч, қоронғи тушгандан кейин келишини биларди — шунинг учун у беҳуда тентираб юрмаслик, ўзини бирон нима билан банд қилиш учун рўзгор юмушларини саранжом-саришта қилиб бўлгач, Надъканникига жўнади.

Надъкаларникида овқатланишашётганди, тўгрироги, энди овқатланишга ўтиришаётганди. Столда болаларнинг ҳар бири олдида ёшига қараб тақсимланган картошка турарди: энг кичиги Лидка олдида тўрт дона, Петька олдида бешта, Родъка билан онаси олдида олтитадан картошка, бир бурдадан нон бор эди. Настенани ҳам дастурхонга таклиф этишди, у овқат емайман, деди-ю, аммо ўзига чой қўйиб олиб, Лидканинг ёнига ўтирди. Лидкани кўрган кишининг юраги туздай ачишиб кетарди, у ҳаш-паш дегунча ўз нонини ютиб бўлди-да, картошкага ёпишди, картошка ер экан, акаларининг нон-

ларига очкүзлик билан тез-тез қаарди. Надька тагин тиқилиб ўлма, деб унга ўшқирди. Настена Лидкани кузатиб ўтиаркан, одатдаги оғир ўй-хаёлдан тинкаси қуриётганини ҳис этди: бу ҳол қачон тугаркан? Қачон бирорларнинг қандайдир зуғумидан, қандайдир жаҳаннам оташидан қутулиб, киши ихтиёри ўзида бўладиган яхши кунларга етишаркин-а? Лоақал болалар тўйиб-тўйиб овқат ейдиган кунлар ҳам келармикин? Бу болаларнинг гуноҳи нима?

Лидка шоша-пиша картошкани ҳам тушириб бўлдида, олдида ейдиган бошқа нарса тополмай, қўйини кўтарганича ҳайрон бўлиб тўхтаб қолди ва атрофга суқлик билан кўзини жовдиратди.

Ҳеч ким унинг гангиг қолганига эътибор бермасди: шунинг учун ҳам она фақат ўз улушингни бил, бошқашарникидан тама қилма, деб тақсимлаб берган-да.

— Чойингни ичгину бориб ётгин,— деб туртиб қўйиди онаси, қизалоқ итоаткорлик билан стакани олди.

Настена чида буролмай, ўрнидан турди-да, әртага олиб қўйилган бир думалоқ нон сочиқ остида дўппайиб турганини сезиб, кутга борди, гарчи у Надьканинг шовқин солишини билса ҳам, таваккал қилиб ноннинг бир четидан озгина кесиб олди-да, келтириб Лидкага берди, Лидка шу нон билан тўймаса ҳам ичини таталаётган очликни ҳарқалай алдарди. Надька индамади. Аммо кейинроқ, Настена Лидкани тиззасига олиб, унинг титраб турган озгин гавдасини бағрига босганида Надька хафа бўлиб, қитмирлик билан деди:

— Шуни асрар олмайсанми?

— Сенинг болангни олиб нима қиласман? Эҳтимол, ҳадемай ўзим ҳам туғиб қоларман — сен билиб ўтирибсанми.

У шундай деб жавоб берди-ю, пушаймон еди: нега оғиздан гуллаб ўтириби? Кейинчалик Надька бирон ишқални сезиб қолса, дарров бу сўзларни эслайди, бу сўзлар шу ишқални ҳаммадан олдин яхшилаб билиб олишига жуда қўл келади-да. Ҳа, ҳозир ҳам овозидан, орият қилиб, комил ишонч билан берган жавобидан бу шунчаки бир баҳона эмаслигини, унда бир гап борлигини пайқаб қолмадимикин?

— Бўлмаса нега илгари тутмадинг? — жўяли қилиб сўради Надька.

— Хоҳламагандим.

— Сени қара-ю, хоҳламаган эмиш-а. Урушнинг тугашини кутгандирсан-да, шундайми? Мундоқ қарасам, ҳам-

манглар ҳам ўлгудек айёр әкансизлар. Агар уруш бўлишини менга ҳам шипшитиб қўйғанларингда, мен ҳам қарабсанки, ҳар сафар қорнимни кажавадай қилиб юрмасдим, ўзимни тиярдим.

Настена Надъкани урушдан олдин беш йил, уруш бошланганидан бери бу ёғи тўрт йил ҳеч кимни — на Витяни, на бошқа бирорни йўлатмай юришини кўз олдига келтирди-да, кулиб юборди. Буни Надъкага айтган эди, у ҳам хаҳолаб кулиб юборди.

— Вой гапингни қара-я,— деди у Настенанинг фикрига қўшилиб.— Мунақасига чидаб бўларканми! Агар ўзимга қўйишиша, йилда тугсам дейман. Кейингисига яна уч ой вақт қоларди. Пуштим жуда зўр-да, бир марта даёқ шаппа ушлайди. Бизники доим тайёр, баъзи бирорларнига ўхшамайди,— у чидаб тиролмасдан Настенанинг бир узиб олди.— Агар ўзимни эҳтиёт қилмасам, ҳали бир этак бола туғиб ташлардим—фақат боқиб олсанг бўлди. Менга ҳеч қанақа ҳарам ҳам бас келолмасди. Ҳарам деганини эшитганмисан? Менга Витя ҳарам тўғрисида қайси бир китобдан ўқиб айтиб берганди. Қанақа хотинлар экан, билиб бўлмайди, бир эркакка шунча хотиннинг нима кераги бор? Ўша одам хўрозга ўхшаб хотинлар олдиди айланниб юрармиш-да, истасам сенга чонаман, истамасам, зор бўлиб юраверасан дермиш. Қани энди ўша хўроз ёнимга келиб, қанотини қоқса, мен унинг суробини тўғрилаб қўйардим, мен уни, ўша хотинбоз капиталистнинг адабини берардим. Тўғри-да, нима энди, бола кўпайтираман деб хотинларни галалашиб юрадими? Мен бир ўзим ҳаммасини йўлда қолдириб кетардим.— Надъка ўзини маломат қилиб, ўзидан ўзи кулди, аммо ўзини таҳқирларди-ю, фахрланарди: у хотинлик бурчини адо этди, бу жиҳатдан унга ҳеч нима дея олмайсан. Илгари балки, Надъканинг мақтанчоқлиги Настенанинг иззат-нафси га текка ғўлармиди, аммо ҳозир бу гаплар ҳатто унга куш ёқарди.

Лидка Настенага эркаланиб ухлаб қолди: Настена ухлаб ётган қизалоқни кўтириб ўтириб ҳам ҳузур қилаётганди, назарида ҳомиласи рашқ қилиб, ўзининг борлигидан далолат бериб, шу лаҳзада ҳар вақтдагидан ҳам тез-тез қимирлаб қўяётгандай эди.

Настена уйга қайтиб келди-ю, ҳанг-манг бўлиб қолди: Михеич Семёновнани қўлтиқтаёқда юришга ўргатаётганди: у буни сира кутмаганди. Михеич қўлтиқтаёқни аллақачон тайёрлаб қўйған эди-ю, аммо Семёновна ўламан саттор қўлтиқтаёқда юрмайман деганди, лекин Михеич

қандайдир бир мүъжиза билан бугун кампира гапини ўтказганди. Семёновна қийналалётганди: у қўлтиқтаёқни қўлтиғига қисиб олиб, худди кишанлангандай, оёқларини тўп эткизиб олдинга ташлар ва йиқилиб кетмаслик учун оғирлигини дардчил, узилиб кетай деб турган оёқларига солар эди, соларди-ю, қўллари билан дуч келган нарсани ушларди ва оҳ-воҳ қилиб саннашга тушарди.

— Сен оёқларингни галма-гал қимирлат,— деб ўргатарди Михеич.— Намунча ношуд бўлмасанг-а? Сакрама, обдан сакраб бўлгансан, шу ҳам етарли. Одамлар оёқсиз ҳам юрибди, сенинг бўлса, оёқларинг бор, озгина машқ қилсанг бўлади. Сен аввал битта-битталаб қадам босишни ўрганиб ол, кейин тез-тез босасан.

— Э, худойим-эй!— деб ингради Семёновна.— Кайиган чоғимда намунча мени кийнайсан-а? Лоақал шени яхминг кешин Биби Майям. Манави мияши айниган чолга тушунтий, гўйимга буни қўлтиқтаёқлайишиз ҳам бояман. Лоақал шен бу зой колгуйлайни тобутимга шолма,— деб кампир Михеичга ёпишди,— мени шайманда қилма. Тоиган ишинингни кая-я: печкадан тушийиб юй дейди-я, қаёққа юяй? Қаёққа юяй?

— Бўпти, ўтири, ўтири,— Михеич уни катга ўтиргизди.— Дамингни ол, чарчаган бўлсанг. Оёқларинг оғримаяптими?

— Нега оғиймашкан? Нега оғиймашкан? Ловиллаб ёняпти. Эй худойим-эй... оғиймайлтими, дейди-я.

Настена самоварни печка ёнига қўйди, карнай тирсагини мўрконга тўғрилади ва лампани ёқмоқчи бўлди, лекин Михеич керосин тугаяпти, эҳтиёт қилиш керак, деб уни чироқ ёққани қўймади. Михеич каминни ёқди. Настенанинг дили ранжиди, назарида, агар у чироқ ёқмаганида қайнотаси бирпасдан кейин уни ўзи ёқкан бўларди, ҳозир бўлса, Настенага ўчакишиб, атайлаб шундай қилаётгандай туюлди. Камин эса, мана, рост бир ой бўлди, ёқилгани йўқ, қайнонаси бўлса, бугун каминни эслаб қолди, мум олиб келгани борди, тихирлик қилмаяптими ўзи, миқ этмайди — нима бало, шунчалик ичикиб қолганмикин?

Самовар шифиллади, камин гувиллади, оловнинг узунузун фусункор шуъласи деворларга, деразаларга тушшіб турарди, хона ичи исиб, жон кириб қолди. Семёновнагузини бир четга буриб, ичимдан топ деб ўтирас, энгаштиб, заиф қўллари билан оёқларини уқалар эди.

— Хўш, кампир, яна юрамизми?—деди унга Михеич.

— Нима, мени ўлдиймоқчимишан? — зарда қилиб, йығламсираб деди у.

— Ҳа.

— Ўлдийшанг ўлдия қол. Шия ачинма.

У жаҳл билан ўзини зўрлаб ўрнидан туришга ҳаракат қилди. У аввал катдан хиёл кўтарилди, унинг оёқлалири ўтирганида қандай бўлса, шундай бувланиб турарди, кейин қўлларини тиззаларига тираб, оҳиста қаддини ростлай бошлади. Михеич яна унинг қўлтиғига қўлтиқтабекни тиқди. Настена қайноасини суюш учун унинг бошқа томонидан ёнига кирди. Аммо таажжубки, ҳаш-паш дегунча Семёновна бу сафар ўзи учун янгича бўлган бу юришда қандай қадам босишни билиб олди: у битта қўлтиқтабекга суюниб, иккинчи оёғини беўхшов олдинга ташларди-да, оғирлигини ўша оёғига соларди. Кампир энди гина йўлга кирган болага ўхшаб ғурурланиб, сабрсизлик билан инжиқланиб деди:

— Қани, қочинглай-чи, ушламанглай, ўжим.

Семёновна меҳмонхонанинг у бурчагидан бу бурчагига борди, анча овора бўлиб, инқиллаб-синқиллаб бурилди, орқасига қайтиб, катга келди ва курсанд бўлганидан уҳ тортиб ўтириди. Михеич уни кузатар экан, овозини чиқармасдан куларди, унинг елкалари силкиниб, мўйлови ликилларди. Семёновна унга қарамасдан ҳорғинлик билан маъқуллади:

— Чакки эмаш, оёқлайим юйишга яйайди. Юйганда бошшам бўлади энди.

— Мана кўрдингми,— деди Михеич курсанд бўлиб.— Йўқса икковимизга битта менинг оёғим нима бўларди, бу оёқ билан икковимиз қаёққа ҳам борардик? Энди ишимиз чакки бўлмайди: учта соғ оёқ, мундоқ қарасам, иккитасини тузатса бўлади, биттаси керак бўлганда ишлатилади.

— Эҳ, қани энди қўлтиқтабекда юйишимни Андюшка бий кўйша эди, яшо кулайди-да... Эҳ йошт-да, бийов кулади, бийов йиғлайди.

— Энди, кампир, сен билан менга печкага чиқиб олиб ётиш асло тўғри келмайди,— деди Михеич меҳри товланиб, шу билан бирга қандайдир комил ишонч билан, бу гап Настенага тасодифий эмасдек туюлди.— Қўлтиқтабекда бўлса ҳам майли, аммо қимирлаб туриш керак.

Настена бу гап замирида бир маъно борлигини пайқадию уни бугун бўлиб ўтган гапга тақади. Йўқ, бугунги гап қайнотасининг у қулоғидан кириб, бу қулоғидан чиқиб кетавермаган экан, қайнотаси ниманидир пайқабди,

қандайдир қарорга келибди, модомики, пайсалга солмай Семёновнага қўлтиқтаёқ бериб, уни юришга мажбур этяпими, демак, бир гап бор. Чол яқин орада Настенанинг қош-қовоғидан қутулиб қўя қолиш учун кампирни юришга ўргатмаяптимикин? Хўш, нега? Нега?

— Мана кўрасан, ёз келса, оёқларинг бинойидек бўлиб, йўргалаб қоласан ҳали,— деб далда берди у кампира.

Кампир ҳам чолнинг фикрига қўшилиб деди:

— Кошкайди, эҳ, умйимнинг охийида яхши бўлайди.

— Ҳў, эсингдами, илгари ҳаммадан олдин сайхонликка югуриб чиқардинг?

— Эшимда... нега эшимда бўлмашкан... Шен, Федой, эшимга шолмашсанг, яйамга туз шепмашсанг бўлайди.

Настена титраб кетди, қариялар кўпдан бери бирининг исмини айтиб гапиришмасди, шунинг учун у қайнотасининг исми Федорлигини ҳам унугиб қўйганди. Бу исм ўтиб кетган қувноқ ёшликларининг тасодифий акс садосидек эшитилди. Настена қарияларга разм солди, улар ўз хотираларига берилиб, индамай ўтиришди.

Ногаҳон Настенанинг дили қандайдир беихтиёр, сабабини ўзи ҳам билмай ғаш бўлди-ю, ўзини шунчалик ёлғиз, шунчалик баттол, баҳтсиз, беҳуда нобуд қилинган, алданган, бегона ҳис этдики, шу заҳоти томогига бир нима тиқилиб, бўга бошлади ва ҳаммаёқни бошига кўтариб, аччиқ-аччиқ ўкраб йиғлагиси келди. Аммо у ўзини босди: йиғлаши мумкин эмас, унинг учун ҳатто кўнглини бўшатиб олиш ҳам тақиқланган эди. У қулай фурсат келишини кутиб турди, Михеич кутга кириши билан Настена кетидан ғизиллаб борди-да, шоша-пиша шивирлаб сўради:

— Дада, милтиқ учун мендан жаҳлингиз чиқмаяптими ишқилиб? Жаҳлингиз чиқаётгани йўқми, а?

— Милтиққами? — у ҳали хаёлан бошқа оламда эди, шунинг учун Настенанинг нима ҳақда гапираётганини ҳам дарров тушунмади.— Э, йўқ, қизим, жаҳлим чиққани йўқ. Э, гап милтиқда эканми...

Охиригача айтилмаган бу гап ҳам Настенанинг адашган қалбини баттар ташвишга солиб қўйди.

да, орқалаб қишлоғға олиб кетди. Қопда картошка, бир неча бош пиёз, икки дона турп бор эди, ёстиқ жилдига эса, аввалгидек озгина нұхат уни солинганди, ун ичиде эса ўнтача тухум, бўзга ўрайлан думалоқ нон, пайтавага мўлжалланган бошқа дагал бўз халтада эса эски чориқ бор эди, чориқ ичига бир парча чарм, мумланган ип, жуволдиз солинганди; бундан ташқари котда кирчил кўйлак, занглаған юнг қайчи, калтагина сапсар қалам, озгина туз, пича тамаки барги, қора олқинди, яна Андрейни ҳайратга солган чоракта самогон ҳам бор эди. Андрей мана шу нарсалар билан неча кун яшаши көмальум эди, аммо то музлар кетиб, Настена қайиқда сузуб келмагунича лоақал бир ой кун кўриши қерак эди. Андрей қопни бўшатаётганида нарсалар кўзига анча кўп, етиб ортадигандай кўринганди, аммо уч кундан кейин эса ҳар бир дона картошка, ҳар бир чимдим унни ҳисобга олишга тўғри келиб қолди! Тамакини йўсин билан тенгма-тенг қилиб аралаштириб олди, аммо шу ярамас нарсани ҳам тежаб кунига уч марта, кейинроқ эса, кунига икки марта — эрталаб ва кечқурун ўраб чекишга аҳд қилиб қўйди.

Қинки Ангарадан бутунлай файз кетганди, музлар хунук кўкариб турарди, фақат қирғоқларни эмас, қирғоқлардан бошқа жойларни ҳам кўлмаклар босиб кетганди. Ангара орқали ўтган йўлнинг икки томони эриб, йўл қорайиб, кўзга яққол ташланиб турарди, қаргалар доманғирлик билан қагиллаб йўлда ивирсиб юради. Оролчадаги қинғир-қийшиқ тилогочлар мусаффо баҳор ҳавесида гўё бирор атайлаб гараздан шунақа қилиб қўйгандай ҳазин, хунук кўринарди, ҳолбуки доимо шамол гувиллаб турадиган бу ерда дарахтлар силлиқ, бежирим ўсиши маҳол эканлигини тушуниш қийин эмасди. Дарвоқе, ҳамма ерда ҳам, ҳатто оппоқ бўлиб турадиган ҳар қандай қайнозорда ҳам энг мунгли, файзсиз пайт бу, маълумки, қор кетиб, ҳали ҳеч нима уйғонмаган, яшил либосга бурканмаган пайт бўлади. Бундай пайтда инсон туйғуси ўткирлашиб, ниманидир қўмсайди, нимагадир ташна бўлади ва ҳувиллаб ётган, қорайиб, бўрсиб кетган нарсаларга кўнига олмайди, кузда эса бунақа бўлмайди.

Гусъков, ниҳоят, меъдасига тегиб кетган пиймалари ни ечиб ташлаб оёқ учун қулай бўлган енгил чориқларни кийиб олди-да, обдон юрди, унинг учун энг яхши; энг катта давлат — бу юриш, дуч келган томонга бориш эди. Юрғанда ҳам ортиқча бош қотирмайсан, йўлда учра-

ган нарсаларни ўйлаб кетаверишинг мумкин. У милтиги-ни олиб олганди, аммо ҳали ўқ чиқармаганди, қолаверса, отадиган нарсанинг ўзи йўқ эди: ҳайвонлар апрель-май ойларида ўзларини жуда эҳтиёт қиласи, қарқур қўналғаси бу яқин атрофда йўқ эди, қушлар, умуман экинзори бўлмаган бу ерлардан аҳён-аҳёндагина учиб ўтарди.

Ёз яқинлашиб, ҳаволар исий бошлаган сари Гуськовда овлоқ, соя-салқин жойларда ҳали ҳам сақланиб қолган қиши қолдиги — қорни қидириб топиш иштиёки шунчалик ортиб борар эди. У ифлос, юпқа, эриб увадага ўхшаб қолган қорни топарди-да, унинг олдидага тўхтарди, қимирламай, оғир хаёлларга чўмарди ва қайтиб янги қорни кўрмаслигига амин бўлиб видолашиб жўнаб қоларди. У сўнгги марта сайр қилаётганига, бу сайр қилишлар ҳам ҳадемай ниҳоясига етишига ўзини кўниктираётган эди: у сўнгги куз, сўнгги қишини ўтказди, мана, сўнгги баҳор ҳам ўтиб боряпти, бу ёғи эса, сўнгги ёз. Гуськов эриб тугаётган қорга қааркан, ораларида қандайдир ўхшашлик борлигини ҳис этарди: улар бир пайтда бор эди, қор ҳам, муз ҳам — булар ҳам охиргиси, буларни кўриб қолиш пешонасида бор экан, бошқа барчаси эса, ундан кейин қолади. У ўзича сўнгги бурилиш муддатини ҳам белгилаб қўйди, шундан кейин эса озгина умрининг охирги кунлари бошланади. У ана шу бурилиш муддати қилиб Ангарада шовуш бошланадиган кунни белгилади, шунда у юқори оқимдаги қишлоғвга бориб олади. У қишилозин шунга тайёрлаб, энди бу ерда унга керак бўлмайдиган баъзи қақир-қуқурларини элтиб ҳам қўйганди, шоҳшаббаларни ҳам қурисин, қачон синдирилганини битта-яримта пайқаб қолмасин деб кат устига ташлаганди. Шовуш бошланishiдан олдин Гуськов ўзига ўзи шу куни — кўчиб ўтадиган кунни зинҳор-базинҳор ўйлама деб қўйган эди, худди шу куни, дарёда шовуш бошлангани ва бутун атрофида ҳаёт қайнаган пайтда у ўзининг сўнгги бошпанасига киради, власвасага тушган кўнглига бир муштлайди-да, бу ерларга қочиб келиб, яшаб юрган кезларидаги сўнгги армони—тошқин сувларни юқоридан туриб кўради. Бу нияти қанчалик олисадай туюлган эди-я, мана ҳаш-паш дегунча шу кунлар ҳам етиб келди-я! Гуськовнинг бошқа нияти йўқ эди. Унинг назарида то ёз келгунча вақт ҳали жуда кўпдек эди, мана, ўша вақт гир этиб ўтди-кетди, мана ёз ҳам келиб қолди, хўш, энди нима қиласи? У Настена қопга солиб қўйган чоракталиқ самогонни олади ва орзузи ушалганига гувоҳ сифатида музлари кетиб, ҳайқириб оқаётган Ангарага қарайди-

да, ичади. Ичади-ю, бир ўзи кайф қиласы, қизишиб, алам за шармандаликини, ҳузур-жаловат ва орзу-умидларни, ғам-ғурбат ва құркұвларини аралаш-қуралаш қилиб юборади, аралаштиради-ю, оміхта қис-түйғулари билан юрагини жизғанак қиласы, кейин унда: мен борман, эртага нима бўлишидан қатъий назар, бугун мен борман, деган бирдан-бир оддийгина, салгина равшан әтувчи бир туйғу пайдо бўлади. У шундай бўлишини олдиндан биларди, шунинг учун шу кундан бир қўрқиб, бир хурсанд бўлиб, албатта шундай кун келади, деб номигагина ажабланиб кутарди.

Энди у онда-сонда ухларди. Сутдай ойдин кечалар уни безовта қиласы, у бекордан-бекорга қаттиқ ташвишга тушиб уйғонарди-да, қишлоғдан чиқиб кетарди. Ана шундай пайларда жароҳатланган кўкраги одатдагидан қаттиқроқ оғрий бошларди. Ой қанчалик чарақлаб турса, шунчалик безовталаниб, бўғилиб кетаверарди. У нариги дунёда нима бўлишини кўз олдига келтиради, назарida у пастигина, худди шифтга ўхшаш ясси осмонда ҳеч адo бўлмайдиган, чиқмайдиган ҳам, ботмайдиган, негадир қўтсанлаган, қимирамайдиган тўлин ойни кўраётгандай бўларди.

У одатда Ангара соҳилига борарди-да, ўтириб, беҳуда ўжарлик қилаётган музга ҳавас ва завқ билан узоқ тикиларди. Ҳатто кечаси сув яхлаганда ҳам энди муз дош беролмасди: остидан сув ялаб ўтиб, музни сурарди, сурарди, устма-уст мингашиб ётган музлар парчаланиб тўкиларди, чарсиллаб, қисирлаб дарз кетарди, муз устидаги кўлмаклар бетини қоплаган юпқа шовуш чайқалиб, қисир-қисир қиласы. Гуськов худди йиртқич ҳайвон сингари ҳар бир овозгә, ҳаётнинг ҳар нафас олишига ҳушёрлик билан қулоқ солиб, қотиб қоларди. У барча қис-түйғусини фақат бир түйғуга бўйсундириб, инсон илғаб ололмайдиган нарсани илғаб олишни ўрганди: назарida у музга тушиб турган ой нури узоқ, енгил, жарангдор куйни шошилмай, қайта-қайта чалаётганини эшитгандай бўларди. Ёки, астойдил тикилиб, устини кўкиш товланувчи муз қоплаган Ангаранинг шувиллаб оқаётган сувини кўради, ҳатто кейинги лаҳзада қаерга силжиши мумкин бўлган бирон-бир нарсани ҳам илғаб оларди. У ана шунақа тунги соатларда фақат сезги билангина яшарди, ҳеч нимани ўйламасди, сезги эса, уни тонготарга яқин яна қишлоғга бошлиб келарди, шундан кейин у уйқуга тушарди.

Қолган уйқусини у кундузи олишга ўрганганди, ўр-

моннинг бирон ерига, офтобрўяга жойлашиб оларди-да, ухлайверарди. У бир неча минут осмонга қараб ётарди, кўп ўтмай унинг ёп-ёруғ, беспоён мовий бўшлиғига қаражашдан тинкаси қуриб, ухлаб қоларди, кейин эса, соvuғ еб, оч қолиб уйғонарди-да, домангирилик билан атрофга алангларди: энди қаёққа? Бу савол мудом унинг олдидаги кўндаланг туради, кўпинча Гуськов бу саволга жавоб тополмасди-да, боши оққан томонга қараб кетарди, ишқилиб судралиб юрса бўлди эди.

Ў юриб борар экан, ҳавони ҳидлаб кўрарди, ҳар бир нарсага тикилиб қаради, атрофга алангларди, баъзан кимдан бекинаётганини ўзи ҳам билмай яширинишига ҳаракат қиларкан, ҳатто болалардан ошиб тушиб, шунчаки бирор бемаъни, хаёлий эрмак ўйлаб топарди: назарида у гўё бирорнинг кетидан изма-из бораётгандай ёки аксинча, таъқибдан қочиб қутулиб кетмоқчи бўлганда, эҳтиёткорлик билан қадам қўярди, очиқ ерларни айланиб ўтарди, арчазорга беркинарди, кейин эса, ўйнаб бўлгач, ўз устидан ўзи куларди, думбуллик билан очиқдан-очиқ, қаттиқ, аччиқ-аччиқ куларди. Бундай лаҳзаларда гўё мииси суюлиб қоларди-ю, у урушда бўлганига, одамлар орасида яшаганига ишонмай қўярди, назарида доимо мана шу хилда бир ўзи, худди иши йўқ, мажбурияти йўқ, пешонасига азалдан шунаقا битилиб, тентира бўравергандай бўларди.

Нуқул унинг овқат егиси келарди, шунинг учун атрофидаги барча нарса кўзига ўзига ўхшаб оч, ютоқкан кўринарди. Уни ҳатто юракни әзувчи, қўргошиндай ҳаво ҳам тинкасини қуритарди, бир кишиига бу ҳаво жуда ҳам кўплик қиласди. У бу ҳаводан энтикиб, нафаси тиқилиб қоларди, Гуськов ҳаддан ташқари кучаниб нафас оларкан, бор кучи ҳам тугаётганини ҳис этарди.

Май арафасида у Ангаранинг юқори қисмига чиқиб, ов қилиш мумкин бўлган жойларни айланиб келишига отланди. У керакли нарсаларнинг барини: милтиқдан ташқари болтани, ҳар эҳтимолга қарши қопни олди, тунаб қоладиган бўлса, униси ҳам, буниси ҳам керак бўлади. Айланиб келишига бир кун етмаслигини чамалаб кўрди, унинг қишлоққа яқин бирон ерда дайдиб юргиси, одамларни кўргиси келарди, қишлоққача эса, ўттиз чақиримча юриш керак эди. У қишлоққа яқин боришини аниқ билмасди, аммо боришга юраги тўқилиб турарди, қандайдир тийиб бўлмайдиган гижгижловчи муддат яқинлашиб, одамларнинг жигига тегишга, агар иложини топса, уларни ташвишга солишига қистарди. Балки уларни

безовта қилишнинг ҳожати ҳам йўқдир, шунчаки бир четда туриб уларни кўриш, одамларнинг овозйини эшишиш, нималар ҳақида гаплашаётганларини, тирикчиликлари қалайлигини билиш етарлидир, шу билан ҳувиллаб таталанаётган, безовта бўлаётган кўнгли ҳам тўлиб, ҳайтиб кетар. Рибнаяга боришга юраги дов бермади, борса, у ёрдагилар кўриб, таниб қолишлари мумкин, бунинг учун энг яхшиси биронта бегона қишлоққа боргани маъқул. Ҳеч гап бўлмайди, деб бўладими, ахир??

У эрталаб барвақт, тонг ёриша бошлаши билан йўлга тушди ва тушга қолмай Каменний сроли рўпарасидаги қирғоққа, қишида эчки овлаган ерига етпб борди. Офтобдан ва сув ялашидан юпқаланиб, кўкиш товланиб турган муз ўртасидаги орол ҳозир жуда ялангоч, хунук кўринарди, аммо Гусъковнинг имилламай, шу ондаёқ оролга боргиси келди, у ов қилиб юрган пайтида тунаған, ови бароридан келишига сабаб бўлган ўша горни деб боргиси келди. Агар у шу горда қолмаганида ишцى ўнгидан келармиди ёки келмасмиди, номаълум эди. Унга ўхшаб ўз сири ўзи билан бўлган гор уни қандай бир бошқача, зимдан имлаб чорлади, имлаганда ҳам сирлашгани имларди, бу сирни шу ерда ошкора этиш ҳам, шу ерга яшириш ҳам мумкин эди. Гусъков то ҳануз бу гор кўзимга бекиз учрагани йўқ, деб ишониб юради, мен худонинг иродаси билан бу горга дуч келдим дерди. Умуман, кейинги вақтларда ўрмонда учраган барча хилват жойлар, ҳатто энг кичик, бефойда жойлар ҳам унинг диққатини торта бошлаганди. Масалан, у тўсатдан сичқон ини олдида тўхтарди-да, унинг нимага яраб қолишини мўлжаллаб, таёғи билан титкиларди, агар чоққини чуқурча кўриниб қолса, ичига тушиб, чўнқайиб ўтиради-да, яшириниши мумкинми-йўқми, текширади: агар ичидаги сув бетида қор сузиб юрган ҳақиқий чуқурликни кўриб қолса, анчагача кетолмай, унинг тик тушган четини томоша қиласарди, чуқурлигини чамалаб кўради; у бўш турган айиқ уясини топиш орзусида ағдарилган дараҳтларнинг илдизлари остига синчиклаб қаради; у жарникларда юришни, тинчгина одим отиб кетаётисб бирдан ўзини дараҳт панасига олишини, атрофга алангашни, хилват чакалакзорга уриб кетишини хуш кўради — гўё у кўзга кўринмайдиган одам бўлиш ниятида ўзини қисмларга бўлиб-бўлиб, у ёқ-бу ёққа яширилаётгандек эди. Шунинг учун кимсасиз, ташландиқ оролдаги гор унга маъқул келиб қолганди, у қидириб, қиттак-қиттак топаётган имкониятларнинг ҳаммаси бу ерда худди кўнгилдагидек муҳайё эди.

Орол рўпарасидаги соҳил кенг, яйдоқ бўлиб, намчиллиги кетган ердён янги, ҳарир оч-яшил рангдаги барра майсалар чиқиб турарди. Ангарадан музларнинг бўғиқ торс-торс қилиб ёрилаётгани эшитиларди. Тез кунда, ҳадемай, шу яқин кунларда музлар кўчади-да, бир-бирини туртиб-суреб, пастга оқиб кетади — қасир-қусур қиласиган ана шу фурсатнинг яқин қолгани бутун атрофдан сезилиб турарди. Ҳамма нарса ана шу фурсатни сабрсизлик билан кутаётганди: гўё Ангара шовиллаб, ҳайқириб оқа бошлаши билан ёз ҳам бирдан, имилламай, бир зумда бошланади-ю, ҳамма ёқ чарақлаб, ловиллаб кетадигандай эди — буни ҳеч нима билан тўхтатиш, тутиб туриш мумкин эмас. Шундан кейиноқ қандайдир янги, бошқача кунлар бошланади. Гуськов ҳам тўсатдан ўзининг жонсарак бўлиб қолганини ҳис этди: бирон иш қилиши, қаёққадир ошиқиши, бирон нима билан шугулланиши керак эди. У наридан-бери тамадди қилиб олдида, муз устида қилқиллаб турган ҳалқобдан ҳовучлаб сув олиб ичди ва йўлига қараб кетди.

У йўл-йўлакай булдуруқни отиб олди. Унга ўқ сарфлаш ҳайф эди, албатта, аммо Гуськов кечга бориб тинкамадори қуришини, эртага эса, яна қанча йўл юриши, шунинг учун тузукроқ овқатланиб олиши кераклигини биларди.

У кундузи Ангара қайрилишидаги қишлоқни кўриб қўйган эди-ю, аммо унга яқин келмади, аксинча, орқасига қайтиб, тепалик томонга кетди, у қанчалик чарчаган, қийналган бўлмасин, нарироқ кетишга ўзини мажбур қиласиди. У кўпдан бери йиртқич ҳайвонлардан қўрқмай қўйганди, аммо одамларга ўз қорасини кўрсатишни истамасди. Шунинг учун у эрталаб уйларга қараб бораракан, тепаликларда анча наридан юриб, қишлоқни юқори томонидан айланиб ўтди.

У яна хўрозларнинг қичқиришини, ҳар бир қишлоқдан келадиган ноаниц, тушуниб, ажратиб бўлмайдиган, мужмал, ўқтин-ўқтин шангиллаб, гувуллайдиган ўша овозни эшитди. Қизик, бу ердаги хўрозлар Атамановладаги хўроздарга қараганда бошқача, ажойиб қичқириар экан, ўз қишлоғидаги хўроздар эса зўр бериб кекирдакларини йиғтарди. Бошқа район шунақа бўларкан-да. У гарбда, фронт йўлларида хўроздарнинг қичқириқларини эшитганида, ҳар сафар бу ерлардаги хўроздар Ангарадаги хўроздарга қараганда заифроқ, пишиқроқ, босиқроқ, айёроқ экан, деб кўнглидан ўтказарди, аммо

әнди билсаки, Ангарада ҳам хўроллар ҳар-жил қичқи-
паркан.

Гусъков тогдан тушгач, яйловга дуч келди, яйловнинг
юқори томонидаги ғов паст-баланд, қингир-қийшиқ бў-
либ, қайнзор оралаб кетганди. Бу ғовни хотин-халажлар
қилганга ўхшайди. Уруш даврида қилинган шекилли,
ёғочлар пала- partiш тўсилганди: баъзи ерида устуни
бўлса, баъзи ерида йўқ, шундоқ ерга қоқилган ёки да-
рахтга боғлаб қўйилган, шунинг учун қийшайиб, осилиб
ётарди, уни тузатишга ҳали қўл тегмаган чоғи. Буғдой-
ни экиб бўлгандан кейин тузатишга тўғри келади. Гусъ-
ков бўйинни чўзиз, чапга, бир чақиримми ёки ундан кўп-
роқми нарида турган чекка уй томонга қаради ва қандай
қилиб қишлоққа яқинроқ бориш ва у ерда нималар бўла-
ёттанини кўриш тўғрисида хаёл суреб қолди. У ҳам қўр-
қарди, ҳам ўзини хавф-хатарга қўйиб тавакқал қилишга,
бирон каромат кўрсатишга, ўзининг ҳам, бошқаларнинг
ҳам капалагини учиришга кўнгли жиқиллаб турарди.
Унинг баданида йиғилиб қолган ҳаром қони қизиб, но-
аниқ, телба-тескари истаклари хуруж қила бошлади. У
нимадан сабабдан ўттиз чақирим йўл босиб бу ерга келгани-
ни ўзи ҳам билмасди — ғов олдида мана шундоқ қақ-
айиб туриб-туриб, кейин қайтиб кетгани келмагандир,
ахир. Йўқ, у нима мақсадда шунча йўлдан овора бўлиб
келган бўлса, ўша нарсани топиши керак.

Нарироқда шох қисирлади, Гусъков сесканиб кетди.
Шундагина у яйловда, шумурт бутаси ортидаги катта-
катта қора ҳолли ёки аксинча, катта-катта оқ ҳолли ола
сигирни кўриб қолди. Ола-була қайнин орқасида турган
Гусъков сигир ҳам қайнинг ўхшаб ола-була бўлгани учун
уни олдин пайқамаган эди. Сигирнинг ёнида онаси син-
гари ола, ҳали ёшига етмаган, уч ойли ёки тўрт ойли
бузоқ ўтлаб юради. Иш топилганидан хурсанд бўлган
Гусъков ҳайвонларни кузата бошлади. Сигир бўйинни
чўзиз, ердан ниманидир қидирарди, ҳолбук майсалар
ҳали тузуккина чиқмаган бундай пайтда ўтга эмас, шуд-
рингга қорин тўйдиради, холос. Бузоқ буни онасидан кў-
ра яхшироқ тушунарди шекилли, онасининг спинига ёпи-
шиб, тумшуғини нуқиб-нуқиб тўйярди, бироқ сигир эм-
гани қўймасдан секин юриб, нари кетарди. Бузоқ яна
ёпишарди, шунда онаси ўгирилиб, шохсиз боши билан
бузоқни туртиб ташларди.

Гусъков бундан бир ой илгари отасини пойлаб тур-
ганида отхона қўрасидаги қулуни қандай кузатган бўл-
са, у буларни ҳам ана шунаقا диққат билан кузатди,

энди унинг кўзи яна ҳам ўткирлашган, қулоги динг бўлган эди, чамаси, бу беҳуда эмасди; у гёё бундан бўён инсон учун фойдали бўлган уй ҳайвонига иши тушмаслигини сезаётганди, шунинг учун ҳам уй ҳайвонларини соғиниб қолган Гуськов уларга қанчалик узоқ қараб турса, юраги шунчалик қаттиқ орзиқаётган эди. Бошқа жудоликларга қараганда бу муҳим бўлмаса ҳам, аммо негадир ғалати туюлиб, наша қилаётганидан, у бунга қандайдир кўнига олмаётганди.

Сигир бир бало бўлгану боласини ҳовлидан әргаштириб келган, албатта: биронта бека ҳам эмадиган бузоқни бундай маҳалда далага чиқариб юбормайди. Сигир боласини ҳар қанча сузмасин, шарталамасин, бугун у уйга сутсиз қайтади. Гуськов курсанд бўлиб кулимсиради, назарида бошқа бирор әмас, худди ўзи бузоқни уйдан қочириб юборгандай эди. Агар у келмаганида бузоқ ҳам уйда қолавериши мумкин эди. Энди, модомики қочиб келибсанми, бўш келма бузоқча, уни эмавер, эмавер, сўнгги томчисигача сўриб ол — кечқурун бекангга гап топилади.

Лекин секингина қишлоққа борадиган пайт ҳам бўлиб қолганди, қишлоқда унга ҳозирча ўзига ҳам маълум бўлмаган, аммо шуни деб келган қандайдир иш маҳтал бўлиб турган эди. Бироқ уни йўқламаган ерга кун ботгандан кейин кириб борса яхши бўлармиди, аммо у кутишни истамасди, аввалгидек юраги орзиқиб, сабри чида маётганди, бу иштиёқ борган сари безовта қилиб, ичэтини еяётганди. Гуськов ўзини ўтга урмаслигини, аҳмоқона ишлар ҳам қилмаслигини биларди, агар иш чаппасига кетгудай бўлса, қочиб бекинишга кўзи етарди. Қуруқ қўл билан уни тутиб бўпсан.

У қўра ёқалаб эҳтиёткорлик билан бораркан, тёз-тез тўхтаб, атрофга алангларди. Қўп ўтмай қишлоқ четига келиб қолди, қишлоқ кўриниши билан гармонь овози эшитилди. Гуськов шоша-пиша бугун оддий кун әмас, балки байрам — Биринчи Май эканини әслади. Уни қаранг-а: демак, байрам қилишяпти экан. Үруш кетаётган бўлса ҳам байрам қилишяпти, ўйнаб-кулишяпти, ҳу ана, қизил байроқ осиб қўйишибди, асраб қўйган гармонни топишибди, кечқурун тўда-тўда бўлишиб, уйма-уй юришади, ашула айтишади, ўйин тушишади, кўнгилларида борини чиқариб, ёзилишади, йўқ, кўриниб турибди, халқ руҳини ҳеч нима билан сўндириб бўлмас экан. Ҳозир Атамановкада ҳам ўйин-кулги қилишяпти. Гуськов гам ҳам емади, хафа ҳам бўлмади — энди нимагаям хафа

бўларди! У.қайтанга шубҳаланиб, ажабланди: байрам қилишяпти-я. Худди урушдан олдингидай, жудди уруш бўлмагандай. Улар Гусъковнинг шу яқин-ўртада тентираб юргани билан ишлари ҳам йўқ, улар учун бу ерда у йўқ.

Бузоқнинг қандай қилиб қўрадан чиқиб кетгани энди маълум бўлди. Ҳамма ўйин-кулги билан банд. Бугун майд-чуйда ишларга ҳеч ким қарамайди: одамлар байрам қилияпти. Гусъков қайрилиб орқасига қаради: ўтлаб, секин-аста қайнзорга қараб кетаётган сигир боя Гусъков турган ердан сал нарида эди. У нарироққа юрди, ногаҳон миясига даҳшатли бир фикр келди-да, яна орқасига ўгирилиб, бузоққа тикилди. Бузоқ, худди бир нима чаққандек ёки туртгандек, тепинди-да, шаталоқ отиб, ўзини бир томонга олди ва кўп ўтмай тинчиб, эринчоқлик билан думини силкитди. Гусъков ўгирилиб энди қишлоққа қаради — яйловга олиб келадиган йўл кимсасиз эди, шунинг учун у шартта орқасига қайтди.

Қуёш баланд кўтарилиган эди, жазирама мусаффо ҳавода қуёшдан таралиб, борлиқни тўлдираётган енгил, шодиёна наво янграрди. Қишлоқ кўздан гойиб бўлиши билан гармонь овози ҳам тинди-да, барча товушлар бирбирига қўшилиб, кенг, бепоён, чексиз оқимга айланиб кетди. Гусъков ўзини тийишга уриниб, ошиб ўтмоқчи бўлган ғов олдида биррас турив қолди, яна бир оз қулоқ солиб, атрофига кўз югуртириди ва шоша-пиша, айни пайтда эс-ҳушини йигиштириб олишдан қўрқиб, паст ғовдан ошиб ўтди. Гусъков йўл-йўлакай қуруқ хипчин топиб олди-да, пастлиқдан юриб, сигирнинг орқа томонидан борди, сигир уни пайқаб, бошини бурди ва каттакатта шилпиқ кўзларини унга тикди, сигирнинг кўзлари шунчалик шилпиқ, маъсум әдикни, ҳатто Гусъковнинг кўзларига ёш келди. У сигирни хипчин билан уриб, ғовнинг тоғ томонга қараган тешигига ҳайдади, сигир итоат қилиб йўлга тушди. Бузоқ — калта-калта тўмтоқ шохли новвосча онасиning пинжига тиқилди. Аммо сигир қўрадан чиққач, тўсатдан ўзини чапга, қишлоққа қараб урди, яхши ҳамки сигир қайнзорда тез чополмади, Гусъков уни қайтаришга улгурди. Сигир тўхтаб, жонжахди билан маъради, новвосча ўзини у ёқдан-бу ёққа ура бошлади, шундан кейин Гусъков ташвишланиб, баттар шошилди.

Гусъков сигир билан бузоқни эрталаб ўзи тушиб келган сой томонга ҳайдади. Андрей у ерда, хилват жойда бугун ҳеч кимни учратмаслигини биларди. Аммо сигир

худди шу томонга қараб юришни сира истамасди, у одамдан қутулиб, орқага қайтиш учун ўзини гоҳ ўнгга, гоҳ чапга уради: новвосча ҳам иш чатоқлигини сезиб, онасидан қолмасди. Сигир оғир-оғир нафас оларкан, йкки бицини чиқиб кетар, лабларидан сўлак оқар эди. Гуськов ҳам ҳансира қолди, елкасидаги милтиги халақит бераверганидан уни қўлига олди. Бу уч тирик жон ўрмонда ярим соатдан бери у ёқдан-бу ёққа югуради-ю, аммо сой ҳали олис эди.

Бир-бирини алдашга уриниб, ҳар тўхтаганида сигир билан инсон бир-бирига нафрат билан қаарди: сигир ҳорғин маърарди, унинг оқ холларидан тер сиза бошлагани кўринди.

Обдан тинкаси қуриган Гуськов бошқача йўл тутиши кераклигини тушуниб қолди. У белидан камарини ечиб олди-да, сигирни ўз ҳолига қўйиб, новвосча кетидан писиб кела бошлади. Бу ишни қишлоқдан олисроқда қилса яхши бўларди, албатта, аммо унинг бошқа иложи йўқ эди. Лекин новвосча ҳам тутқич бермади, охирги дақиқа шаталоқ отиб қочиб қолди. Гуськов камар ҳалқани бузоққа ташлаб, кетидан сакради, лекин улгурмади. Унинг жони ҳиқилдоғига келди, у чўзилиб кетган бу аҳмоқона овни биратўла тугатиб қўя қолиш учун милтиқ тепкиси-ни босишга ҳам тайёр эди-ю, аммо ўзини сездириб қўйишдан қўрқиб, бу шаштидан қайтди.

Ҳарқалай омади келди: ниҳоят, у новвосчани чакалакзорга ҳайдаб кирди, новвосча буталар орасида тиқилиб қолганида Гуськов камарини унинг бўйнига ташлади. Новвосча чўккалаб қолди, иргиб ўрнидан турди-да, сакради, чиқиб кетиш учун ўзини у ёқ-бу ёққа урди, аммо одам бундай пайтда қандай иш тутишини билади: Андрей иккинчи қўли билан бузоқнинг думидан ушлаб, буталар орасидан сургаб чиқди. Новвосча азбаройи қўрққанидан бўкириб юборди. Одам уни ўзига келишга қўймай, югуртириб сой томонга судраб кетди. Сигир маърарди, боласининг кетидан югорди. Новвосча энди аянчли маърарди, маҳкам қисилган томоғидан миёвлашга ўхшаш хириллаган, бўғиқ овоз чиқарди.

Гуськов нафасини ростлаш учун сой олдида тўхтади, у жуда ҳансира қолганди. У бузоқни тоғтерак ниҳолига боғлади-да, сигирни ҳайдаб юборишга уринди, аммо сигир кетмади, у саъ нарига қочарди-да, тўхтарди, кейин Гуськов бир неча қадам нари кетиши билан сигир яна боласи олдига келиб уни ҳидлар, ялар ва ҳозир ҳам ғанимат, камарни узиб қочиб қолиш керак, деб уни йўлга сола-

ётгандай боши билан туртарди. Онаси қүрқа-писа әрка-лаётганча дилдираб турарди: уринаверіб ҳолдан тойган, тинкаси қуриганди, эси чиқиб кетганди, ҳеч нимани англамасди, сезмасди — у бутунлай адоу тамом бўлганди.

Гуськов нағасини ростлаб олгач, яна бузоқни ечиб, судраб кетди. У муз сигирни тўхтатиб қолса деган умидда сойдан ўтиб кетмоқчи бўлди, йўқ, бундай бўлмади: сигир заррача ўйламай, улар кетидан музга тушди, оёқлари сирпанди — унинг олдинги оёқлари икки томонга уқувсизлик билан йирилиб кетиб йиқилиб тушди, туришга кўп уринди-ю, туролмади, шундан кейин тиззалари сурилди, сурилди әмас, нариги қирғоққа сирғаниб борди. Гуськов яқин йўлатмай унга қўндоқ билан ўқталди, сигир жон-жаҳди билан олдинга ташланиб, қирғоққа чиқиб олди.

Энди Андрей қишлоқдан кам деганда уч чақиримча олисда эди. Гуськов ҳар эҳтимолга қарши бузоқни яна пича тоққа қараб судради, қуруқроқ, аммо панароқ жой топди-да, новвосчани яна дараҳтга боғлади. Сигир нарида туриб, инсоннинг ҳар бир ҳаракатини кузатар эди. Ногаҳон Гуськов тувақиб, белидан болтани суғуриб олдида, сигирга қараб югуриб қолди. Сигир пишиллаб оқсаб, оёқлари чалишиб, шоҳларни синдириб қочди, аммо Гуськов тўхташи билан у ҳам тўхтади. Сигирдан қутулишининг сира иложи йўқ эди. Одам қайтиб келиб бузоқнинг ётганини кўрди, у шунчалик ҳолдан кетган эдикни, ҳатто сёғида тура олмаганди. У қўрқиб, яқинлашиб келаётган одамга бошини бурди, одам болта муҳраси билан унинг пешонасига шундай тез ва аниқ туширдики, бузоқ хиёл «ҳим»лади-ю, боши шилқ этиб тушиб, тасмада осилиб қолди. Худди шу лаҳзада орқадан сигир бўкирди. Бутунлай қутуриб кетган Гуськов сигирни ҳам тинчитиш мақсадида унга қараб юрди, аммо сигирнинг ундан қочмаётганини кўриб, тўхтади. Бугун биттасини ўлдиргани ҳам етар унга, йўқса тиқилиб ўлиши мумкин.

У бузоқ терисини шилаётган пайтда сигир турган ерида одамдан кўзини узмас, ўз навбатида у ҳам одамии чўчиб кузатишига мажбур этар ва аҳён-аҳён заиф, аянчли маърарди. Буғи чиқиб турган, униб-учиб қўяётган гўйтдан Гуськовнинг кўнгли беҳузур бўлди. У бузоқнинг иаки сонини, яна бир парча даҳм жойидан кесиб олди-да, ҳаммасини қолга тиқди, қолганини эса, айиққа ўхшаб, бултурги хазон ичига кўмди ва устидан эски-тускиларни ташлаб қўйди. Гуськов кетиш олдидан сигирга сўнгги марта қаради. Сигир бошини сал энгаштириб, боягидай

қимирламай тикилиб турарди, у сигирнинг кўзлари даҳшат билан боқиб турганини кўрди, бу сигирнинг дўқиўиниси бўлмай, қандайдир бошқача, шу яқин орада юз берадиган фалокат эди. Гуськов жўнашга шошилди.

Гуськов қайтиб келаётib, Камений ороли рўпарасидаги ўрмонда тунади. Бу жой негадир Гуськовнинг юрагини жиғиллатиб, шу томонга тортиб турарди; кечга бориб Гуськов рамақдажон бўлиб қолди-да, бир амаллаб судралиб, бу ерга етиб олди. У ярим кечада Ангара томондан эшитилаётган муттасил гувиллашдан уйгониб кетди: музлар ёрилаётганди. Гуськов ҳайрон ҳам бўлмади, хурсанд ҳам: қопда ётган манави нарса гўё унинг эконини суғуриб олгандек эди. У ҳозир ҳам фақат гўшт деб бузоқни ўлдирдими ёки бу ерларга келганидан бери кўнглига маҳкам тугиб қўйган бирон-бир мақсадда шундай қилдими, ўзи ҳам билмасди.

Юқори оқимдаги қишлоққа кўчиб ўтган Гуськов бир ҳафтадан кейин бир куни туш пайтида Атамановка томондан тез-тез узилаётган пала-партиш ўқ овөзларини эшилди. У уруш тугаганини тушунди.

16

Уруш тугади.

Кардадан чопар келди-ю, шу сўзларни қичқириб айтиб, узоқ кутилган хушхабарни бутун қишлоққа етказди. Кейин қишлоқ тўс-тўполонга тушиб қолди.

Биринчи бўлиб, одатдагидек, Нестор милтиғига ёпишиди, унга бошқалар ҳам қўшилди — қасира-қусир бошланди, Атамановка бино бўлиб бунақасини кўрмаганди; хотин-халажлар бир-бирларига ёпишиб, шангиллар, ув тортиб йиғлашар, бир лаҳзадаёқ сабр-тоқатлари тугаб, юракларидағи қувончлари, дард-аламларини одамларга тўкиб солардилар, болалар шу пайтгача бошларидан кечирганларига қараганда анча катта бўлган бу янгиликни ичларига сиғдира олмай гангиб қолиб, у ёқдан-бу ёққа ютураб, бирининг кетидан бири келар, бу хушхабарга экавобан нима қилишни, уни қаёққа етказишни билмасилилар. Аммо шу пайтгача унча-мунча нарсага парво силмайдиган катталар ҳам бу сафар ўзларини тутолмай, сағиб қолган эдилар. Даствабки дақиқаларда йиғлаб-сиккташган, қучоқлашишган, бир-бирларини силкитишган ҳамлар, гўё баҳтга бардош беролмаётгандек, эс-ҳушиларидан айрилиб, бекордан-бекорга у ёқдан-бу ёққа юри-

шарди, тарқалиб кетишарди, яна түпланишарди, нимагадир, қандайдир команда берилишини кутишарди. Қаёқдандир Нестор етиб келиб, байроқлар осишини буорди. Гарчи Нестор бир ой бурун ўзининг раислик ўрнини Максим Вологжинга бўшатиб берган, энди ҳеч қандай амал бўлмаса ҳам, аммо одамлар унга бўйсуниб, қизил мато қидиришга тушиб қолган эдилар. Бирор топди, бирор йўқ, аммо қишлоқ баҳоли қудрат ясатилди, одамлар йиллар бўйи асраб келган яхши кийимларини топиб кийдилар, болалар у ер-бу ерга — дарвозалар, уйлар устига ўзлари ясаган байроқчаларни осиб қўйдилар. Агафья Сомова ўтган йили кузда ҳалок бўлган ўғлидан қолган, аммо ҳали яхши, ўнгмаган қизил кўйлакни ходага боғлаб қўйди; отини елдириб келган Нестор унга ечиб ол, деб бақирди, аммо Агафья эшитишни ҳам истамади, ўзи йўқлигига ечиб олмасликлари учун эшик олдидা пойлаб турди.

Эрталаб хўмрайиб турган ҳаво ҳам очилиб кетди: осмондаги булутлар тарқади, қуёш чарақлаб, ердаги барча нарсани оромбахш, хуррам нури билан мунааввар этиб қиздира бошлади.

Қишлоқдан варанглаб ўқ овозлари эшитилганда Настена Доно Василиса билан бирга яқиндаги сайхонликда олдинма-кетин қўш солиб, нўхатлик ерни ҳайдайтганди. Доно Василиса биринчи бўлиб нима гаплигини пайқадида, шоша-пиша отларни қўшдан чиқара бошлади, унинг кетидан Настена ҳам отларни чиқарди. Улар Атамановка айни қозондай қайнаб турган бир пайтда отларини елдириб келиб қолишиди. Тутақиб кетган, ҳарсиллаётган Настена отларни дарвоза олдидা қўйиб юборди, югуриб келиб уйга ўқдай отилиб кирди-да, қарияларнинг капалагини учириб юборди: скамейкада ўтирган Семёновна қўрқиб, унга пешвоз турди, дераза олдидা турган Михеич кескин ўгирилди — бу хушхабардан ҳаяжонга тушган қариялар, бошқа хабарни кутишаётганди. Остона олдидадеёқ Настенанинг нафаси ичига тушиб кетди: у қаёққа югуряпти, уларга нима демоқчи ўзи?

— Ўқ узишаётгандарини эшитиб қолдик, — деб тушунтира бошлади у, шундоқ ҳам маълум бўлган нарсани. Кейин зўрга, таваккалига, гўё бирор гапини бўлиб қўйгандек тугатди: — Фаҳмлаб қолдик.

— Эй худойим! — деб илтижо қилди Семёновна ва бутга қараб чўқиниб қўйди. — Наҳотки, шундай кунлайга ҳам етган бўлшак-а? Энди Андюшкамиз каейдалигини айтишай, ахий?

— Айтишади, кампир, айтишади,— деди Михеич, секингина Настенага қараб қўйиб.

— Энди ҳаммашини уй-уйига... оналайи, хотинлайи олдига жавоб бейиб юбойишади...

— Бирдан ҳаммага жавоб бериб бўлмайди.

— Нега бўлмайди?

— Нега эмиш... Ким билади нима бўлишини. Қўшинсиз қолиб бўлмайди.

— Анави уюшда ҳеч ким омонлик-сомонлик деб эълон қилмаганди,— деди Семёновна бир оз жим тургач, эслаб.— Тугаган-тугамаганлигини ҳеч ким билмовди... Гейманлайни ташлаб ўзайо бўгишишганда, э, ундан ҳам баттай эди. Мундоқ тинчлик куннинг ўзи йўқ эди. Коммуна деб уюшиши, колхоз деб уюшиши. Бийон кун тинчлик йўқ эди ўжи.

Настена ён томондан хонасига ўтди-да, кийимини алмаштирди. Унинг ўша даладаёқ тօғдай кўтарилиган, шодликка тўлган кўнгли ҳовлиқиб, одамлар ичига ундарди, аммо нимадир уни шаштидан қайтариб, бу сенинг куннинг эмас, бу сенинг ғалабанг эмас, ғалабага сенинг ҳеч қандай алоқанг йўқ, деб писанда қилиб турарди. Ҳамма-ҳамманинг алоқаси бор-у, битта Настенанинг алоқаси йўқ. Настена ўзини қаёққа уришини билмай, каравотнинг четига ёнбошлиди ва одатдагидек қорнини сийпалади, аммо меҳри товланиб эмас, балки довдираф, хаёли қочиб сийпалади — қўли шунчаки ўз ўрнини топдида, жим бўлиб қолди. Кўчадан шовқин-сурон эшитиларди, кимдир тасира-тусир от чоптириб ўтди, бир нотаниш эркакча овоз дона-дона қилиб хиргойи қилди:

Пўлат отларда биз

Бутун далани кезамиз —

Ҳам ҳайдаб, ҳам экиб, йигамиз — қолмас хору
хас.

Настена сакраб туриб, деразадан қаради: наҳотки, битта-яримта бугун урушдан қайтиб келган бўлса? Кўча ўртасида, болалар қуршовида Настенага нотаниш бир новча, қотма, фуфайкасининг олди очиқ, бош яланг мужик оёқлари чалишиб кетиб бораради. Настена меҳмонхонада Михеичнинг Семёновнага шундай деб тушунтираётганини эшитиб қолди:

— Кардадан... хабар олиб келган шу-да. Одамлар суюниб, нақ бурнидан чиққунча ичирибди. Ўзи ҳам нағсини тиймабди, йўқ... кўрап кун бор экан-ку...

— О-о-дам-лар! — ҳалиги мужик ўзини тутиб туриш учун қўлларини икки томонга ёзиб тўхтаркан, тўсатдан қиқчириди. — Ҳамманглар намо-йиш-га чиқинглар! Гитлер капут! — у охирги сўзга монанд болохонадор қилиб сўкинди ва гўё бақиришдан қутулгандай, бошини чайқаб, гандираклади-да ашуласини давом эттириди:

Қадамимиз мусти маҳкам,
Хеч қачон душман ҳам,
Республикамида сайр этолмас.

Бу мужикниң бақириши ҳам, бугунги кунга ярашмайдиган, вақти ўтган ашуласи ҳам Настенаниң юрагини баттар тилка-пора қилди; унинг ёниб, зирқираётган, изтиробга тўла юраги ўз хатосини тўсатдан пайқаб, қаёқ-қадир талпинарди, қафасдаги қушдай типирларди. Настена гов олдига борди ва бошини тўсиқ орасидан чиқарib, кўччаниң юқори чеккасида бирор юрганини пайқади, аммо юрган одам ким экан, деб қараб ўтирумади-да, орқасига, уйга қайтди. У бирров Андрейни эслади-ю, тўсатдан жаҳли чиқиб кетди: ҳа, ўшаниң касофатидан Настена эл қатори ғалаба нашъасини суришга ҳақи йўқ. Кейин Настена агар у урушниң тугаганини эшитса, юраги баттар сиқилишини — ўзини ўйлаб юраги сиқилишини кўнглидан ўтказди ва дарҳол ҳушини йиғиб олди, шаҳдидан тушди, лекин ҳарқалай у алам билан афсусланниб, эрига ачинди, кейин бирдан бирга бўлиш учун унинг олдига боргиси келиб қолди. Улар бугун бирга бўлиши керак, албатта: эр-хотин қўш ҳўқиз, барча одамлардан, уларниң оламшумул байрамларидан икковигина бир четда қолибди. «Ҳеч ҳам четда эмасман-да,— деди у хафа бўларкан, ўзининг тарафини олиб ва ўзини одамлар ичида тасаввур қилиб.— Нима, мен уруш йилларида ишламабманми, ҳаракат қилмабманми? Шундай кун келиши учун бошқаларга қараганда кам тер тўкибманми? Мана, ҳозир шартта боравераман-да. Боравераман». У ўрнидан жилмай тураркан, ўзини ўзи ундарди, гўё у бирорниң ўрнидан турғазиб, одамлар ичига жўнатиш учун қаттиқ туртиб юборишини кутаётгандай әди.

Чиндан ҳам унинг кутгани бўлди. Отнинг дўпирдўпир, дераза остида так-таклаган овоз эшитилди, ҳамон аввалгидек тиниб-тинчимайдиган, гулдур Нестор эгардан осилиб, ойнани қаттиқ-қаттиқ тақиллатди-да, жон-жаҳди билан бақириди:

— Ҳой, тирикмисанлар, ўлиkmисанлар? Ҳамма қироатхонага, мажлисга! Йигилиш-мажлис-нишонлашга! Михеич! Қаёқdasan! Настена!

— Ҳов, сал секинроқ,— деди Михеич, шошилмасдан дераза олдига келар әкан.— Намунча бақирасан?

— Йигилиш-мажлис-нишонлашга. Галаба муносабати билан. Шошилинч буйруқ бор. Ниманг бору ниманг йўқ — ҳаммасини ўзларинг билан қироатхонага олиб боринглар. Тўкмага. Тарасундан олиб бор, Михеич, аяма. Тарасундан олиб бор деялман сенга, тушундингми?

— Тушундим, тушундим,— деб тўнгиллади Михеич.— Сенга тарасун бўлса бас. Бошқа ҳеч нима керак эмасми? Нуқул ичкилик бўлса сенга.

Аммо Нестор энди унинг гапини эшита олмасди, у аллақачон отини елдириб кетганди.

— Вой, яйамаш-ей,— Семёновна чўчиб, томогини тақиллатар әкан, бошини чайқаб қўйди.— Улай, Агаповлайнинг ҳаммашиям жай шолишни яхши кўяди, аммо манавиниси гийт тентак.

— Борақол, Настена,— деди Михеич, осилган мўйловини қимирлатиб ғамгин, хаёл суриб жилмаяркан.— Тарасун ҳам бор. Бора қол,— деди у яна бошини қўтариб дадилроқ.— Мен ҳам кейинроқ бораман. Бугун уйда ўтириш гуноҳ. Тарасун бўлса, ертўлада, ўнг қўлдаги тахта орқасида, ола қол. Бир байрам қилишсин. Сен ҳам байрам қил. Борақол.

— Тайашунни-ку бериб юбояншан, Андюшка келша, нима қилашан?— деб гапга аралашиб Семёновна.

— Андрюшка келса— тоғамиз. У қачон келади ўқачон йўқ? Бунақа кун бошқа қайтиб келмайди. Бор, Настена, ола қол!

Бу урушдан олдин буғдой яхши бўлган йилларда тайёрланган оддий самогон эди, аммо уни бу ерларда қадимдан бурятча сўз билан «тарасун» деб аташарди. Настена самогоннинг қаерда туришини биларди: у эрта баҳорда картошқа олаётib, ердан худди пиликка ўхшаб чиқиб турган тиқинни кўриб қолиб, пайпаслаб чирпит кўмиб қўйилганини пайқаган эди. Чирпитни ундан, Настенадан ҳам, бошқа бирордан ҳам яшириб қўйишмаганди албатта, шунчаки то вакт-соат келгунча қўзга ташланиб, бекорга киши нафсини койитмасин деб яшириб қўйишганди. Кейинчалик Настена чирпитдан чоракталик шишишага куйиб олиб, Андрейнинг қопига тиқишитирган эди: наричин билан бир-инки соат эрини овутади, далда беради,

кўзини жимиirlашириади. Ахир у бу ғам-ғурбат, кулфатлардан бошини қаёққа урсин-у, қандай қилиб ўзини чалғитсин? Уззукун ёлғиз. Ҳафталар, ойлар мобайнода якка ўзи. Настена эса, мана, ҳозир эл ичига боради. Нима, боришга ҳаққи йўқми? Ахир қўл қовуштириб тургани йўқ-ку, бунинг ҳам меҳнати сингган!

Семёновна ҳар қалай айтганини қилдирди; тўла бўлмаган чирпитдан ярмини банкага қуийиб, яшириб қўйишиди, қолган ярмини эса, чирпитда кўтариб бориб, уялиб қолмаслик учун Настена уни бидончага афдарди. Настена бидончани кўтариб кўчага чиқди-да, тўхтади, сал дадилланиб, худди кампирлар сингари секингина кўчанинг у томонига ҳам, бу томонига ҳам қаради.

Кўча кўпдан бери бунчалик гала-ғовур бўлмаганди. Қироатхона қишлоқ ўртасида, Гусъковларнинг уйидан уч ҳозми нарида эди, ўша ердан қаттиқ-қаттиқ ҳовлиқан овозлар эшитилиб турар, тутун буралар эди. Одамларнинг тўс-тўполонга тушиб қолганини кўрган итлар қутуриб, у ёқдан-бу ёққа югуриб акиллар эди, хўрзлар қанотини қоқиб қичқираарди, товуқлар қақағларди, чўчқа болалари чинилларди, эшиклар тарақлаб очилиб-ёпиларди, кўча эшиклар гижирларди, тўда-тўда бўлиб югуриб юрган болалар дупур-дупур қиласарди. Аммо бу беҳуда тўполон, қий-чувлардан ташқари яна қандайдир бир ўзгача ёқимли, тиниқ, шодиёна, Настенага яхши таниш бўлган, аммо унунтилганни ёки ҳеч ким эътибор бермай қўйганни, бир овоз жаранглаб, турланиб ёйилаётган эди. Настена бу овоз қаёқдан келаётганини қидириб, бошини кўтарди — сарой томида учта қалдирғоч қатор бўлиб ўтирас ва вижир-вижир қилиб, шўх-шўх сайрап эди. Булар ҳам вақтида учиб келибди. Билганини қаранг; кеча ҳам эмас, эртага ҳам эмас, айнан бугун-а. Жониворлар, учиб келибди, ёзни ўтказиш, ин қуриб, тухум босиш, бола очиш учун ўз ватанларига қайтиб келибди. Мана, тинчлигига раҳна солинган жонажон ерларда осойишта ҳаёт ҳам бошланяпти, бу дабдала қилинган, алғов-далғов бўлган, аламдийда ҳаёт бўлса-да, чиндан ҳам омонлик-сомонликдир энди. Кишининг ишонгиси келмайди: юракларни қон-зардоб, ваҳима босиб қолганидан бундай осойиш ҳаёт одамларнинг эсидан чиқиб кетган экан. Қалдирғочлар вижир-вижир қиляпти, нималарнидир ваъда қилиб, нимадандир миннатдор бўлиб, ўзларининг нозик биллур жомларини чаляпти, аммо анави хабарни, уруш тугаганини эса, билмаса ҳам керак. Эҳтимол, билар ҳам, эҳтимол, одамлар овозимизни эшитиб, бошларини кўтариб қара-

син-у, тамом, бугун барча қайғу-ҳасрат битганлигини түшүнсін, деб атайлаб шошилиб учиб келгандир.

Шу пайтдан бошлаб, Настена юраги сув бўлиб, эриб кетаётгандек ҳис этди ўзини. Уни қандайдир қувончли, бемаъни ҳорғинлик, қандайдир ҳузур-ҳаловат, кўринган нарсадан таажжубланиш, ҳатто шу қалдиргочлардан ҳам ҳайратланиш туйгуси, ҳаммасидан ҳам кўпроқ — ўзини бошқалардан кам әмаслигини ва ҳеч нимадан қўрқмаслигини кўрсатиб қўйиш истаги вужудини қамраб олди.

Иннакентий Ивановичнинг беш қанотли, томи тик, баланд, кўркам уйи шундоққина қироатхона ёнида эди, ўзининг ярмида қариялар — Иннакентий Иванович билан кампири Домна, иккинчи ярмида эса асрандилари Васька (уларнинг ўз болалари йўқ эди) туради, ўзининг Васька турган қисми улғайиб қолган Васькани фронтга олиб кетилгандан бўён, икки баҳордан бери бўш эди. Уй бўш турса ҳам, кўриниши аввалгидек бўлиб, вақтида олов ёқилиб, қараб туриларди, дераза токчаларида гул ўстирилган туваклар туради, деразаларнинг икки ёнида эса, пардалар кўзга ташланарди. Ҳозир қариялар ўзининг қайси қисмida туришини ҳам билиш қийин эди: Иннакентий Иванович ўзига тўқ турса ҳам, ейиш-ичишдан кам бўлмаса ҳам, беш-ўнта одамни кутишга қурби етса ҳам, меҳмон кутишга унинг ҳуши йўқ эди, шунинг учун бўлса керак, одамлар униқига камдан-кам кирди-чиқди қиласиди. У ҳамиша ҳам ўзига тўқ эди. У мана шунаقا фаровон ҳаёт учун туғилганди: худди баланд бўйли, норғул кишига ёш боланинг кийими тўғри келмагани сингари, унга ҳам бошқача ҳаёт тўғри келмасди.

Настена ўтиб кетаётганида дарвоза лўқидони шарақлади-ю, дарвоза кенг очилиб, Иннакентий Иванович кўринди. У анча яшарган, ясаниб олган эди, тўқ кўк френчининг катта-катта металл тугмалари ялтиради, френчи остидан бўйнида ёнёқаси кўриниб туради, шими ҳам худди шунаقا тўқ кўк бўлиб, сал уринган, аммо ҳали бақувват, почаси яхши, ёш сигир терисидан тикилган, қатрон билан қалин мойланганидан хушбўй ҳид келиб турган этиги қўнжига тиқилган эди. Настена Иннакентий Ивановични худди ўз қариндошидай кўриб севиниб кетди-да, унинг башанглигига ҳаваси келиб жилмайиб, унга томон бир неча қадам босди.

— Иннакентий Иванович, шу кунларга ҳам етиб келдик-а! — деб қичқирди у.

— Ҳа, етиб келдик,— деб сиполик билан жавоб берди у ва сўради:— Сеникidan ҳеч қандай хат-хабар йўқми?

— Йўқ,— Настена хахолаб унинг кўзига тик қарап-кан, жавоб берди.— Йўқ, Иннакентий Иванович. Ҳеч ҳанақа хат-хабар йўқ.

Настена ўйлаб турди-да, кейин қўшиб қўйди:

— Унинг қаердалигини балки сен биларсан, айта қол?

Иннакентий Иванович ўзини орқага ташлади.

— Мен қаёқдан билай?— деб таажжубланди у.— Сен, хотин, қаёқдаги куракда турмайдиган гапларни гапиран-сан-а.

— Бирон нимани билсанг — айтавер, Иннакентий Иванович, яширма,— деб яна қўшиб қўйди у ҳамон ўшандайича шубҳали хахолаб.— Агар бирон нимани билсам — сенга айтаман. Бундан хотиринг жам бўлсин, Иннакентий Иванович.

Қироатхона жойлашган ҳовлида оловлар ёқилиб, икки катта қозонда шўрва қайнаб турарди. Артелнинг янги раиси Максим Вологжин ғалаба муносабати билан колхоз қўйидан сўйдиртирган экан. Ғўлалар устига жойлашиб олган хотин-халажлар картошка артарди. Ҳовлига одам тиқилиб кетганди: бутун қишлоқ шу ерда эди. Бино ичига бир қатор стол қўйилиб, устини ким нима олиб келган бўлса, шу билан ясатилганди. Оз-оздан бўлса ҳам талай нарса йигилганди: чуқур товоқларда карам, бодринг, хурмачаларда сузма, тарак, янги тутилган балиқ, қирилган турп, калач нонлар, булка нонлар, тухум, шумурт солинган яримта пирог — ҳеч ким ҳеч нимасини аямай, бор топган-тутганини кўтариб келган эди. Борди-ю, олиб келинган ичимлик етмай қолса, қўйиб ўтиришга яраб қолади, деб майдароқ болалардан бир гуруҳини қайин шарбатидан олиб келишга жўнатилганди; улардан тикроқ бир гуруҳ болалар Ангара лабида балиқ тутиб ўтиради. Тутилган ҳар бир елимбалиқ, тошибош, ҳаммадан ҳам хариус дегани шу заҳоти тириклигича келтириб столга қўйиларди, балиқчалар сакраб-сакраб гоҳ идишлар ичига, гоҳ полга тушарди. Деразалар ланг очиб қўйилганди, дераза токчасидаги патефон овози борича бақириб ашула айтарди, унинг ёнида Надъканинг Лидкаси патефон зеҳига кўксини босиб тик турарди. Надъка ҳам картошка артаётганди. Настена унинг олдига келди-да, чўнқайиб ўтиради ва Надъканинг қўлидан ушлади.

— Шу кунларга етганимиз ростмикин-а, Надъка?— деб кўзлари ёш овлаб турган Настена тантиқланиб сўради. Надъка жавоб бермай кўзларини олиб қочди.

Настена Лиза Вологжинани топиб, уни құчоқлади.

— Қалайсан, Настена, қалайсан,— деди қозон олдида оловдан құзлари қизарған Лиза Настенага ўғирилар экан, хотиржамлик билан.— Хурсандмисан ишқилиб?

— Хурсандман.

— Андрейингни кутяпсанми?

— Кутяпман.

Настена одамлар олдида Максимнинг бўйнидан маҳкам құчоқлади-да, ўпиб олди, гангиб қолган, мамнун бўлган Максим:

— Яна ким? Лиза ийиб турганида келиб қолинглар,— деб қичқирди.

— Ийишимни кўрсатиб қўяман сенга!— деди Лиза ярим ҳазил, ярим чин қилиб.— Мен фақат Настенага индамадим-да. Шунда ҳам то Андрей келгунча дедим, аммо бошқалар тўғрисида оғиз оча кўрма.

Настена овози титраб, ялтоқланиб одамлар орасига суқилиб кирап, сал хижолат чекиб, гуноқкорлардай жилмаяр ёки ҳудди эси пастрлардек ҳихилаб, сўрабми ёки эслатибми: «Шундай кунга етдикми, а?» деб шивирлар эди. У бундан ортиқ ҳеч нима дея олмас эди. Лекин бугун ҳаммаси айни муддао эди. У бирорни қўлтиқлар, бўшқалар эса, уни құчоқлар эди, у кўз ёши қиласарди, унга жавобан бошқалар ҳам кўз ёши тўкар эди; агар қулгудек бўлса, бошқалар унга қўшиларди. Настена ахён-ахёндагина юз берадиган руҳий ҳасталикдан лол бўлиб, эси киравличиқарли бўлиб қолган эди. Унинг гоҳ йиғлаб-сиқташга, гоҳ шарақлаб кулишга, гоҳ гул-гул очилишга, гоҳ даҳшат ва қўрқувга соловчи oddий, тушунарли, зўр талаб, умри югуриб-елиш билан ўтадиган ҳаётга кўнишиб қолган, бугун эса, умуман, гангиб, безиллаб қолган ҳис-туйғулари унга бўйсунмай қўйган эди. Шунинг учун одатда вазмин, кейинги вақтларда жуда эҳтиёткор бўлиб қолган, фақат жавоб беришни билиб, савол беришдан ўзини олиб қочиб юрадиган Настена дил амрига қулоқ солиб, у бошлаган ерга келди. Бир оздан кейин у хотин-қизларга ёрдам беришга ақли етмаёт, тайёрига айёр бўлиб қолганидан ўзини ўнғайсиз сеза бошлади. Унинг назарида, бугунги кун одамлар билан бирга бўладиган охирги кун эди, эртага эса, бир ўзи, кишини ютиб юборадиган жимжит зулмат ичиди танҳо қоларди.

Ҳамма столга ўтирди. Максим Вологжин фронтовик сифатида ҳам, раис сифатида ҳам тўрга чиқди. Унинг бир томонига Нестор жойлашди, албатта, бошқа томонига эса, Кардадан келган чопар — ахён-ахёнда кўзла,

рини юмиб, қалқиб кетаётган, аммо яна силкиб-силкиб бошини күтараётган киши жойлашди. Максим медалларини жиринглатиб, ўридан турди.

— Қадрдонлар! — деб у ингичка, худди ичиде туриб қолган бир овозда гап бошлади, ҳамма сув сепгандек жим бўлиб қолди. — Қадрдонлар! Мен гапга чечан эмасман, ҳозир бошқа бировнинг гапини эшитсанк бўларди. Қолаверса, нимани ҳам гапираман! Галаба қозонгандан кейин нимани ҳам гапиради киши! Бундай кунда айтиладиган гап ҳали ўйлаб топилганича йўқ. Бардош бердик, ёпирилиб бордик, йиртқич ҳайвоннинг, лаънати Гитлернинг умуртқасини синдиридик. Мен у ерда бўлганман, нималар бўлганини биламан. Юрагинг тошиб кетади... — Максим кўкрагани тўлдириб нафас олди ва титраб нафасини чиқарди. — Ҳаммангиз биласиз. Ҳозир менинг барча ўртоқларим, омон қолган жангчиларнинг ҳаммаси бундан буёнги ҳаётимизни изга солиш учун уйига ошиқяпти. Кўрган талафотимиз кўп. Уруш бўлган жойларда ерлар қабрлардан дўмпайиб кетган. Ер кўпайди-ю, аммо ишлайдиган одам кам. Нимасини ҳам гапирай?! Агар сизлар, бу ерда қолганлар бўлмаганларингизда, биз сира-сира бардош беролмаган бўлардик. Чунки мужик жанг қиласди, аёл эса, уни едириб-кийдидиради, мужик қаҳру ғазаб билан душманга ташланади, аёл эса, мужикнинг юраги тош бўлиб кетмаслиги учун минг чақирим беридан туриб, ўзи, оиласи биргаликда қалб қўри билан унинг юрагини илитиб, юмшатиб туради. Агар сизлар бўлмаганларингда, бизлар ҳеч ниманинг уддасидан чиқа олмасдик, унда ҳозир манави кун ҳам бўлмасди. Мамлакатимиз улуг, бепоён мамлакат, аммо бизнинг Атамановка ҳам қараб тургани йўқ. Бизлар у ерда жанг қилган бўлсак, сизлар бу ерда ёрдам бериб турдинглар. Ўринларингдан туринглар, қадрдонлар, шу бугунги кунимизга яхшилаб қарайлигу бир умрга эслаб қолайлик. Бунақа уруш шу чоққача бўлган эмас, демак, бунақа галаба ҳам бўлган эмас. Шуни нишонлайлик, халойиқ.

Стол атрофидагилар ўринларидан турдилар, стаканлар жиринглади, ҳамма оҳ тортиб, хўрсиниб, индамай жойига ўтирди. Настена стаканни уриштириш учун ёнида ўтирган Надъкага чўзилган эди, аммо Надъка ҳаммадан олдин ичиб бўлибди. Ҳайрон қоларлisisи шу эдик, бу сафар у чурқ этмай ўтиради, гап-сўзларга аралашмасди ва гўё азоб-уқубатли, аммо кўнишиб кетилган ҳаёт тартиби нега бузилдийкин, деб бўладиган воқеани

түшунмаётгандай, атрофига диққат билан разм соларди. Башқа ҳар қандай ҳаёт сингари унинг учун ҳам тинчлик керак эди, аммо шу тинчлик куни етиб келганида Надька ташвишга тушиб, бирвларнинг бахтли-ю, бирвларнинг бактсизлиги энди шундоққина аниқ-равшан бўлиб қолади, деб ўйлаётган эди.

Кардалик чопар отиб олгач, яна хиргойи қилишга тушди:

Қадамимиз мустаҳкам,
Ҳеч қачон душман ҳам
Республикамизда сайр этолмас.

Кимдир ҳазил йўсинида таъна қилиб деди:

— Ҳой, яхши одам! У уйига қандоқ кетаркин энди?

— У тағин уруш тугади, деган гапни ўзи тўқиган бўлмасин? Ахир фирт маст-ку. Қайфда хаёлига ҳар нима келиши мумкин.

— Мен тўқибманми?!— деди чопар эшитиб қолиб ва ўрнидан турга бошлади, аранг қаддини ростлади, кейин кўзларида ёш йилтиради.— Мен тўқибманми?— деб сўради у ҳаммага бирма-бир маъюс, илтижо ва жаҳл билан қарап экан.— Нималар деяпсизлар ўзи? Нималар деяпсизлар?!— қаттиқроқ бақирди у ва нафаси тиқилиб, ҳадеганда овози чиқавермади.— Бичиб-тўқишига кимнинг ҳадди сигаркан! Нималар деяётгандарнингни ўйлаб кўрғасизларми ўзи?! Мен... билиб қўйинглар деб отимни қора терга ботириб келдим. Ўз халқим номидан от чоптириб келдим. Э, раҳмат-е... Қайси ифлос шунаقا дейди, ахир? Нималар деяпсизлар-а?!

Одамлар уни тинччишга тушди:

— Э, йўқ, йўқ, ким тўқиган деяпти ахир... Нима, ўзимиз кўрмаяпмизми?

— Тўғри-да, шунаقا дейишга кимнинг тили боради?

— Ахир, у келганида ҳушёр эди. Кейин шу ерда битта-яримтаси хурсандлигидан қуийиб бергандир-да.

— Бекорга одамни маломат қилаверасизларми... Иигирма чақирим ердан от чоптириб келиш ҳазилми.

— Қуийинглар унга, бир маза қилиб ичсин, биз уятсизларни кечирсин. Тўғри-да, шарм-ҳаёй йўқ ўзи бизда...

Шундан кейин чопар бир стаканинни сипқорди-да, одамларнинг узрини қабул қилди, сўнг ғалаба тўғрисидаги гапни қандай эшитгани ва Атамановкага келишга қандай рози бўлганини айтиб берди.

— Одамларимизнинг ҳаммаси ҳам бу гапдан хабар-дорми-йўқми? — деб баланд овозда сўради Максим, чуни, ғала-ғовур кучайиб кетган эди.

— Ҳам-ма-си — ҳеч ким қолгани йўқ!

— Шундоқ қасир-қусур қилиб отишдики, ҳатто ўликлар ҳам эшилти.

— Бобо-чи? — леди ногаҳон эсига тушиб қолган Лиза.— Степан бобо-чи? У кечадан бери тегирмоннинг бир балосини тузатяпти. Бобонинг хабари йўқ-ку ахир!

— Ўқ овозларини эшилтгандир, ахир?

— Эшилтгандирмиш-а! Бутунлай кар-ку.

— Яхши эмас, унга одам юбориш керак.

— Вой, бобо, рост, ҳозиргача урушиб ётибди.

Чопар «энг охирги одам — бобогача хабар қилиб, ўз бурчини адо этиш» мақсадида тегирмонга бориш учун ўрнидан қўзгали, аммо уни ўрнига ўтқазиб қўйиши. Қолишига кўндириши. Нестор сакраб ўрнидан турди, унинг куни билан у ёқдан-бу ёқса чоптириб юрган оти ҳовлида ҳамон эгарлоқлик турарди, унинг кетидан икки йигит ҳам отилиб чиқди. Хотин-халажлар бошларини деразадан чиқариб, уларнинг кетидан қичқириди:

— Унга ҳеч нима деманглар. Тўғри бу ёқса олиб келинглар.

— Қўл-оёғини боғлаб олиб келаверинглар.

— Боғлаб-нетиб юрманглар, тагин ўлиб қолмасин.

Яна столга ўтирилди, яна ароқлар қуйилди, аммо бу сафар Иннакентий Ивановичнинг ўйидан олиб келинган суслодан¹ қуйилди. Ҳамманинг ичидаги битта у ичкилик олиб келмаганди, у қулай фурсат келишини кутиб, суслоси борлигини эълон қилди. Одамлар Иннакентий Ивановичнинг суслоси эканини билиб қўйишин-да, ахир. Аммо сусло чиндан ҳам аъло экан, у ютуми яхши, мазаликкина, кайфи ўткир. Хотин-халажлар оҳоҳ қилиб, лабларини чапиллатарди. Кейин урушдан олдин уни қандай тайёрлашларини, байрамларнинг қандай тўкин-сочин бўлишини, ўйин-кулги кимнинг ўйидан бошланишини эслашга тушиб кетиши.

— Ҳали кўп ўйнаб-куламиш, сулувлар, ўйнаб-куламиш,— деб қичқириди хушчақчақлик билан юзлари қипқизил Максим, ярадор қўлини кўтариб қўйиб.— Одамларимиз қаерларда қолиб кетмади дейсиз! Ҳаммаси бўлади. Ҳадемай мужиклар келади...

— Кимники келаркин-а? — деб оҳиста, аммо зини-

¹ Доп ёки картошкадан тайёрланадиган ичимлик. (Тарж. изози.)

таниқ, ҳаммага әшитиладиган қилиб сүради бир ўғил-
часи билан бева қолган ёшгина Вера Орлова.

— Ахир...— Максимнинг тили курмакланиб қол-
ди,— битта-яримтаси келади-да...

— Менинг билишимча,— деди ўрнидан туриб Инна-
кентий Иванович,— олти киши келиши керак.— У кўз
югуртириб Настенани қидириб топди.— Дом-дараксиз
кетган Андрей Гуськов билан бирга.

— Яна кимлар?

— Нима, ўзимиз билмас эканмизми? Сўраб нима
қиласизлар!

Аммо Иннакентий Иванович санашга тушди.

— Меникини нега санамадинг?— деб бирдан жаҳл
билан сўраб қолди Надъка, Иннакентий Иванович санаб
бўлгац.— Ёки у ёгини сана什ни билмайсанми, ҳисобчи
ходим?

— Чунки сен қорахат олгансан,— Иннакентий Ива-
новични гангитиб қўйиш осон эмасди, у нима деб жавоб
беришини биларди.

— Хўш, олган бўлсам нима қипти? Сен эса, уни
саноққа қўш. У келади. Мен сенга айтяпман: у кела-
ди,— деди Надъка иддао билан ҳаммага қаарракан, қизи-
шиб кетиб.— Мана кўрасизлар. Келмайди деб ўйламай
қўя қолинглар. Бир куни келади-ю, ҳисобинигни чиппак-
ка чиқаради. Шунинг учун ҳозирдан ҳисобга кирита-
вер. Олти киши эмас, етти киши — ана шундоқ деб айт.

— Унда меники ҳам келади,— деди секин Вера
Орлова ҳеч кимга қарамай.

— Сеникини билмайман, аммо меники келади.

Хотин-халажлар ўнгайсизланиб, бирин-сирин гапира
бошлиди:

— Ажаб эмас — шунақаси ҳам бўлади. Кардадаги
қудам Настасьянинг...

— Айтишларича, Братскда бир хотиннинг эридан
икки марта қорахат келибди, хатлар икки жойдан эмиш,
бирида ундай ўлди, дейилган бўлса, бирида бундай ўлди
дейилганмиш. Эри бўлса, худди осмондан тушгандай;
кириб келганмиш... Ана, энди ишонавер.

Шу пайт тегирмончи Степан бобони олиб келиб қо-
лишди. Нестор қўли орқасига боғланган бобони милтиқ
билан олдига солиб олиб кирди. Кимdir ўйламасдан
гапириб юборган эди, у ҳам тентаклик билан шунақа
қилибди. Бобо оstonада қоқилиб кетди, қуюқ қалин
қошлари остидаги кичик кўзларини лоқайдлик билан
стол атрофида ўтирганларга югуртирди, унинг кўзлари-

дан на таажжуб, на қўрқувни билиб бўларди, у гўё бу ердагиларни ҳозир бораману ўшаларни кўраман, деб келган кишига ўхшарди.

Нестор бошини кўтариб, йигилган халойиқдан кўра кўпроқ девордаги портретларга қараб жекирди:

— Хабарсиз унсур сизларнинг буйруқларингизга биноан олиб келинди. Тегирмонга беркиниб олган экан.

— Сенга сира ақл кирмади-да, Нестор,— деди биринчи бўлиб эс-ҳушини йигиштириб олган Надъка,— тагин ҳам шунаقا аҳмоқ билан бош кўтариб юрибмизми-а?

— Бобожон!— деди бир неча киши бирваракайига.

Одамлар югуриб келиб, бобонинг қўлларини ечди-да, кўтариб олиб бориб ўтқазди. Улар бир-бирларининг гапларини бўлиб, оғизларини қариянинг қулогига яқин қилиб қичқирадилар:

— Бобожон, уруш тугади!

— Ўргилай бобожонимиздан, қаерларда юрибсиз?

— Биз сизсиз бу ерда ўйин-кулги қиляпмиз, сизни эсимиздан чиқариб қўйибмиз, тагин жаҳлингиз чиқмасин. Ҳаммамизнинг ҳам эсимиз оғиб қолибди.

— Шу дегин, ўтирибмиз-у, қарасак, кимдир йўқ-да. Ким йўқ деб қолдик-ку. Қарасак, бобожонимиз етицмай турибди-да. Эй худо!

Қария индамай, хотиржамлик билан сочи ҳурпайган бошини у ёқ-бу ёққа буриб, тушуняпман, гуноҳларингдан ўтаман дегандай, шошилмай, маънодор иргаб қўярди. Қўзлари ёш овлаб турган хотин-халажлаф унга қарап экан, бирдан ўзларини тутолмай йиглаб юбордилар. Фақат, ҳозир, Атамановкадаги охирги киши ҳам улардан нима бўлганини билгач, ниҳоят ўзлари ҳам уруш тугаганига ишондилар.

17

Ҳамма қайигини сувга тушириб, у ёқ-бу ёққа бориб-келиб турарди, аммо Михеич, худди атайлаб қилаётгандай, сира шошилмас эди. Унинг қайиги ҳали ҳатто мойланмасдан ёлгиз ўзи қирғоққа тўнкарилиб ётарди. Настена оёғи куйган товуқдай типирчилаб қолган бўлса ҳам қайнотасини қисташга юраги дов бермас эди: қайиқ унга нима учундир зарур бўлиб қолганини чолга билдириши мумкин эмасди. Аммо энди, эрининг олдига бориб келишга йўл очилган пайтда, Андрейнинг ҳоли нима кечеётганидан бехабар ўтираверишга, индамай юраверишга унинг ортиқ тоқати қолмаган эди.

Настенанинг назарида модомики уруш тугадими, энди, шу яқин орада эрининг тақдири бир ёқли бўладигандай эди, демак, унинг ҳам, Настенанинг ҳам тақдирида бирон ўзгариш бўлади,— шунинг учун у зудлик билан эрини кўриши, унинг авзойини, ўзини қаёққа уришини билиши керак эди. Ана шу, эри билан учрашмай юрган, ҳар бири бир йилдай туюлган узоқ ҳафталарда Настена бир неча марта эрини тинчтиб, ўзи ҳам тинчиши учун унинг олдига учиб боришга ҳам тайёр эди: Настенанинг хаёлида энди, ёз ўзининг бутун кўркини кўз-кўз қилиб турган, ердан ўтлар ўсиб чиқиб, ўрмонлар яшил либосга бурканган, Ангара ҳам музлари, кетиб, ўз ҳаракати, мовийлиги билан мафтун этиб, ўзига чорлаётган пайтда, инсон қалби ҳар қачонгига қараганда ҳозир, сал нарсага ҳам таъсиirlаниб, ийиб кетадиган пайтда Андрей чидолмасдан ўзини-ўзи бир бало қилиб қўядигандай эди. Настенанинг тушлари ҳам алоқчалоқ, пойинтар-сойинтар, мужмал эди: гоҳо номаълум, кўзга кўринмайдиган бирор қитиқлармиш, у эса шарақлаб кулиб, шоҳ ташлаб, оёгини қўлига олиб, кўрпа остига кириб беркиниш учун ўрнига қараб югурамиши: гоҳо Майка деган сигир билан сўзлашармиш, сигир унга бамаъни, пухта жавоб берармиш; гоҳо у ўзини, Иркутск ёнида болалиги кечган дамларни туш кўради, тушида у катта қиз эмишу турмушга чиқиб, Ангарада сузишни ўзига ўзи ўргатармиш; яна бир балолар. Настена бу тушлардан юраги дук-дук уриб уйгониб кетарди-да, қимирлашга қўрқиб, Андрейни ўйлаганича анчагача жим ётар, эрини севганидан гоҳ ғам-аламга ботар, гоҳ унга меҳри товланар эди. Настена раҳми келганидан уни севарди, севганидан раҳми келарди — бу икки туйғу бир-бирига омикхта бўлиб кетганди. Шу боисдан Настена ўзини ҳеч нима қила олмасди. У Андрейни, айниқса, ҳозир, уруш тамом бўлгандан кейин қоралай бошлиди, унинг назарида, бошқа омон қолганлар қаторида Андрей ҳам зиён-захматсиз қоладигандек туюлгани учун ҳам қораларди, аммо у гоҳо эридан жаҳли чиқиб, нафрлатаниб, «разабланиб қораларди-ю», яна ахир мен унинг хотиниман-ку, деб ҳовуридан тушарди. Модомики шундай экан, ё мен сен айтган одам эмасман, мени ҳеч қандай гуноҳим йўқ, деб бутунлай ундан юз ўгириб, бир четга чиқиб туриш керак, ё охиригача, ҳатто ўлимга ҳам бирга бориши керак. Ҳа, ўҳшатмаса учратмас, деб бежиз айтишмаган. Унга минг чандон оғир, унинг тепасида энг расво, шармандали ўлим қанот ёзиб айланиб

юрибди, бунинг устига ўзидан ёмон ном қолдирмаслик учун ҳеч кимга, бирон кишининг ҳам кўзига кўринмасдан юрганини айтмайсизми. Гуноҳкор, ким айтади уни гуноҳкор эмас деб! Асли ҳолига қайтиш учун у куч, иродани қаёқдан олади энди, ахир у қош қўяман деб кўз чиқариб қўйди-да. Шунача куч, ирова учун ҳеч нимасини аямасди-ю, аммо уни қаёқдан олсин?

Иўқ, тезроқ Андрейни кўриш, нималарни ўйлаб юрганини билиш керак.

Настенанинг қорни анчагина чиқиб қолганди, у кечаси ухлаш олдидан қорнини очиб қаради, бинойидек дўппайиб қолгани сезилиб турарди. Настена қорнини секин, оҳиста силаб қотиб қолди, кейин шу кўйи сал нафасини ростлаб олди-ю, баттар қотиб қолди. Настена хаёлан жимгина қаёққадир, арши аълого чиқиб кетгандай, қандайдир гаройиб, сокин бўшлиқда танҳо юргандай ва бу ёргу оламдаги барча нарсани унутиб, ўзининг ҳар бир қатрасини кўриб, ҳис этаётгандай бўлар эди. Шунинг учун у секин-аста болага айланиб бораётган ҳомиласини ҳам кўриб турарди: ҳомиласи билан боғлиқ бўлган туйгуси ҳаммасини — ҳомиланинг қандай ётганини, қандай ялқовлик ва муттасил талабчанлик билан оналик шарбатини сўраётганини очиқ-оидин айтиб турарди. Ҳомиласи Андрейнинг кўнглига боқиб ўғил эди, шунинг учун Настена бир оз чўчиди: агар қиз бўлганда эди, ака-укалар, опа-сингиллар туғилиб, ўзидан кўпайиб кетади, деб умид қилса бўларди, ўғил ёлғиз ўзи қолиши мумкин. Аммо у бу тўғрида сезгирилик билан қорнига қулоқ солиб, қотиб қолгандан кейин, гўё ўзини ўзи бир четда туриб кузатган, арши аълодан пастга тушиб, қаердалигини, ўзига пима бўлаётганини гира-шира англагандан кейин хаёл суриб қоларди. У иккиқатлиги сезилиб қоладиган кун келишидан қўрқарди, қўрқарди-ю, ўша куннинг тезроқ келишини истарди, унда қорнини танғиб, қисиниб-қимтиниб юрмасди, бир ўзи эмаслигини, қорнида боласи борлигини битта-яримта кузатиб, кўриб қолмадимикин, деб атрофга олазарак бўлмасди. Ҳа, ўша куннинг келишини кутиш ҳам Настенанинг ҳийнаётган эди. Настена хозир тўлишиб кетган, нариси билан бир ой-бир ярим ой пайқашмайди, кейин ҳамма бирдан ёқа ушлаб қолади. Настена кўпинча, назарида, тақдир уни қандайдир тор кавакка зўрлаб киритётгандай, то нафас ололмай қолгунича шу кавакка итараётгандай, кейин эса, эзилиб, бўғилиб, чалажон бўлиб қолган охирги дақиқада қаёққадир олиб чиқаётгандай бўларди.

Настена ана шу янги ҳаёт қандай бўлишини билмасди, бу ҳаёт унинг учун номаълум, тўрдай қоп-қоронги эди.

Ангаранинг у ёғига ўтиш учун бир баҳона топиш керак эди, шунинг учун Настена бакенчи Матвей бува олдига жўнади. Унинг будкаси қишлоқнинг юқори четидан ярим чақирик наридаги баланд, тик жарликда эди. Матвей бува Иннакентий Ивановичнинг туғишган акаси эди, аммо ака-укаларнинг борди-келдиси унчалик эмасди. Ҳаммага маълум, машҳур Иннакентий Ивановични ҳурмат қилишарди, уни саводи бор эди, сиёсатни тушунарди, урушдан олдин у қаёққадир олис-олисларга бир неча марта бориб, нима гаплигини кўриб ҳам келган эди, аммо Матвей бувани исм-шарифини айтиб чақиришга эса ҳеч кимнинг тили бормасди, у шунчалик тўпори, содда, оддий эди, Матвей бува Атамановкадан наридаги Кардадан бошқа ерии кўрмаганди. У колхоздан алоҳида, мустақил яшарди, аммо дала ишлари қизиб кетган пайтда ҳамиша колхозчиларга ёрдамга келарди, айниқса, музиклар ёқтирмайдиган нўхатни ўриб-йигиши, пичан ўрнб, гарам босишини яхши кўрарди.

Настена Матвей буванинг олдига борди, кеча бува Максим Вологжиндан бир кунгинага одам бергин, бакенларни ёзги хизматга тайёрлаб, сувга тушириб, қўяйлик, деб илтимос қилгани Настенанинг эсига тушиб қолганди.

— Энди бутунилай кучдан қолибман,— деди у.— Бир ўзим эплолмаяман. Сўрамасдан битта-яримтани олиб кетсанг яхши әмас. Ҳозир экиш-тикини ишларининг авжиди. Мен ҳам, худо хоҳласа, ўрим-йигимга қарашиб юборардим. Менда ҳам қолиб кетмасди.

Настена бу гапга эътибор бермаганди, энди бўлса, бирдан эсига келиб қолди: Матаей бувага мен қарашиб юборай бўлмаса, дейиши керак экан, шунда бир йўли топилиб қолармиди. Нега дарров эсига шу гап келмади-я? Тўғри, Настена сувда сузишни билмасди, шунинг учун сувда ишлашдан қўрқарди, аммо бир кунгинага амал-тақал қилиб чидаса бўларди-ку, ахир. Ҳозир шундан қўрқиб ўтирадиган пайт экачми?

У будкага кечки пайт, қуёш Ангара ортига, Андреевск қишлоғи жойлашган уфқдаги яланглик нишабига ўтиб кетгандан кейин келди. Дарёнинг ярмигача юпқа, билинар-билинмас соя тушиб турарди, аммо у ерда оқим дарёнинг қуёш нури тушиб турган ярмига қараганда тез,

кучлига ўхшарди. Қуёш нури тушиб турган ерда эса, сув ярақлаб кўзни қамаштиради, ялт-юлт қилиб ўйнарди, гўё сув чалғиб айланиб, ошиқмаётгандай эди. Балиқлар — жон-жаҳди билан кетма-кет бир неча марта осмонга сакраб, ортларидан сув бетида доиралар ҳосил қилаётган майдаларидан тортиб, то қаердадир олисларда сувни салобат билан ёриб, мамнун шалоплатаётгган катталари-гача — қандайдир ўзларича завқланиб, шувиллаб сузуб юрарди. Тик жарлик остида ҳали муз бор эди, ейилиб, четлари ўткир бўлиб қолган, тешилган, ифлос музлар эриб, қум ва тошлар орасида жилдираб оқарди. Соҳилда жонсарак, йўрга, абжир, ингичка думи узун қушчалар учиб юрарди, бу қушчаларни Настена тугилиб-ўсган ерларда синчалак, бу ерда эса жиблажибон дейишарди. Шунингдек, қирғоққа яқин ерларда майда балиқлар гала-гала бўлиб сузуб юрарди, буларни у ерда малёк, бу ерда эса уларни Ангарада учрамайдиган машҳур Байкал омузининг шарафига омулча атар эдилар. Омулчалар Настенанинг қадам товушларини эшитиб, сувни шапир-шупур қилганича ўзларини сув остига урди, улар бир айланиб, пича оқим билан сузди-да, одамни ўтказиб юборгач, яна қирғоққа ошиқди. Настенанинг тепасидан шувиллаб узунқанотлар учиб ўтди, ўткир рутубат нафасни бўгарди; ўз-ўзидан пайдо бўлган тўлқинлар дҳиста чўлпилларди, чунки ҳаво тинч, сокин эди: олислар, Покосний оролининг юқори бурнидан сувнинг шовиллаши эштиларди. Соя узайиб келарди, унинг ҳаракати кўзга ҳам ташланиб турарди. Қуёш ботиши билан ёруғлик бетига ниқоб тортилгандай бўлди-ю, шабада ҳам тинди. Энди Ангара у соҳилдан тортиб бу соҳилгача тез оқа бошлади; Настена бир қаричлик вақтидан бери сув ёруг вақтдагига қараганда қоронфида тез, кучли оқади, деб ишониб келарди.

Матвей бува қайиқлар атрофида ғимиirlаб юрарди, унинг бакенчи сифатида тўртта қайифи бор эди, буларнинг ҳаммасини ўзи ясаган эди. Бакенлар соҳил тошлоригида сузишга тайёр қилиб қўйилганди, ҳаммаси — учта қизил, иккита оқ бакен янги мойланганидан ярақлаб турарди. Настена худди зинага ўхшатиб ўйилиб, тахта қоқиб қўйилган погоналардан пастга тушди ва Матвей бува билан сўрашди, бакенларни астойдил қизиқиб томоша қиляди.

— Хўш, буважон,— деб дарров сўради у,— Максим сизга ёрдамлашгани кимни берди?

— Кимни берди эмиш-а...— Бува шошилмай қўлини

сувда чайиб олди-да, иштонига артиб, қайиқдан бу ёқса чиқди.— Максим жуда қув йигит, кимни күндиранг, ўшани олиб кетавер, менинг эса, бунақа ишга одам тайинлашга ҳақим йўқ дейди.— Бува инқиллаб энгашдида, оёғи тагидан бир нимани қидира бошлади.— Пиликни йўқотиб қўйганга ўхшайман,— деб тушунтириди у.— Қара-чи, сенинг кўзинг ўткирроқ. Энли пиликлар йўқ энди, уларни ҳеч ердан топиб бўлмайди. Ҳозирги-на қўлимдан ушлаб турувдим-а, қаёққа ғойиб бўлди бу сабил?

Пилик қайиқ ичида, ўриндиқ остидан топилди. Бува уни чўнтағига солиб қўйди.

— Менга иккитасинигина тушириб олишга ёрдамла-шиша бўлгани, қолганларини ўзим ҳам эплайман. Ше-рик бўлмаса, манави иккитасини тушириб бўлмайди. Биттаси орол ёнида, у ернинг суви, худо кўрсатмасин, жуда чатоқ, эплаб бўлмайди. Бошқа биттаси, у ҳам оқ қишлоқнинг нариги ёғидаги тепалик қаршисида, тақир бурунда. Ўтган йили уларнинг қаерда турганини билсанг керак, ахир. Қизиллариҳи эса, бир ўзим ҳам секин эплайвераман. Бориб, битта-яримтани авраб олиб келма-сам бўлмайди, чоғи, йўқса бугун бўлмаса эртага катер келади-ю, текшириб қолади. Бошқаларницидан ёмон бў-лиши яхши эмас-да, ахир.

— Мени ола кетинг, буважон. Қўлимдан келганича қарашаман,— деди Настена ва яна бакенларга қараб қўйди, у энди юраги орқага тортиб, энг оғир оқ бакен-ларни ажратиб олган эди.

— Аммо,— деди бува секингина ва Настенага ишо-ниш-ишонмаслигини билолмай жимиб қолди.— Агар ҳа-зиллашмаган бўлсанг, нега олиб кетмас эканман. Бошқа кимни ҳам олиб борардим. Сен ростдан ҳам бормоқчи-мисан?

— Рост, буважон. Аммо кечқурун қайиқни бериб турасиз-да. Оролдан пича тол кесмоқчиман. Ўзимиз-нинг қайиғимиз ҳали ҳам мойланмасдан турибди.

— Э, тол керак бўлса, ўзим ҳам кесиб беравера-ман — шу ҳам иш бўптими!

— Йўқ, йўқ, буважон,— Настенанинг капалаги учиб кетди.— Ўзим шошмай кесавераман.— У қўрққанимни чол сезиб қолмасин деб қўшиб қўйди:— Майли, бир гап бўлар...

— Ихтиёринг. Хўп десанг, кесиб бераман, бунинг нимаси қийин. Худо сени менга қаёқдан етказди-я, қизим?— қошлари, киприклари ўнгиб, оқариб қолган Мат-

вей бува кутилмаганда иши ўнгидан келиб қолганидан хира кўзларини қисиб, хурсанд бўлганича пишиллади.— Мен бўлсам, энди кимга бориб ялинаман-а, деб бошим қотиб турувдим. Ҳеч ким ўзидан ортмайди. Аммо борадиган бўлсак, вақтлироқ борганимиз маъқул. Тағин ухлаб қолмагин. Ростдан келасанми, алдамайсанми?

— Келаман, буважон, келаман. Кун тиги уриши билан шу ерда бўламан, ундан ҳам барвақтроқ келаман. Аммо сиз тағин Максимга ўзи бораман деди деб юрманг. Бир амаллаб кўндиридим денг. Эртага яна анави ер ҳайдашга сира боргим йўқ, жонимгаям тегиб кетди, сал дам олай.

— Э, ҳа, шунаقا де. Ҳа, турган гап, албатта. Нима десанг шу-да.

Настена бутун қунни дарёда ўтказди. Улар тонг сал ёришиши билан йўлга отландилар, ҳаво муздай, салқин, жимжит, мудраётган эди, фақат олисдан ёйилиб оқаётган жойдан сувнинг шовиллашию оқимнинг сезилар-сезилмас чўлл-чўлли эштиларди, холос. Ангара қоп-қора, қуюқ кўринарди, соҳил жимиirlарди, икки қирғоқ ўртасида сув ёйилиб, худди мойга ўхшаб ярақлаб оқарди. Улар баркасга ўхшаш катта, оғир қайиқда кетишаётганди, аммо қайиқни ҳайдаш, кетидан оғир, бесўнақай бакенни судраш кўп куч талаб қиласарди. Аввалига қайиққа арқон боғлаб юқори оқимга қараб тортишди, кейин Настена парракни бошқара бошлади. Матвей бува эса, қуйруқдаги эшкакни эшиди. Улар қирғоқдан бурилдилар, шундан кейин Настена сувга қарамасликка ҳаракат қилди, у кўзларини оёқлари остига тикканича ҳали замон ўрнидан туришга, бирон иш қилишга, Матвей бувага қарашишга тўғри келишини ўйлашдан қўрқиб ўтиради.

Шу биринчи бакен билан улар анча овора бўлдилар. Улар сузиб борар экан, озгина янглишдилару керакли жойга этиб олиш ўрнига пастроқда қолишибди, дарё ўтрасидан оқимга қарши сузиб, юқорироққа чиқиб олишга уринишлар эса, ҳеч қандай натижа бермади. Юқорига чиқишдан умидвор бўлиш ҳам кулгили эди, албатта. Бу ерда оқим жуда кучли эди, шовиллаётган сув сачраб, қайиқ четидан ошиб тушаётганди. Матвей бува аҳмоқлик қилгани учун ўзини койиб қаттиқ пушаймон қилди. Улар қайиқни соҳилга, энди яқинроқлаги чап соҳилга қараб ҳайдадилар. Настена ҳаммасидан ҳам ана шу соҳилга этиб олишга ошиқаётганди, аммо бакен билан ҳам, бобо билан ҳам бирга бормоқчи эмасди, албатта. Шундай бўлса ҳам улар соҳилга этиб олгач, Настена би-

рон баҳона топиб қолишга, мени кечга яқин келиб, олиб кетарсизлар, деб Матвей бувани күндиришга юраги жуда жуда орзиқиб кетди, шунда манави лаънати бакенни ҳам bemalol ўрнатишарди. Лекин Настена бундай қилиш мумкин эмаслигини биларди. Улар нафасларини ростлагач, яна юқорига қараб суздилар, аммо бу сафар анча юқорига суздилар-да, орқага қайтдилар, йўл-йўлакай олд томонга тутиб турадиган лангар тош ташлаши, шусабабдан дам-бадам уни оқиздириб кетиши учун силташга тўғри келарди. Настенанинг қиладиган иши эшқак эшишу буванинг буйруғига мувофиқ қайиқни бошқарив боришдан иборат эди. Бакенни кўнгилдагидек ўрнатишгач, Матвей бува енгил нафас олди ва чекди.

— Энг огири мана шуниси,— деб тан олди бува.— Буни ёқиши ва ўчириш учун ҳаммасидан олдин сузиг келаман. Кўрдингми, сув қандай қутуриб оқяпти. Ўзиям бир сўрса, сира тутиб бўлмайди.

Чиндан ҳам иккинчи бакенни осонгина ўрнатишди. Настена учинчисини ҳам ўрнатишга рози эди, ҳали вақт бор эди, аммо бува унамасдан унга жавоб берди.

— Бўлди. Иккитасига келишиб олувдик,— деди ичиди иккита бакен ўрнатилганидан хурсанд бўлган қария хушчақчақлик билан.— Анавиларидан бўлса-ку, ташвиш тортмасам бўлаверади. Мен ўзим уларни эртага секин олиб бориб ўрнатавераман. Энди борадиган ерингга боравер, ҳали вақт бор. Элтиб қўяйми ё ўзинг борасанми?

— Ўзим боравераман, буважон, ўзим.

— Ундан бўлса, ихтиёринг.

Матвей бува унга енгил, чаққон шитикни¹ тайинлади, аммо Настена ўша қайиқда қолди: у кун бўйи шу қайиқга ўрганиб қолганидан энди камроқ қўрқарди. Ихчам, енгил, сал тўлқин ва шабадага ҳам лопиллайверадиган шитикда бориш қўрқинчлироқ эди: ногаҳон ер бағирлаб эсадиган шамол туриб қолса ёки бирон бошқа фалокат рўй бериб қолса, тамом-да, ғумдан бўлади. Тез борган жойга секин борса ҳам бўлади. Инсон ётган ўрнида ҳам, юриб кетаётганида ҳам тасодифан, қувиб келсан ажалдан ўлиб қолиши мумкин, лекин албатта, ерда, оёғинг остида мустаҳкам замин бўлганида, ўпканг билан пафас олиб турганда жон беришинг керак. Настена фақат бир марта, урушдан анча олдин, сувга чўкиб ўлган одамии кўрган эди. Шу-шу ўша воқеа эсига тушса, аъзойи бадаи живирлашиб кетарди.

¹ Кичик дарё кемачаси (тарж. изоҳи).

Настена бобони будка олдида туширди-да, чойга ҳам қарамасдан Ангарадан ўтиш ҳаракатига тушди. У энди бир ўзи қолгач, ниҳоят, турли гаплар гапириб (аслида битта ҳам түғриси бўлмасди) деярли икки ой жудоликда яшагандан сўнг Андрей билан дийдор кўришиш онлари яқинлашгач, тараддуланиб қолди, шу лаҳзани киши билмас чўзиш, ҳаммасини аввал қандай бўлса, шу ҳолича қолдириш истаги туғилди. Ҳозир у Андрейга нима дейди? Уруш тугади, қишлоққа яна битта фронтювик, собиқ партизан, камган, ёши ўтиб қолган, олдинига отлиқ аскарликка олинган ва бутун уруш давомида от ёндан жилмаган — аравакаш бўлиб хизмат қилган Лука Смолин келди, дейди-да. Михеич бундан уч кун аввал Андрейнинг қисматини сўраб, қидирув бўлимига хат ёзицга Настенани мажбур қилган эди, Михеичнинг ўзи у хатни почтальонга берганди. Семёновна ҳозир анча яхши, ҳатто қўлтиқтаёқсиз юрадиган бўлиб қолганди, ким билсин, ҳаволар исиб кетгани ёрдам бердимикин? Кампирнинг ўзи юриши яхши, албатта, аммо Настена кампирнинг юриб кетишида қандайдир бир бошқача, ноҳу什 аломат борлигини сезаётгандай эди. Тағин нима? Қорни... Қорнини Андрейнинг ўзи ҳам кўради. Ҳа, айтгандай, яқинда ҳарқалай юрак бетлаб соатни Иннакентий Ивановичга сотди, турган гап, арzon-гаровга сотди, Иннакентий Иванович қанча берган бўлса, Настена ҳаммасини облигацияга тўлади: тўлов муддати келган эди, ундан қочиб қутулиб бўларканми.

Хўш, Андрей бу гапларга нима деркин-а? Унга ўзи нима дейди? Настена уни кўради-ю, учрашмай юрган пайтларида Андрейнинг ҳоли не кечганини, ичиди нималарни ўйлаб юрганини — ҳаммасини гап-сўзсиз шундоқ ҳам тушуниб олаверади. Энди бу аҳвол узоққа чўзилиши мумкин эмас, ниманидир ҳал қилиш, бирон ердан бош суҳадиган жой топиш керак. Хўш, қандай, қаердан?.. Йқин қолди, одамларми, худоми ёки ўзими, бир ёқли қиласиган кун яқин қолди, аммо шу кун яқин. Бу ёруғ оламда ҳеч бир иш шундоқ қолиб кетмайди.

Қуёш ҳали тиккада бўлса ҳам, аммо сув анча салқин эди, шимолдан шабада эсарди. Настена доимо ёзда шамол қанақа қилиб оқимга қарши эсаркан, деб ҳайрон бўларди, хаёлида, кенг ёйилиб оқаётган сув қудратли ҳаракати билан ҳавони ҳам ўз кетидан эргаштириши керак эди.

Настена шошилмай эшкак эшарди, оғир кураклар бир кундаёқ одатланмаган кишига кор қилди: унинг қўл-

лари ловилларди, бир хилдаги узлуксиз ҳаракатдан елкалари қотиб қолиб, сирқирар, жимиirlар эди. Қулогига сувнинг шовиллаши ёқимли урилар, гўё чалингани кичик қўнгироқчаларнинг тиниб бораётган майин, оҳанрабо жингилашига ўхшарди. Иккинчи овоз оғир эди, фижирловчи бу кучли овоз ичдан сувни сураётган кураклардан чиқаётган эди. Дарё ўртасида эса, узоқ-узоқ ерларгача ҳамма нарса худди кафтдагидек кўриниб туради, уйлар, ўрмон, осмон, адирлардаги экинзорлар, соҳил — ҳаммаси чайкалиб, сузуб ўтиб кетарди, уларнинг ҳаммаси омонатга, ҳаммасининг ости ўпирилиб, дарё қаърига кириб кетадиганга ўхшарди. Ангаранинг баланд мовий осмонида кичик бир нуқта сингари қарчигай парвоз қилас ва нимагадир тикилиб, нимагадир жазм этарди. Шунинг учун Настена умрида биринчи марта негадир бу йиртқич қушга ачинди: қуш ҳам осонлик билан овқат топиб смайди, ахир. Настена, умуман, кейинги пайтларда бирон нимани — инсонни ҳам, ҳайвонни ҳам, қушни ҳам қоралашга ҳақиқи йўқдек ҳис этарди ўзини, ахир ҳар жонивор ўз кунини ўзи кўради, кўради-ку лекин зинҳор-базинҳор ўз ҳаётини ўзгартиришга қодир эмасди.

Настена оролнинг қуий соҳилини ёқалаб, бошқа томондан, қишлоққа кўринмайдиган томондан яна юқорига сузуб борди-да, ниҳоят қайиқ тумшугини қирғоққа тиради. Энди ирмоқдан ўтиш қолганди, холос, бу эса, сузуб келган йўлига қараганда уч ҳисса кам эди. У тўхтади, аммо унинг тўхташи ҳоргинликдан эмасди. Настенанинг нускудини бир нарса — руҳий тушкунлик қамраб олаётганди. Настена ўй-хаёллари ҳам, ҳис-туйғулари ҳам арамаш-қуралаш бўлиб кетганини сезарди, шу сабабдан у ҳозир бир Андрейни қўришдан қувонса, бир бу учрашувдан, зулматдай қоронги бўлган келажагига нигоҳ ташланыдан қўрқарди. У сал ўзини қўлга олиб, эпақага келиши, шундан кейингина у ёғига бориши керак эди. Настена шуурсизлик билан сувга тикилиб ўтиаркан, зўр-зўракни жилмайди, шу жилмайиш билан бирга безовта кўнглига тасалли худди қуюқ мойдай қуишлиб келиши керак эди. Аммо у истаган тасалли қуишлиб келмади, найдо бўлмади, шунинг учун унинг безовталиги босилмади. Настена энди жилмайиб эмас, балки афти бужмайиб, Иннакентий Ивановичга соатни қандай потганини осласб ўтиарди. Бошқа ҳар қандай нарса унга таскин берини мумкин эди-ю, аммо бу хотира уни сира овунтира олмасди.

Иннакентий Иванович соатни қўлида узоқ айлантириб кўрди, қулоғига тутди, қўзига яқин олиб келиб қаради, Настенага синчковлик билан тикилди. Қўринишидан соат унга ёқсанга ўхшарди, аммо Иннакентий Ивановични соатни сотиб олиш истагидан кўра кўпроқ соатнинг сир-асорини билиш, унинг қандай қилиб, кимлар орқали бу ерга келиб қолганини аниқлаш истаги қийнаётган эди. У бирон нимани билдирадиган, равшанлаштирадиган бирон из-ёзувми ёки белги қолганмикин, шуни яхшироқ кўриш маҳсадида қўзига яқин олиб келган эди. Аммо йўқ, ҳеч қандай из қолмабди. У ҳовлиқиб қолганини яшириш учун бирпас индамай турди, ўзи ҳам кутди, Настенани ҳам интизор қилди ва ниҳоят, гўё шунчаки, йўлига сўради:

— Бу сенга қаёқдан келиб қолди? Нима, Андрей юбордими?

Жавобини Настена олдиндан тайёрлаб қўйганди, шунинг учун ҳам у Иннакентий Иванович билан бекинмачоқ ўйнаётгандай деди:

— Қаёқда Андрей... Мен унга, Андрейга деб ўтган иили Кардада сотиб олгандим. Мана, энди сотишга тўғри келяпти. Облигацияга тўлайдиган ҳеч вақо йўқ. Келса, ўзи топиб олар. Олганимгаям юз пушаймон бўлдим ўзим ҳам.

— Ҳай, қанчага олувдинг?

— Икки мингга.

Настена унга, худди Михеичга айтганидек, бу соатни милтиққа алмаштиридим дейишга қўрқар эди: бунга ипнинг учини кўрсатиб қўйсанг бас, ҳаммасини чуватиб олади.

— Э, йўқ, менда бунаقا пул нима қиласди,— деб бошини чайқади Иннакентий Иванович.— Вой, сени қара-ю, тагин нуқул ўзларингни камбағалликка соласизлар. Икки минг-а! Шунча пулни топиб, худди икки сўм бергандай берибсан-қўйибсан-а. Кардада буни сенга ким сотди?

— Мен у одамни ўзи ҳам тузуккина билмайман. Бир ҳарбий одам эди шекилли, шинелда эди. Соат менга жуда ёқиб қолди, маҳкам ёлишиб олдим, кофтамни, шол рўмолимни сотдим, пул тўпладим,— деди ёлғон гапириб таваккалига Настена ва пинагини бузмай Иннакентий Ивановичнинг юзига қаради.— Ҳозир бўлса олармидим буни?

— Менда икки минг йўқ. Сенга ўхшаган бадавлат эмасман.— Иннакентий Иванович чамалаб ўзини гўл-

ликка солди ва боягидай дикъат билан Настенани кузатди.— Мингни, эҳтимол, бир амаллаб топарман, аммо бошқасига кучим етмайди.

Настена ўйланиб, хўрсиниб қўйди:

— Хайр, майли, минг бера қолинг. Ҳозир буни кимга ям сотардим бу ерда? Кардага бориб-келишга бир кун, бир кун ҳам гапми: икки кун кетади. Ҳозир бунақа ишга қўл тегармиди.

Иннакентий Иванович минг сўм санаб берди, лекин у Настенага ишонмади, ишонмаганини Настена ҳам кўрди. Унинг олдига бормаслик керак эди, аммо бундан бошқа кимнинг ҳам олдига бораради: Атамановкада фақат шунда пул бор эди. Бундан ташқари нимадир изм-ихтиёрига бўйсунмай, Настенани фақат ўшанинг олдига боришига қистаб турарди. Иннакентий Иванович ўзгалар изини искашни, дуч-келган нарса тўғрисида бошқаларга қараганда кўпроқ, олдинроқ билишни жуда яхши кўрарди: мана, керак бўлса, ол, исказвер, ҳиди анқиб турган бу луқмани ўзим сенга беряпман. Ўша узун бурнинг билан хоҳлаганингча ҳидлайвер, ҳадемай, яна бир далил топиб бераман — қўрқмайман.

Аммо қўрқиш керак эди: Настена фаришта бўптими. Бинобарин, унинг қилаётган ҳар бир иши кўнгилдагидек чиқмаётган эди.

18

Андрейнинг ҳозир юқори қишловда бўлиши Настенанинг эсидан чиқмаган эди, аммо у қайиқни нима қилишини билмасди: ё пастга тушиб, уни анҳорчага яшириб қўйиши, ё орол қаршисидаги қирғоқ остида қолдириши керак эди. Нариги томондан кўринмайди, бу томондан эса борди-ю, битта-яримта келиб қолса, барибир яшириб бўлмайди. Шунинг учун яширмагани ҳам маъқул. Ангаранинг бу томонига ўтишига баҳона кам дейсизми! Тўқиши учун қайнотасига хивич кесиб боради, вассалом. Тол хивичлари эса, бу ерда мўл-кўл. Бир куни Михеич ҳам оролга бориб новда кесиб келинса, ёмон бўлмасди, деб айтганди, тўғри, у оролга деганди, соҳилга эмас, аммо ҳар икки жойнинг узоқ-яқинлиги деярли бир хил эди. Михеичга оролдан хивич кесдим дейди, у ажабланади-ю, аммо бир нима деб эътиroz билдира олмайди: ҳа, тўғри-да, ўзи айтганди, Настена эса, шу ишни қилибди. Агар Настена кўнгилдаги ишни қилиб борса, у нима деб ҳам эътиroz билдиради — Настенага, назарида, қаерга

борса, ҳатто овлоқ ерларда ҳам, одамлар ишонмаётгандай, зимдан разм солаётгандай туюларди.

Аммо бу сафар уни кузатишаётган экан. Настена сузив келиб, қайиқ түмшүгини қуруқликка тортиб чиқаргач, атрофга бирров күз югуртириб, пастина қирғоққа чиқа бошлаши билан ўнг тарафда сув устига гүж бўлиб осилиб турган буталар орасидан бир киши чиқиб келди. Настена унинг қандай чиқиб келганини пайқамади, факат орқа томонда шағалнинг гижирлаганини эшитиб, чўчиб орқасига ўгирилди-да, қайиқ устига энгашганича кучаниб, уни тошлоққа силжитаётган кишини кўрди. Настена қичқириб юборди.

— Қайиқни нега шу аҳволда қолдирасан? Ахир, сув олиб кетади-ку,— деди у ва хиёл энгашиб, Настена томонга қараб юрди.

Бу Андрей эди. Қўрқув ва қувончдан ўтакаси ёрилган Настена даг-даг титраб, оҳ-воҳ қилиб унга отилди, аммо Андрей уни қучоқлагани қўймади-да, тезроқ буталар орқасига олиб ўтди, бу ер Ангарадан кўринмас эди, буталар ортига ўтгач, унинг ўзи Настенани қаттиқ қисиб қулоқлади, оғир-оғир нафас олиб, юзига тикилди.

— Бугун келишингни билгандим, эрталаб билгандим,— у шунчалик яқиндан кўриб тургани учун кўзларини қисиб қарап ва ҳансираф гўлдирап эди.— Эрталаб ирмоқда одамларнинг овозини эшитдим, сенинг овозингни танидим. Келишингни пайқадим. Шунинг учун куни билан пойлаб ўтирдим. Кейин қарасам, сузив келяпсан.

У Настенани яна ҳам маҳкамроқ бағрига босди.

— Секинроқ, айиқполвон,— деб Настена ундан ўзини тортди ва қорнини олдинга чиқарди.— Эзив қўясан. Нима, кўрмаяпсанми?

— Борми?— Қисқа қилиб сўради Андрей бў хушхабардан маст бўлиб.

— Нима, бўтқа билан шишиб кетган деяпсанми мени?

Кулишни ҳам унута бошлаган Андрей ўҳҳўлаб узуқ-юлуқ, беўхшов кулди ва қориннинг таранглигини текшириб, уни куракдай келадиган кенг кафти билан оҳиста сийпалади. Унинг сийпаласи Настенага хуш ёқарди, у эркаланиб, чуқур тин олди.

— Ҳали ҳеч нима маълум эмас-ку,— деди Андрей.

— Маълум эмасмиш-а...

У Андрейнинг кафтини бола нимаси биландир тиранниб, дўппая бошлаган жойга олиб бориб қўйди.

— Маълумми?

— Бир нима борга ўхшайди.

— Ўхшайди эмиш... Ўзинг ўхшайсан. Бор бўлгандә қандоқ. Мен аниқ биламан: бу ўғил.

— Биламан эмиш,— деди Андрей ҳиқилаб.— Сен қаёқдан биласан?

— Гаров ўйнаймизми, қиз эмас, ўғил бу!

— Аввал буни туғиб ол.

— Туғаман ҳам. Нега туғмас эканман? Ҳали ҳеч кимнинг боласи ичидаги қолиб кетганийтундик.— Бу сўзлари Настенанинг ўзига ҳам қизиқ туюлиб, кулиб юборди.

Аммо у Андреяга яхшилаб зеҳн солар экан, ҳовуридан тушди-қолди ва куттилмаганда тез, белгиланган муддатдан олдин дийдор кўришишдан қувониб, ҳаяжонлаши босила бошлади. Андрейнинг юзи жуда чўзилиб, фақат бурни қолибди, ёноқларининг халта бўлиб қолгани ҳатто соқоллари орасида ҳам кўриниб туради. Кўзлари киртайиб, косаси ичидан дард-алам билан тикиларди. Соқоли ҳам энди қора эмас, балки иркит, мош-гуруч бўлиб, чигаллашиб кетганидан баттар хунук кўринарди. У бoshини ҳам сал энгашиб, худди доимо рўпарасига қараб ёки бир нимага қулоқ солиб тургандек, олдинга чўзиб туради. Ҳа, худди шунаقا эди. Сочини яқинида олибди, пийпасланиб олганидан сочи тутам-тутам бўлиб, нотекис осилиб қолганди. Кўзларини айтинг, ҳаммасидан ҳам кўпроқ Настенани қўрқитаётгани ана шу кўзлар эди: ўша охирги марта учрашганларидан бери бу кўзлар шунчалик ўзгариб, ғам-гуссадан қаътига тортиб кетган эдик, улардан сергакликдан бошқа ҳеч қандай маънони уқиб бўлмасди... Андрей Настенанинг юз азоб-уқубат билан қараб турганини пайқади-да, титраб кетди:

— Нима, ёқмаяпманми?

— Андрей...— Настена жавоб бермаслик мақсадида бошини унинг кўксига қўйди ва ўзи энг муҳим деб ўйлаган гапини бўғилиб, пиширлаб айтди:— Андрей, ҳали хабаринг йўқ: уруш тугади.

— Биламан,— деди у хотиржамлик билан.

Настена ўзини орқага ташлади:

— Қаёқдан биласан? Ким айтди?

— Салютларингни эшитдим.

— Ҳа-а, ўқ отишганди... тўғри.

— Энди кўзим билан қулогим шунаقا бўлиб қолган... узоқ-дан кўраман, узоқ-дан эшитаман.— У ё гапни чалгитмоқчи бўлди, ё чиндан ҳам мақтангиси келди.— Ўзимга-ўзимнинг ҳавасим келади. Эрталаб сизлар ҳали катта Ангарада эшкак эшадиганларингдаёқ сузив

келаётгандарингни билганман. Тағин ҳу анати ердан, тоғдан, қишлоғдан эшилдим. Ирмоққа чиққанларингдан кейин сени танидим.

— Мен бўлсам, сенга тишга босгулик деярли ҳеч нима олиб келмадим ҳам,— деди Настена бошқа нарса тўғрисида ўйларкан, секин, бегонасираб,— озгина нону тухум олиб келдим, холос. Сезиб қолишимасин деб қўрқдим.

— Менга ҳеч нима керак эмас, энди очдан ўлмайман, тайга боқаверади. Менга чивиндан сақлайдиган тўр бўлса бас, Настена. Ҳадемай чивинлар ғужрон ўйнайди. Тўр бўлмаса, мени еб қўяди.

— Тўр... Рост-а, келиб-келиб тўрни эсимдан чиқарганимни айтмайсанми?

— Янаги сафар олиб келарсан.

— Олиб келаман...

Настена энди тўрни қаёқдан топсам бўларкин, деб ўйлай бошлади. Унинг, Андрейнинг от думидан қилинган эски тўри аллақачон титилиб кетганди, уйда ортиқ-часи йўқ эди. Қаердан бўлса ҳам топиш керак: чивинлар йиртқич ҳайвонлардан ҳам баттар, у эса бу ерда бир ўзи, чивинларнинг ҳаммаси шунга ёнирилади.

Улар ҳамон бўйлари баравар келадиган, барг ёза бошлаган ёш қайин ниҳоллари ёнида, бир-бири билан баҳамти тик оёқда туришарди. Қайинларнинг пиндиқ ёриб чиққан найчасимон барглари ёзила бошлаганди, аммо улар ҳали кичик, буришиқлари чуқур бўлиб, қуёшда оқиши товланарди.

Қайин ниҳоллари орасидан Ангара кўринарди. Қишлоқни орол тўсисб турарди; қуёш оғиб, у ерга қия нур сочарди. Бу ерда соҳил кенг, чиройли эди — одам кўзидан пана, кимсасиз, сув томон хиёл нишаблиги бор жимжит майсазорларнинг у ер-бу ерида шумуртлар, қайинлар тарвақайлаб ўсиб ётарди. Ўтлар ичида елкаси бурундуқларникига ўхшаган йўл-йўл, бўйни узун қандайдир майда қушчалар чуғурламасдан пир-пир этиб, учиб-қўниб юрарди. Фақат олисда, аммо шу қирғоқнинг қаериладир какку анчадан бери бир зайлда «кук-ку, кук-ку» деб сайрарди. Настена ҳали сувда сузисб келаётганидаёқ каккунинг сайрашини санамоқчи ҳам бўлди, аммо қўрқди, мана, энди унинг сайраши икки юзтага этиб қолди, истасанг, шунча йил яшайвер¹.

¹ Русларда какку неча марта сайраса одам шунча йил умр кўради деган ақида бор. Бу ерда шунга ишора қилингапти (Ред. изоҳи).

— Хўш, энди қишлоғга борамизми йўқми? — деб сўради Андрей негадир атрофга аланглаб.

— Анча олис-да, — деди Настена тутилиб. — Қайиқни қолдириб кетсам, битта-яримта ҳайдаб кетиб қоладими.

— Бу ерда ким ҳам...

Настена қайиқнинг олдига тушиб, унинг тумшуғидан озиқ-овқат ўралган тугунчасини олди. Лекин улар ҳарқалай қишлоғга бормадилар; шу ерда ўтириш учун жой қидирдилар, улар ўрмоннинг хилват яланглигига ётган гўлага дуч келдилар, гўла суяқ сингари оппоқ бўлиб, тарам-тарам ёрилган, аммо қаттиқ эди. Улар шу гўлагага ўтиридилар. Настена тугунчани Андрейга берди; Андрей қаергадир олисга қараб, тугунчани ечди, аммо нонни кўрди-ю, ўзини тутиб туролмай нонга ёпишиди. Настена унинг очкўзлик билан нон ейишига қарамасликка ҳаракат қиласарди, шунинг учун у сирғаниб, гўладан ерга тушди ва қайиқда қотиб қолган оёқларини бемалол узатди, аммо у дам-бадам бошини кўтариб, зимдан Андрейга кўз қирини ташларди, у Андрейдан ҳам, унинг оч қолганидан ҳам ҳайратланиб, ҳанг-манг бўлаётгани йўқ эди, у ҳозир соқолига илашган нон увоқларини териб оғзига солаётган ана шу жулдуровоқи, озиб-тўзиб кетган кимсани деб тунларни бедор ўтказганига, кучи борича унга талпинганига ҳайрон бўлаётган эди. Ё раббий, инсон туйғуси ҳам шўнчалик инжиқ, муросасиз бўладими! Қаранг, у нақадар талабчан, нақадар ўзгарувчан! Ҳали Настена мана шуни деб, шу одамни деб сузиб келдими, шуни деб изтироб чекдими, гаҳ деса қўлига қўндирадиган қилиб олган одам шуми ҳали? Ишониб бўлмайди. Настена хаёлларини жиловлади. Андрей ҳам фронтдан келиб, уни биринчи марта кўрганда: мен кимни деб қочиб келдим, кимни деб шу номаъқулчиликни қилдим, деб сўрамаганмикин? Ахир, Ангарадан эмас, ундан даҳшатлироқ нарсалардан кечиб ўтишга тўғри келди-ку. Настенанинг юраги бедаво қайғу-ҳасратдан сиқиларди: инсон ўзи тўғрисида ҳеч нима билмайди. Шунинг учун у ўзига-ўзи ишонмайди, ўзидан-ўзи қўрқади.

Какку эса, овозини ўзгартирмай, дараҳтлар, дарё, тошлар, сизларга қанча умр керак? — деб бир зайлда сайрагани-сайраган эди. Оролга бош уриб оқаётган сув шовилларди: анча пастлаган қуёшнинг ён томондан тушаётган нурида дараҳтларда эрта баҳордаги ўргимчак инлари йилтириарди. Кўкаламзорлар, яшил либосга ўранган дараҳтлар кўзларни хумор қилиб сузилтириарди, нам, ўткир ҳидлар гўпиллаб димоққа уриларди. Тепадан ялангликка

капалак учиб тушди ва қалын буталарга урилиб, айчарача учиб чиқиб кетолмади. Аммо шохлар орасидан Аингара, ҳатто соҳилдаги қайиқ қўйруғи ҳам яққол кўриниб турарди, шунинг учун Настена тез-тез ўша ёққа қараб-қараб қўярди, у қайиқдан хавотир олиб эмас, умуман нимадандир қўрқиб, қандайдир муқаррар бир нимани кутиб қаар әди!

Андрей овқатланиб бўлди, шунинг учун Настена ган чалғиб кетмасин, деб дарров сўради:

— Уруш-ку тугади, энди нима қиласиз, а, Андрей?

— Билмасам,— деди у елкасини қисиб, бундан Настенанини жуда тутиб кетди, унинг назарида, Андрей «бilmасам»ни жуда хотиржамлик билан айтгандай, у бирон нимани билишни истамаётгандай туюлди.

— Хўш, биз билмасак, ким билади? Ахир бирон вима қилиш керак-да, Андрей.

— Хўш, мени нима қил демоқчисан ўзи?

— Нега мен унақа дерканман... Мен эмас... Аммо... ё ҳеч нима қилмайликми, ёки бирон йўли борми? Айтда, ахир.

У Настенага ўгирилди ва бирпас жим тургач, оғзига келганини қайтармай, дабдурустдан деди:

— Нима қилиш керак дейсанми? Сен туғишиниг керак — сенинг қиладиган ишинг ана шу. Ўлсанг ҳам туққин, бизнинг ҳаётимиз, биздан қоладигани ана шу. Сенинг ихтиёering ўзингда, аммо билиб қўй, сен туғининг керак. Ана шунинг ғамида бўл.— У гапни дабдурустдан, ҳатто бир оз кескин боцлади, лекин овози бўғилиб қолди, Настена, умуман, унинг овози тез-тез ўзгариб туришини — ёки доимо бир ўзи индамай юраверганиданми, ёки бошқа бир сабабданми, гоҳ керагидан ортиқ қаҳрли, гоҳ шу ондаёқ худди йиглаётгандга ўхшаш аянчли бўлиб қолишини пайқади. Андрей йўталиб бўлиб, давом этди:— Хўш, мен-чи? Мен нима қилардим? Билсам-бўлмасам, сен эрим ўша ёқларда юрганида жин ҳам урмасди, деб хўп ўйлагансан. Йўқ дема, ўйлагансан, биламан. Ўзим ҳам шундай деб ўйлайман. Мана энди, уруш тугагандан кейин ўйлаб ҳайрон қоласан, киши. Ростдан ҳам ҳеч бало урмасмиди, омон қолиб қайтиб келармидим.— У Настенага энгашиб, юзини яқин олиб келди, кўзларини одатдагидан кўпроқ қисиб, яшириб, ваҳимали, бўғиқ овозда хириллаб пицирлади:— Борди-ю, бирон кор-ҳол бўлганида, сен билан ҳозир мана шунақа ўтирамидим? Ҳеч ким айттолмайди. Мана, мен эса, ёнингда ўтирибман. Шунинг учун мендан ҳеч нимани сўрама, мени бирон ишга ундама. Қў-

тумдан фақат бир иш келади.— У қаддани ростлаб, қўлни силтади.— Шошма, гапимни бўлма. Биламан, сенга инонаман. Ҳў ўшандага сенга ёзгача дегандим. Мана ўша ёз ҳам келди. Ҳали яқингинада эди, олдимга қор-чапқинда келувдинг, бугун бўлса, мана, сувдан келдинг. Ӯлим, Настена, бу буюм эмас, бари бир пешонангда боридан қочиб қутулолмайсан. Мана шу ердаги тўрт ой менга қирқ йилдай ўтди, устига яна ўзимнинг ўтиз ёшим. Мен сенга айтяпман, ӯлим бу буюм эмас, аммо мен умрим беҳуда ўтмаганини билишим керак. Мен ҳали сенга керак бўлишимга, сенинг бу ерга мени деб эмас, ўзингни деб келишинингга жуда-жуда ишонгим келади. Кўнглимнинг чигалини ёзай дейсан.

— Мен ҳозир ҳам кимни деб келганини билмайман,— деб тан олди Настена.

— Ҳеч нарсага парво қилма, ҳаммасини олдингдан олиб орқангга ташла-ю, туғавер. Ягона нажотимиз—бала. Бу ишимга сен ҳам анча-мунча аралашиб қолдинг. Аммо—сен виждонли, шунинг учун безовта бўляпсан. Турсанг—енгил тортасан. Бала сени мусибатдан сақлаб қолади. Бу ёргу оламда боламиз ювига кета олмайдиган гуноҳ бормиши ўзи? Бунақа гуноҳ йўқ, Настена. Шуни билиб қўй. Ҳозирлик кўр, деб айтиш учун сени кутдим, ҳар соатда кутдим. Юрагингни тош қил-у, ҳеч нарса кўрмагандай, билмагандай юравер, одамлар нима дейишса деяверишин. Биламан, бош кўтариб юришинг қийин... аммо чида, Настена. Аммо болангга зиён-заҳмат етказма. Жуда тўлиб кетсанг, физиллаб кел, келавер. Ҳамиша кўзим йўлингда. Мен сени деб яшайман, бу ерда бошқа қиласиган ишим йўқ. Агар жуда тинкангни қуритадиган бўлишса — ҳаммасини ўлдираман, ҳаммасига ўт қўяман, туққан онамни ҳам аямайман...

У титраб-қақшаб, бежо кўзларини Ангаранинг нариги томонига тикар экан, бошини ىчига торгди.

— Андрей! Андрей!— Настена қўрқиб кетди.

У паришонлик билан Настенага қаради ва симиллаб бўғувчи газабидан тушиб, сал ўзига келди-да, анчагача миқ этмай ўтирди. Настена ҳам нима дейишини билмасди. У ўзи эмасу бошқа бировга ўхшаб новда кесгани келганини, аммо кесишга ҳеч нимаси йўқлигини тўсатдан заҳархандалик билан эслади: на пичоқ олибди, па болта. Йўқ, уларнинг ҳар бири елкасида қўл-оёқли одамлардан биттадан эмас, бир нечтадан ўтирибди, шунинг учун бу одамлар уни турли томонга қараб торгшилади, то гўрга әлтиб тиқмагунча бурда-бурда қилиб юбориша-

ди. Бу бечора бўлса, гўё ўз кўнглини салгина Силган-дай, яна одамнинг оласи ичидан дейди я.

Настена тагидан совуқ ўта бошлади, шунинг учун у ўрнидан туриб, ғўлага ўтириди. Андрей унга яқинроқ сурилди, аммо Настена кутганидай уни қучоқламади, балки олдинга хиёл эгилиб-эгилиб тебрана бошлади. Офтоб ялангликдан кетиб, дарёга етиб қолганди. Қайиқ қўйруғида синчалак думини ликиллатиб, сакрарди — у учиб кетиб кўздан фойиб бўлди-ю, яна шу заҳоти қайтиб келиб, бўйини чўзиб, тез-тез сувга қарай бошлади. Шарқда, кунчиқар томонда оппоқ момиқ булутлар пайдо бўлди, шунинг учун Настена ҳаво айниб қолмасайди, деб ташвишга тушди.

— Балки Ленага бориб келарман,— деди ногаҳон Андрей.

— Ленага? — ҳайрон бўлди Настена. — Нега?

— Уша ерда бирга жанг қилган бир ошнам бор, Коля Тихонов.— У худди томогига бир нима тиқилган-дек қалқиб кетди-да, такрорлади:— Коля Тихонов. Тўғри, биз бошқа-бошқа взводда эдик: мен биринчида, у учинчида. Взводлар эса, разведкага навбатма-навбат борарди. Аҳён-аҳён учрашиб қолардик. Фурсат топилди дегунча, ҳаммамиз бирга бўлардик. У пайтда у ҳали бўйдоқ эди... Ундан яхши мужик чиқарди. Хушфеъл, содда йигит эди. Уддабурро, қўлидан келмаган иш йўқ. Кийиб турган кийимини ҳам, еб турган нонини ҳам аямасди. Юзидаги чандиги ўзига ярашарди, кулдиргичга ўҳшарди. Ёшлигига муштлашгандা биттаси панщаҳа санчган экан. Биз ўша билан биттамиз ўлсак, омон қолганимиз бориб айтамиз, деб келишиб қўйгандик. У Ленадан, мен Ангарадан— ҳамюртмиз, орамиз олис эмас. У сал ғалатироқ эди. Мен унга икковимизни ҳам ўлдиришса-чи, кейин нима бўлади, десам, у менга икковимизни ўлдиришолмайди, бундай бўлиши учун Ангара билан Ленанинг суви қўшилиб кетиши керак, деганди.— Андрей бир ҳиҳилаб қўйди-ю, чўзиб, узоқ тин олди.— Мен билағонлик қилиб, унга айтсанг-айтмасанг денгизга қўйилиб қўшилиб кетади дедим. У бўлса денгиз — бу ўлим, дейди. Дарёлар ўз ўзанидан оқиб тургандагина мавжуд бўлади, денгизга қўйилдими — тамом, ўлди деявер. Ўлгандан кейин биз ҳам бирлашиб кетамиз деганди. Бир куни тонгга яқин «қидирув»дан қайтиб келсак, менга Колянинг ўлигини олиб келишди, деб айтишди. Бориб шуни айтсаммикин деяпман-да,— деб тўхтамасдан гапида давом этди.— Қаерга кўмилганини биламан, эсим-

да бор, ўзим күмганиман. Ваъдага вафо қилиш керак-да...

— Қанақа қилиб борасан?--- оҳиста сўради Настена.

— Ўзимни олисдан келган одам қилиб кўрсатаман. Унинг қишлоғи кичкинагина. Бирпас ўтираману гаплашиб, қайтиб келаман. Кўмганимизда йиғламадим, у ерда бунақа одат йўқ. Яқинда эсимга тушиб қолди, шунда кўз ёши қилдим. Ахир, юрагим тош эмас-ку, Настена. Агар тош бўлса, яхшироқ бўларди, ҳеч ниманинг қайғусини қилмасдим. Ўйлайвериб-ўйлайвериб жинни бўлиб кетасан, миянгта келган фикрлар бир-биридан баттар... Узиб олади, ҳа, узиб олади... Баъзан борайину таслим бўлай деб ўйлаб қоламан, қилмишингга ярашасини олавер, қанча кўп бўлса, шунча яхши. Қилғилиқни қилдингми — жазонгни е! Ўзимга-ўзим қўл кўтаргандан кўра, тиқиб қўйишгани ҳам дуруст, кимга шу иш топширилса, ўша унимни ўчиради қўяди. Улар ҳам тинч, мен ҳам.— Настена бирон сўзни эшитмай қолмасликка ҳаракат қилиб, қотиб қолди, аммо Андрей шартта бошини кўтарди-да, қаттиқ-қаттиқ чайқади.— Йўқ, бормайман. Мен ўзимдан қўрқаётганим йўқ, ўзимга қолса-ку, кўксимни жон-жон деб ўқقا тутардим-а. У ерда лоақал қўмишади-ку, бу ерда эса, кўмадиган одамнинг ўзи йўқ. Сизларни иснодга қўйишни истамайман. Агар боланинг мендан бўлганини билишса, сени тириклайн ейишади. Мени қўявер, менинг йўригим бошқа, хўш, сенинг эса нима гуноҳинг бор? Мана, тугасан ҳам, аммо бола гапга қолади, бир умр таънадан қутулмайди. Йўқ, бормайман. Сен бўлсанг, нима қиласай дейсан. Нима, мен ҳам ўзимни нима қиласай деб қийнамаяпманми? Сабр қилиб турамиз— маълум бўлиши керак. Ёки чиндан ҳам Ленага бориб келарман. Ёки қўрқсам, бормай қўя қоларман. Сендан узоққа кетишни ўйласам, юрагим орқага тортиб кетади, мен фақат сенинг ён-верингдагина тирикман. Эрталаб уйгонаману ҳозир Настена турдимикин-йўқмикин, деб ўйлайман. Қундуз кунлари дайдиб юриб, ҳозир Настена қаердайкин, деб ўйлайман. Настена мени яхши деб эслармикин, ё ёмон деб эслармикин, дейман. Қейин ўзимча сабр қил, Настена, сабр қил. Бирорвга индама. Яна, худо кўрсатмасин, оғзингдан ғуллаб қўйма, дейман. Аслини олганда сен менга хотин ҳам эмассан, киши хотини билан уйида яшайди, сен менинг ёргу жаҳонимсан, сен менинг бору йўғимсан. Сени мендан жудо қилиб бўлмайди.

— Унақа дема, Андрей, нега бунақа дейсан? — у Андрейнинг пинжига тиқилди ва адашиб әрталабми ёки кечқурунлигини ажратолмай қолган одам сингари юраги хижил қилувчи, ташвишли бир қувонч билан тепа бошлади.

— Гапим ичимда йигилиб қолган, бўшатмасам бўлмайди. Эсингдами, Ильин куни¹ анҳорнинг нариги ёнидаги дўнгликдан пичан ўргани борган эдик? Ўз пичан зоримизда ўт камдек эди, шунинг учун ўша ёқса борувдик. Иссиқ эди, ўргимчак инлари тинкани қуритарди, қулочкашлаб чалғи тортиб бўлмасди, текис ер йўқ. Энг ёмони — ўришни ҳам, ўрмасликни ҳам билмасдик. Байрам эди, чоги. Одамлар ўйин-кулги қилмасди, аммо ишламасди ҳам. Шу куни чақмоқ чақай-чақай деб туради. Эсингдами?

— Эсимда, нега эсимдан чиқаркан? Урушдан олдинги иили ёзда эди-да. Сен ўша ёзда ҳисобчиликдан кетувдинг, Иннокентий Иванович сенинг ўрнингга ишга кируди.

— Ҳа-а, бир-биrimизга ўқрайиб юардик. Нима сабабдан, қайси важдан ўқрайишиб юришимизни ўзимиз ҳам билмасдик. Ӯшанда сенга қараб бир нима дейину дилингни сиёҳ қилиб, бир йиглатай деб ўйловдим. Агар йигласанг, яна бир нима деб кўнгилдаги чигилимни ёзардим. Қарасам, сен ҳам лабингни қимтиб, кўз қирингни ташлаяпсан. Бундан, кел, қўй, шу жин ургур ишни ташлайлигу қишлоққа кетайлик, деган мъянони уқиб олса бўларди. Йўқ, дилимиздагини сиртимизга чиқармадик, лишиллаб-пишиллаб қўйсак ҳам бир-биrimизга индамадик. Шу пайт ногаҳон, худди томдан тараша тушгандек, момақалдироқ гулдираши ўрнига ёмгир ёғди. Шундай ёқимли, илиққина эдики, асти қўявер. Қаёқдан ёққанини билиб бўлмасди, ахир осмонда биронта ҳам булат йўқ эди-да. Осмонни кейин булат босди, унгача ойнадай тиниқ эди. Биз тўхтаб бир-биrimизга қарадик. Эсингдами? Ӯшанда ёмғир ёққани жуда яхши, зўр бўлди-да, икковгинамиз бўлсак ҳам ишқилиб ғижиллашиб қолмадик. Гўё биз олдин келганимизда бошқа эдигу ҳозир бир-биrimизни энди кўриб тургандаймиз. Биттамиз ҳам эмас, иккаламиз ҳам бирдан ўзгариб кетдик. Шуни нимага йўйиш, қандай изоҳлаш мумкин? Ҳаммаси шу ёмғир туфайли, иш туфайли бўлувдими?

¹ 20 июль. (Тарж. изоҳи.)

— Сўнг нўхатга кетдик...

— Нўхатга кейинроқ бордик. Чалгини ташлаб, бир-бири мизга илашиб кетдик. Ёмғир ҳам қандайдир галати эди, тушяптию йўқ бўлиб кетяпти. Худди туман ёки қандайдир оби раҳматга ўхшарди. Ё ўша ёмғир бизни сеҳрлаб қўйдими ўзи. Нўхатга эса сен юр дединг, ўшанда дунёнинг нариги чеккасига десанг ҳам кетингдан кетаверардим. Мана шулар әсимга тушиб кетди-да, ахир...

— Ҳозир ўтирган шу ўзимизми, Андрей? Ё анавилар, ўт ўргани борган бошқаларми?

У бошини ёнига ташлади-да, оғир, чуқур хаёлга чўмди.

— Билмайман, улар ҳам, булар ҳам эмас, яна бошқалари бўлса керак. Уруш бўлди... Ҳаммаси бўлди. Йўқ,— деди ногаҳон бир сесканиб.— Бу ўзимиз, ўзимиз, Настена. Ҳозир ўзимиз. Бўлмаса, мен эсламасдим. Бу ўзимиз. Бу бутунлай йўқолиб кетганий йўқ. Ахир, фақат ёмонлик эмас, яхшиликларни ҳам кўрганмиз — тўгрими, кўргандикми?

— Ёмонликни эслаб нима қиласан?

— Ҳаммасини эслаш керак, Настена. Ҳаммасини эслаш керак, аммо ёмонлик уятли жойдай гап, уни бўлар-бўлмасга кўрсатмаслик керак.

— Эслайсанми?..

Қалб торларини гамза билан чертиб ўтган хотира-лардан сеҳрланган ва кўнгли тоғдек кўтарилган Настена энди ҳеч нимани: унинг кийимлари дабдала бўлиб ўзи озиб-тўзиб кетганини ҳам, кир-ягир юрганини ҳам пайқамасди. Бу унинг Андреий, кўз очиб кўргани, қувончли ҳаёт кечирган ўзининг меҳрибон кишиси эди. У шунчалик баҳтиёр экан-а! Настена қуёш ботиш олдидан ўрмоннинг нариги ёғида тарам-тарам нур сочиб, ҳаво қуюқлашиб, қорайиб, ўт-ўланлар совиб қолган пайтда ўзига келди. Настенанинг кўзи олдидаги қаёқдан-дир пайдо бўлиб қолган тилоғоч шохи қимирлаб турарди, сўгалга ўхшаган гадир-будир, хунук куртаклардан чиройли нинабарг попуги ёриб чиқаётганди. Ёнида Андрей ҳоргин пишиллаб ўтиради. Настена ўзига келдию қўрқиб кетди:

— Вой ҳудойим, уйга новдасиз боролмайман-ку! Ёнингда лоақал пичогинг борми?

— Бор.

— Тезроқ юр.

Андрей уни кузатаётуб:

— Менга айт-чи, Настёна, мен бу ерга келганимдан кейин қишлоқдагилардан битта-яримтаси ўлмадими? Қорахат келмадими? — деб сўраганда Настена эътибор бермади, бу гапнинг фаҳмига кейингина етди.

— Мен келганимдан кейин дейсанми?

— Ха.

— Чамамда йўқ, йўқ, ҳеч ким. Охиргиси Володя Сомов эди. Кузда қорахат келганди.

— Шунача де.

У ўз гуноҳини енгиллатиш йўлини қидира бошладанди. Шундан кейин Настена нега, нима учун, деб ўйланиб қолди. Буни ўзи учун сўраяптими ёки кўнглида бошқа бир гап борми?

19

— Бир неча кундан кейин Настена яна келди, аммо бу сафар у, ниҳоят, Михеич сувга туширган ўзларининг шитигида келди. Эрталабдан эзив майдада, совуқ ёмғир ёға бошлади, шунинг учун далада иш тўхтаб қолди. У ўз томорқасида ер чопиб, бодрингга жўяқ тортмоқчи бўлди, аммо ёмғир бунга ҳам қўймади, у бекорга ивиб, таъби хира бўлди. Шунинг учун у кун бекор ўтмасин деб аранг топган тўрини, чивинга қарши ишлатиладиган бир шиша қатронни эрига элтиб беришга, яна бир ташвишдан қутулишга жазм этди. У Михеич уйда йўқлигидан хурсанд бўлди, энди унга баҳона ҳам қидириб ўтирамайди, Семёновнага эса, балиқ овига бораман, деб қўя қолди — кампир анчадан бери, «мана, одамлай бинойидек, балик тутяпти, биж бўлсак, бу Ангаядаги омулнинг думини ҳам кўйганимиж йўқ», деб ҳиқиллаб юрган эди. Настена пиёда борадими ёки қайиқда сузив борадими, тушуниб бўлмайдиган қилиб бораман деди, ахир унисининг ҳам, бунисининг ҳам маъноси бориш-да. Семёновна жавоб беришга ҳам, уни тўхтатишга ҳам, рухсат этишга ҳам улгуролмади, Настена эса, гизиллаб ташқарига чиқди-да, тез-тез одим отиб, Ангарага жўнади. Эшкаклар мўрча даҳлизида сақланарди, ёғоч қозиқларга ўралган балиқ овлайдиган эски перемётлар¹ ҳам шу ерда ётарди. Настена уларни олди-да, шоша-ниша соҳилга тушиб, қайиқни итарди. У юқорига қараб сузиш ўрнига қаттиқ-қаттиқ эшкак эшиб, шитикни пастга, оқимга қа-

¹ Переимёт — осма қармоқ, бир неча ўнлаб қармоқ осилган узун ип бўлиб, бир учидан қозиқ қоқиб, иккинчи учига томп боғлаб, дарёга ташлаб қўйилади. (Ред. изоҳи.)

раб ҳайдаб кетди. Беш минутлардан кейин, шивалаб ёға-ётган ёмғир худди парда сингари қишлоқни түсіб қўйгач, у қайиқни дарё кўндалаңтига қараб бурди.

Ёмғир сувга шовиллаб келиб уриларди; дарё сурранг, хира эди. Орол ювилганга, хиёл бўртиб чиққанга ўхшарди, шу туришида паст булутни, ифлос доғни эслатарди. Осмон ҳам ювилган эди, тўғрироғи, осмон, умуман, йўқ эди, худди қуёш ботиб кетгандай, у ҳам қаёқ-қадир ғойиб бўлганди, энди шу ер қорайиб турарди. Настена мартди, қутурган ва серёмғир бўронда қаердадир шу ерларда муз устида югуриб борганди: вақт ўтиб боряпти, унинг ҳаётида эса, ҳеч қандай ўзгариш бўлмаяпти, қишида ҳам, ёзда ҳам ўша ерга, унинг олдига бориш учун ҳавонинг айнашини кутишга тўғри кела-ди. Настена резинали ёмғирпўшда эди, кофтаси устидан ташлаб олганди, лекин аллақачон ёмғирпўшнинг путури кетганди, шунинг учун ёмғирдан сақлаб қололмади, ёқимсиз сув елкасида тўпланиб, илиб, ичига сизиб тушарди. Ҳўл кофтаси куракларига ёпишиб, ғашини келтириарди; Настена дам-бадам елкаларини қимирилатиб, баданига ёпишган кофтасини ижирганиб кўчиришга уринарди-да, эшкак эшиш маромини бузарди.

У Ангарадан ўтди-да, анҳорни қидириб топиб, шитикни ўша ерга ҳайдаб кирди ва юқорига қараб анча ергача итариб борди, кейин битта-яримтанинг кўзи тушмасин, ёмғирда қолиб кетмасин, деб қайиқни анҳор устига энгашиб турган, тарвақайлаган қайин остига қўйиб қўйди. У перемётдан биттасини олиб, иккинчисини қайиқда қолдирди ва қирғоққа чиқиб, ҳоргинлик билан нафас олди: уйдан қочиб чиқиб, мана, етиб ҳам келди, гўё кўз очиб-юмгунча етиб келгандай эди. Аммо у қайтиб кетиши кераклигини эсдан чиқармаслик учун ҳам перемётни олиб олди. Ҳозир уларнинг ҳамма иши ҳам телба-тескари эди: одатда одам олдинга қараб боришдан кўра, ўз изи билан орқага осонроқ қайтиб кела-ди, уларники эса, аксинча. Қани энди Андрей ўз оёғига ўзи болта урган ерга қайтиб борсин-чи, боролмайди! Қани энди Настена ҳам бундан ярим йил олдинги Настена бўлсин-чи, бўлолмайди! Бугун яна қайтиб кетиши унга жуда оғир, ўша Ангара кўзига беш баравар кенг кўринади, эшкаклар ҳам ўша бўлса-да, жуда оғир бўла-ди, сув ҳам ўша, аммо даҳшатли, чуқур. Қани энди қайтиб кетмаса-ю, шу ерда, тегишли жойда, тегишли одам билан қолса, айёрлик ҳам қилмасди, ёлғон ҳам гапирмасди, борига шукр қилиб, бемалол яшайверарди.

Настена қайтиб Ангарага тушди ва сув тез, түерл оқиб кетаётган тошлоққа перемётни тортди. Перемёт билан шу кунларда балиқ тутса бўлади, бир-икки ҳафтадан кейин сув тиниб, одатдаги меъёрига тушганида, бу перемёт ярамайди. Ўтган йили Настена муз кетгандан кейин бир неча марта ўз қиргогига перемёт тортиб, ель ва хариуслардан тутиб келганди. Михеич эса, жексаларга хос камтарлик билан фақат мордани¹ тан оларди, балиқ тутишнинг бошқа усулларини сира назарисанд қилмасди. Үнга, Настенага эса, хўжакўрсинга бугун очидан ўлган энг майда ель балиқчалар бўлса ҳам кифоя қиласди. Энг муҳими, гапдан қутилиш учун далил керак, бошқалар ишонадими-ишонмайдими, унга бир пул. Үндай бўлса ҳам, бундай бўлса ҳам иш ҳар қалай ниҳоясига етепти. Настена қоп-қорайиб турган жардан, илдизларидан новдалар ўсиб чиқсан тўнкаларни, юмшоқ ерни ағдариб чувалчанг терди, уларни қармоққа тиқиб, перемётнинг бир учи боғлаб қўйилган тошни сувга ташлади. Илин, балиқжон, катта бўлсанг ҳам, кичик бўлсанг ҳам, ишқилиб илинггин-да. Настена кетар экан, агар ҳеч нима илинмаса, лоақал қармоқда қолган чувалчангни олиб ташламаслик керак, чиндан ҳам қармоққа чувалчанг тиққаним, ростдан ҳам балиқ овлаганим, бошқа иш билан шуғулланмаганим кўриниб турсин-да, деб ўйлаб борди. Михеич бадгумон одам, кўнглига ҳар хил гап келиши мумкин.

Емгир эзиб ёққани-ёққан эди; Настена, назарида, чўзиқ, қаттиқ ғижирлаган нарсанинг ерга тушганини ёшитгандай бўлди. Уша нарса ҳали ўсиб, яхши етилмаган майса ичига шовқинсиз тушди, дараҳтларнинг барглари совуқ егандай титраб турарди, Ангара устини, ҳудди куздагидек, ёмгир аралаш қалин туман босган өди. Осмонда билинар-билинмас ҳаракат бошланганга ўхшарди, ё бу ҳам шундай туюлиб, бўшлиқни ёқтири-майдиган кўзлари олдидан сузиб ўта бошладимикин? Настена юқори қишлоғга бормаган эди, шунинг учун тусмол билан кетаверди — у аввалига қирғоқ бўйидаги өски, ташландиқ сўқмоқдан юрди, тақир сўқмоқнинг икки ёнида ўтлар ўсиб ётарди, кейин тоққа бурилди. Назарида, у илгари ишлов берилган ерларни дарров топиб оладигандек эди, аммо нишабликда оқариб турган парча-парча ерлар кўп эди, бу ерлар ўзи азалдан

¹ Балиқ тутадиган сават. (*Тарж. изоҳи.*)

шұнақами ёки ташландиқ әкін ерими, билиб бўлмасди; у бир ердан иккінчисига, иккінчисидан учинчисига ўтиб, борган сари юқорига кўтарилади, аммо бинодан эса ҳамон дарак йўқ әди. Емғирда узоқни кўриб бўлмасди, у то булоқда дуч келгунича яна апча адашиб-улоқиб юрди, булоқни кўргач, пастга тушиши лозимлигини фахмлади ва қаршисидаги сийрак тоғтераклар ичида қишлоғининг вақт ўтиши ва қор-ёмғирдан қорайиб кетган тарам-тарам таҳтали томини кўрди. Настена бир вақтлардаги сингари яна деразачани тиқиллатди ва шу ондаёқ Андрей овозимни танисин, қўрқиб кетмасин, деб чақирди. Андрей яна ўшандагидай югуриб чиқдида, уни ичкарига олиб кирди ва ҳўл кийимларини ечишда ёрдамлашди. Аммо гап бу сафар Настена биринчи марта қайиқда сузиб келиб, улар қирғоқда учрашган вақтларидағига қараганда бошқача бўлди.

Бунга Настенанинг ўзи айбдор әди. У Андрейнинг гапларига қулоқ солар экан, унинг таъсирига тушиб, у нима деяётган бўлса, ҳаммаси тўғри, унинг бу ерда яшириниб юриши-ю, менинг эса, у ёқдан бирорвга оғиз очмай юрганим маъқул, бундан бўлак чорамиз ҳам йўқ деб унга ишонди. Ҳа, у тишини-тишига қўйиб чидаши, индамаслиги керак, худди учи ўткир, қиррали тошлар орасидан ўтаётгандек, ҳар кунни юз азобда ўтказиши керак, қандайдир ҳали номаълум, ноаниқ нажот йўлига чиқиб олмоги лозим. Аммо у ёлғиз қолди дегунча умидсизликка, ваҳимага тушиб, азоб-уқубатдан қон-зардоб ютарди: ахир улар нима иш қиляпти ўзи? Нима қиляпти, нимага ишоняпти? Ҳақиқат — у тошлар орасидан, Ангаранинг ўртасидан, сув жуда тез оқадиган, чуқур жойдан гапирувчи дарахт бўлиб ўсиб чиқади. Ҳеч қандай куч уни яшира олмайди. Ҳарқалай Андрей бекиниб юрган еридан чиқиб, айбига иқрор бўлиб борса яхши бўлмасмикин? Ахир, эгилган бошни қилич кесмас дейишиди-ку. Ахир, одамлар ҳам шундай гуноҳи азим қилган киши қайтиб бирон гуноҳ қилишга қодир эмаслигини тушунишлари керак-да. Шунинг учун у яна ўз олдида Андрейнинг соқоли патак бўлиб, халтадай осилган юзини, азоб-уқубатдан қаърига тортган тийрак кўзларини, ёйдек букилган, кир-чир кийимдаги эпчил гавдасини, ёмғирдан сўнг заҳ, қоронғи, ҳавоси тахир, диққинафае қишлоғни кўриб, ҳис этиб, алами янгиланди-да, титраб кетди.

— Печка ёқмайсан шекилли, а? — деб сўради у газабини босолмасдан.

— Бу ерда печка йўқ,— деб у оҳиста жавоб берди Настенанинг авзойини сезиб.

Настенани шундай қайғу-ҳасрат босдики, юраги қонга тўлди, аъзойи бадани латтадай бўшашиб, боши лўқ-лўқ қила бошлади, у инқилаб деди:

— Андрей, балки кераги йўқдир, а? Бунақа қилиб юрмай, чиққанимиз дурустми? Мен сен билан қаёққа ёўлса ҳам, дунёнинг нариги чеккасига десанг ҳам кета-верафдим, сен қаерда бўлсанг, мен ҳам ўша ерда бўлардим. Бундан ортиқ чидолмайман. Сен ҳам чидолмайсан, ўзинита бир қара, қай аҳволдасан, ўзингни ўзинг нима қилиб қўйдиган? Отиб ташлашади, деб сенга ким айтди? Уруш тугади... ахир, шундай ҳам ўлиб бўлдик-ку...

Настена шоша-пиша гапирав әкан, Андрейнинг узоқлашаётганини, бақрайиб, заҳархандалик билан бужмайиб кетаётганини кўриб туради. Андрей шундай деди:

— Мендан қутулгинг келиб қолдими? Хўш, хўш, майли.

— Андрей! — Настена қўрқиб кетди.

— Қутуласан, Настена, қутулиб қоласан,— у овозинигоҳ кўтариб, гоҳ тўхтаб-тўхтаб, гоҳ овутувчи бир оҳангла пасайтириб давом этди.— Гапинг тўғри—тинканг қуриб кетди, қачонгача чидаш мумкин, ахир? Киши ўз иззат-ҳурматини ҳам билиши керак. Ўзим тушуниб олишим керак. Қутулиб қоласан, Настена, аммо сен ўйлаганингдек эмас. Сен билан кетавераман деяпсанми? — у аввалгисидан ҳам баттароқ юракни сиқиб кулади-да, овозини баландлатди: — Ахир сени менинг ёнимга тургазиб, отиб ташламасликларини ўзинг ҳам биласан-ку. Сенга раҳмлари келади. Мени эса, отишади. Сенга ҳеч бўлмаса қорнингдаги боланг туфали раҳм қилишади. Кейин, жонгинам, бир ўзинг кетаверасан, шу билан виждонинг ҳам пок бўлади. Ҳа, чакки эмас.

— Бас қил, Андрей, бас қил деяпман сенга. Шундай дейишга уялмайсанми, а?

— Мен сени, Настена, ўзим қутқазиб қўяман. Ҳадемай, шу яқин орада, кўп куттириб қўймайман. Мен сени бир умр мана шунақа сарсон қилиб қўймоқчи эмасман. Модомики, гап шунақа бўлса, эртагаёқ ёки истасанг, ҳозироқ қутуласан, Ангара ёнгинамда. Қўмаман деб овора бўлиб ҳам юрмайсан. Арқончам ҳам бор, ҳў музлама пайтида тегирмонга кирувдим, ўша ердан арқонча топиб олувдим. Бақувват — беш кишини қўтаради. Сенинг қайигингдан сакрайман, сен эса, то чўкиб кетгунимча қараб турасан. Ахир сен, барибир Ангарадан

кетишиңг керак-ку, мени эса йүл-йүлакай ташлаб кетасан, ярим йүтгача сенга қарашиб, эшкагингни эшаман.

Настена, гүё ўзини ҳимоя қилаётгандек, қўлини кўксига босиб, эшитмаслик, тушунмаслик учун бошини сарак-сарак қилиб ялина бошлиди:

— Мени нега бунча қийнайсан, нега? Мен сенга нима қилдим? Мен шуниси маъқулмикин дегандим... Ахир, мен сени йўлдан ураётганим йўқ-ку, мен ўзим ҳам билмайман. Миямга келганини айтдим-қўйдим-да. Сен бўлсанг, гапингни қара-я? Нега унақа дейсан?

— Менга ақл ўргатмай қўя қол, ўзим биламан. Мен сенга ўша дастлабки куниёқ дангал йўқ деб айтганман. Шунинг учун сен мени йўлимдан қайтаролмайсан, ҳаракат қилмай қўя қол. Ҳеч иш чиқмайди! — Андрей бақириб, ўзини тутиб туролмай, шундай қаҳр-ғазаб билан унга ёпишиб кетдики, Настена эсанкираб қолди.— Вой сендақа меҳрибондан ўргилдим, яхшилик қилмоқчи бўлибдилар-а. Биламан, мақсадинг нима. Қанақасига гумдон қилиш йўлини топибсан-да. Чамаси, кечаси билан ухламай, ўйлаб чиқканга ўхшайсан. Бундан дуруст йўлини тополмабсан-да! Қўл-оёғимни боғлашганида чивин чақмасин, деб яна тўр ҳам топиб келибди-я. Ўзим эвини қиласман. Тўрингсиз ҳам эвини қиласман. Энди менга ҳеч нима керак эмас, ташийвериб жуда қийналиб кетдинг. Бас энди. Шунча ташиганинг ҳам етар, дамингни ол. Энди бу ерда қорангни кўрсатма, барибир мени кўролмайсан. Бу ҳам тўғри: хотинга боқим бўлиш — оғир! Аммо сенга яна эслатиб қўяй: менинг шу ердалигимни бирорга айтсанг, барибир топиб оламан. Ўлсам ҳам қўлим ёқанга бўлади. Шуни унутма, Настена.

Настена уни гапдан тўхтатиш, ҳовуридан тушириш мақсадида унга томон қадам ташлади. Андрей жиркан-гандек, зумда афти буришиб кетди-да, бошини елкаси ичига тортиди.

— Менга қара, Андрей,— деди у мулоиймлик билан илтижо қилиб.— Менга қара. Йўқ, қарагин, юзингни ўғирма. Аввал қарагину кейин ўша сен айтган одамга ўхшайманми-йўқми, айтгин. Тепангда худо бор, Андрей, нималарни вадираяпсан? Қани, айт: ўхшайманми?

— Балки сендан узр ҳам сўрашим керакдир ҳали? Оёғингга бош уриб, сени бекорга айблабман дейинми? Е бошқа муддаонг бўлса, айт, қилайин.

— Узр сўрашингнинг кераги йўқ. Оёғингга эса, ўзим бош ураман, фақат бунақа дема. Айтган гапларингга ишонма, ўзингни-ўзинг алдама. Менинг раъйимга қара-

майды, деган фикр миянгга қаёқдан келиб қолди, ўзи, а? Вой тавба, гапингни қара-я, Андрей! Унақа дема, қўй, кераги йўқ... Сен яхшилаб қара, менга қара, мен шунақами-йўқми? Наҳотки кўрмаётган бўлсанг?

Кейин у кўзини Андрейдан узмай, ғигълаб юбормаслик учун лабини тишлади, ўпкаси тўлиб, гуркираб келаётган бўзлашдан ўзини аранг тутиб, қалт-қалт титрай бошлади.

— Демак, ўзимга ишонмайину унга ишонаи... Жуда соз,— деб тўнгиллади у гангиб тескари қаарракан. У ҳамма нарсадан, атрофдаги барча нарсадан жаҳли чиқиб, ўринисиз зарда қиласарди.

Улар анчагача чурқ этишмади, ниҳоят Настена кетиш учун ўрнидан турди, аммо у эса, жойидан қимирламади, қандай турган бўлса, шундай тураверди — кузатгани бормади.

Настена бор-йўги уч кунгина чидаб юрди. Кейин имконият туғилиши билан ҳеч кимга ҳеч нима демай, қайиқни сувга туширди-да, сузуб кетди, Андрейнинг шу ердами-йўқлигидан, тирик-ўликлигидан бехабар юришга унинг ортиқ тоқати йўқ эди. Шунинг учун кечаси қоронгида Настена унинг дарчасини тиқиллатганида Андрей чиққач, қувончдан ўзини йўқотиб бўйнига осилиб олди, Настена Андрейнинг шу ердалигини, тириклигини кўриб, бутун дард-аламини, қаҳр-газабини унутганди. Учрашувдан йигълаб юборишига сал қолган Андрей уни эркалаб ўтиаркан, пушаймон қиласарди, ўзини аҳмоқ дерди, хафа бўлма, айтган гапларимга ишонма, агар сен келмаганингда биронта қайиқ топардиму сени пойлаб юардим, кечирим сўардим, деди. Бу гаплардан баттар ийиб, эриб кетган Настена шундай деди:

— Агар сен ўзингни бирон нима қилсанг, мен ҳам ўзимни бир бало қиламан, шуни бир билиб қўй.

20

Кейинги ишлар ҳаммаси худди томдан тараша тушгандай рўй берди-қўйди.

Настена шанба куни мўрчани иситди, эшикларини ёпди, Семёновнанинг аввал бўлиб чўмилмаслигини билгани учун улардан олдин мўрчага кетди. У эндиғина бошига совун сурганида (Лиза Вологжина қаердандир бир кулча қора совун топиб, ўшанинг ярмини унга берган эди) кимдир келиб, даҳлизда ечина бошлади; Настена қотиб, таниш иҳраш-сихрашдан қайнонаси

әканини билиб олди. Настена Семёновна кириши билан мен ювиниб бўлдим деб чиқиб кетиш учун наридан-бери бошини чайиб олишга югурди, аммо кейин ўйлаб кўрдаб, бу ниятидан қайтди: модомики қайнонаси бир ўзи келибдими, демак, уни барибир кетказмайди. Йўқ, энди бошга тушганини кўз кўрар. Бу кампири тушмагур нега келдийкин-а, ахир сира бирга ювенишмаган эди-ку! Аксига олиб, худди билганда-я, ахир унга бу ерда ҳеч кимнинг кўзи учиб турмаганди-ку. Балки, чиндан ҳам атайлаб келгандир, чиндан ҳам билгандир: илгари кузатиб юрган бўлса, пойлаб келиб текшириб кўрмоқчи бўлгандир. Агар шунаقا бўлса, ҳозир майна бўлади-да, Настена мўрчанинг бурчагига борди-да, шайка¹ билан ўзини тўсиб, қорнини ичига тортишга уриниб кўрди — дўппапайиб чиқиб тургандан кейин уни қаёққаям тортардингу қанақасига ҳам яширадинг? Йоз қилсанг ҳам кўриниб туриби-ку, кўриниб туриби-ку ахир.

Аммо таажжубланадиган ери шундаки, бу сафар ҳамма иш силлиқина ўтиб кетди. Семёновна ё ҳеч нимани пайқамади, ё пайқаган бўлса ҳам ишонмади, унинг сабабини бошқа нарсага, келинининг қорин қўйтганига йўйди, чоги. Шундай бўлса ҳам чўмилишаётгандада Настена кампирнинг икки-уч марта тикилиб-тикилиб қараб қўйганини пайқаб қолди, ана шунда у қорнини ичига шунчалик тортиб, шунчалик қисиниб-қимтиндики, кучанишдан ёноқлари тортишиб кетди. Кейин, кийиниб ташқарига чиққач, Настена афсусланди: яшириб нима қиласди? Жуда қулай, айни пайти эди, аксинча, у ўзининг бор гўзаллигини кўз-кўз қилиши, агар сўраса, бор деб айтиши керак эди. Ҳатто қайнанаси бошқа одамлардан эмас, ундан, Настенанинг ўзидан эшитганида, қайтанга яхши бўларди. Ҳарқалай қайноқ сув сепиб юбормасди, аммо бақириб-чақиради, жигибийрон бўларди — майли эди-да, аммо Настена ниҳоят уззукун кутиб юришдан, қўрқувдан қутуларди-қўярди, ахир бу қанча чўзилса, шунчалик даҳшатли, чидаб бўлмайдиган бўлади-ку.

Аммо мўрчага тушишнинг оқибати Настена учун ҳарқалай яхши бўлмади. Шундан кейин Семёновна уни қандайдир кўзини қисиб, зимдан зеҳн солиб кузатиб юрадиган бўлиб қолди, унинг бу қилиги яхшиликдан дарак бермаслигини Настена биларди. Демак, кампир

¹ Егоч ёки металлдан ишланган тогорага ўхшаш идиш. (Тарж. изоҳи.)

бир нимани пайқабди, бўлмаса бунақа қилмасди. Қайнона астайдил келиннинг пайига тушганди: кампир бир кунда йигирма марталаб қаққайиб туриб оларди-да, ҳаёққа, қаерга кўз ташлаётганини ҳам яширмай, унга зеҳи соларди, Настена эса, бекинарди ёки қисиниб-қимтиниб ёни билан лип этиб ўтиб кетарди, ё бўлмаса қўли билан қорнини пана қиласарди, Андрейнинг кенг-мўл камзулини кийиб ўраниб оларди, ёки сал олдинга энгашиб, кўкрагини чиқариб юрарди. Қорни эса, кейинги пайтларда ошган хамирдай кўтарилаётганди, энди уни ҳеч қандай қувлик, айёрлик билан яшириб бўлмасди.

Бир куни кечки пайт, Настена билан Семёновна ёлгиз ўзлари қолишиди, иккови ҳам рўзгор юмуши билан — Настена ҳовлидаги, Семёновна эса уйдаги юмушлар билан ғимирлаб юришганда Семёновна, гўё Настенанинг қорни дўйпайиб қолганини биринчи марта кўраётгандек, шартта сўради:

— Шен, кижалогим, ҳомиладой эмашмишан? Нега бунчалик тайвайиб кетдинг?

Настенанинг юраги шув этиб кетди: мана сенга керак бўлса! Дард устнига бу чипқонни кўр. Бўш келма, Настена. Энди тона олмайсан, яшириб юролмайсан. Шунинг учун ҳам Настена чўрт кесиб, ўша сўзнинг ўзи билан жавоб бериб қўя қолди:

— Ҳомиладорман.

— Вой ўлай! — деди чўзиб Семёновна таажжубланниб, у ҳатто шубҳаси бежиз эмаслигидан қувонди ва ногаҳон дардчил оёқлари билан физиллаб унинг олдига келди-да, жони чиқиб кетганидан бўғилиб, нафаси тиқилиб, бақириб юборди, у анчагача бир оғиз ҳам гапиромлай фақат бошини силкитди.

— Каншиғ! — деб қичқирди у кейин, шунинг учун Настена бу «қанжиқ» эканини дарров тушуна олмади. Илгари қайнонаси сира койимасди. — Каншиғ! Вой шў-ўйи-им! — у бошини чанглаб, ув тортиб йиғлашга тушкиди. — Ана шаймандалигу мана шаймандали! Эй худо! Мукаддаш Биби Майям! Ўжинг жазошини бей, туйган ейида жазола. Айланишибди. Кутиб түёлмати! Тағин мик этмай юйганини-я бу каншиғни! Андюшканинг келишига бу манжалаки туғиб ўтийади... шайм-ҳаёнг кани шени? Ой-номушинг кани, нима килдинг уни? Кани энди ичингдаги бола бўлмай, куйт-кумушка бўлша эди! Кани энди бий умй тўғмашанг эди! Қандай яхши бўлайди-я, қандай яхши бўлайди-я! — Семёновна ўзи қарғишларидан ўзи қўрқиб кетди-да, тўхтади, томогига

бир нима тиқилгандек йүтальди ва сўнгги умид билан сўради:— Балки ёлғон гапийаётгандийшан-а? Балки ҳеч нима йўқдий?

— Бор,— деди Настена юрак ютиб ночор, у бундан бошқача жавоб бериш мумкин эмаслигини биларди, шунинг учун беихтиёр қорнини дўппайтириб олдинга чиқарди.

— Бой эмиш-а,— Семёновна иҳраб-сиҳради.— Бой дейди-я. Гўё шунака бўлиши кейакдай. Шайм-хәёши колмабди — йўқ. Мабодо мушук эмашмишан? Шайманда, ҳаёшиз мушук эмашмишан ўши?— У янги сўз топди ва худди мушукка бақиргандек қўли билан эшикни кўрсатиб қичқирди:— Пишт! Кет уйдан, шайманда! Нахш бошган туйкингни кўймайин бу ейда. Ҳожийоқ туёғингни шикиллат! Каейда ойттийган бўлшанг, ўша ейга жўна. Андошқа келша, биж унга нима деймиж? Кимни олиб юйибмиз-а? Ишнодга колиб, кимни аллада ажиж қилиб юйибмиж-а? Ахий, кишлоқда ҳамма билади-ку, кишлоқдагилай билади-ку, эй худойим! Мен, шен кижни, ўша келган кунингдаёқ йажм шолиб, билиб олувдим, канакалигингни дайиов пайковдим. Мана, айланишдингу ойттийиб келдинг! Нимани кутиб туйибшан, оташкуйак билан тушириб колмашимдан жўнаб кол. Бу ейдан койангни ўчий.

Настена қанақа кийимда бўлса, шу кўйи ташқарига чиқди. Зинада челякни олди, бу челякда бузоққа ардоб олиб бориб берганди-ю, шошилинчда эсидан чиқариб зинада қолдирганди, у челякни элтиб скамейкага қўйди. Уй ичидан кампирнинг шанғиллаб қарғаши эшитилиб турарди; Настена бу қарғишлилар ўзига тегишли эканини, чиндан ҳам уни уйдан ҳайдаганларнга гўё тушунолмай, ишонмай бирпас турди, кейин нимагадир имирсилаб, ниманидир кутиб, бўшашибгина эшикни очди. Нарироқдаги майдонда болалар бақай ўйнашаётганди, Родъка ҳам ўшалар ичиди эди. Настена ундан ойинг уйдами деб сўради, у ҳам уйда бўлса керак, деб жавоб берди. Бошқа борадиган жой йўқ эди — Настена Надъканикига кетди.

У Семёновнадан хафа бўлмади, рост-да, унинг нимасидан ҳам хафа бўларди? Шунақа бўлиши турган гап эди. Аммо Настена охирги дақиқагача ҳам ўзини-гуноҳсиз деб ишонар ва модомики айбим бўлмаса, ҳақ жойида қарор топади-ю, мени бундай жазодан сақлаб қолади, деб юрар эди. Настена адолат ҳам қидиргани йўқ — ҳозир нима адолатли-ю, нима адолатсизлигини ҳам тушу-

тиб бўлмайди, унинг ўзи ҳам кўпдан бери икки жаҳон овораси бўлиб юрибди, аммо аслини олганда қайнонаси оғина ачинса бўларди, индамай юриб, бола бўлиб қолганини фаҳмлади-ю, тўполон кўтарди, ахир бу бола унга бегона эмас-ку. Наҳотки, ўз қони қулогига пич этиб қўймаган ёки юрагини бир жиз этказмаган бўлса. Унда одамлардан нима умид? Мана ўша чилқон, кўпдан бери йиринглаб, унинг сабр-тоқатини битирди, силласини қуритди-ю, ниҳоят ёрилди, энди бу ярага қўядиган ҳеч нима йўқ. Ўзини ўзи авраб юрган бўлан бирон наф кўрармиди, қандайдир бир нимани деб чидаш керак, кейин ҳаммаси кўрмагандай бўлиб кетади, деб тасалли топишдан бошқа нима бор? Хўш, кейин қанақа яхши кунлар келади? Йўқ, кутишдан фойда йўқ.

Настенанинг кўнгли шу чўкканича чўкди-ю, қайтиб кўтарилимади, юраги номаълум бир жойдан заифгина телиб турарди. Ёки у ичидаги боласининг юраги билан яшаётганимикин? Узи билан унинг заррача иши йўқ эди, фақат уни, болани қутқариб қолса, бошига тушган қайғу-кулфатдан нобуд қилиб қўймаса, ёруғ олам юзини кўрадиган вақт-соати келгунча эсон-омон кўтариб юрса, бас эди. Эҳтимол, одамлар болани кўргач, кўрадиган эрмак топилгач, раҳмлари келар, уни ҳозир ўз уйидан ҳайдаб чиқаришгандек қувиб юборишимас ахир. Ўз уйи бўлиб қолувди, саккиз йил умр ўтди. Шунаقا бўлганига хафа эмас, йўқ, хафа эмас, фақат уятли бўлди; у ўзидан сира уялмайди, ўз йўлинни билади, бу йўлга кўнишиб қолган, шунинг учун шундай воқеъ юз бердики, бу йўл тунаб туришга одамлардан бошпана сўраш даражасига олиб келди. Унинг бирон ерга кетиши мумкин эмас, қўл-оёги икки қават қилиб боғлаб қўйилган, қолаверса борадиган ери ҳам йўқ. Ёлғиз ўзи, бутунлай ёлгиз.

У Надъканникига келди-да, бутун оғирлиги билан эшик кесакисига суюнди, то уй эгаси кир демагунича ичкарига ўтишга юраги дов бермади. Ким билсин, эҳтимол, Надъка кирма дер: энди ҳар бир одамни бошқатдан билиб олиш керак; одамлар кўришга одатланиб қолган ерингдан жилишинг билан дарров сенга нисбатан ўзгариб қолади, сени бошқача ном билан чақиришга жон-жон дейди! Надъка бозиллаган печка олдида гимирларкан, сўради:

— Нега серрайиб турибсан?

— Уч-тўрт кун туришга йўқ демайсанми? — гапни

чўзиб, чайналиб ўтиришга тоқати қолмаган Настена шундай деб гап бошлади.

— Кимга — сенгами?

— Менга.

Қўл силтамоқчи бўлган Надъка диққат билан унга разм солди:

— Нима гап ўзи?

— Ҳайдаб юборишди.

— Сени-я?

Настена қорнини кўрсатди.

— Кўряпсанми?

— Вой-вой-й-й,— деди Надъка ўзига хос бўлмаган овоз билан ва оҳ-воҳ қилди:— Ростданми? Уни қаёқдан орттиридинг? Шошмай тур, шошмай тур,— Надъка ғизиллаб унинг олдига келди, уни ёроч каравотга ўтиргизди, ўзи эса энгашиб рўпарасида турди.— Бу ёруғ оламда нималар бўлянти ўзи? Ҳа, мана ман деб турибди. Ҳеч ким ҳеч нима... Кимдан орттиридинг, а? Боплаб қўйибсан-ку? Аломат гап бўпти-да ўзи! Бошинг балога қопти! Сен ҳам ўзингга етганчасан! Сени ким йўлдан урди?

— Арвоҳ,— деди Настена. У бирор бирон нимани сўраб-суриштириб, жонидан безор қилмаслиги, ўз ҳолига қўйишлари учун ҳеч нимани аямасди. Меъдага тегиб кетганди.

— Арвоҳ бўлса бордир,— деди Надъка унинг ёнига келиб.— Одамнинг билгиси келади-да, ахир. Агар сир бўлса, айтмай қўя қол. Назаримда, биронта ҳам эркак айланишмаган эди шекилли. Йўқ, сен менга гапни айлантирмай, пўскалласини айт. Борди-ю, ўша арвоҳни ўзим суриштириб тагига етсам-чи?

— Етолмайсан, Надъка,— Настена фақат шу Надъка га айтса бас, бошқа бирорга тушунтириб юришга ҳожат қолмаслигига ақли етди-ю, айтишга жазм этди. Қандай жирканчли-я, аммо на чора, бир нима дейиш керак-да. Бу унинг биринчи ҳам, охирги ҳам гуноҳи бўлмаса керак.— Ҳу анави келган вакил эсингдами?— сўради у.— Келиб облигацияга ёздирган эди-ку?

— Хўш?

— Мана сенга хўш!— Настенанинг жаҳли чиқди.— Чанани қўшиб кетдик, кейин.. Орттириб келдим. Эгчил одамга гап эканми?

— Ҳеч гапмас, ҳеч гапмас, биламан,— Надъка шошапиша унинг гапига қўшилди.— Бирпаслик ишу кейин жазонгни тортиб юраверасан. Оббо Настена-ей! Ўзингни шундай ювощ, қобил қилиб кўрсатардинг-а, бирор гапир-

са, қизариб кетардинг-а. Мана сенга ювош одам. Хўш, энди нима қилмоқчисан? Борди-ю, Андрей келиб қолса-чи? У ўлдиради-ку, ахир сени.

— Ўлдирса-ўлдирар. Нега ҳадеб нима қиласан деб сўрайверасан? Мен қаёқдан билай?! Ундан кўра айт, уйингда уч-тўрт кун турсам бўладими-йўқми? Қўяссанми-йўқми?

— Ҳа, турсанг-туравер. Қаёққа бораардинг. Бирон гап бўлса, бирлашиб ўзимизни ҳимоя қиласамиз. Кампир сенга ачинмайди, албатта. Ҳозир унинг кўзига балодай кўринасанми,— Надъка чидаб туролмай ҳиҳилаб кулди.— Эртаю кеч сендан кўз-қулоқ бўлиб юради. Э, хотин кишини пойлаб эплаб бўларканми? Хотин киши бошқалар у ёқда турсин, ўзини-ўзи алдайди-ю. Мана, ким сени шуна-қа деб ўйлабди? Оббо Настена-ей! Жуда қалтиссанд-а, қалтис, ҳали кўп азоб чекасан. Ҳечқиси йўқ, биргалашиб азоб чекамиз. Мен ўрганиб қолганман. Сен икки қўлингни бурнингга тиқиб келаверган бўлсанг керак, а? Ҳеч нима олмадингми? Бориб нарсаларингни йиғиштириб келаймикин, а?

— Кераги йўқ. Кейин ўзим олиб келарман.

— Ўзим эмиш. Ўзим-ўзим деб етиб келган еринг шубўлди. Э, ғам ема, ғам ема, бир кунинг бўлса ўтади. Бундан бешбаттарлари ҳам бўлган. Қадимда ит бўри билан яшаган экан. Бир кунимизни кўрамиз. Шунинг учун ҳам номимиз хотинд-а. Йўқ, сен аввал туғиб ол, туғиб ол, у ёғини ўшанда кўрамиз. Унинг исми нима?

— Кимни?

— Кимни эмиш... Яна кимни бўларди? Анавинггни, сени заёмга ёзган одамни? Жуда уддабурро экан! Ҳеч бўлмаса исмини сўраганимидинг?

— Йўқ.

— Испани сўрамовдингми? Тентаксан, Настена. Ахир бола кимнингдир номига ўтиши керак-ку. Туғиб кўрмагансанд-а, билмайсан. Ахир гувоҳномага отасининг исмини ёзиш керак, у ерда сўрашади-ку. Ҳа, қўявер, топамиз. Иш шунга бориб тақалса, болангга энг яхши ота топиб берамиз.

Надъка яна анчагача оҳ-воҳ қилди-ю, лип этиб ўзини ташқарига урди. Барибир қишлоқ билади— биринчи бўлиб гап тарқатиш имкониятини қўлдан чиқариб бўларканми! Настена эса ёлғиз қолгач, ўзини каравотга таплади, кўзларини юмди, нафаси тиқилиб, томоги жазиллаб ачиштиради. У йиғлаб ҳам юборгиси келди — чек-

сиз бемаъни дард-аламларга тўлиб қолган ичини бўшатиб олиш учун шунчалик ҳўнграб йиглагиси келарди-ю, аммо кўз ёшлари болага зиён қилишидан қўрқарди. У анчагача аъзойи бадани тортишиб инграб, каравотда ўзини у ёқдан-бу ёққа ташлаб ётди — гоҳ туриб ўтириди, гоҳ яна ётиб олди, аммо заррачалик енгил тортмади, тинчимади, азоб чеккан кўнгли ором олмади.

Алламаҳалда Михеич келди, Родъка орқали Настена-ни ғов олдига чақиртириди. У серкўз, болта билан ўйдим-чуқур қилинган тўнкага ўтириди. Настена ғов олдида тураверди. У оёғида аранг турарди, аммо бир жойда тек ўтира олмасди, тик турганда оғирлигини у оёғидан бу оёғига солиши, қимиirlаши мумкин эди, қимиirlамаслик эса уни эзиб юбораётганди. Михеич ғадир-будир, титроқ бармоқлари билан трубкасига тамаки босди, анча овора бўлиб, чақмоқтош билан ёндириб чекди. У тутунни ютди-ю, тиқилиб, йўталди, тескари ўгирилиб, ерга энгашди, ичаги узилгудек бўлиб узоқ йўталди, анчадан кейингина нафасини ростлади. Настена кутиб турарди. Михеич нафасини ростлагач, тинчланиш учун яна бир нечә марта тортиди, ёшовлаган кўзларини Настенага тикиди ва ҳорғинлик билан, хиёл пўписа қилиб деди:

— У шу ерда, Настена. Йўқ, дема, биламан. Ҳеч кимга оғиз очма, фақат ўзимга айт. Айта қол, Настена, менга раҳминг келсин. Ахир мен отасиман-ку.

Настена бошини сарак-сарак қилди.

— Айта қол, умримнинг охирида бир мартағина кўриб қолай. Худо ҳақи, ёлбораман, Настена, айта қол. Агар мендан яширсанг, худо ҳам кечирмайди сени... Мен ундан нимадан умид қилаётганини сўрайман, холос. Хўш, у сенга айтмадими? Авлодимизда ҳар хил одамлар ўтган, аммо биронтаси бунчалик... Аблаҳлик қилибди-қилибди, майли. Ўзини-ўзи расво қилибди... Бизни юзлаштириш, Настена,— деб талаб қилди у деярли дағдаға билан.— Худо ҳаққи, илтижо қиласман, юзлаштириш. Бутунлай мурдор бўлмасидан уни қайтариш керак. Ўзинг кўриб турибсан, бундан ортиқ ўйнашиб бўлмайди. Шуниси ҳам етарли. Менга раҳминг келсин, Настена, ёрдам бер. Ўзинг ҳам енгил тортасан.— Унинг ялиниб-ёлборишлирдан ийиб, хаёлга чўмиб қолган Настена яна бошини чайқади:

— Нималар деяпсиз, ота? Мен сизга нимани айтай, ахир. Айтадиган гапнинг ўзи йўқ. Ҳеч ким йўқ, ўзингиз ўйлаб чиқаргансиз. Йўқ, ахир.

— Ёлғон гапирма, Настена,— Михеич ўрнидан турди

ва трубкасини сөгиге уриб қўйди.—Кимга ёлғон гапиряпсан? Мен сен билан яхшиликчасига гаплашмоқчидим. Анави, қорнингдаги, ўшандан-ку, акир! Йўқса кимдан бўларди?! Худди мен сени билмагандә-я, сенинг қанақалигинги мен билмас эканманми? Сен кампирга, бошқа аёлларга айтгин бу гапингни, аммо менга эмас. Миятиқни ҳам ўшангэ элтиб бергансан, бошқа кўп нарсаларни ҳам ўшангэ ташидинг. Мана, сенга иботи,— у трубкасини Настенанинг қорнига тегизай дели-ю, яна тортиб олди.—Буни қанақасига яширасан? Қанақасига? Мен сендан сўрайпман!

Настена гарчи айтмаслиги лозимлигини тушунса ҳам, аммо бошқа гап тополмай, ортиқ бир ицма дейишини билмай, тезроқ гапни бўлиш, тугатишга, тезроқ кетиб, бориб, яна ўзини каравотра ташлашга ҳаракат қиларкан, сохта, куракда турмайдиган, жирканч важ кўрсатди:

— Андрейингиз билан тўрт йил бирга турдим, ҳеч нима бўлмади. Сиз эса, мана далили дейсиз.

Михеич тахта бўлиб қолди, уига тикиларкан, қўрқиб кўзларини пирпиратди ва бурилиб, дарвозача томон оғир қадам ташлади. Шу пайт, чамаси, кимдир кўчадан ўтиб қолди; Михеич дарвозачани очди, орқасига қараб бир силтанди-ю, ўзини зўрлаб чиқиб кетди.

21

Настена то Надъка ва болалари тинчигунча кутиб, алламаҳалгача ўзини уйқуга солиб ётди, битта-яримтаси уйғоқ бўлса-я, деган андиша билан яна пича тишини-тишига қўйиб чидади, щундан кейингина у оҳиста ўрнидан турди, кўйлаги, фуфайкаси ва бошмоғини қўлига олдида, оёқ учида юриб, уйдан чиқди. У ялангdevор остидаги пиллапояда кийиниб олди. Кийиниб олган, аммо бош яланг Настена юқориги зинада сал хижолат чекди, дадиллашиб, шу ўйлаган ишимни қилсаммикин-қилмасаммикин, ё ҳеч қаёққа жилмасдан, яна кириб ўрнимга ётсаму ниҳоят танама тақдир қўйиб, оз бўлса ҳам айни муддаодек бир ухлаб олсан, яхши эмасмикин, деб ўзини синаб кўрди.

Тун ваҳимали эди — нам, жимжит, ҳаддан ташқари қоп-қоронги эди. Ўтган куни кечаси ёмғир ёғди, эрталаб ҳам ўқтиң-ўқтин йирик-йирик томчилаб турди, булутлар ташлаган сўнгги томчилар жудди шамол дараҳтларни силкиттандада сачраб кетадиган томчиларга ўхшарди,

аммо қайтиб ёмған бўлса ҳам кун бўйи ҳаво қевогини солиб, тунарилиб турди, ҳозир эса қоронгилик баттар қуюқлашиб кетганга ўхшарди. Қоп-қоронғи тунда иморатлар деярли кўринмасди, шу яқин-ўртадаги уйларни кўриш, ҳатто кўриш учун ҳам эмас, шунчаки қайси уй қаерда турганини билиб қўйиш учун ҳам астойдил тикилиб, кўзни йириб-йиртиб қаравашга тўғри келарди. Оғирлашган осмон шунчалик паст осилгандики, унинг ердагига қараганда бошқачароқ совуқ нами, ҳавонинг қандайдир бошқача, айланиб-буралиб ўтаётгани сезилиб турарди. Агар қоронгиликнинг бунчалик қуюқ, ваҳимали эканлигидан Настена қўрқмаганида-ку, тун бекиниш учун айни муддао эди-я, у ерда, Ангарада тун бундан баттар қўрқинчли бўлади.

Настена пиллапоядан қўзғолганида Ангарага боришини ўйлаб қўйганди, кечаси, айниқса ҳаво айнаган пайтларда у одамлардан беркиниб юриб, кўпдан бери фақат бир йўлни билиб олганди. Настена бирон нимага қоқилиб кетмаслик, бирон ерини майиб қилиб олмаслик учун майда, тез-тез қадам босиб, бузоқхона орқали уч кун бурун ўзиники деб юрган мўрчага ўтди ва пийласланиб, курак билан ходачани топди. Настена бир қўл билан ишлайдиган эшкакка тегмади, буни қанақа ишлатишни у ҳали тузуккина ўрганиб олмаганди. Настена энди, Гусъковларницидан кетганидан бери Михеичнинг қайигидан сўроқсиз фойдаланиш ўғирликка ўхшарди, аммо унинг бошқа иложи йўқ эди. Бутунлай бегона одамларниқини олиб бўладими, ахир? Ё итларини олкишилашади, ё қўнгилларига бошқа ёмон гап келади. Бошига тушган бу савдо унга етиб-ортади. Худди унинг қўрққанини сезгандай, қишлоқ ўртасида нима сабабданdir бир ит тўсатдан вовиллаб қолди, унга бошқаси ҳам қўшилди — Настена қўрқиб кетди-да, юраги гуп-гуп уриб, итларнинг тинчишини кутиб, гов ёнига чўнқайди. Бугун у ҳамма нарсадан: унга жуда қўл келган қоронгиликдан ҳам, ҳар қачонгига қараганда жимжит, тиқ этган товуш эшистиладиган сокинликдан ҳам, манави бекордан-бекорга ҳуриган итнинг (ит—ит-да) акиллашидан ҳам — чунки тезгина овози учиб қолди,— қўрқарди, буларнинг ҳаммасида унга қандайдир бир ғараз, ҳийла-макр, ёмонлик аломати бордек туюларди. Настена оҳиста, нақ эмаклагудай бўлиб, ҳар қадамда энгашиб, қулоқ солиб, жарлик остига тушди, аммо тошлоқда оёғи остидаги шағалнинг ғижирлаши қулогини қоматга келтираётгандай бўлди, сувга итарилаётган шитикнинг шиқир-шиқири ҳам қат-

тиқ, кар қиласынандағы әшитиларди. Настена қайиқни сувга суриб, ичига ошиб түшди-да, әнгашиб тек ўтириб қолди, оқим шитикни қишлоқ орқасига қараб олиб кетди.

Бу ерда, Ангараада тун у қадар зим-зиё эмасди; дарёдан, сув ичидан хира ёруғлик милтираб күтарилиб турарди, сув гүё буралиб, пастга тушиб кетгандай шу ёруғликтада йилтираб ғойиб бўларди. Ундан юқориоқдаги хира нур чизиги устида бошқа, ундан ҳам хирароқ, қаёқдан пайдо бўлаётгани маълум бўлмаган заиф, тарам-тарам ёруғлик кўринарди; ундан у ёғи эса зим-зиё эди. Настена кўз югуртириб, оқ бакенниң чирогини қидириб топди, бу Настена Матвей бувага қаравиб ўрнатган бакенниң иккинчиси эди, шунинг учун Настена бакенниң шу ердалигидан, ғойиб бўлмаганидан, ўчиб қолмаганидан, йўқолпіб кетмаганидан сал енгил тортиди. Сувнинг шовқини саёз ерда кечаси бўғиқроқ, пастроқдай эди, аммо шўх, ўйноқлаб бир маромда шилдирарди, сувнинг майнин шилдираши ҳозир жуда яхши әшитиларди. Субҳидам шабадаси ўқтин-ўқтин айланиб, гур-гур эсарди-да, яна сусайиб қоларди...

Энди эшкакларни ишлатса бўларди, қанчалик зим-зиё бўлмасин, ёз туни барибир қисқа. Настена аввалига тонг отмасдан қайиқни жойига элтиб қўйишни мўлжаллаганди, аммо энди улгурмаслигини тушунарди. Ўрнида узоқ чўзилиб ётди, пиллапояда анча ўтирди, хийлагина эшкак эшмади, сув оқиздиришини кутиб тек ўтирди, вақт эса кутиб турмади. Кун ёришганда ҳам қайтиб борса ёмон бўлмайди, аммо ўшанда ҳам то одамлар ўринларидан туриб дарёга чиққунларича бориш керак, ҳамманинг кўзи олдида бориб қайиқдан тушсанг, ортиқча гап-сўзга, тийбатга баҳона топиб берасан. Эҳтимол, бу охирги марта келишидир, бундан кейин керак бўлмас ҳам. Бундан бу ёғига таваккал қилиб бўлмайди — шуниси ҳам кифоя. Чамаси у, Настена, шусиз ҳам қаердадир, қачонлардир бир янглишганга ўхшайди, бирон пимани керагидан ортиқча кўрсатиб қўйган шекилли — қаерда, қачон, нимани? Энди суриштириб ўтиришнинг нима кераги бор? Бундан ҳеч иш чиқмайди. Ишилиб Андрейни огоҳлантиришга, у билан гапни бир ерга қўйишга улгурса бўлди, кейин нима бўлса бўлар. У ўзини шундай қаттиқ чарчаган, жонида жон қолмаган ҳис этдики, нарироққача қайиқни ҳайдаб боргач, эшкакни қўйиб, чўзилишни, кўзларини юмишни истарди — майли, қаёққа оқиздириб кетса кетаверсинг, бундан баттари бўлмайди.

Семёновна уйдан ҳайдаб чиқаргандан бери орадан уч

кун ўтган бўлса ҳам Настена ҳамон қаердадир одамлар орасида яшаётганига, илгаригидек ўз хонасига ўтиб, кийимини алмаштиришига, ёғоч каравотига ўтириб, ётиш олдидан ийманиб қорнини силаши мумкин эмаслигига сира ишонгиси келмасди. Энди, ҳомиладорлигини яшириб юришнинг ҳожати қолмагандан кейин, унинг сири ошкор бўлиб, эринмаган ҳар қандай одам худди ширин нарсани ичиб, ҳузур қилгандек, кўзини лўқ қилиб турадиган бўлгандан сўнг, унинг борлигини тўлдириб, ҳаяжонга солиб, титратиб турган сезгир ҳис-туйфуси ич-этини кемиришга тушгач, болага меҳри ҳам сўна бошлади. Унда қўрқувдан бўлак нарса қолмади: нима бўларкин? Уззукун одамларнинг айбситиб, тешиб юборгудек бўлиб тикилишларига ҳам чидаш осон эмас-да, ахир қарапгандада ҳам синчковлик, шубҳа, нафрат билан қарайдилар; Настена бошига тушган бу ишлар ҳақиқат эканини тушунишга қодир бўлмаганидек, бошқалар ҳам бу ўша ўзлари билган Настена эканига ишона олмасдилар ва ҳар сафар Андрей шу ердамикин, қорни пучайиб қолмадимикин, гойиб бўлмадимикин деб, миш-мишларнинг далилини қидиришарди. Ҳеч ким, биронта одам ҳам, ҳатто тенгқури Лиза Вологжина ҳам лоақал, қўявер, бардам бўл, гап-сўзларга қулоқ солма, туғадиган боланг ўзингники, биронники эмас, шунинг учун авайлашинг керак, одамлар эса, вақти келиб, тинчиб қолади, деб кўнглини кўтариб қўймади. Агар сал вақт тўғри келганд-кау, Лиза ҳам Максим уникига кириб-чиқиб юрмаганимикин, деб шубҳаланиб ўқрайиб юрарди-я. Балки энди ўйланиб қолгандир, ҳисоблаб чиққандир — ким билади дейсиз уни? Анави Катерина, Несторнинг хотини озмунча жаҳли чиқиб, олайиб, сасиб юрдими, ахир унинг олдига бориб, ўзингни бос, бунга сенинг Несторингнинг ҳеч қандай алоқаси йўқ, деб тушунтиролмайсан-ку.

Ҳар ким ҳам Настенанинг вакил тўғрисидаги чўпчагига ишонмасди — шунаقا бўлиши турган гап эди, аммо Настена бу важ-карсондан сира енгил тортмасди. Хотин-халажлар майли, уларга-ку бир йўлини қиласар, у хотин-халажлар олдида гуноҳкор эмаслигини, лоақал улар бунга тақишиган айни қилмаганлигини билар эди, шунинг учун Настена уларга уялмай-нетмай қаради: аммо ҳақиқатга яқинроқ гапга шама қилишганидан ноқулай аҳволга тушиб қоларди. Настенанинг гуноҳи маълум бўлиб қолган куни биринчи учрашувдаёқ Иннакентий Иванович айёр, суллоҳ кўзларини қисиб, тушунаман дегандай бош чайқаб, азмойиш олиб деди:

— Менга қара, ҳой хотин, сени бунақа медаль билан ким тақдирлаганини ҳали аниқлаш керак. Түгрими?

У шундай деди-ю, бутун вужуди күз-құллоқа айланиб, бирон ери қылт этармикин, сездириб қўймасмикин, тасодифан оғзидан гуллаб қолмасмикин, дегандай унга тикилди.

— Аниқлайверинг, суриштираверинг, Иннакентий Иванович,— деди кейинги пайтларда унга тап тортмай муюмала қиласынан Настена Иннакентий Ивановичга сал ён бериб.— Аммо мен ҳозирча бола Иннакентий Ивановичга ўхшайди деб тураман.

— Туф-е, туф-е, мараз!— деб тупурди Иннакентий Иванович ва кетаётиб дағдаға қилди:— Ҳечқиси йўқ, аниқлаймиз, у кимга ўхшаркин.

Бу гап Настенанинг ўтакасини ёриб юборди, энди нима қилишини у ҳатто тасаввур ҳам эта олмасди. У умуман нима қилиши кераклигини заррача кўз олдига келтиролмасди, тузукроқ ўйлаб кўриб, бирор қарорга келишга қодир эмасди: биринчи куни Семёновна қичқирганида у қандай караҳт бўлиб қолган бўлса, бу караҳтлик ҳамон ёзилмаганди. Атрофдаги барча нарса кўзига хунук кўринарди, бегонадек, унга қарши қаратилгандек туюларди, унинг ҳар бир қадамини кузатишашётгандек, кўнглига келган ҳар бир гапни билиб туришгандек бўларди. У тахта бўлиб қолмаслик, ҳушидан айрилмаслик учун қимирлаб юради, ишга чиқарди, бирон нимани сўрашса, бир нималар дерди, аммо нимани гапирганини, нима иш қилганини, қаерга борганини дарров эсидан чиқариб қўярди. Кечалари у бирон најот йўлини тополмай қолган кезларида аччиқ дард-аламдан тўлгониб деярли ухламасди, ёргуда эса, эрта билан кечни ажратолмасди ва адашиб, боши айланиб, бутунлай ўралашиб қолганди. Надъка уни гоҳ столга, гоҳ ўринга, гоҳ далаға туртиб олиб борарди, бақириб-чақириарди, Настена нима талаб этилса, шуни бажаарди ва итоаткорлик билан ҳаракат қиласынан, яна аввалгидек караҳт бўлиб, тинкаси қуриб, рўпарасига шуурсизлик билан тикилиб ўтираварди. У негадир юраги орзиқиб, бугун-эрта бошланадиган личан ўримини кутарди: негадир у хушчақчақ, илгари жон-дилидан яхши кўрадиган ўрим даврида бир ўзгариш бўлишига, азоб-уқубатли, ўралиб чигаллашиб кетган ишларидан қандайдир натижка чиқишига ишонарди. Бас-да, қанча чидаш мумкин?!

У бугун Андрейнинг олдига бормоқчи эмасди, аммо кечқурун Надъка ўтиришдан келди-ю, шундай деди:

— Менга қара, Настена, одамлар сенинг түгрингда нималар дейишаётганини биласанми ўзи... Одамлар сени бирордан эмас, ўз эридан ҳомиладор бўлган деяпти.

Настена аъзойи баданидан олов чиқиб кетганини сезди.

— Ўз эримдан қандай ҳомиладор бўлар эканман, а?..— у ўзини зўрлаб ҳиҳилади.— Ахир, тўрт йил — ҳомила учун бу кўплик қилмасмикан?

— Менимча, Иннакентий Иванович тусмол билан шунаقا деяпти шекилли. Ҳамма гап ўшандан чиқяпти, чамамда,— деб тушунтириди Надъка.— Бу алжиган чол сира тинч юрмади-юрмади-да. Ўзи-ку хотинларга асқотмайди. Шунинг учун бирон қизиқроқ гап тошиб, одамларнинг бошини айлантириб юрибди-да.

— Эримдан бўлса, эримдандир-да,— деди Настена нима десанглар деяверинглар, менга нима, демоқчи бўлгандек унинг фикрига қўшилиб.

Шу гапдан кейин Настенанинг юраги орқасига тортиб кетди: тагига етади, бу искович, тагига етади. Бу ёргу оламда Иннакентий Ивановичга ўхшаган одам йўқ. Енгизига тушдими, бўлди, то тагига етмагунча кавлашиберади, қўймайди. Ҳа, районга боради, вакилни қидириб топади-да, унга ҳадемай Атамановкадаги ўйнашинг туғиб беради, деб шама қилади. У эса, турган гап, тонади, ғазабланади, ана шундан кейин гап катта бўлади. Йўқ, Андрей кетиши керак — қаёққа бўлса ҳам, қайси томонга бўлса ҳам майли, аммо кетиши керак. Ёки келиб таслим бўлиши керак: ўз ихтиёри билан бўлса, шафқат қилишлари мумкин. Эй худойим-ей, калава қанчалик чийралиб, чалкашиб кетган бўлмасин, бир кун уни чиқади-да. Жуда чакки иш қилди-да, жуда чакки иш қилди... нима кераги бор эди! Борди-ю, у бирон сиққа кетиб, гўё умуман йўқдек умрбод гумдон бўлиб кетгандаям,— Настенанинг ўзи ҳам нима истаётганини билмай қолганди!— барibir бола шундан кейин бадном бўлиб қолаверади, Андрей эса, ҳаммасидан ҳам, ишқишиб, боланинг отаси урушдан жуфтакни ростлаб қолган ёнр қочоқ эди, деган гап-сўзларга қолмасин, дерди. Кесинни бу доғни ҳеч нима билан кетказиб бўлмайди; инсон табиати ўзи шунаقا, агар унга фалончи шайтондан туғилган десанг, у ишонадими-ишонмайдими, аммо ҳаркалай у шайтонни эсидан чиқармайди, ҳатто ўшандан, шайтондан бўлган деб юзлаб далил-исбот топади. Демак, туғилган бола ҳам иснодга қолар экан, кейин умрбод бу исноддан қутулолмай юрар экан. Йўқ, бундан ҳам

Жеч иш чиқмас әкан, уларнинг ўйлаганлариdek чиқмас әкан. Ота-онанинг даҳшатли, аячли касофати болага ҳам урар әкан — бу гуноҳ билан у ёқса қочиб қутуларди? Бола ҳам кечирмайди, ота-онасидан домангир бўлиб юраверади — қилмишларига яраша-да.

Зулмат, атроф шунчалик қоп-қоронги, зим-зиё! Осмон бор оғирлиги билан елкасидан босиб турибди; қирғоқлар ҳам кўринмайди — фақат сув, бу сув тўхтамасдан исталган пайтда ёйилиб, яна йигилаверади. Бакеннинг милтиллаб турган чироги яна ёнармикин, ўчиб қолмадимикин — сира тушуниб бўлмайди, гоҳ йилт этиб қолади, гоҳ йўқолади. Кечаси сувда кетаётганингда атроф жуда бефайз, руҳсиё бўлади, худди сув босиб кетган эски қабристонга ўхшайди, томогинг худди бўрсиган тахир нарсадан чақа бўлгандай ачишиб-қичишиб туради, юрагинг ҳам орқага тортиб, ноаниқ унлардан яшириниб, бир бурчакда қапишиб тураверади; назарингда, ичингдан қандайдир бир овоз чиқади-ю, қандайдир бир мудҳиш ҳақиқатни айтгандай бўлади, шундан кейин у ёғига сузуб боргинг ҳам келмай қолади.

Настена эшқакларни оҳиста, шалоплатмасдан сувга туширди ва уларни эҳтиёткорлик билан ўзига тортиб, шитикни олдинга сурди. Назарида, у жимгина сузуб бораётгандек эди, ҳар бир овозга — дарё шовқинига ҳам, бошқа товушларга ҳам, дарёнинг нариги томонидаги садоларга ҳам — ҳаммасига сезигирлик билан қулоқ солиб, ҳар ишга шай бўлиб бораётганди. Шунинг учун қирғоқда худди ёғочни тахлашгандек қисқа бир тўқ этган овоз эшитилганда, Настена шу заҳоти бу овозни илгади-ю, қотиб қолди. У шу ондаёқ қайиқни тошлоқдан сувга итариб туширилаётган пайтда чиқадиган таниш гижирлашни эшитди. Сув шалоплади, кейин ҳаммаёқ жим бўлиб қолди, аммо кўп ўтмай Настенанинг қулогига бир маромда эшилаётган бир қўлли эшқакнинг чўли-чўлпи чалинди.

Шубҳаланмаса ҳам бўларди: кимдир кетидан сузуб келяпти. Кимдир пойлаб, то Настена сал нарига кетгунча кутиб турган-да, кейин кетидан йўлга тушган. Ким — Михеичми ёки бошқами? Жарлик остида бир-бирига яқин яна иккита — Иннокентий Иванович билан Агафья Сомованинг қайифи турувди — қайси бирини олса бўлаверарди, икковиям қулфланмаганди. Настена қимир этмади: сув унинг шитигини буриб сурисб кетди, икки томондаги эшқаклар сувни тилиб бораради. Ундан

у ёғига боришни ўйлашнинг ҳожати қолмаганди: у эшилдими, демак, уни ҳам эшишишади. Мана, сузиб ҳам борди, огоҳлантириб ҳам бўлди! Орқага қайтиш керак. Михеич бўлса-ку, майли-я, қўрқинчли ери йўқ, борди-ю, бошқа одам бўлса-чи? Ким бўлса ҳам Настена унга ўзини билдириб қўйди.

Настенани йўқотиб қўйгач, анави қайиқ ҳам жим бўлиб қолди, кейин яна қуйруқдаги эшкакнинг эшилгани эшитилди. Настена ўша қайиқ овозига қараб эшкак эшиб, қирғоққа чиқиш кераклигини англаб қолди. Соҳил анча олис эди, аммо Ангаранинг анча қуий эқимида сув ичига суқулиб кирган тепалик бор эди, ўша ерда сув тошларга урилиб шовиллаб оқарди. Ишқилиб ўша ерга етиб олса, бас — қўрқмасдан эшкак эшаверасан, тақиллатмасанг бўлгани. Нарёқдаги эшкакнинг бир текис билинار-билинмас шилпиллаши Настенанинг тўғрисига келди-да, ёнидан ўтиб кетди, нарироқ бориб жим бўлди; Настена ўзини сездириб қўярмикин деб кутиб туришди, кейин ҳеч нима эшитмагач, яна йўлларига қараб кетишиди.

Настенанинг назарида тонг ёришаётганга ўхшади; ҳавода хира, қўнғир тусдаги тарам-тарам ёруғлик пайдо бўлди. Тонгга яқин совуқ тушиб, шабада кучайди-да, орқадан эса бошлади, шитикнинг ён-берида сув айланиб жимиirlарди. Настена ҳамон биқиниб, ниҳоят тепаликка етиб келди ва ёғоч билан итариб, шитикни соҳилга сурди. Мана, энди эҳтиёткорлик қилмаса ҳам бўларди, асинча, анави кетидан пойлаб юрган одамга мен Ангарадан ўтмоқчи эмасдим, ўзим уйқусизликдан шунчаки соҳилдан узоқлашмай айланмоқчи, ғам-ғуссамни ёзмоқчи бўлувдим, ҳа, шуни билиб қўй, дегандай тарақтуруқ қилиши керак эди. У чарчаганди, бўлиб ўтган ишлар уни чарчатганди. Қаттиқ ҳолдан тойган эди. Тезроқ бир ёқли бўла қолсайди; ахир бунақа ҳаётдан ё у ёқлик, ёбу ёқлик бўлгани яхши-да. Унинг уйқуси келарди, аммо иши юришмаганидан, Андреевскка бора олмаганидан у ухлай олмаслигини тушунарди. Фақат ишни расво қилди: Ангарани бой бериб қўйди.

У соҳилга чиқиб, нима сабабданdir тирмашиб жардан кўтарилди. Чиндан ҳам тонг ёришиб қолибди: қоронги осмонда тог томондан тушаётган хира ёруғлик кўринарди. Тун чодирини йигиштираётганди, ҳаво ҳам жўнашиб кетганга ўхшайди, тушга бориб, осмондаги хўмрайган булутлар ҳам тарқаб кетса ажаб эмас. Қўрқинчли, машъум тун, бундай кечада юраги тоза одам-

лар ҳам қийналиб кетади, унинг, Настенанинг эса, эзилган, бебош юраги адою тамом бўлганди, у сирқирагани сирқираган эди, нуқул нолаю фарёд қиласди-ю, ҳеч нарсага умид борглаёлмас эди.

Настена тўсатдан ўзини орқага ташлаб, қийшайиб қолган хочни ушлаганча бақириб юборди. Э худоё худовандо, қаерга келиб қолди? Қаерга келиб қолди?! Ахир, бу сувга чўкиб ўлганлар қабристони-ку. Қўрққанидан аъзойи бадани музлаб, оёқлари латтадай бўшашиб, ўзига бўйсунмай қолди. Настена әмаклаб ўпирилган қабрдан чиқди ва сирғаниб пастга, қайиқ ёнига туғди. Эй худо, раҳм қил! Қандай гап ахир бу?! Нимага, нима сабабдан? Ўзининг жонини ҳовчулаб юргани етмасмиди? У битта-яримта эшитиб қолади деб ўйлаб ўтирмасдан шартта ёгочни олди-да, бу расво, ваҳимали жойдан кучи борича қайиқни юқори оқимга қараб ҳайдаб кетди. Бу қабристон ёзда, Мишка батрак келгандан кейин пайдо бўлди, у уруш бошларидаёқ болалар уйидан Атаманқвакага келган бўлиб, ҳозир каттагина йигитча бўлиб қолганди.

Ҳозир сув гарқ бўлганиларни ҳар қачонгидан ҳам кўпроқ оқизиб келарди — сабаби нимайикин? Ҳрушку тугади, умид кўпайди ёки ҳаёт кескин оғиб кетди-ю, бурилишда ҳамма ҳам тоб беролмай, заифлари Ангара-га қулас тушяптиимикин? Ким билади дейсиз... Шу ерда ишлаб, қўл учидә кун кўриб келаётгани учун батрак лақабини олган Мишка мурдаларни тутиб олиб кўмишдан ҳазар қилмасди, ҳар бир қабр учун қишлоқ советидан ўн сўмдан пул оларди. Пул топиши унинг ўзига ёкиб қолганди, Мишка батрак кун бўйи дарёда йўқ бўлиб кетарди-да, қиргийникига ўҳшаган ўткир кўзлари билан ўлжасини қидирарди, у ҳозир мурдалардан тўртасини пастдаги ўтлоққа кўмган эди, кўмганда ҳам пала-партиш, ҳафсаласизлик билан кўмганди, справкани колхоз тасдиқлаб берса бўлди-да, шу справка бўйича қишлоқ совети пул тўлайверади.

Шунинг учун Настена қайиқни ҳайдаб бораркан, бора-боргунча дағ-дағ қалтираб кетди. Ахир, эсида-ку, эсида-ку, кундузи бир чақирим наридан айланиб ўтарди, ўша томонга қарашга юраги бетламасди, кечаси бўлса келиб қолганини-я. Тўппа-тўгри қабр ичига тушиб кетибди-я — бу нима деган гап ўзи?! У даҳшат ва нафротдан қалт-қалт титраркан, энди ўзидан қўрқа бошлиди, реса қовун тушириди-да. Шундан кейин у қўлини қайта-қайта ювди, ахир у шу қўллари билан қабрнинг

ёпишқоқ тупроғини ушлади-ку, аммо барибир ҳамон қўлидан хамиртурушга ўхшаган бир ниманинг ҳиди келарди.

Аммо у текшириб кўришни ҳам унутмади: кетидан сузиб келаётган киши Агафья Сомованинг қайигини олган экан.

22

Эрталаб Настена ишга чиқмади. Надъка ҳам ишга бормади, бунинг бирон ёмон ери йўқ эди: эртага ўримга кетишлари керак, охирги кун эса кимга керак бўлса, одатда у ёқ-бу ёғини йигиштиришга рухсат бериларди. Мана, ниҳоят, Настена пичан ўримига чиқадиган кунга ҳам етиб келди, гарчи бу куннинг унга қандай нафи тегишини аниқ-равshan билмаса ҳам, аммо шу кундан қандайдир унинг умиди катта эди. Аммо бу пичан ўриш-ку, ахир... У доимо мана шунаقا пайтларда ўзини гул-гул очилган, шод-хуррам ҳис этарди, ўрим-йигим пайтидаги ҳар қандай ишга жон-жон деб ёпишарди. Яна у қуёш тиг тортмасдан бурун, шудрингда, далага чиқиши, чекига тушган пичанзор четида чалғисини ерга тираб туришни ва синаб кўрищ учун чалғисини илк дафъя қулочкашлаб пичанга солиб, дам олмай тортишни яхши кўрарди, кейин бутун вужуди билан ўрилаётган ширардор ўтларнинг ширт-ширт этишини ҳис этиб, қулочкашлагани-қулочкашлаган эди. У яна тушдан кейин, иссиқнинг тафти қайтмаган, қўллар безиллаб турса ҳам ўжарлик билан бориб-келаётган пайтда ўрилаётган ўтларнинг нола чекаётгандек бир меъёрда ширт-ширт қилишини яхши кўрарди, қўллар бориб-келар экан, қизиб кетарли, киши маҳлиё бўлиб, қўллари ишлаб-таганини, эрмак учуя бориб-келмаётганини биларди; қалб хушчакчақ, жўпикун эҳтирос билан ёнади, ана шунда ўзингни ҳам унусасан, ҳазил-ҳазил билан ишга киришиб кетиб, ўт ўрассан, худди қандайдир әсингдан чиқариб яшириб қўйган қимматли нарсангга санчаётгандек кетма-кет қулочкашлаб чалғи соловерасан. У ҳатто жазирамада йиғишираётган пичанларнинг чирс-чирс қилишини, турли-турмён бўлиқ ўтларнинг маст қилувчи ўткир ҳиди гупиллаб туришини ҳам яхши кўрарди; у кечгача, то ўрилган пичанлар гарам босилгунча баҳсланишгандай осмонга қараб-қараб қўйиб ишлашини ёқтиради; у ҳар бир ишни бошланишидан — бошидан то охиригача, дастлаб-и мундан сўнгги кунгача жон-жаҳди билан югурибланини севарди.

Аммо бу бошқа Настена эди. У бошқа Настена эди, ўша пайтларда у, гүё бутун тақдирин шу билан ҳал бўла-дигандек, пичан ўримини сабрсизлик, қандайдир бир орзу-умид, кўркўона ишонч билан орзиқиб кутарди. Бу ҳам тўгри: назарида, пичан ўрим-йиғими пайтида унинг қаерда бўлиши, ким билан яшashi, кимдан жаҳли чиқиши-ю, кимга ялиниши — ҳаммаси аниқ-равшан бўладигандек туюларди. Шунинг учун у қуёш чиқмасдан бурун бир ўзи далада бўлишни, белга урадиган ўтлар орасидаги марзада туришни ва то нариги бошига йўл очиб чиққунича тўхтамасдан, ўчакишиб, ўжарлик билан қуличкашлаб чалғи тортишни истарди. Ана шунда у орқасига қайрилиб қаарди-ю, эркин нафас оларди. Ахир одамлар: иш одамни гўрга тиқади, аммо у, шу иш уни то гўргача тўйдирди, асрайди, деб бекорга айтишмаган. Энг муҳими ҳам шу-да — асрайди.

Аммо бу гаплар кечака бўлган эди, бугун эса, тундан кейин, уни Андрей билан кўриштага қўймаганларидан сўнг у бутунлай гангид қолди; ҳоргинлик айни муддаога айланниб, кекини кучайтирди. Энди у ҳеч нимани истамасди, ҳеч нимадан умид қилмасди, ичи ҳувуллаб, кўнглини нохуш қоронгилик босди. Кечака, назарида, иложи бордек, умид қилса бўладигандек туюлган барча нарсалар бугун қалин девор билан ўралиб қолди. У кечаси билан мижжа қоқмади, илгарилари оғрийдиган боши ҳам энди оғримай қўйди, балки мияси муттасил азоб-уқубатдан отилиб кетаётгандай эди. Негадир ичи, бола турган ери тиқилиб, сирқиради, шунинг учун у аслида ўзи шунақа бўлиши керакми ёки унга зиён етказиб қўйдими, билмасди. «Ҳа, не-не ниятларни қилиб юрувдинг,— деб ўзини койиди у ва хаёли қочиб кетди. — Энди азобингни торт».

У ҳеч бир ишга қўл урмади, бирон юмушга тутинмади ҳам, у ҳамма нарсадан ҳафсаласи пир бўлиб, гўё бир нимани қидираётгандай, бир нимани кутаётгандай, уйнинг у бурчагидан бу бурчагига бориб-келар, уйдан кўчага, кўчадан уйга кириб-чиқар эди-ю, аммо излаган нарсасини тополмасди, кутгани бўлмасди. У Лидкани тутиб олиб, багрига босиб, эркалата верганидан Лидка безор бўлди. Лидка энди уни кўрса бекинадиган бўлиб қолди.

— Нима бало, жинни-пинни бўлиб қолдингми? — деб ўшқирди унга Надъка.— Кечаси қаёқларда санқиб юрдинг ўзи?

Настена таажжубланмади ҳам, чўчимади ҳам, тўғрида, санқиб юрди, нега сўрамасин энди?

— Эримнинг олдига бормоқчи эдим, фикримдан қайтдим,— деб жавоб берди у. Тўғри гапни айтсанг, осонлик билан ишонишмайди. Ҳақиқатни айтиш эса, унга осон. Алдаш ҳам жонига тегди. Ҳаммаси ҳам жонига тегди.

— Ақлдан озибсан,— деди Надъка.— Жин урсин сени, мундоқ одамнинг гапини тушунмасанг. Тезроқ туғиб олгин-у, ҳадеб ўзингни қийнама. Бола туғасан-ку, кучук эмас-ку, ахир.

Тағин ҳам Надъкага раҳмат, ахир қувлаб юбормаяпти-ку. Настенанинг бошқа суюнадиган одами ҳам йўқда. Нима, келиб-келиб одамлардан унга шикоят қиласинми? Ахир, унинг ўзи одамларга қўшилмай қўйди-ку. Шундай очиқ қўнгил билан муомала қилаётган Надъкага ҳам Настена худди ашаддий душманларга муомала қилгандек ёлғон гапирялти-я. Надъка содда, ишонади, аммо у ҳам бир кунмас-бир кун уни лақиллатганларини билиб қолади, бунинг учун ундан миннатдор бўлмайди. Йўлдан озди, борадиган ери йўқ.

Тушға яқин Михеич хилват ерлардан юриб келди-да, Настенани яна гов олдига чақирди. У шошиб турганидан Настенага тик қаради-да, ямланиб ўтирмай, сира юз-хотир қилмасдан, ачинмасдан шартта-шартта шундай деди:

— Менга қара, ҳой қиз. Агар у шу ерда бўлса, тезроқ қорасцни ўчирсин, бўлмаса тутиб олишади. Мужиклар бир балони ўйлаб юрибди. Уларга Иннакентий Иванович комиссарлик қиляпти. Нестор бугун Кардага кетди. Бу бежиз эмас...

Настена чурқ этмади. Михеич кетмоқчи бўлиб тескари бурилар экан, боягида қуруқ зарда билан қўшиб қўйди:

— Сен, қизни, ўғлим билан юзлаштирганинг учун куонбад қилардим-ку, аммо сен шундоқ ҳам жудонинг ғазабига учрайсан. Бунга сен гуноҳкорсан, бу гуноҳинган қочиб қутулолмайсан,— кейин ичидаги аччиқ дардламини яшиrolмай ошкорасига деди.— У ҳам одам этас экан ўзи: отаси билан гаплашгани қўрқди-я. Э-э, онларни...

Михеич шундай деди-ю, қайтиб девордан ошиб ўтди ва маимоқланиб, оқсоқ оёгини ғалати тарзда судраб кетди.

Настена эса, қўра ўртасида анчагача қимир этмай шаҳқайиб туриб қолди, у бирор йўлини топиш, муҳим, ширур қарорга келишга уринар эди-ю, аммо мужмал фикрлардан мияси ғовлаб, бир фикрга келолмас эди.

Ҳаммаси тамом бўлди, кейинги пушаймон ўзингга душман. Ҳа, энди нимаям қилардинг? Кечикдинг.

Энди у ҳеч нимага — Михеичнинг келиб-кетганига ҳам, кечаси Ангарада кимдир кетидан тушганига ҳам ишонмасди. Назарида, у буларнинг ҳаммасини мияси айниб қолганда ўзи тўқигандай, тўқиганини унутиб қўйгандай эди. У илгари ўзини бошига қизиқ воқеалар тушган киши қилиб тасаввур этишни яхши кўрарди, кейин у тасаввуридаги бу воқеага шундай қизиқиб, берилиб кетардики, баъзан қайси тўғри-ю, қайси нотўғрилигини зўрга ажратса оларди. Ҳозир ҳам шунаقا бўлди шекилли. Боши чиндан ҳам тарс ёрилай дерди. Настена ҳозир ўз терисини шилиб қолишига ҳам тайёр эди. У камроқ ўйлашга, қимиirlашга ҳаракат қиларди — ҳеч нимани ўйламаслик, ҳеч қаёққа қимиirlамаслик керак. Етар шу.

Кечқурун Надъка янги хабар топиб келди; Бурдак деган милиционер келибди. Настена ичида шубҳаланди: балки келгандир, балки йўқ. Ҳеч ким аниқ билмайди. Уларга ишсанг, валдирайверишиди. Ҳўп, келди ҳам дейлик, хўш, нимаси қўрқинчли? Атамановкада бирон иши бордирки, келгандир-да? Масалан, балиқ тутишгами ёки солиқ тўламаганларга омални кўрсатиб, пўлиса қилиб қўйгани келган бўлиши ҳам мумкин. Атамановка ўшанинг участкаси, у ҳар куни шу ерда ўралашиб юрса ҳам ихтиёри ўзида. Келган бўлса келибди-да, хўш, нима бўпти?

Настена Надъканинг болалари ғимирлаб юрганига ҳам қарамай барвақт ётди, у дард-дунёси қронги бўлиб ухлаб қолди. Худди мўлжаллаган вақтда уни кимдир туртиб уйғотгандай бўлди. У ўзини анча тиниқсан, тетик ҳис қилди, боши ҳам лўқилламасди. Настена туннинг қанчаси ўтганлигини билолмади — девордаги тоши осилиб турган соат тўхтаб қолганди, аммо Настена — кечикиб қолмаганига, ундан олдин ҳеч ким жўнамаганига ишонарди. У бемалол кийинди, шунингдек бемалол ташқарига чиқиб, кетидан эшикни маҳкам ёпди. Қайтанга яширинмасанг, қисиниб-қимтинимасанг, ишнинг бароридан келади, бу сафар эса ишининг бароридан келиши унга жуда зарур эди.

Фақат ҳөзиргина Настена ҳавонинг сал-пал очилганини, энди осмоннинг у ер-бу ерида юлдузлар миътиллаб турганини пайқади. Тун жимжит, қронги эди, аммо гира-ширада ҳарқалай атрофдаги нарсалар тузуккина кўришиб турарди, узун, кенг ўйлакни эслатувчи Ан-

гарада эса, ақвол бундан ҳам яхши эди. Настена соҳиле дар қайиқни олиб, уни сувга итариб туширди-да, шу заҳоти эшкакни сувга урди. Етиб бориш керак, эрини огоҳлантириши керак. Видолашиб керак. Умрбодга видолашиб керак, қиёматгача бўлса ҳам ажаб эмас.

Номус... нега Андрейнинг олдида ҳам, одамларнинг олдида ҳам, ўз олдида ҳам номусдан ўлай-ўлай дейди? Уни шунчалик ерга қаратиб қўйған гуноҳни у қаёқдан ортириди экан?

Бахтиёр кунларда маза қилиб яшаш қанчалик осону, бошингга кулфат тушганда кўрган кунинг қанчалик заҳар-заққум, қора бўлади-я! Нега инсонга ўзгаларнинг оғирини енгил қилиш учун эзгуликдан кўпроқ ато этмаганийкин? Нега яхшилик билан ёмонлик ўртасида доимо зиддият бор? Эй инсон, сенинг қисматинг шу деб пешонангга ёзаётганларида сен қаерда эдинг, қайси қўғирчоқларни ўйнаётган эдинг? Нега тақдирга тан бердинг? Нега сен, фалокатдан эмаклаб эмас, учеб қочиб кетиш лозим бўлган пайтда ўйламасдан энг зарур бўлган қанотларингни кесиб ташлашларига йўл қўйиб қўйдинг?

Настена юз бераётган воқеаларни ўйларкан, пешонасига ёзилганига тан бериб, кўниб, эшкак эшарди: ҳа, кўриниб турибди, шунаقا бўлиши керак, қилмишига яраша-да... Ношуд одамга ишонганинг билан барибир у — ўлиб қайта туғилса ҳам, кўзи очилмайди, яшашни билмайди. Осмон шунчалик жимжит, сокин-а, тавба. Кечакечаси жуда ваҳимали эди: қоронгиди кўзинг ҳеч нимани ажратолмагандан кейин юрагинг орқага тортиб кетади да, назарингда ҳозир бир бало бўладиганга ўхшайверади. Юлдузлар турган ерида пастда бўладиган шилларни анча олдиндан кўради дейишади, шу гап ростмикин? Уни, Настенани кечаси кўриб-билиб турган юлдузлар қаердайикин, улар нимани сезишидийкин? Бугун юлдузлар зўрга мілтиллаб турибди, қаёқдан ҳам башорат қиласади? У мулзам бўлиб, гайритабиий, оғир, беҳуда ўй-хайларга ботиб эшкак эшаркан, кўнгли шу ўйхайларига жавоб беришга уринаётганидан ажабланарди.

Негадир унинг кўнгли ҳам худди қадимий чўзиқ ўщулами эшитиб, бу овоз кимники — ҳозир яшаб турсан одамнингими ёки бундан юз йил, икки юз йил олдин ташан одамнинг овозими, деб гангид қолгандай эди. Чорчим ўзлари, иккинчиси бошлайди... Кейин учинчиси чўчади.

Йўқ, яшаш ҳам лаззатли, ҳам даҳшатли, ҳам иснод.
У шу ўй-хаёлларга ботиб бораркан, ногаҳон ашуладаги овозлардан бошқа, бутунлай бошқа овозлар қулоғига чалинди. У ажабланиб қайрилиб қаради-да, соҳилда одамларнинг қорасини кўрди.

— Ана у, ана! — деб қичқирди Нестор. Сувда ким гапиргани ҳам, нима дегани ҳам яхши эшитиларди. Нестор болохонадор қилиб сўкинди, Настена Нестор уни сўкаётганини фаҳмлади. — Вой юмшоқ супурги-ей, биздан олдин жўнаб қолмоқчи экан-да. Бориб бўпсан, вой begunoҳ-ей, бориб бўпсан. Етиб оламиз.

— Иккинчи қайиқни тушир,— бу энди Иннокентий Ивановичнинг овози эди.— Тезроқ, нега имиллайсан?

— Етиб ола-а-миз!

Настена юраги ёрилганидан кучи борича эшкакни эшмоқчи бўлди-ю, аммо шу заҳоти эшкакларни тушириди. Қаёққа? Нимага? У шусиз ҳам кераклича сузиб келди, у ёғига сузишнинг ҳожати йўқ эди.

У жуда чарчаганди. Қани энди бирон киши унинг қанчалик чарчаганини, қанчалик дам олгиси келаётганини билса эди! Қўрқмаслик, уялмаслик керак, эртанги кунни юрагингни ҳовучлаб кутмаслик керак, бир умр ўзингни ҳам, ўзгаларни ҳам эсламасдан эркин бўлишинг керак, бошингга тушганларнинг заррачасини ҳам эсламаслик керак. Мана сенга, сен кутган, юз азобуқубат билан эришган баҳт — нега у бунга илгари ишонмаган эди-я? У нимани излади, нимага эришди? Беҳуда, ҳаммаси беҳуда экан.

Номус... Агар сенинг ўрнингда бошқа одам бўлганда, яхшироқ яшави мумкин бўлган пайтда сенинг шундай яшашинг шармандалик эканини ҳамма ҳам тушунармикин? Шундан кейин ҳам одамларнинг кўзларига қараб бўларканми... Аммо номусдан ҳам ном-нишон қолмайди, номус унуглиди, ундан қутулади...

У ўрнидан туриб, Андреевск томонга қаради. Аммо у ёқ, Андреевск томон қоронги эди...

Қайиқлар яқинлашиб келаётганди. Мана, ҳозир, ҳозир ҳам кечикяпти.

Настена қўйруқ томонга қадам ташлади-да, сувга қаради. Сувнинг қаъридан худди ваҳимали, гаройиб эртаклардагидек бир нима милт-милт этарди — осмон акси тушиб жимирларди. Қанчадан-қанча одам сув қаърига кетишга жазм этган, ҳали яна қанчаси жазм этади!

Ангаранинг кўндалангига қараб кенг соя сузиб борар-

ди: тун чодирини йиғиштираётганди. Унинг қулогига тиниқ, эркаловчи, ундовчи шовуллаш чалинди, бу овоз ўнлаб, юзлаб, минглаб қўнғироқчаларнинг жиринглашига ўхшарди... Ўша қўнғироқчалар кимнидир ўйин-кулгига чорларди. Настенанинг назарида уйқу элитаётгандай бўлди. У қайиқ четига чўккалаб, борган сари пастроқ энгашди, у бундан кейинги бир неча йилларни яққол кўриб турган кўзларини йириб-йириб, сув қаърига тикилди ва тубида гугуртнинг чирт этиб ёнганини кўрди.

— Настена, эсингни йиғ, тентаклик қилма! Насте-е-она! — у яна Максим Вологжиннинг жонҳолатда шундай деб қичқирганини эшитди. Бу у эшитган сўнгги гап эди, шундан кейин у оҳиста сувга думалаб тушди.

Ангара шалоплади, шитик лопиллади, туннинг хира ёргулигига доиралар ҳосил бўлиб, ҳар томонга ёйилиб кетди. Аммо Ангара тез оқиб, бу доираларни гижимлади-да, йўқ қилиб юборди.— у ерда эса, ҳатто оқим уриладиган чуқурча ҳам қолмади.

...Фақат тўртинчи куни сув Настенани Кардадан нарироқдаги қирғоққа чиқариб ташлади. Атамановкага хабар қилишди, аммо бу пайтда Михеич ўлар ҳолатда ётганди, шунинг учун Настенанинг жасадини олиб келишга Мишка батракни юбориши. У Настенани қайиқда олиб келди, олиб келгач, ўз билганича уни гарқ бўлганлар мозорига кўммоқчи бўлди. Аммо хотин-халажлар унамади. Шундан кейин Настенани қишлоқ мозорининг чеккарогига, қийшайиб қолган панжара ёнига дафи этишди.

Дафндан сўнг хотин-халажлар Надъканникига маъра-кага йигилдилар ва Настена жувонмарг кетди, деб кўз ёни қилдилар.